





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.355






Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.355



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.355



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CMAAGL 2.6.355

2. 6. 355


2M. 6

2.6.355

A

K. C. R. M.

Cyphus...
1755



Pag. 104. ff. Ut angelis tribuit vitam quæ sit immortalis et ex parte materiæ, et hominibus quæ sit mortalis et particeps materiæ etc.

Pag. 98. ff. Per se vita, et similia, ut dicuntur de Deo absolute, absoluta sunt, et nõ referuntur ad aliquid, quia non sunt ab alio effecta; sed quia de creatis et dñr, non sunt simpliciter absoluta, quia ad ea referuntur, quorũ principia sunt et ad eum a quo facta sunt.

p. 233. §. 1. p. 9. ii. art. 3. Similiter quod ait idem Damasc. personas diuinas nõ differre substantia, sed s̄m accidentia, quæ sunt sc. proprietates hypostatice, accidentia vocat non s̄m rem, sed s̄m modum significandi et intelligendi in creaturis, ex quibus cognitione diuinorũ capimus. s̄m. n. rem proprietates hypostatice in diuinis personis per se existentes sunt, et unum substantia.

p. 240. †. Virtus per se existens est filius, et virtus per se existens est Sp̄s st̄s, nõ duæ virtutes, sed una.

Theologia Dionysij Areopagitæ in methodum redacta, et collatione veterum SS. Patrum Athanasij, Greg. Naz. Basilij, Greg. Nyssæni, Io. Chrysost. Cyrilli Hierosolymitani, Cyrilli Alex. Anastasij Antiocheni, Damasceni et aliorum exposita et confirmata.

fol. 101 v. - The first part of the book is a list of names of the
fol. 102 r. - The second part of the book is a list of names of the
fol. 103 v. - The third part of the book is a list of names of the
fol. 104 r. - The fourth part of the book is a list of names of the
fol. 105 v. - The fifth part of the book is a list of names of the
fol. 106 r. - The sixth part of the book is a list of names of the
fol. 107 v. - The seventh part of the book is a list of names of the
fol. 108 r. - The eighth part of the book is a list of names of the
fol. 109 v. - The ninth part of the book is a list of names of the
fol. 110 r. - The tenth part of the book is a list of names of the

fol. 111 v. - The eleventh part of the book is a list of names of the
fol. 112 r. - The twelfth part of the book is a list of names of the
fol. 113 v. - The thirteenth part of the book is a list of names of the
fol. 114 r. - The fourteenth part of the book is a list of names of the
fol. 115 v. - The fifteenth part of the book is a list of names of the
fol. 116 r. - The sixteenth part of the book is a list of names of the
fol. 117 v. - The seventeenth part of the book is a list of names of the
fol. 118 r. - The eighteenth part of the book is a list of names of the
fol. 119 v. - The nineteenth part of the book is a list of names of the
fol. 120 r. - The twentieth part of the book is a list of names of the

2.6.355

II

IOANNIS
SAPIENTIS
COGNOMENTO
CYPARISSIOTI

Expositio materiaria eorum quæ de Deo
a Theologis dicuntur, in decem
Decades partita.

*Francisco Turriano Societatis IESV
interprete e Græco.*

Additis etiam scholijs & annotationibus.



J. Num.° CXIX. B.
Cum licentia Superiorum.

ROMAE,
Ex Typographia Dominici Basæ
Anno M. D. LXXXI.


40.

- I Decas de Theologia symbolica.
II De Theologia demonstratiua.
III De diuinis emanationibus.
IV De informatione diuini nominis.
V De proprietatibus diuinorum no-
minum.
VI De apparitionibus diuini luminis.
VII De diuina participatione.
VIII De infinitate Dei in creaturis.
IX De infinitate in Deo.
X De diuina simplicitate.

MVM MVM

AD ILL. ET REVER.
D. ANT. AVGVSTINVM
ARCHIEPISCOPVM
TARRACONEN.

Præfatio Francisci Turriani Societatis Iesv in
Ioannis Cyparissioti expositionem mate-
riariam eorum quæ de Deo a Theo-
logis dicuntur.



EMINI, Illustrissime & Reue-
rendissime Domine, quod ne
scio an ipse recorderis, quod
ante annos multos, cum corre-
ctiones Dionysii Areopagite
Venetijs summa diligentia col-
latis inter se varijs exempla-
ribus manuscriptis a te olim cum iuuenis esses, descri-
ptas & notatas petissem, ipsum illum librum annota-
tum, & correctionibus resectum liberaliter more tuo
misisti, quem ego $\omega\varsigma\ \iota\epsilon\epsilon\gamma\ \chi\epsilon\iota\mu\acute{\eta}\lambda\iota\omicron\nu\ \epsilon\gamma\tau\alpha\ \mu\epsilon\iota\omicron\iota\varsigma$ custo-
dio. Cum autem librum Ioannis Sapientis cognomen-
to Cyparissioti totum ad opus Dionysii de diuinis no-
minibus pertinentem superiore æstate in Amerino
secessu tum interpretatione e Græco, tum scholiorum
illustratione a me elaboratum ad publicam utilita-
tem edere constituiissem, in mentem mihi venit, &
quidem libenti & latanti, ut ad te eum mitterem,

✠ 2 teq.

req. ei patronū adoptarem. ac quia propter grauiore
studiorum occupationes, & in primis propter Eccle-
siasticæ gubernationis sollicitudinē iam diu silebas,
qui pro tua alioqui humanitate & beneuolentia in
me non vulgari frequenter solebas scribere, & ego
item rescribere, quod a me cessatum est, ex parte com-
pensare mihi videbar, si hic liber ad te proficiscere-
tur, ut esset testis recordationis meæ tuorum erga me
meritorum, & animi grati, meæq. in te obseruan-
tiæ. Si Græca etiam habere volueris, curabo ut de-
scribatur exemplum. Quia vero inscriptio libri sub-
obscura videbatur, tametsi quod ad opus ipsum spe-
ctat, satis & quidem doctè auctor ipse præfatus esse
videbatur, tamen quia fortasse non omnes facile in-
telligent, quàm rectè aut secus ἐκ θεῶν σοιχεῖσθαι πρῶ-
τον θεολογικόν, quæ est inscriptio libri, interpreta-
tus fuerim expositionem materiariam eorum quæ de
Deo a Theologis dicuntur, ne quis in ipso vestibulo
& aditu interpretationis interpretem reprehende-
ret, priusquam rationem sic interpretandi intelli-
get, visum est præfari ad explicandum. Vsus est hic
auctor philosophice verbo philosophico σοιχεῖσθαι,
quod Aristot. libro v. τὸ μὲν τὰ φυσικά, inter ea ex-
plicauit, quibus omnes disciplina tamquam commu-
nibus vtuntur. omnes enim habent principia, cau-
sas, elementa, & alia, quæ ibidem sequuntur. Igitur
postquam explicauit Philosophus, quot modis accipia-
tur principium, & quot item causa, dicit σοιχεῖσθαι, quæ
veteres Latini interpretati sunt elementa, illa dici
proprie, quæ insunt primo, & non sunt in alias species
diuidua, ut litteræ dicuntur elementa syllabarū, in
quibus

quibus primo insunt tamquam earū materia, quæ in
 alias species nō sunt diuiduæ; item primas demonstra-
 tiones, quæ in pluribus, inquit, demonstrationibus in-
 sunt, quæ elementa demonstrationum vocantur. De-
 inde dicit idem philosophus elementa etiam dici nō
 proprie, sed translate, ea quæ maxime generalia sunt:
 quia vnumquodque, inquit, vnū est, & simplex, & in
 multis, aut in omnibus, aut in quamplurimis inest.
 Hic ergo auctor, quia has Decades in generalia par-
 titus est, & vnāquamq. decadem componit ex par-
 tibus suo ordine, quæ sunt σοιχεῖα, idest elementa,
 & materia ipsius decadis, sicut litteræ syllabæ, idcir-
 co recte hanc methodum vocauit expositionem σοι-
 χεῶδν, ut si dicamus elementariam; pro quo nos me-
 liore & antiquiore verbo vsi, materiariā vertimus,
 quia idem philosophus in extrema pagina libri VII.
 primæ philosophiæ sic ait: Id autem est elementum, in
 quod res diuiditur insitum, ut materia, quale est syl-
 labæ A ipsum, & B. & Dionysius cap. IIII. de diui-
 nis nominib. ubi αὖτις σοιχεῶδν dicit, ibi interpres
 vetus vertit; Principium elementarium, quod S.
 Thomas sic interpretatur, idest, materiale. Itaque
 vim verbi, & auctores secutus, commode, ut opinor,
 ἐκδοῖν σοιχεῶδν expositionem materiariam verti-
 mus. Noluit autem hic auctor inscribere librum, De
 expositione diuinorum nominum, ut mihi videtur,
 propter reuerentiam erga diuinum Dionysium, qui
 librum suum de diuinis nominibus inscripsit, cum
 alioqui vniuersa hæc tractatio in decades artificiosè
 distributa, in materia diuinis nominibus, quibus
 Theologi vsi sunt, subiecta versetur: & diuina no-
 mina,

mina, ac dicta de Deo αὐτοπόως dicantur. Quanta
vero comoditatem allatura sit hac methodus exposi-
tionis materiaria eorum quæ de Deo a Theologis di-
cantur, quæ sunt diuina eius nomina, ad percipiendū
fructū ex illa multiplici, & varia & obscura, atq. di-
spersa tractatione Dionysii de diuinis nominibus, ip-
se usus, ac frequens & familiaris lectio huius libri do-
cebit. Deinde quia ea quæ ex Dionysio in hoc libro
recitantur, difficilia sunt ad intelligendum, sicut re-
liqua eius, propter summā breuitatem, & subtilem
fere in singulis verbis multarum rerum comprehen-
sionem, ad difficiliora ubi magis opus esse visum est,
scholia adhibuimus S. Maximi, Georgij Pachimeri,
S. Thomæ. Quæ autem non a signo & reddo suo au-
ctori, mea erunt. Præterea, quia hæc decades confe-
ctæ sunt ex partibus Theologiæ demonstrantis tum
affirmantis, tum negantis in materias subiectas par-
titæ, demonstrationes autem Theologiæ ex reuelatis
a Deo existunt, quæ vero sint reuelata, per traditio-
nem Apostolicæ prædicationis in Ecclesia catholica
relictā, & tamquam depositum sacrum ac diuinū fi-
deliter & perpetuo conseruatā cognoscimus, & huius
traditionis testes sunt antiqui Theologi, & Ecclesiæ
catholicæ doctores; commodissime hic auctor collegit
in hoc libro auctoritates eorum cum doctrina Diony-
sii Apostolici discipuli consentientes ac conspirantes
in ijs quæ de diuinis nominibus, & eorum materia
multiplici ex scripturis idem Dionysius didicit: au-
toritates dico Iustini martyris, Athanasii, Gregorij
Nazianzeni, Basilij, Gregorij Nysseni, Epiphani,
Chrysostomi, Cyrilli Alexandrini, & alterius Cyril-
li Hie-

V

*li Hierosolymitani, Germani Constantinopolitani,
 Sophronij Hierosolymitani, & aliorum, quos prate-
 reo, ne omnes enumerem. Ac potuisset etiam alios, &
 quidem antiquiores producere, si cum hoc opus elabo-
 ravit hic auctor, copia librorum (quod idem in prae-
 fatione dolet) ei suppetisset. Hi igitur sancti doctores
 in libris suis testimonia reliquerunt Apostolica tra-
 ditionis, quam diuinus Dionysius in argumento di-
 uinorum nominum sibi proposuit. Secutus itaq. est
 hic auctor Cyparissiotus, quod in epistola Athanasii
 ad Serapionem legerat, & quod idem in decade 1 x.
 cap. x. recitavit: Videamus, inquit Athanasius, ip-
 sam a principio relictam traditionem, & doctrinam
 atq. fidem Ecclesiae catholicae, quam Dominus qui-
 dem dedit, Apostoli praedicauerunt, & patres serua-
 runt. In hac enim Ecclesia fundata est: ab hac qui
 exciderit, nec erit, neq. dicetur Christianus. Illud
 praeterea dicendum est, quod ad ea uberius tractanda,
 & plenius intelligenda, quae in prima parte S. Thomae
 Aquinatis multa subtilitate de Deo, & Dei nomi-
 nibus, de simplicitate, & infinitate, de existentia
 in rebus, de cognitione Dei, & de alijs disputantur,
 multum hac expositio & methodus adiuvabit. Acce-
 dit etiam haec utilitas sciendi quomodo tunc antiqui
 Theologi, & patres Ecclesiae catholicae de istis postea
 tam subtiliter disputatis sentiebant, & quibus verbis,
 & verborum formis in eis utebantur: quae nos, ubi ma-
 gis opus esse visum est, scholijs illustravimus, & prae-
 munivimus; ut non continuo inuerecunde ad repre-
 hendendos sanctos patres profiliamus, sed pro reue-
 rentia ac pietate erga eos, ut decet, adhibenda, po-
 tius*

tius ad boni consulendum, & commode interpretan-
dum pio & grato animo adducamur. Quo autem
tempore hic auctor floruerit (nam etas etiam, & me-
rito, in auctoribus quari solet) non potui reperire.
hoc constat, non fuisse ante annos quingentos: siqui-
dem alicubi dicit in hoc libro recitare se, quæ ex quo-
dam loco S. Maximi in Panoplia Euthymij fere-
bantur. Scripsit autem Euthymius Alexio Comne-
no imperatore, & iussu eius. Repertus vero est hic li-
ber (siquis hoc etiam scire cupit) in bibliotheca D.
Ioannis Lascharis natione Græci, genere, & multa-
rum litterarum Græcarum peritia nobilissimi, quam
Messana in Sicilia reliquit. Habes Illustrissime &
Reuerendissime Domine, præfationem nostram: or-
diatur deinceps a sua opus suu Cypariſiotus noster.



In præmio pag. 3. lin. 31. post verbum decadem,
addenda sunt hæc:

tum in infinitatem, quæ est in Deo, & facit nonam: tum in
diuinam, &c.

VI

IOANNIS SAPIENTIS COGNOMENTO CYPARISSIOTI

Præmeditatio expositionis materiariæ eorum
quæ de Deo a Theologis dicuntur.

*Francisco Turriano Societatis I E S V
interprete e Græco.*



INTER scientias quæ ratione differendi v-
tuntur, pulcherrima est philosophia: phi-
losophiæ vero præstâtissima pars est Theo-
logia, quæ non solum ex nomine, vnde di-
citur, excellentiam suam declarat, sed mul-
to magis ex ijs quæ tradit, & ex contem-
platione eorum quæ sub intelligentiam cadunt. Est enim
proposita velut quidam sol, quæ omnem caliginem falsæ
opinionis radijs suis dispellit: quidquid autem adulteri-
um & immisum est, primo statim coniectu aspectus co-
arguit. nihilq. male moratum in eam incidet, quin ab ea
illico expellatur. Vt igitur more Geometrarum axioma
tamquam fundamentum iaciamus, Theologia est sermo
de Deo ex se fide dignus propter dignitatem eorum quæ
posita sunt. Est autem primus ex omnibus sermo saluta-
ris Euangeliorum Dei. proximus post eum sermo eorum
qui Christum propter eius erga humanum genus amorem
viderunt, & ipsi sermones eius audierunt. post hos, qui
illos primos & secundos sermones exposuerunt, & dein-
ceps consecuti sunt, dummodo quæ tradunt, cum septem
Synodis œcumenicis consentiant; ita vt nihil amplius in-
telligant; neq. quidquam detrahant, quod diris execratio-
nibus vetitum est. Vniuersus autem sermo Theologiæ in
summa his tribus axiomatibus comprehenditur. Vnum
est; Vnum esse Deum, impartibilem, infinitum, expertem
coloris, inaspectabilem, ex nulla naturali representatio-
ne cognitum, qui notionem, quando, aut quomodo sit,
omnino repellit; quem a nullo modo quauis parte mens

Axiomata vo-
cat enuntia-
ta, quæ per se
digna sunt af-
fensu & fide.

A capere

capere potest, nisi tantū per fidem ex creaturis eius, quòd sit, non autem quid sit. Secundum axioma est, Deum vnum, patrem esse, & filium, & spiritum sanctum, in quibus est diuinitas, siue potius, qui sunt diuinitas, quæ est vna & sola increata natura. Vnitas enim est in Trinitate, & Trinitas in vnitate adorata, & nihil aliud ante æternitatem habens præter patrem, & filium, & spiritum sanctum; quippe cum diuinitas in Trinitate completa sit, quod autem extra patrem, & filium, & spiritum sanctum est, id omne seruum est, vt nos. Tertium axioma est, ab ipsa vna natura trium personarum, quæ supra substantiã, & supra; diuina est, quæcumq. sunt, facta esse, cum aliquando non essent, siue sub aspectum cadunt, siue non; siue tempore cœperunt, siue non, sed cum æuo; siue participantia, siue 4 participata; siue vniuersalia, siue particularia; nihilq. inter ipsam diuinam naturam & creaturas eius medium esse, quoniam sola diuina natura creaturæ antecellit, & cetera omnia quæ post diuinam naturam sunt, creata sunt. In hæc tria axiomata vniuersa Christianorū sanctissimæ Theologia concluditur. mysterium enim supernaturalis diuinæ incarnationis non dixerunt esse modum Theologiæ, sed exinanitionē inexplicabilis dispensationis verbi Dei propter nos factam. Hæc sapientes & sacri Theologi diuinis libris suis insecuti, omnem quidē hæresim ex Ecclesia Christi expulerunt, vniuersam vero Theologiam purissimam & limpidissimam explanarunt, & animis nostris diuine imposuerunt. Quibus hodie inuocatis, hanc methodum materiariam eorū quæ de Deo dicuntur, quibus vsi sunt, elaborauimus, & quàm sint inter se concinentes, & in sapientia Theologiæ tamquam in diuina musica apte resonantes, ostendimus. Quoniam vero omnis expositio materiaria a primis ad secunda & tertia transit, eisdem iterum inuocatis, consideremus quemadmodum prius posuerunt omnem Theologiam in duas partes distributam esse; vnā symbolicā, alteram demonstratiuam. vtramq. vero distinxerunt: illam quidem symbolicam, in sacram formationem figurationis sub sensum cadentis, & in sacram formationem translationis cadentis sub intelligentiam: hanc vero demonstratiuam, in affirmantem, & negantē. vt iam quattuor sint partes Theologiæ.

Diuisio Theologiæ in symbolicā & demonstrantē. Symbolicæ, in figurationem rei, & in translationē verbi. Demonstrantis, in affirmantē & negantem.

logiæ. Aut enim Theologia describitur per figurationem secundum sensum, vt illa scala a cælo vsque ad terrâ per-
tingens, ille ignis in rubo, illi tres viri ab Abraam hospitio excepti, illa posteriora Dei apud Moysen, item illa apud Esaiam, Danielelem, & Ezechielem, & alios secundum sensum formata: aut describitur per translationem verbi secundum intellectum, vt ebrietas & crapula Dei, vigilia, somnus, arma ad protegendum & ad nocendum, & cetera omnia quæ ad imitationem hominum facta sunt. Aliæ duæ partes sunt, vna Theologiæ affirmantis; vt cum dicimus, Deum bonum, sapientem, sanctum, beatum, saluatorem, & reliqua omnia, quibus eum aientes laudamus, vel rursus negantes; vt cum ipsum vocamus inuisibilem, incomprehensibilem, suprasubstantiam, suprabonum, suprauiuentem, suprasapientem: hæc enim omnia siue priuante, siue superlate dicantur, negationibus declarantur. Cū igitur quattuor partes sint, ex duabus quidē prima decas conficitur, qua Theologia symbolica in vniuersum continetur; ex reliquis vero duabus secūda, qua Theologia demonstratiua in vniuersum item comprehensa est. deinde Theologia demonstratiua generalis distinguitur in partes: affirmatiua quidem partitur, tum in diuinas emanationes, & facit hæc partitio tertiam decadem; tum in diuini nominis informationem, & facit quartam. Rursus ipsa materies diuinarum emanationum diuiditur in proprietates diuinorum nominum, & efficitur quinta decas, & sexta: & in diuinas participationes, & fit septima decas. hic definit pars Theologiæ demonstratiuæ affirmantis. Pars vero Theologiæ demonstratiuæ quæ negat, partitur tum in infinitatem Dei, quæ est in rebus, & facit octauam decadem: tum in diuinam simplicitatem, & efficitur decima eademq. extrema decas. Vniuersa itaque expositio materiaria eorum quæ de Deo a Theologis dicuntur, his terminatur. Poterat etiam subdiuidi tota Theologia ad symbola pertinens, in 6 coincidentia: sed hæc fere, exceptis proprietatibus eorum, in prima decade tractata sunt. Fortassis autem Deo adiutore, & copiam librorum nacti de his etiam differemus. nunc enim quia exagitabamur, & odio gratis ab omnibus habebamur, libris & otio ad hæc meditanda, & ijs quæ ad aliam meliorem compositionem

Gen. 28.

Exod. 3.

Gen. 18.

Exod. 33.

Esa. 6.

Dan. 7.

Ezech. 1.

tionem pertinent, caruimus. quocirca hæc quæ nunc exposuimus, magno labore collegimus, quædam ex his occulte & furtim, ad alios vsus & propter alias occasiones nobiscum portantes: ob hanc causam multis adiumentis ad perfectionem horum priuati fuimus. sed interim ab ijs quæ maxime necessaria erant, non aberrauimus. Expositio autem materiaria, quæ in vnaquaq. decade est, docet in extremo decadis, hoc ipsum quod in decade continetur, esse expositionem materiariam eorum quæ in ipsa secundum continuationem sequuntur. accedit etiam ratio inscriptionis decadis, & quemadmodum quæ ad eam pertinent, satis completa sint.

Scholia.

Ex 1 nulla naturali representatione cognoscitur Deus, sicut lapis cognoscitur per speciem & similitudinem, quæ est in oculo; quia *ἀνιδρόε* est, vt Dionysius ait; idest, omni specie caret, & similitudine; ipse enim nullius creaturæ similitudinem habet, nec habere potest. Deum itaque non cognoscimus videntes, quod est cognoscere *ἰσχυρίζομαι*, sed *ἰσχυρίζομαι* ex creaturis per rationem; idest, ex similitudinibus Dei, quæ in creaturis cernuntur, cognoscitur Deus, non quid sit, sed quod sit. Cum 2 ait hic auctor, quod nullo modo quauis parte potest mens Deum capere, nisi per fidem, tantum quod sit, non quid sit; non negat, quin ratione naturali cognosci possit Deus, quod sit, siquidem demonstrari hoc potest ex effectus eius: sed loquitur de cognitione altiore necessaria. huiusmodi enim cognitio Dei, fides est. Hanc cognitionem Dei vocat beatus Basilius comprehensionem intellectualem per fidem. sic enim ait, edisserens illud, Attende tibi: Ne in Deo quæras cognitionem per oculos, sed menti fidem committe, & intellectualem de Deo comprehensionem habe. Græce dixit *κατάληψιν*. Similiter locutus est S. Maximus in prima centuria Theologica cap. 8. Sic enim ait: Quæcumque sunt, intellecta nominantur; & habent in se ipsis demonstrabilia principia cognitionis. Deus autem non nominatur intellectus a nobis; sed ex creaturis, inquit, intellectus a nobis, solum esse creditur. Cum dicit, solum esse creditur, non negat quin naturali etiã ratione ex creaturis esse cognoscatur; sed loquitur de cognitione per fidem, quam in nobis requirit Deus, tamquam necessariam, quam quidem ipse dat, omni demonstratione firmiorem; de qua Apostolus ait: Accedentem ad Deum oportet credere, quia est, & quia remunerator est. non dixit, Oportet scire, quia est, tametsi demonstrari hoc & sciri potest, quia demonstrationes non omnes capere possunt; credere autem omnes possunt adiuuante Deo, & debent. Principia autem huius cognitionis per fidem non sunt demonstrabilia, vt ait idem S. Maximus, quia, inquit, fides

Hebr. II.

PROOEMIUM.

fi des est eorum que sunt supra mentem & rationem. Supra 3 diuina, quia sunt qui participatione dicuntur Dei, supra istos est Deus, idcirco Trinitatem vocat ἐν τῷ Θεῷ , idest, supra quam diuinam, siue supra diuinam. Participata 4 vocat ea, a quibus nominamur tales, vt a bonitate boni, a vita viuentes, a sapientia sapientes, & similiter in alijs que abstracte considerata dicuntur & sunt simpliciter participationes: recepta in subiecto dicuntur & sunt participata: ipsa vero subiecta participantia. Participata vniuersalia sunt providentia vniuersales, quas hoc nomen diuinum boni complectitur, vt ait Dionysius cap. 5. de diuinis nominibus. Participata particularia sunt providentia particulares, quas reliqua nomina significant, vt vita, sapientia, & deinceps, vt in decade 7. cap. 6. Theologiam & proprie veteres vocauerunt mysterium Trinitatis; & Oeconomiam mysterium incarnationis: vocabulo ex eo translate sumpto, quod Christus vnus in vtraque natura, filius Dei, & idem filius hominis, ad instar boni patris familias bene ac sapienter domum & domestica omnia gubernantis, tamquam fidelis, vt Apost. ait, Hebr. 3. in tota domo sua, que domus sumus nos, genus humanum per peccatum amissum, & peccatis venditum, summa misericordia & sapientia ac iustitia per passionem & mortem recuperavit & redemit, restituens illud, & quidem abundantius, in pristinam gloriam, in quam a principio in Adam multos filios, sicut Apost. ad Hebræos scripsit, adduxerat. Heb. 2. ἡ προδιαίρεσις , idest, subdiuisio Theologiæ symbolica in 6 coincidentia, que Greci vocant συμπληρωματικὰ , est diuisio in ea que promiscue ad translationem verbi intellectilem pertinent, & ad figurationem sensibilem: vt dicere in Deo, os, oculos, faciem, manus, pedes, & similiter in alijs partibus corporis, que & figurari possunt secundum sensum, & dici translate secundum intellectum. vt si diuiso animali in rationale oppositum irrationali, & in irrationale oppositum rationali; rursus fiat subdiuisio animalis in herbiuorum, & carniuorum, que non sunt opposita, sed coincidunt in genere animalis rationalis & irrationalis: siquidem reperiuntur ratione vtentes herbiuori, & alij carniuori; & animantes item ratione carentes similiter herbiuore, & alia carniuore. Sic diuisa Theologia symbolica in figurationem secundum sensum oppositam translationi verbi secundum intellectum, reperitur rursus in quibusdam figuratio secundum sensum incidens in translationem verbi secundum intellectum; & vicissim translatio verbi secundum intellectum incidens in figurationem secundum sensum, vt in exemplis superiorum nominum.

PRIMA

PRIMA DECAS DE THEOLOGIA SYMBOLICA.

Quod duplex sit Theologia. Cap. I.

DIONYSIVS in epistola ad Titum episcopū
sic ait: Ceterum hoc aduertendum est, du-
plicem esse traditionem Theologorum,
vnā arcanā & mysticā, alterā vero
philosophicā & demonstrantem: illā
quidem symbolicā & ad mysteria perti-
nentem; hanc vero apertā & manifestiorem: estq. arca-
num siue mysticum: cum symbolo implicatum & conne-
xum. illud quidem philosophicum & demonstrans fidem
facit, & astringit veritatem eorū quæ dicuntur: illud vero
arcanū & mysticū afficit & in Deo *ταῖς ἀδιδάκτοις μυσταγο-
γίας* firmat. Hoc dictū S. Maximus & Dionysius Alexan-
drinus annotarunt: Maximus symbolicā & ad mysteria
pertinentē Theologiam illā dicit, quæ ex symbolis confi-
citur, cuiusmodi sunt mysteria cultus Mosayci, & mysteria
nostri sacri cultus; tamen altiora sunt & magis spiritalia
nostra: philosophicā vero & demonstrantem Theologiam
illā dicit, quæ existit ex perspicientia creaturarum, diui-
næq. in quibusdā rebus prouidentie, & expositione specu-
latrice eorum quæ de Deo in scripturis dicuntur. Diony-
sius vero Alexandrinus, Theologia, inquit, philosophi-
ca & demonstrans fidem facit, & adstringit veritatem, id
est, eorum quæ dicuntur veritatem tamquam sigillo quo-
dam obsignat, & tamquam vinculo alligat, & efficit, vt qui
audiunt, credant. Altera vero pars Theologiæ, quæ symbo-
lica est, per ea quæ fiunt, adiungit ad Deum quodam ip-
sius rei habitu & informatione, quod quidē vocauit *ἀδιδά-
κτοις μυσταγωγίας*. Hinc igitur patet, veluti generatim
vniuersam Theologiam his duabus partibus comprehen-
sam esse. vna est arcana & occulta, quæ non docetur ra-
tionibus; cuius vis est in afficiendo, & quæ in animis de
ijs quæ cernuntur, vel audiuntur, firmitatem imponit:
altera pars conclusionibus argumentorum, & auctorita-
te celebri eorū, quæ id prius dixerunt, fidem facit, & co-
git auditores assentiri.

Mysti-

Mysticum ¹ cum symbolo.) est enim (ait S. Maximus) in sy mbolo
tamquam umbra tecta veritas , vt in pascha Mosayco verum pascha ,
sicut scriptum est: Pascha nostrum immolatus est Christus. Huc perti-
net illud ad Galat. 4. Abraam duos filios habuit, &c. hæc enim sunt
duo testamenta: & illud 1. Cor. 10. Bibebant omnes de consequen-
te eos petra, petra autem erat Christus. & similia. Quod autem
symbolum verti, interpretationem S. Maximi secutus, Dionysius vocat
ἡ μυστικὴ, idest, non tacitum; quia quod mystice latet in symbolo,
est ἀπόκρυπτον, idest, arcanum, & tacitum. itaq. mysteria, quæ in
symbolis significantur, sunt ἀπόκρυπτα ἐν πύλαις, occultata, idest, occul-
ta intellecta in symbolis.

1. Cor. 5.

Quod duplex sit Theologia symbolica. Cap. 11.

Magnus Dionysius in eadem epist. ad Titum: Arbitra-
ti igitur sumus oportere, vt quoad fieri posset, tum
Timotheo, tum alijs, omnis generis formas quæ per sacra
symbola de Deo formantur, explicaremus. Quæ enim in
istis formis & signis symbolicis extrinsecus apparent,
plena sunt incredibilis & commentitij monstri; quale
est quod effingitur in suprasubstantiali Dei generatione ¹
vterus Dei, Deum corporee generans; & ² cor hominis
eructans verbum in aerem effusum; & delineatur spiritus
ex ³ ore spirans; & quod scriptura ⁴ sinus diuinæ gene-
rationis filium Dei complectentes, in modum corporis
laudibus celebrat; aut in modum stirpis hæc ipsa effingit,
& ⁵ arbores quasdam, & ⁶ surculos, & ⁷ flores, atq. radices
proponit; aut ⁸ fontes aquis manantes, aut luminis fec-
unditates producentes ⁹ splendores, aut quasdam alias
sacras descriptiones rerum diuinarum & supra naturam,
quæ declarant Dei ¹⁰ prouidentias, quas mente contem-
plamur, aut ¹¹ dona eius, aut ¹² ostensiones, aut ¹³ pote-
states, aut ¹⁴ proprietates, aut ¹⁵ status, aut ¹⁶ mansiones,
aut ¹⁷ emanationes, aut ¹⁸ secretiones, aut ¹⁹ vniones; aut
formã viri Deo affingit mystica scripturæ sanctæ Theolo-
gia; immo varias ²⁰ figuras ferarum, aliorumq. animantiũ,
& ²¹ stirpium, atq. lapidũ; quin etiã ornatus ²² muliebres,
& ²³ barbaras armaturas illi imponit; ²⁴ figlinã, atq. forna-
cem tamquã opifici cuidam sordido attribuit; & ²⁵ equos
ipsi, & ²⁶ currus, & ²⁷ sedes supponit, & ²⁸ conuiuia quæ-
dam epulis instructa apparat; item bibentem, & ebrium,
& somnum ²⁹ capientem, & crapula affectum facit. Quid
attinet dicere ³⁰ iras, ³¹ dolores, varia ³² iuramenta, ³³ pæ-

nitentias, ¹⁴ maledictiones, iras ¹⁵ inueteratas, multipli-
ces ¹⁶ & obliquas rationes frustrandi promissiones; item
illam in Genesi cum ¹⁷ gigantibus pugnam, in qua dicitur
Deus robustis illis viris propter metum insidiatus, cum a-
lioqui, non ut alios laderent, sed ut se incolumes serua-
rent, illud ædificium moliti essent: & ¹⁸ conciliū illud in
cælo ad decipiendū Achab fabricatum; & illas rursus Can-
ticorum veluti corporeas & meretricias voluptates: &
quæcumq. alia sacra signa, quæ scriptura valde audet in
Deo formare, patentia occultis obducens; multiplicata
& partita simplicibus atq. indiuiduis; imprimētia signū,
& multiformia ijs quæ signum & formam capere nō pos-
sunt. quorum pulchritudinem intus latentem si quis in-
tueri possit, reperiet omnia mystica & diuina, & multo
lumine scientiæ de Deo plena; & illud, In lumine vultus
tui ambulabunt; & in lumine tuo videbimus lumen, & si-
milis. Ex his igitur perspicitur, quod symbolica Theolo-
gia est sacra formatio, quæ diuinis signis & notis ex ijs
quæ corporee delineata sunt, adumbrat & pingit ea quæ
in Deo latent corporis & formæ expertia. Est autem ani-
maduertendum, quod hæc symbolica Theologia rursus
partitur. Aut enim formatur in verbis, cuiusmodi sunt
dormire, vigilare, ebrium esse, pænitere, & quæcumq.
alia sic verbis simpliciter in scriptura dicta, posita sunt:
aut formatur in formis corporalibus, cuiusmodi est ille
ignis in rubo; videri Deum sedere in throno; illa in Ior-
dane columba, illæ linguæ igneæ, & alia.

Ex S. Maximi scholys in Dionysium.

1 Vterus) Ps. 109. Ex utero anteluciferū. 2 cor hominis) Eructauit cor
meū verbū. 3 ex ore) Ps. 32. Spiritu oris eius omnis virtus eorū. 4 sinus)
Ioan. 1. Filius qui est in sinu patris. In his est, ut mihi videtur, Theolo-
gia mystica generationis filij ex substantia patris tamquam ex utero,
& sinu; & processions spiritus sancti ex filio, tamquā ex ore patris,
ac proinde processions ex patre & filio. Mysticum vero dicitur & est
quod tegitur vel figuratione rei, vel translatione verbi. 5 arbores)
Prou. 3. Lignum vitæ, &c. & Apoc. 2. Vincenti dabo edere de li-
gno. 6 surculos) Gen. 49. Ex germine filii mi ascendisti. Esa. 53. Ascen-
dit sicut virgultum. 7 flores, atq. radices) Esa. 11. Egredietur virga
de radice Iesse, & flos, &c. 8 fontes) Hier. 11. Dereliquerunt fon-
tem aquæ, & Ps. 35. Apud te est fons vitæ. 9 splendor) ut apud Paul.
de filio, Qui est splendor gloriæ. 10 Dei prouidentias) Deu. 32. Sicut aqua
la proteget nidū suū, & super pullos, &c. & Exod. 19. Portauit vos
tamquam

tamquam super alas aquilarum, &c. illud quoq. ad providentiam pertinet, punire scilicet impios. Osee 13. Ero eis sicut vrsa indigens cibo, &c. 11 dona eius) Ps. 144. Aperis tu manū tuam, &c. 12 ostensiones) ut cum in figura hominis apparebat antiquis, ut in Gen. c. 18. & in specie columbæ spiritus sanctus. aut 13 potestates) ut oculi, quō habent potestatem vidēdi, ne quid in bonis aut in malis lateat. Ps. 33. Oculi Domini super iustos; pedes, qui potestatem ambulandi, ad ferendum auxilium aut puniendum. Gen. 3. Et cum audirent vocem Domini Dei deambulantis in paradiso. similiter in nonnibus aliarum partium corporis. 14 proprietates) ut in propheta Amos c. 7. adamas vocatur Deus, quod significat, non posse pati Deum, neq. domari. & ignis, Dent. 4. quia habet vim consumendi habitus prauos. 15 status) τὸ ἀναλλοίωτον τῆς διὰς φύσεως significat, idest, immutabilē esse naturam divinā. 16 mansiones) τὸ ἀμετάστατον, idest, nō posse transmutari, utriq. significat mystice lapis in fundamēta iactus, Es. 28. 17 emanationes) cōmunicationē diuinæ bonitatis dicit, quæ mystice significatur, cū Deus dicitur lilium & flos propter cōmunicationē odoris, ut in Cant. Ego flos agri, & lilium conuallium. 18 secretiones) Quæ, inquit Apostol. participatio iustitiæ cū iniquitate? quæ societas luci ad tenebras? quæ cōuentio Christi ad beliar? Hanc secretionē siue separationē, quā Deus facit, significat scriptura mystice, cū in ea ignis etiā dicitur. hæc enim proprietas inest igni, esse διακριτικόν, idest, habere vim secernendi & separandi. separat enim plumbū ab argēto, & cinerē à carbone. 19 uniones) quod vniat secū Deus creaturas, & ad se cōuertat, mystice significatur, cum dicitur Deus lapis angularis. 20 varias figuras ferarū) ut leonis, leonæ, pardi, vrsi. Osee 13. aliorumq. animantium, ut Ioan. 1. Vidi descendentem quasi columbam. 21 & stirpium) Esa. 53. Ascēdet quasi virgultum. & Ioan. 15. Ego sum vitis vera. 22 ornatus muliebres) qualis apud Es. c. 3. & Ezech. 16. quibus describitur omne genus diuinæ providentiæ, quā Deus populi suum circumsepsit; & quæ cum nudauit. & illud, In uestitu deaurato circumdata varietate, &c. 23 & barbaras armaturas) Ps. 44. Accingere gladio super femur tuum potentissime. Est autem rhomphæa barbaricū telum, ut ait Philarchus historicus. 24 figlinā, & fornacem) significat hæc mystice in Deo providentiam reformantem ac refingentē, aut vim & facultatē secernendi & repurgandi. Esa. 29. 64. Hier. 9. Malac. 3. 25 equos) Equi Dei significant mystice in oratione Habacuc prophete sanctos Apostolos: Quoniā ascendes, inquit, equos, & equitatus tuus saluatio. Equi, inquit Cyrill. in eo loco, Apostoli & Euangelistæ sunt omnibus modis diuinæ voluntati subiecti, & frenis parentes, ad omne munus celeres & prompti, Christū pro auriga habentes, ex quibus fuit vnus Paulus, de quo ipse Christus ait: Vas electionis mihi est hic, ut portet nomen meum coram gentibus. Et equitatus tuus salus, currebant enim non

Cant. 2.
2. Cor. 6.

Psal. 44.

Habac. 3.

Act. 9.

B frustra

Luc. 15.

Gen. 27.

Gen. 11.

frustra, sed ut seruaret ciuitates & regiones, haecenus Cyrillus. 26 currus) angeli sunt, quos in modum currus scriptura figurat, διὰ τὴν συνζυγίαν τῶν ἁποστόλων κοινῶν, idest, propter communionem coniungentem ordines qui sunt eiusdem hierarchie, ut ait idem Dionys. in extremo cap. celestis hierarc. Psal. 67. Currus Dei multiplex, milia letantium. 27 sedes) τὰς κλισίας Dei, idest, iudicium significatur Dan. 7. 28 conuiuia) ut est in Euangelio, cum vitulus occiditur in reditu filij luxuriosi, & in Luc. 22. Ut edatis & bibatis super mensam meam, &c. 29 somnus & crapula) Psal. 77. Excitatus tamquam dormiens, tamquam potes crapulatus a vino. 30 iras) Exod. 15. Misisti iram tuam, &c. & in Ps. 6. Domine ne in furore tuo, &c. 31 dolores) Iudic. 10. Doluit super miseris eorum. 32 varia iuramenta) Gen. 22. Per memetipsum iuravi, &c. & Esa. 45. Psal. 94. Quibus iuravi in ira mea. Ezech. 18. Vno ego, dicit Dominus, &c. Hier. 44. Iuravi in nomine meo magno. 33 penitencias) Gen. 6. Penituit enim, quod hominem fecisset, & de Saul. 1. Reg. 15. 34 maledictiones) Malach. 2. Maledicam benedictionibus vestris. Habac. 3. Maledixi sceptris eius. 35 iras inueteratas) Hier. 44. Horum omnium recordatus est Dominus, &c. & Exod. 20. Ego sum Dominus fortis, Zelotes, visitans iniquitatem patrum in filios in tertiam & quartam generationem. Gen. 42. En sanguis eius exquiratur. quasi seruans iram usque ad illud tempus, 36 multiplices & obliquas rationes frustrandi promissiones) Frustrationes promissionum vocat hic, cum ea quae promissa sunt, non videntur ad exitum perducta, quatenus sensui apparet, sunt tamen secundum perfectam intelligentiam spiritus; ut quod promissum fuit Iacob, Eris dominus fratris tui, impletum est in Christo ex semine eius: sicut promissiones factae Abrae de possessione terre, & benedictione gentium, & factae David & Salomoni de regni perpetuitate. Obliquas ergo vocat huiusmodi rationes frustrandi promissiones, quia non fuerunt promissiones directe ad eos relatae, qui frustrati videntur, sed ad Christum. 37 cum gigantibus pugnam) Insidiatus dicitur Deus, idest, cepisse consilium in illos, quasi metueret, ut doceret nos sic, ut quamuis iniuria afficiamur, & simus potentiores, apolo- gys tamen mutuis utamur, excusemusque nos apud eos qui iniuria nos afficiunt. Ecce, inquit, vnus populus, & vnum est labium omnium, caeperuntque hoc facere, neque desistent a cogitationibus suis, donec eas opere compleant. venite igitur, descendamus, & confundamus ibi linguam eorum: idest, nemo queratur, quod diuisionem hanc faciam. quia enim non recte vsi sunt ὁμοφωνία, idest, vno labio, oportet facere ut utantur διαφωνία, idest, diuersitate labij. Sic igitur metum Deus figurauit, ut hoc quod dixi, mystice doceret. 38 & conciliū illud) illa factio personarum, quae scripta est libro 3. Reg. c. 22. Dei interrogantis in illo concilio, Quis decipiet Achab regem? & spiritus mali stan-

tis

ti coram Deo in terra, & respondentis, Ego decipiam illum, & ero spiritus mendax in ore omnium prophetarum eius. & dixit Dominus: Decipies, & preualebis, egredere, & fac ita. illa, inquam, factio personarum docet mystice spiritum fallacia uti hominibus impijs & sceleratis tanquam instrumentis, & per eos promittere falso victoriam, idq. permissu Dei fieri, quia cum prohibere possit, non prohibet, quia indignus sit custodia & defensione qui decipitur, ut tunc Achab.

Quod Theologia symbolica secundum speciem, siue formam corpoream, semper in corpore, & secundum sensum delineatur. Cap. III.

A I t̄ diuinus Lucas in suo sancto Euangelio: Factum Luc. 3.
est autem, cum baptizaretur omnis populus, & Iesu baptizato, & orante, apertum est cælum, & descendit spiritus sanctus corporea specie sicut colūba in ipsum. Hoc Gregorius cognomento Theologus edisserens, Oportebat, inquit, ut hoc etiam corporee appareret, si quidem filius nobiscum corporee versabatur. & rursus idem aliàs: Cum fulgor angelorum & splendor corporee signantur, arbitror symbolum esse puritatis eorum. Ad hæc, diuinus Chrysostomus generalius hoc tractans, Et si, inquit, fieri potuit, ut spiritus sanctus oculis corporis, specie columbæ videretur, non tamen continuo omnino necesse fuit, ut omnibus hoc fieret manifestum. nam & Zacharias multa vidit specie sub sensum cadente, & item Ezechiel, nemo tamen alijs eadem cum eis vidit: & Moyses multa vidit, quæ nullus alius: & transfigurationē illam quæ in monte facta est, non omnes discipuli perceperūt: neq. visio resurrectionis Christi cum omnibus communicata fuit. idq. aperte Lucas declarat, cum ait: Et dedit eum Act. 10.
manifestum fieri testibus præordinatis a Deo. & rursus idem Chrysostomus homilia 26. in Euangelium Ioannis: Non extat in libris vulgaris hæc homilia.
Omne illud quod sub sensum cadit, substantiam angelorum declarare non potest, sed corpus, quod habet crassitudinem, & triplicem dimensionem. Ex his ergo perspicuum euadit, quod Theologia symbolica, quæ in specie siue forma corporea formatur, ijs quidem qui digni sunt, notescit; reliquis vero omnibus in arcano & occulto relinquitur; quod illis visis alte significatur.

Quod symbolica Theologia, quæ in specie sub sensum cadente versatur, proprium est, ut quibusdam diuinis & sacris visis informetur. Cap. IIII.

Magnus Dionysius in primo de diuinis nominibus capite ait: Atqui Theologi non hæc solum diuina nomina celebrant, quæ a prouidentijs in ¹ vniuerso, aut in ² parte, aut ab ijs quæ prouidentiam capiunt, ducuntur; sed etiã a quibusdã diuinis ³ visis, quæ aliquãdo in sacris ⁴ templis, aut forte alibi magistros mysteriorum, vel prophetas illuminarunt, ob multiplicem causam & vim nominant bonitatem diuinã, quæ omne nomen, omnemq. splendorem superat; formasq. ei, figurasq. humanas, aut igneas, aut electri inducunt; & ⁵ oculos eius, atq. ⁶ aures, ⁷ capillos, ⁸ facies, ⁹ manus, ¹⁰ scapulas, ¹¹ alas, ¹² brachia, ¹³ posteriora, & ¹⁴ pedes laudant; tum ¹⁵ coronas, ¹⁶ sedes, ¹⁷ pocula, & ¹⁸ crateras, & quædã alia ei affingunt, de quibus in symbolica Theologia pro virili parte dicemus. Secundo autẽ capite celestis hierarchiæ ait: Quod vero ea quæ signari non possunt, cõuenienter signis obiecta sint, & quæ figurari nequeunt, figuris; nemo hoc solũ in causa esse dicet, quod proportionem nostrã nõ possimus sine interiecto intermedio ad contemplationes earũ rerum quæ sub intelligentiam cadunt, adniti; opusq. sit nobis familiaribus & naturæ nostræ cognatis adminiculis, quæ formas exhibent, quas capere possumus eorum quæ formari nequeunt, quæq. naturam superant; sed etiã quod hoc magis mysticas scripturas decet, vt arcanis & sacris ænigmatibus obtegantur, & non pateat vulgo aditus ad sacram & occultam diuinarum mentium veritatem. Hinc igitur patet, omnem Theologiam symbolicam habere aliquid effectum, siue illud sit in sermonibus, siue in nominibus, siue etiam in formis sensui subiectis. maxime vero proprium est Theologiæ symbolice, quæ in ijs quæ sensu percipiuntur, versatur, formas ex animalibus quæ cernuntur, aut ex eorum partibus effingere & inducere, neq. solum ex talibus, sed ex coloribus omnis generis. quæ omnia verus ille Theologus Dionysius vno verbo diuina visa appellauit, distinguens ea a profanis & fortuitis visis.

Ex scholijs S. Maximi.

1 In vniuerso) vt rex, creator & omnipotens. hæc enim nomina sunt diuina

diuina providentiæ in genere. 2 in parte) vt Deus deorum, Dominus dominorum, rex regum: non enim omnes, sed quidam dicuntur dñi, domini, reges. 3 visis) Sic vocat reuelationes Dei in symbolis. 4 in tēplis) Designat hic Dionysius illud visum apud Esa. cap. 6. videturq. dicere. vidisse Esaiam in templo illud visum de sedente in solio, & de Seraphim supra illud. Quæ deinceps hic in Dionysio sequuntur, dicta sunt de visione Ezechielis cap. 1. & de alia cap. 10. 5 oculi) Psal. 32. Oculi eius super pauperem respiciunt. 6 aures) Iacob. 5. Clamor eorum in aures Domini sabaoth introiuit. 7 capilli) Dan. 7. Et capilli capitis eius quasi lana alba. 8 facies) Psal. 32. Facies Domini super facientes mala. 9 manus) Iob cap. 10. Manus tuæ fecerunt me. 10 scapule) Psal. 90. Scapulis suis obumbrabit tibi. 11 alæ) Psal. 16. Sub umbrā alarum tuarum protege me. 12 brachia) Psal. 88. Brachium meum confortabit eum. 13 posteriora) Exod. 33. Posteriora mea videbis. 14 pedes) Gen. 3. Et audierunt vocem Domini deambulantis in paradiso. 15 coronas) Psal. 64. Benedic coronæ benignitatis tuæ. 16 sedes) Psal. 88. Thronus tuus Deus in seculum seculi. 17 calix) Psal. 74. Calix Domini in manu eius. 18 cratera) Prov. 9. Miscuit crateram suam, apud LXX.

Quòd omnis etiam in angelis sacra formatio ad hanc partem symbolicæ Theologiæ refertur. Cap. V.

Magnus Dionysius secundo capite cælestis hierarchiæ: Ad hæc dicendū est, quibus formis sacris sacrę scripturę cælestes ordines figurant, & ad quid vnum & simplex per eas formas quæ effinguntur, reuocare nos oporteat, ne ipsi etiā more vulgi profane existimemus, cælestes & diuinas mentes multos pedes & multas facies habere, atq. ad similitudinem boum, aut ad formā leonū expressas esse, & ad speciem aquilarū aduncis rostris formatas, aut ad similitudinem volucrum habere pennas instar capillorum; & ne cogitemus rotas quasdam igneas super cælum, & sellas materiatas Deo ad sedendum accommodatas, ac quosdam equos varijs coloribus, satellites, duces exercitus, & cetera omnia quæ scripturę sanctę varijs symbolis diuine effingunt. Idem in eodem capite: Quòd vero absonæ similitudines magis mentem nostram erigunt, nemo, vt opinor, cordatus contradicet. in nobilioribus enim formis effingendis credibile est errare aliquos, qui existiment esse naturas cælestes specie quadam aurea, viros quosdam micantes, fulgore decoros, vestitu splendido,

dido, & igneum vibrantes non ledendo, & quęcunq. alię eiusmodi formę sunt, quibus Theologia scripturę sanctę celestes mentes figurauit, quod quidē ne ijs eueniat, qui nihil altius, quā illa pulchra & speciosa quę apparent, mente complexi sunt, scripturę sanctę sapientia, quę sursum ducendi vim habet, ad dissimilitudines absōnas sanctę se deiicit, non permittens vt sensus nostri corporis in illis indecoris imaginibus herentes acquiescant; quin potius eam partem animę, quę ad alta tendit, ipsa deformitate figurarum excitat & stimulat. tamquam non videatur fas esse & verum, ne ijs quidem qui sunt terrenis rebus valde affixi, tam absurdis formis similia reuera esse illa supra cęlestia & diuina quę in symbolis cum admiratione spectantur. Hinc igitur apparet, quod diuina scripturę sanctę scientia non solum in natura Dei, qui supra naturam est, diuinis visis, sed etiam in angelis, qui figurari non possunt, formis sacris effectis vta est: vt hinc naturam symbolorum perspicere liceat.

Ex Scholys S. Maximi.

Ad quid i vnum, & simplex) Sic vocat vacuum a materia, vt cum scriptura tribuit angelo formam effectam aquile, verbigratia, oportet scire per hanc formationem aquile, quę non simplicis naturę, sed compositę est, ad quid nam simplex in angelo intelligendū reuocamur, scilicet reuocamur ad intelligendum esse in angelis aciem quandā acutissimam spiritualis & sublimis perspicientię: atq. id quidem necesse est scire, ne nobis eueniat quod vulgo, vt existimemus forte habere angelos pedes, facies, alas, & similiter in alijs formis effectis.

Quot modis signetur symbolica Theologia, siue sub aspectum, siue sub sensum aurium cadat. Cap. VI.

Gregorius Theologus secundo de Theologia libro ait: Quid de Esaia & Ezechiele, qui maximorum mysteriorum spectator fuit, ac de reliquis prophetis dicere poteris, ex quibus ille quidem Dominum sabaoth sedentem in throno glorię vidit, & hunc a seraphinis sexaligeris stipatum, laudatum, & obiectum, seq. carbone ignis purgatum, & ad prophetiam instructum; hic vero vehiculum ex cherubinīs describit, & super eos thronum, & super thronum firmamentum, & eum qui in firmamento apparebat, & voces quasdam, & impetus, & actiones, atq. hoc

Esa. 6.

Ezech. 1.
& 10.

hoc quidem siue erat visum diurnum solis sanctis aspe-
ctabile; siue nocturna & vera visio; siue informatio futu-
rorum tanquam presentium in mente, siue alia species
arcana prophetia, non possum affirmare; Deus propheta-
rum nouit, & quibus talia contigerunt. Et diuinus Chry-
sostomus in homilia de Eutropio, quando inuentus ex-
tra ecclesiam, abstractus & abreptus fuit: Nemo enim, in-
quit, vidit id quod Deus est: non igitur cum Deus videtur,
apparet quod est, sed quod potest videre is cui apparet,
non mutans substantiam suam, sed aspectum figura in-
formans pro varietate rerum subiectarum. Sanctus Gre-
gorius Nyssenus in eo libro contra Eunomiū, cuius prin-
cipium est, Prima quidem, sic ait: Etenim in Iordane post
virtutē spiritus sancti, & rursus audientibus Iudeis, & in
transfiguratione, vox superne edita est, quē homines do-
ceret, ne illud solum esse existimarēt, quod apparebat; sed
crederent esse etiam verum filium Dei dilectum. Talis
vox, ut audientes perciperēt, formata est a Deo in corpo-
re aereo, ut facere consueuerunt qui loquuntur. sic Deus
qui omnes homines vult saluos fieri, & ad agnitionem
veritatis venire, ad salutem eorum qui audierunt, sermo-
nem in aere articulate impressit, sicut Dominus dixit Iu-
dæis, qui putabant tonitruum esse factum, quia sonus in
aere confectus fuerat: Non propter me hæc vox venit, sed
propter vos. Ex his patet, quot modis in prophetis &
alijs beatis Theologia symbolica declaratur, nominatim
quidem tripliciter; arcane vero & occulte etiam aliter,
& ut Deus prophetarum scire potest.

Matth. 3.

Ioan. 12.

Matth. 17.

1. Tim. 2.

Ioan. 12.

1 Tripliciter) scilicet aut formatione rei cadentis sub sensum vi-
sum, aut sub sensum aurium, aut translatione verbi significantis ali-
quid spiritale, ut ebrietas Dei, & somnus, &c.

*Quod hanc symbolicam Theologiam, in quos cecidit,
visum & visionem appellauerunt. Cap. VII.*

Magnus ille spectator Dei Moyses, Transiens, inquit,
videbo visum hoc ingens, quare rubus ardet, & non
comburitur. & visio quam vidit Esaias: Et ego visiones
multiplicauit, & in manibus prophetarū assimilatus sum:
Et iuuenes vestri visiones videbunt: & infinita alia huius-
modi

Exod. 3.

Osee. 12.

Ioel. 2.

Matth. 17.

Vocabulum
processionis
alioqui com-
mune, factū
tamē est pro-
prium spiri-
tus sancti.

modi in vetere scriptura. In primis vero Saluator noster de sua in monte Thabor theophania, idest, Dei apparitione, Nemini, inquit, dixeritis visionem hanc. & diuinus Dionysius cap. 13. celestis hierarc. ait visionem illam ostensam esse Esaia Theologo per vnū ex ijs angelis sanctis, qui nobis præsunt. Ex quibus fit manifestum, quod quęcumq. sacra visa diuinis symbolis formata prophetarum sensu visus perceperunt, verbo sibi cognato visiones nominauerunt, vocabulo visionis alioqui communi, rebus ipsis quas videbant, tanquam proprio imposito. Huiusmodi est in Deo vocabulum processionis.

Quod hæ visiones & Theophania, idest, Dei apparitiones, non aliter quam per intermediarias virtutes celestes informate sunt. Cap. VIII.

MAgnus Dionysius quarto capite celestis hierarchie: Hi igitur, inquit, sunt qui in primis & multipliciter occultum Dei manifestant; quamobrem præter cetera omnia vocabulo angelorum egregie signati sunt, quia ipsi primū a Deo illuminantur, & per ipsos nobis nostræ reuelationes trāsmittuntur. sic igitur 2 lex, vt diuinus sermo testatur, per angelos nobis data est: & illos celebres ante 3 legē & post 4 legē patres nostros angeli ad Deum adducebāt, aut 5 quod agendū erat exponentes, & ab 6 errore & vita profana ad rectam viam veritatis traducentes; aut manifestantes 7 sacros ordines, aut mysteriorū quæ supra mundum sunt, 8 abditas visiones, aut diuinas quasdam 9 prædictiones tanquam nuntij & ministri explanantes. Siquis vero dicat, quibusdā sanctis, nullo interiecto medio Deū ex se apparuisse, discat etiam hoc ex sapientia sacrarū scripturarum ipsum illud, quod Dei est 10 occultum, neminē vidisse, neq. visurū esse; sed apparuisse sanctis Deum ostendentē se, vt eum decebat, per uisa quædam sacra, & ijs qui ea videbant, congruentia. Sermo autem diuinus omni sapiētia plenus visum illud, quod diuinā similitudinē in illo ipso viso figuratam ostendebat, vt figuratur, quod figurari non potest, quia adducit eos qui vidēt, ad Deum, merito inde Theophaniam, idest, apparitionem Dei vocat, vt pote quę diuinam illuminationem videntibus immitat, & aliquid de diuinis eos sacre doceat. His diuinis visis

sis præclari illi patres nostri ministerio angelorum initiabantur. Immo magnus quoque Athanasius ait: Induunt figuras angeli ad quemcunque usum Dominus Deus velit, atque ad eum modum ipsi qui digni sunt, apparent, & diuina illis mysteria aperiunt. Ex his perspicitur potest, visionem, similitudinem, & Dei apparitionem idem representare. huc etiam accedit, quod per intermedios angelos indutis figuris ad Dei nutum huiusmodi similitudines formantur.

Ex scholijs S. Maximi.

Occultum Dei quatenus hoc cognosci potest per ea quæ facta sunt, quia angeli in primis præ ceteris creaturis natura Deum participant, quia ut ait S. Maximus, eorum substantia sunt *νοῦς, ζῶν*, id est, mens viuens, idcirco in primis per se ipsos a Deo creatos occultum Dei manifestant, quod scilicet est ens, quod vita, quod mens, tametsi supra hæc est illud occultum Dei, supra etiam quam ut comparari possit. 2. lex Galat. 3. Lex ordinata per angelos in manu mediatoris. & Act. 7. Qui accepistis legem in dispositione angelorum. 3. ante legem ut Abraam, & Manoe, & reliquos. 4. post legem ut Ioseph, & Petrum, & alios deinceps ad voluntatem Dei faciendam adduxerunt angeli. Matth. 2. Act. 11. 1. quod agendum erat ut in Iesu Naue, & Gedeon, & alijs. 6. ab errore abducentes ut in Cornelio Act. 11. aut 7. sacros ordines ut Daniel c. 7. decies centena milia ante conspectum Dei adstantia vidit; Ezechiel Cherubinos, cap. 10. Esaias Seraphinos, cap. 6. aut mysteriorum 8. visiones ut in Moyse & rubo, & in Paulo raptus usque ad tertium celum, & in Apocalypsi Ioannis. aut diuinas 9. predicationes ut in Manoe, & alijs, id vero quod 10. occultum est Dei. Vide quomodo interpretatur Dionysius quod ait Ioannes: Deum nemo vidit unquam. quia enim sciebat visum esse hominibus in scriptura, ut Adæ in paradiso, Abrahæ ad querum cum Mambre, & proficiscenti Sodomam, & Moyse, & alijs, dicit nunc, occultum Dei neminem vidisse, neque visurum esse, id est, id quod est substantia eius, vel altius, quid sit Deus, nemo comprehendere intelligentia, nec exprimere unquam potuit, neque poterit. cum autem dicitur in scriptura apparuisse, siue visus esse, sic intelligendum est, quod unusquisque illorum proportionem fidei habebatur dignus visione quadam, quæ illi Deum ostendebat: per quam visionem illuminationem capiebat cognitionum diuinarum, quæ ipsi adueniebant.

Quod ipse Dominus noster Iesus Christus quatenus est Deus homo non refugit ab ordine Deum decente a se constituto. Cap. IX.

Magnus Dionysius cap. quarto celestis hierarchiæ ait: Video autem angelis primum, diuinum humanitatis

C Iesu

Athanasius
in quaestio-
nibus ad An-
tiochum pri-
cipem.

Exod. 3.

2. Cor. 12.

1. Ioan. 4.

Gen. 3.

Gen. 18.

Iesu mysterium apertum fuisse; per eos postea nobis gratiam cognitionis transmissam esse. Sic igitur diuinus

Luc. 1. Gabriel Zachariam quidem pontificem docuit, filium quē prāter spē diuina gratia generaturus erat, futurū esse prophetā eius qui ostendēdus erat in virili diuina operatione ad salutē mundi, vt bonitatē eius decebat. Mariā vero docuit mysteriū formationis Dei in ea mirabiliter supra quā dici potest, a Deo operandum. alius angelus Ioseph erudiuit, quomodo quā Deus David progenitori Christi promississet, vere effecta essent. alius angelus pastoribus tanquam in solitudine, secessu & quiete purgatis euangelizauit, & cū eo multitudo cēlestis exercitus illam valde celebrem, & a multis cantatam laudationem ijs qui in terra erant, tradidit. Ascendam prāterea ad cēlissimas in scripturis sanctis apparitiones Dei. Video enim ipsum Iesum, qui est naturarum supra quā cēlestiū supra naturam auctor, qui ad nostram naturam humanam immutabilis venit, nō refugere a conseruatione ordinis qui homini cōgruit, & ab ipso ordinatus & electus est, quin potius & obedienter se submittit formis a Deo patre per angelos effectis, & per eosdē intermedios nuntiatur sancto Ioseph ille a Deo patre prouisus filij in Aegyptū secessus; & inde rursus in Iudæam reditus. Videmus etiā fuisse per angelos paternis legibus subiectum. prātermitto enim vt dicam tibi tamquam gnaro ea quæ sunt nobis a sancto scilicet Luca apostolicis & traditionibus referata de angelo Iesum confortate. quin etiā huius magister, & totius orbis lumen ait: Testatus est autem in quodam loco quis, dicens: Quid est homo quod memor es eius? Minuisti eū paulo minus ab angelis, gloria & honore coronasti eum, omnia subiecisti sub pedibus. In eo enim quod subiecit omnia, nihil dimisit nō subiectū ei. Nunc autem nondum videmus omnia subiecta ei. Eum autem qui modico quā angeli minoratus est, videmus Iesum per passionem mortis gloria & honore coronatū. Ex his igitur cōstat, si Dominus noster Iesus Christus per passionem mortis paulo infra angelos minor factus est, & eum videmus per angelos paternis legibus subiectum, neq. declinare a conseruando ordine hominem decen- te, quē ipse constituit & amplexus est, prābuisseq. se obedi-

dientem ijs formis, quas Deus pater per angelos effecit, manifestumq. est de omnibus mysterijs Christi angelos prius eruditos fuisse; deinceps per eos gratiam cognitionis ad nos deuenisse; quomodo aliquis quamdiu humanam vitam degit, licet valētissimus Theologus sit, superbe renuat, quin in ipso etiam, quatenus homo sit, ab angelis formę signentur? erudiaturq. is de diuinis, & diuine vt consentaneum est, afficiatur? Restat igitur fieri nō posse, vt quis hanc partem Theologiæ symbolicæ & arcanæ doceatur, nisi per angelos formis per angelos factis ad huiusmodi visiones adducatur.

Ex scholijs S. Maximi.

In 1 diuina virili) Incarnationem verbi significat, quia Deus in carne humana opera diuina operabatur. Itaq. dicendo virilem, perfectum hominem fuisse docet; dicendo diuinam, simul perfectum Deum. 2 formationis Dei) Dicitur formatum esse Deum in utero virginis & matris, sicut illud dictum est: Verbum caro factum est. 3 non refugit) Ioan. 1. idest, non reputauit indignum, si cum esset dominus angelorum, obedi-
ret tamen illis. per angelos enim nuntiata est Ioseph fuga in Aegyptum, & inde reditus. Sic itaq. dixit hic Dionysius, non refugit, sicut dixit Paulus in epist. ad Philipp. cap. 2. Qui cum in forma Dei esset, idest, verus Deus, non rapinam arbitratus est, hoc est, non reputauit indignum, si cū esset alioqui equalis Deo natura, & non falso sibi vindicans diuinitatem, sicut qui alienum rapit, fieret tamen homo. per 4 angelos) Quia factus est Christus sub lege, sicut Apost. ait, & lex data est per angelos, idcirco dicitur Christus factus sub lege per angelos. sacris & traditionibus nostris) Significat Dionysius sibi & Timotheo traditū fuisse hoc mysteriū de angelo confortante a Paulo ἀπαφῶς, idest, sine scripto; quod quidē postea a Luca scriptum est in Euangelio quod Paulus predicabat, & ex Paulo didicerat. Si quis vero querat hic, quid opus erat angelo confortante, vbi diuinitas aderat, docet S. Maximus respondendum esse, multa miracula Deum per angelos operari, idq. vniuersam scripturam testari.

Galat. 4.
Galat. 3.

Quod omnino oportet ad altiores notiones ex utraq. parte Symbolicæ Theologiæ adduci, siue similitudinibus per angelos formatis, siue verbis quatenus primo aspectu apparet, absonis illis quidem & dissentaneis. Cap. X.

Magnus Dionysius in epist. ad Titum, Ne existimemus, inquit, signa formarum apparentium sua tantum

C 2 tum

tum causa & ratione¹ efficta esse, sed potius integumenta
 esse scientiæ arcanæ, & vulgo hominū occulta, vt ea quæ
 sanctissima sunt, non sint profanis facilia ad intelligendū;
 sed tantum vere studiosis sanctitatis aperiantur, vtpote
 expeditis ab omni puerili cogitatione in sacris symbolis,
 & qui acie mentis, & ingenij facultate ad contemplan-
 dum idonea, veritatem simplicem & supra naturam sym-
 bolorum collocatam assequi possint. Et rursus idem cap.
 2. de caelesti hierarchia, Sic, inquit, omnes diuina sapien-
 tia eruditi, & diuini afflatus ministri & interpretes sancta
 sanctorum a profanis & ab ijs qui initiati non sunt, pure
 separant, & formas effictas dissimiles celebrant, vt neq.
 diuina a profanis facile percipi queant; neq. qui studio
 spectandi sacras istas imagines inclusas tenentur, in illis
 extrinsecus figuris & signis tamquam in veris hæreant.
 Immo & magnus Basilus, Qui, inquit, ad celsiores notio-
 nes ex verbis non ascendit, sed in ipsis delineationibus
 corporum verborum compositione factis residet, audiet
 ex Moyse, Deum esse ignem; & a Daniele sapiente ad alias
 opiniones detorquebitur; ita fiet vt non solum falsas co-
 gitaciones, sed inter se pugnantes ex ipsis rebus colligat.
 Ex his patet nō oportere hære in symbolice effictis for-
 mis, quomocumq. effingantur, siue in specie sub sen-
 sum cadente, siue in vocabulis quæ videntur habere
 multum absoni & absurdi; sed potius omni studio ad
 sublimiores cogitationes recurrere. Vt igitur simplici &
 distincta repetitione exponam capita quæ tractauī, osten-
 sum est in primo capite, tamquam in genere quodam, sim-
 pliciter Theologiam in duas species distributam esse, in
 quarum altera, quæ est Theologiæ symbolica, proxime
 explicatum necessario est, quæ & quot sint quæ in ea ape-
 riuntur & declarantur. deinde sequebatur statim, vt qualia
 ista essent, expediretur, nempe corporea & sub sensum ca-
 dentia. postea, quid horum proprium sit. deinceps non so-
 lum quæ de Deo sunt, istiusmodi formis & imaginibus
 instructa esse, sed etiam quæ de angelis. proximum erat,
 quot modis ista symbolica percipiuntur & apparēt. dein-
 de, quo vocabulo ista sunt recta, & inuolute appellata. ad
 hæc, quibus intermedijs ista geruntur. deinde ostensum
 est non posse hæc aliter fieri nisi per intermedios, per an-
 gelos

Dent. 4.
 Dan. 10.

gelos scilicet, postremo non esse heredum in huiusmodi typis, siue in solis verbis sint effecti, siue in formis & imaginibus. nihil igitur hic deest, quin sint hec absoluta. Contentaneæ vero huiusmodi Theologia arcana nobis & mystica dicitur, quia non finit nos in visis sistere; sed ulterius progredi cogit eos qui pennas, quibus in sublime ferantur, a natura acceperunt.

Propter se effecta esse) idest, vt sic intelligantur, vt extrinsecus secundum litteram nudam apparet. non enim sic accipienda sunt, sed potius secundum sensus, quos symbola intus habent alte reconditos.

SECUNDA DECAS DE THEOLOGIA DEMONSTRATIVA.

Quod duplex sit Theologia demonstratiua. Cap. I.



MAGNVS Dionysius secundo capite celestis hierarchiæ, Duo, ¹ inquit, modi sunt sacre nominationis Dei: alter quidem, vt contentaneum apparet, per similes imagines ac signa sacra tendens; alter vero per dissimiles formas in speciem absonam & dissimilem effectus. ac traditiones quidem mysticæ scripturarum Deum enuntiantium, venerandam eius qui supra substantiam est, & *ἁγία*, idest, Deus deorum, beatitudinem interdum tamquam mentem & verbum & substantiam laudat, cum ⁴ ratiocinatione quæ Deum decet, & sapientiam eius declarant, & talem ac tantum esse, qui sit vera causa substantiæ rerum; & tamquam lumen eam effingunt, ac vitam vocant. cum alioqui huiusmodi formæ in scriptura sacra effectæ, honestæ quidem & graues sint, & quæ formas terrenas excellere quodammodo videantur; sint tamen infra similitudinem Dei cum ipsa veritate; est enim supra omnem causam, & vitam; cum nulum quidem lumen possit Deum exprimere; omne autem verbum & mens ab ipsa Dei similitudine infinito intervallo distent. quandoque vero ⁵ dissimilibus declarationibus

nibus ab ipsis illis scripturis sanctis diuine laudatur, cum in aspectabilem eum vocant, & infinitum, & qui capi non possit; & similiter in alijs: vnde non quid est, sed quid nō est, significatur. Ex his efficitur duplicem esse Theologiam demonstratiuam, vnam quae affirmanter & ex effectis inducitur; alteram quae neganter & priuatiue: & illa quidem ex similibus formis effectis; haec ex dissimilibus. hoc tamen in affirmatiua Theologia cernitur, ipsam etiam per formas factas in scriptura sacra progredi, honestius tamen quam per ea quae symbolice dicta sunt in 6 vtroq. genere formationum, quas patres vocauerunt *προσώμας*, nos dicamus terrenas. quatenus etsi altera pars Theologiae, scilicet symbolica, in verbis translatis & adumbratis pergit, multum tamen absoni & dissentanei in eis apparet. Quomodo enim cogitabit, qui in Deo crapulam audiat, & penitentiam, & iuramenta, & imprecationes, & alia eiusmodi?

Ex Scholys S. Maximi.

Rom. II. Duo, ¹ inquit, modi) Quod duobus modis laudatur Deus, aut tamquam similis omnibus (omnia enim in ipso consistunt) aut tamquam dissimilis (nihil est enim eorum quae sunt) exponit deinde Dionysius, quomodo formantur isti modi nominandi Deum per similia, ut cum dicitur Deus in scriptura verbum, & mens; ut illud: Quis cognouit sensum, siue mentem Domini? & illud in prophetis frequens: Et factum est verbum Domini ad me. 2. *διὰ πρῶτον*) Cum Dionysius Deum vocat *διὰ πρῶτον*, ab eo nominat quod est potissimum Dei donum, facere scilicet angelos & sanctos homines, quoad fieri potest, deos quosdam, sicut scriptum est: Ego dixi, dū es tū. & illud: Deus deorum in Sion. *διὰ πρῶτον* itaq. dicit, quasi *θεῶν ἀρχόντα*; dicamus nos Deum deorum, ut David dicit. & 3 substantiam laudant) ut cum dicit scriptura in Exodo: Ego sum qui sum; & qui est, misit me. & illud in Ps. 103. Tu autē idem ipse es. *ἀπὸ γὰρ τοῦ εἶναι, καὶ τοῦ ὄντος ἡ οὐσία καὶ τὸ παρὰ τὴν οὐσίαν ἡ ὑπερῆς*. dicamus nos more nostro, ab esse enim & ente ducitur essentia, quae est existentia, hoc est, existens substantia. accidens enim nō est *ὑπερῆς*; sed *ἀνυπερῆς*; id est, non est existentia, sed in existentia. 4. *ratio* cinationem.) Non sic dicit, quod velit significare esse Deum rationalem, tamquam participem rationis, qui est totus ipsa per se subsistens ratio. quandoque vero 5 dissimilibus) Dissimilia vocat, quia quae neganter de Deo dicuntur, non quid sit, sed quid non sit, declarant. 6 in vtroq. genere) id est, in formatione figurationis sub sensum cadentis, & in formatione translationis cadentis sub intelligentia n.

Quod

Quòd Theologia demonstratiua, quæ videtur esse sine integumento, per typos nobis effictos procedit. Cap. II.

Magnus Dionysius in epist. ad Titum, Quòd, inquit, huiusmodi integumenta cognata naturæ nostræ sunt, declarant etiam qui audita aperta Theologia sine inuolucris, effingūt in se typum quendam, qui eos ad intelligentiam eius Theologiæ quam dixi, adducat: & ipsius quoq. mundi qui cernitur fabrica inuisibilibus Dei obducta est, sicut Paulus, & ipsa veritas testatur. Alter vero Dionysius hæc edisserens ait, eos qui apertam Theologiam, & velis nudam audierūt, typos cogitatione sua formare, qui ad intelligentiam auditores adiuuent. Ex his igitur manifestum efficitur quod antea dictum est, typos esse & imagines ea etiam quæ aperte nobis & sine velis obtentis in scriptura sancta de Deo dicuntur, quamuis demonstratiue dicantur affirmando.

Dionysius
Alexandrinus
scholia etiā
in Dionysii
Areopagitam
scripsit.

Scholia.

Qui audita aperta Theologia.) Exemplum sit quod scriptum est in Hiere. cap. 13. de ijs quæ aperte dixit Dominus sine ullo typo aut integumento, quomodo populum Israel sibi adiunxisset, & quomodo propter peccata esset puniendus, & de lumbare, in quo tamquam in typo efficto voluit, vt Hieremias supplicium de populo Israel sumendum, & suam cum illo populo coniunctionem magis adhuc intelligeret, meliusq. alijs exponeret. Et dixit Dominus ad me: Surge, & vade ad Euphraten, & tolle inde lumbare, quod precepi tibi vt absconderes illud ibi. Et abij ad Euphraten, & fodi, & tui lumbare de loco vbi absconderam illud; & ecce computruerat lumbare, ita vt nulli vsui aptū esset. Et factum est verbum Domini ad me, dicens: Hæc dicit Dominus: Sic putrescere faciam superbiam Iuda, & superbiam Hierusalem multam, & paulo post: Et erunt sicut lumbare istud, quod nulli vsui aptū est. Sicut enim adheret lumbare ad lumbos viri, sic agglutinaui mihi omnem domum Israel, & omnem domū Iuda, dicit Dominus, vt essent mihi in populum, & in nomen, & in laudem & in gloriam, & non audierunt, & quæ sequuntur. Frequentia sunt huiusmodi exempla in prophetis de aperta Theologia, & de typis siue symbolis ad eam adhibitis, ipsius mundi qui cernitur.) Fabrica mundi quodammodo vicem symbolorum tenet, vt notauit sanctus Maximus. & ipsa veritas testatur) Christum dicit, qui in Evangelio multa, quæ ad Theologiam apertam & demonstrantem pertinent, per symbola & parabolas loquebatur. vnde Nicodemo dixit, vt Pachimerus Dionysii paraphrastes obseruauit: Si terrena dixi vobis, & non creditis, quomodo si dixerō

Hiere. 13.

Ibid.

Ioan. 3.
vobis

vobis caelestia, credetis? vt perinde sit hoc, vt mihi quidem videtur, ac si diceret: Si caelestia & diuina dixi vobis per symbola corporea, & naturae vestrae cognata & familiaria, & non creditis, vt credendo intelligatis; quomodo si dixerō vobis caelestia absq. istis imaginibus vobis notis, credetis? Docuerat enim Dominus Nicodemum exemplo venti de operatione occulta & spiritali creaturam ex aqua & Spiritu sancto regenerante, vbi vocem tantum audimus, Ego te baptizo in nomine Patris, & Filij, & Spiritus sancti: sed quomodo operetur, aut vnde incipiat, & vbi desinat, nescimus; vt in vento, qui est, vt ait idē Dionysius in cap. 15. caelestis hierar. imago & typus diuinae operationis propter proprietates venti quas ibidem Dionysius notauit, vbi etiam locum Euangelij citat, Spiritus vbi vult spirat. 4 typus) vt Deū esse trinum & vnum, ad apertam & demonstrantem Theologiam pertinet, quam tamen vt facilius auditores & lectores credant, & credendo intelligant, ex antiquis patribus alij typos & imagines effingunt trium lampadarum, & vnius flammæ; alij Solis, radij, & luminis; alij rose, floris, & odoris; aut radices, rami, & fructus; aut digiti, manus, & brachij; & similia.

Quod per omnem Theologiam ratio speculi & anigmatis progreditur. Cap. III.

1. Cor. 13.
Ibid.

2. Cor. 5.
Basilus in
oratione de
confessione
fidei.

Gregorius li.
2. de Theo-
logia.

1. Cor. 13.

Admirandus & magnus Apostolus ait: Videmus nūc per speculū in anigmate. & rursus: Ex parte cognoscimus, & ex parte prophetamus; cū autem venerit quod perfectum est, euacuabitur quod ex parte est. & iterum: Per fidem ambulamus, & non per speciem. Hoc præclarus auctor Basilus cum perspectum haberet: Illud, inquit, facie ad faciem, & perfecte cognoscere in futuro sæculo dignis reddendum esse promissum est: nunc vero, sit licet Paulus, licet Petrus, videt quidem vere quæ videt, & non fallitur; per speculum tamen videt & in anigmate. illud autem quod ex parte est, nunc grato animo accipiens; quod perfectum est, in futuro perspicue expectat. Item cū eo Gregorius Theologus: Quocirca, inquit, omnem cognitionem Paulus quæ in terra de Deo habetur, nihil supra quàm specula & anigmata esse ponit, vtpote in minutis imaginibus veritatis locatam. Et iterum idem in oratione de constituendis episcopis: Ecquis est, inquit, qui in tam sublime potest ferri, vt Paulum æquet? & tamen videre se dicit per anigma, & fore tempus cum facie ad faciem.

faciem videbit. Et rursus in eadem oratione: Quomodo, inquit, sensus in eodem manet, & id quod foris est, attrahit? quomodo mens in te manet, & in alia mente verbum gignit? quomodo verbo notio datur? Si nihil horum intelligentia comprehensum habes homo, comprehendes autem forte aliquando, cū recipies quod perfectum est: Videbo, inquit, caelos opera digitorum tuorū; vt suspicemur, quæ nunc videntur, non esse ipsam veritatem, sed simulachra veritatis; quomodo Deum, id quod est, & quātus est, nosse te existimas? Ad hæc, magnus Dionysius in epist. ad Titū: Atqui nec in sanctissimis mysterijs sancti magistri Euangelicæ aut Mosaicæ disciplinæ a symbolis, in quibus Deus repræsentabatur, abstinerunt; quin potius videmus angelos omni sanctitate plenos per ænigmata res diuinas mystice promere; & Iesum in parabolis de diuinis loqui, ac deifica & a Deo facta sacramenta per typos panis & vini tradere. Par enim erat, vt non solum sancta sanctorum seruata essent, ne ea vulgus hominum pollueret; sed vt ipsa vita humana, quæ corporea simul & corporea est, lucē diuinæ cognitionis conuenienter sibi caperet; & eam partem animæ, quæ a patiendi extrinsecus necessitate libera est, idest mentem, cōtemplandis simplicibus, & intra imagines Deū repræsentātes, abditis & alte reconditis destinaret & attribueret; illam vero partem animæ, quæ necessitati patiēdi vim externam subiecta est, vt naturæ eius conuenit aptaret, & in diuinissimas res per typica symbola eis artificiose obducta protenderet. Præterea sanctus Maximus in Theologicis: Dominus, inquit, quandoq. peregrinatur, quandoq. nobiscum versatur: peregrinatur in ratione contemplandi facie ad faciem; versatur nobiscum in ratione contemplandi in speculo & in ænigmate. Ac idē præterea in centuria tertia de charitate: Per fidem, inquit, ambulamus, non per speciem; & in speculis cognitionē habemus atq. in ænigmate; idcirco multo studio nobis in ea re opus est, vt diuturna exercitatione & cōmentatione habitū contemplationū valde cōfirmatū cōparemus. Ex his liquet, quod anima nostra de omni Theologia cōueniēter naturæ suæ tractat, ex sibi cognatis & partibilibus, idest corporeis, typos & notiones exprimens, siue ista ex formationibus ma-

Psal. 8.

Sch. S. Max.
1 vt fuit angelus, qui Iesum filiū Ioseph sedec de Christo docuit in ænigmate Zacharia. 3. & Gabriel, qui Daniele. c. 9.

Sch. S. Max.
2 libera) nō omnino, sed quatenus nō habet foris sic causas patiendi, sicut habet organū corporeū, quo nō mēs sed sensus vtitur.
In secunda cēturia Theologica c. 57.

D teria-

1. Cor. 13.

teriatu exprimat, siue sine integumento ex ijs solum quę in mundo sita sunt, vbi ea quę pulchra nunc videmus, nō sunt ipsa veritas, sed veritatis simulachra. Cōsentaneę igitur omnis Theologica cognitio huius vtriusq. partis, nō transit specula & anigmata. hoc autem est huius cognitionis partibile & imperfectum: idcirco cū venerit quod perfectū est, id quod huic ex parte est, & illud quod est in ea partibile, euacuabitur; videbimusq. facie ad faciē, id est, impartibilia impartibiliter, & immateriata immateriate.

Quod fieri non potest, vt qui corpore pręditi sunt, sine corporeis de Deo philosophari possint. Cap. III.

Gregorius Theologus in secūdo de Theologia libro, Vt est, inquit, impossibile ei etiam qui valde festinat, vmbra suam transire (tantum enim semper vmbra anticipat, quantum anteuertitur) aut sicut fieri non potest, vt extra aquam piscis natet; sic non potest fieri, vt qui in corpore sunt, absq. corporeis, cum ijs quę intelligentia complectuntur, omnino sint. semper enim aliquid de nostris rebus intercidet, quāuis se mens ab ijs quę cernitur, maxime auocet, & sola secū collecta, cognata & inaspectabilia intelligentia assequi nitatur. Idem adhuc in eadem oratione: Perorabimus ne hic, vsque ad materiam, & ea quę sub aspectum cadūt, prouecti? An vero quia scit scriptura fuisse tabernaculum Moysis imaginem vniuersi mundi, qui ex ijs quę cerni, & quę non cerni possunt, constat, primo velo detracto, & sensum pręteruecti, in sancta sanctorum introibimus, id est, ad naturam intelligibilem & celestem? At nec hanc quidem incorporee videre possumus, quę cum alioqui incorporea sit, ignis tamen & spiritus vocatur. Et paulo ante, Nonne spiritus, & ignis, & lumen nomina sunt naturę diuinę? quid igitur? An spiritum sine agitatione & flatu fuso intelligas? an ignē extra materiam, & non ferri sursum, neq. proprium colorem & figuram habere? an lumen non cum aere commixtum, & solutum ab eo qui eum veluti generat & illuminat? Et rursus paulo infra: An, inquit, opus est, vt nos ab istis auocati, ipsam diuinitatem ex istis, quoad fieri potest, videamus, priuata quadam cogitatione ex coniecturis collecta?

lecta? Sanctus Maximus: Omnis, inquit, sæculi huius cognitio, etiam quæ valde alta & sublimis est, si cum cognitione futuri sæculi conferatur, rudis est, & veluti figuræ viuentis imago, quæ non erit postea, ostensa iam vera vita, & cognitione. Scientiæ enim, inquit, cessabunt, & prophetiæ euacuabuntur. Recte igitur magnus Basilius de Deo philosophatus est: Si quid eorum quæ supra hunc mundum, quæ cernitur, sunt, intelligentia comprehenderis, infra diuinum spiritum est. Immo summus Theologus Dionysius, Quia, inquit, non potest mens nostra ad illam incorpoream celestium ordinum imitationem ac contemplationem protendere aciem suam, nisi corporeo adminiculo sibi apto utatur. Et rursus idem, Non potest, inquit, aliter fieri, ut ratio diuinæ cognitionis nobis illuceat, nisi varijs velis sacris anagogice obiectis, & cōuenienter naturæ nostræ diuina prouidentia adornatus. Quo in loco ait diuinus Maximus: Sine typis & symbolis non possumus, dum in corpore sumus, aspicere incorporea & materiæ expertia. Hinc perspicitur, si mens nostra non potest per se ne angelos quidem imitari & contemplari, nec ad ista adniti, nisi adiumento materiato & sub sensum cadente sibi cōuenienti utatur; nulla ratione & via fieri posse, ut intelligentiam Dei sine materia & corpore assequatur. idcirco impossibile est, eos qui vitam in corpore degunt, sine corporeis ad contemplationem Dei ascendere. Quod si nos per inane ad ea quæ supra sæculum sunt, euagantes, ut assolet, quid tandē etiam ante ista erat, inuestigemus, neq. sic abducemus nos ab ijs quæ corporea sunt, & animæ vicina & cognata, quæ quidē immensa ratione inferiora sunt quàm spiritus Dei, qui supra naturam omnem est.

Quod neq. totam & integram de Deo cogitationem habere in hoc sæculo possumus; aut per eam de Deo plene philosophari; neq. per aliam quamlibet a nobis informatam notionem. Cap. V.

Gregorius Theologus in secunda oratione de Theologia, Iustificatus, inquit, est ex fide magnus patriarcha Abrahā; & sacrificat sacrificium nouum & inauditum, ac illius magni sacrificij imaginem. Deum vero non ut

Centuria 1. v.
47. quæ in
mss. quarta
numeratur.
desunt enim
in editis dux
primæ.

1. Cor. 13.
In oratione
de cōfessione
fidei.
Cap. 1. celest.
hierarc.

Ibid.

1. 1. 1. 1.

1. 1. 1. 1.

1. 1. 1. 1.

Gen. 15.

D 2 Deum

Gen. 18. Deum vidit, sed ei tamquam homini cibum apposuit, & laudatus est, quod tantum venerationis adhibuit, quantum intelligentia comprehendit. Ibidem cum de Iacob meminisset, Et luctatur, inquit, cum Deo tamquam cum homine, quæcumq. ista est Dei cum homine lucta, fortassis humanæ virtutis cum diuina comparatio. Rursus in eodem loco: Quomodo Manoem iudicem prius, & Petrum discipulum postea, non es miratus? illum quidem, quia nec aspectum Dei typo & imagine informati passus est; unde illud: Perijimus, inquit, o vxor, vidimus Deum; tamquā non possint homines imaginē Dei in sensus notione effictā & informatā capere, nedum naturā eius; hunc vero, quia Christū quem cernebat, in nauiculā non recipiebat, & ob eam causam eum dimittebat. Et rursus in eadem oratione: Nec de ipsa creatura perfecta perspicientia est; siquidem credendum est huius etiam umbras solum te habere, cum audias: Videbo cælos opera digitorum tuorum, lunam & stellas, & firmitatem in ipsis fixā; quasi non cernas nunc, cernes autem suo tēpore. Et Gregorius Nyssenus, Quomodo, inquit, reperiatur, quē nihil eorum quæ notescunt, declarat? non forma, non color, non circumscriptio, non figura, non quantitas, non qualitas, non locus, non coniectura, non similitudo, non proportio; quin potius semper est extra omnem viam comprehendendi. Idem iterum, Hęc, inquit, est notionis eius maxime propria nota, naturā eius esse supra omnem notam notionis designatricem. Et summus Theologus Dionysius, Illam igitur diuinam supra quā substantiam, quodcumq. est illa supra quā essentia bonitatis, quæ supra bonitatem est, neq. tamquam rationem, aut potentiam; neq. tamquam mentem, aut substantiam, aut vitam laudibus celebrare fas est vlli, qui veritatis, quæ supra omnē veritatem est, sit studiosus; quinimmo laudare eam oportet tamquam ab omni habitu, motu, vita, imaginatione, opinione, nomine, sermone, cogitatione, intelligentia, substantia, statu, fundatione, vnione, fine, immensitate, deniq. ab omnibus quæcumq. sunt, superlate abstractam. Hinc efficitur manifestū, quod neq. notione typis & imaginibus informatā, aut alia qualibet cogitatione Deū comprehendere, & de eo philosophari possumus; quin potius extra

Gen. 32.**Iudic. 13.****Luc. 5.****Psal. 8.**

Interpretatio est verborum quæ sequitur, Quæ au fundalti.

Cap. 1. de diuin. nomi.

extra hæc omnia est; quoniam omnis phantasia, idest cogitatio, triplicē vsum habet. vna figurat ea quę sensibus percipiuntur, imprimens memorię quęcumq; ex sensibus assumpta sunt, quę singulas imagines ordine, vt ita dicam, & articulate disponit & distinguit; quam vocant sanam phantasiam, & magnę naturę fœtum. altera imprimit obscura quædam vestigia, quę non finit cogitata illa, vlla ex parte manere; sed confusas imagines, & aliter alio tempore commutatas promiscue obijcit, & prius ferre quàm cogitatione ficta sint, ab illis ipsis excidit, & omni fructu & vtilitate caret, qualis est inanum somniorū in quiete cogitatio, & eorum quę temere & fortuito cogitatione finguntur. tertia est in ijs quę agenda sunt, sine recta ratione progrediens, qua id quod non est, tamquam sit, cogitatur: quę lætatur quibus dolendum erat, & dolet quibus lætandum; & quod sibi persuaserit, non poterit ei dissuaderi. adamat autem & amplectitur quę cogitatione depingit, ceu leges quasdam diuinitus sibi informatas: contenditque, vt quę clarissima & ante oculos posita sunt, si fieri possit, ad errorem suum peruertat. In huiusmodi cogitationem qui incidunt, insanabiles fiunt. qui si potentes sint, in perniciem ciuitatum imminēt; sin infirmi, & non valentes opibus; non desistent, quin quantum in se erit, eas perdant. De his duabus cogitationibus ad cogitandum de Deo ne meminisse quidem oportet; illam autem primam alioqui laudabilem, existimādum est ipsam etiam tam longe abesse vt par sit ad informandum notionem Dei, vt propter infinitā distantiam conferri cum ea non possit.

Triplex phantasia.

Hęc de tripli
ci phantasia ex
sch. S. Max.
in c. 1. Dio-
ny. de diui-
nis nom. sed
copiosius, &
explanatus
hic.

Quod Deus neque ex representatione naturali cognoscitur, nec est quidquam ex intelligentibus, aut intellectis, vt ex substantia eius liceat de eo philosophari. Cap. VI.

Diuinus Maximus primo capite ex Theologicis, Vnus, inquit, Deus, sine principio, incomprehensibilis, totam vim, vt sit, habens per totum, notionem quando & quomodo sit, penitus repellens, vtpote nulli eorum qui sunt, ex representatione naturali cognitus. Et rursus idem, Omnis, inquit, intelligentia sicut in substantia omni-

Centuria pri
ma cap. 1.

Centuria 2.
cap. 3.

nino

nino ponitur, ut qualitas; sic etiam circa substantiam qualitate affectam habet motionem. non enim aliquid ex toto solutum & simplex per se existens potest ipsam intelligentiam suscipere, quia non est soluta & simplex: Deus autem cum in utroque horum omnino simplex sit, & substantia scilicet soluta ab eo quod est in subiecto, & intelligentia non habens ullum prorsus subiectum, efficitur, ut neque sit ex ijs qui intelligunt, neque quae intelliguntur, quippe qui supra substantiam & intelligentiam sit. Adhuc idem cap. undecimo primae centuriae: Res omnes, quaecumque sunt, intelligentia prius perceptas nominamus, quae in se ipsis habent principia notitiarum demonstrabilia: at Deus non cognitus nominatur, quin potius ex ijs tantum quae intelligentia percipiuntur, creditur esse; quamobrem nihil eorum quae intelliguntur, cum eo quacumque ex parte confertur. Idem iterum secundo cap. secundae centuriae, Omnis intelligentia est intelligentium, & eorum quae intelliguntur, Deus autem nec unus intelligentium est, nec aliquid eorum quae intelliguntur. est enim supra ista: siquidem circumscribitur qui intelligit, tamquam indigens habitudine rei quam intelligit, aut naturaliter subijcitur intelligenti, qui propter habitudinem intelligitur. Relinquitur igitur ut existimemus, Deum nec intelligere, nec intelligi, sed potius supra quam intelligere, & supra quam intelligi. Et Theologiae scientissimus Dionysius, Sicut enim, inquit, ea quae sub intelligentiam cadunt, per ea quae sub sensum, intelligentia comprehendere & contemplari non possumus, neque per ea quae typis & signis informantur, ea quae simplicia sunt, & typis non signantur, neque per figuras corporum, incorporea, quae neque sensum tactus subire, neque figuram & formam capere possunt; sic eadem ratione veritatis supra substantias est illa supra substantiam infinitas; & supra mentes illa supra mentem unitas, & omnibus ratiocinationibus inscrutabile illud supra ratiocinationem unum; omni verbo ineffabile illud supra verbum, bonum, unitas & effectrix universae unitatis; & substantia, supra substantiam, vacans ratione, intelligentia, nomine; & mens non cadens sub intelligentiam, ratio non effabilis, quia nullius rei similitudinem habet, & causa est ut omnia sint, ipse vero non est, ut qui

sit

Cap. I. de di-
uin. nom.

itaq.
Non possumus contem-
plari Deum per ea quae sub
sensu cadunt, tamquam
species et similitudines,
quod in hac vita sum-
mus, et intelligentia
nostra alligata est reb.
creatis. Ep. S. Iho.

fit extra omnia quę sunt, & ut ipse de se sibi propria & scienter efferre potest. Ex his liquet, quod Deus nec naturali representatione cognosci ab ullo vnquam possit. fugit enim omnibus modis cognitionē, quando, aut quomodo sit, nec est eorum qui intelligant, aut eorum quę intelliguntur. est enim substantia, quę subiectū esse non potest; & notio, quę nulla ratione subiectum habet. In quo igitur id fundatū cognoscet, quod non potest prorsus recipere subiectum ad notionem? Recte igitur est im mensitas supra substantiam; & mens omnibus cogitationibus incogitabilis; quin potius mens non cadens sub intelligentiam, & ratio ineffabilis est nobis, sine ratione, sine intelligentia, sine nomine, idq. propter superlacionem substantiæ & intelligentię. sicut lumen excellens aciem oculorum efficitur nobis tenebrę; & sonus item excellens sensum auditus, surditas.

Ex Scholys S. Maximi.

1 Representatio naturalis in mente siue intellectu est quę ortum & principium ducit ex phantasmatibus rei sub sensum cadentis, cum qua Deus nullo modo potest comparari, ut intellectus conuersus ad phantasmata possit aliquo modo Deum cognoscere, sicut potest alias substantias alioqui incorporeas. 2 Omnia quę intelliguntur, habent in se principium cognitionis, quia vel sunt insensibilibus, quorum sunt phantasmata, a quibus abstrahuntur species intelligibiles, quibus intellectus informatus intelligit; aut sunt incorporea, quę in se habent unde comparentur cum sensibilibus, ad quorū phantasmata, quę sunt imagines & similitudines eorū, ad animos peruenientes, se conuertit intellectus, ut aliquid de incorporeis intelligat. Sunt autem similitudines principia sentiendi & intelligendi, ut ait S. Tho. p. 1. q. 84. ar. 3. Deus autem non potest sic cum creatura sensibili comparari, unde non sic intelligitur, sed tamquam causa & per excessum, ut ait S. Tho. ead. q. 84. art. 7. Sicut; enim. Docet hic quomodo Deus non possit intelligentia comprehendere, etenim si quę incorporea substantiæ sunt, & simplices, & intellectuales & unitę, non solum non subiiciuntur sensibus, ut angeli & anime, ut per eos cognosci possint sed neq. per sensilia quę inferioris ordinis sunt, cognitione eas comprehendere, nec earum essentiam spectare possumus; quanto magis excellit Deus sensus & sensilia, qui non est substantia, sed supra substantiam; neq. simplex, sed supra quā simplex; neq. intellectus, sed supra intellectum; nec unitas, sed supra unitatem; nec ullo termino circumscriptus, sed infinitate suā ab omnibus solutus; qui ut

in

in se est, neq. ratione vestigari, nec intelligi, neq. nominari potest. Cum igitur audis in scriptura formam Dei, & speciem, & faciem, intellige per anagogen, id est, eleuate & supra corpora, ut Deo dignum est. cum vero unitatem audis, ne intelligas quasi varia quaedam ad unionem concurrant. non enim de his nunc sermo fit, sed de Deo, qui nec est principium numerorum, neq. compositus, sed supra simplices substantias unitus. unitas & effectrix unitatis. Postquam ea quae de Deo sunt, ex omnibus quae in rerum natura sunt, exemit, deinceps sequens linguae nostrae modum (non enim supra hunc ferri possumus) ex illis ipsis Deum laudat, e quibus eum exemit; & unitatem vocat, sed effectricem unitatum, id est, simplicium substantiarum, ut angelorum & animarum; & mentem non intellectilem, id est, quae a nulla mente intelligitur. Si enim simile a simili cognoscitur, si mens esset, oporteret ut a mentibus cognosceretur; at quis cognovit mentem Domini? Est igitur mens supra mentem, & nomen supra omne nomen: Et nomen, inquit, meum non manifestavi eis. quamobrem omnibus est sine nomine. immo nec ens est. etenim sic quae sunt, ex nihilo creat, non est igitur ex ijs quae sunt, sed supra ea quae sunt. Quod si dicit: Ego sum qui sum; intellige, ut decet, esse scilicet sine principio, & sine fine; quin etiam inscrutabilem, & similiter in alijs quae Deo natura conveniunt. & vacans ratione intelligentia. Sicut Dionys. cap. 7. de divinis nominib. Paulū imitatus, sapientiam Dei ratione vacantem, & amentem & stultam vocavit, ut excellentiam eius significaret, quod ita antecellat rationē nostram, ut a rationē aliena habeatur; ita mentem, ut amentia & stultitia putetur; sic hoc loco, quia cognitio Dei infinito intervallo rationem creaturæ, & intellectum, & nomina quae de Deo dicuntur, superat, cum aliqui Deus ex omnibus creaturis per rationem vestigari possit, & intelligi ac nominari; dicit tamē esse eum ἀλογίαν, & ἀνοσίαν, & ἀνωρυμίαν, id est, ἀλογον, ἀτιαν & ἀνώρυμον, hoc est, ratione, mente, & nomine vacantem.

Unde tandem, & ex quibus sit de Deo philoso.
phandum. Cap. VII.

Magnus Dionysius cap. 7. de divinis nomi. Præterea, inquit, quærendum est quomodo nos Deum cognoscimus, qui neq. sensu percipitur, nec intelligentia, & ut uniuersè dicam, nihil est ex ijs quae sunt. An non potius vere dicatur, quod Deum non cognoscimus ex natura eius (id enim quod naturæ eius est, incognitum est, & omnem rationem ac mentem superat) sed ex ordine omnium rerū tamquā ab ipso proposito, & imagines quasdā ac similitudines exemplarium eius diuinorum in se habente

bente ad cognoscendum illud summum bonum, & omnium bonorum finem via & ordine pro viribus ascendimus in ablatione & in superlacione omnium, & in omnium causa? Gregorius Theologus in secunda oratione de Theologia: Sic, inquit, illa a Deo profecta ratio, & omnibus innata, ac prima in nobis lex, & cum omnibus colligata, nos ex ijs quę cernuntur, ad Deum adduxit. Ac rursus idem, Deus, inquit, mente tantum adumbratur, & ea quidem valde obscure & minute, non ex ijs quę in natura eius sunt, sed quę eum circumstant, alia ex alio cogitationis informatione collecta in vnam quandam veritatis imaginem. Hoc autem alij post Gregorium interpretati, Deus inquiunt, non ex ijs quę in eo sunt, idest, ex substantia eius, sed ex ijs quę circum ipsum sunt, idest, ex creaturis percipitur. Et sanctus Maximus in Theologicis: Ex nulla, inquit re, quęcūq. sit, percipi potest, hoc vno excepto, quod per fidem cognoscitur, idq. ex ijs quę ab ipso effecta sunt; cognoscitur, inquam, quod sit, non quid sit. Ac rursus idem in tertia centuria: Quod proprie est, ex eo quod non est proprie, cognoscitur esse; cognoscitur, inquam, non habitudine aliqua, qua ad illud quod non est proprie, referatur, aut cum eo comparetur. Quomodo enim quod proprie est, & vt omnium causa supra omnia est, & non cognoscendo illud, sicut alia cognoscuntur, cognoscitur, cum ijs quę non sunt proprie, vllus vnquam ulla ex parte conferet? cum alioqui non possumus nos id quod est supra substantiā aliter indicare, quā si ex ijs quę sūt, hoc tantum de eo exigue indicemus, videlicet quod est. Et ad huc idem in secunda centuria de charitate cap. 27. Qui inquit, de Deo philosophaturus es, ne rationes de natura eius differendi queras. non enim humana mens inuenire poterit, immo nec vlla cęlestis mens post Deum, sed rationes differendi de ijs quę eam circumstant, vt de perpetuitate, de immensitate & infinitate, de bonitate, potentia, sapientia creandi, prouidendi, iudicandi. hic enim est magnus apud homines Theologus, qui rationes de his aliquas etsi exiliter adinueniat. Et in centuria tertia, cap. lxxi. Ex ijs quę sunt, causam omniū cognoscimus; & ex varietate rerum sapientiam per se existentem eius

E
qui

In Oratione
de natiuitate
Christi.

qui proprie est, docemur; & ex naturali motione rerū vitam eiusdem per se existentem discimus; vim dico vitam tribuentem rebus, scilicet spiritum sanctum. Ex his euadit manifestum cognosci Deum ex ijs solum quæ circum ipsum sunt, quæ sunt creaturæ, & inde de Deo philosophandum esse, ex imaginibus scilicet & similitudinibus exemplarium eius diuinorum, quæ superius specula & ænigmata vocata sunt. Ne autem quis in dubium veniat, quomodo quæ imagines & similitudines sunt, & a veritate rerum distant, ad philosophandum de Deo apta magis esse possunt, & idcirco maiorem Dei contemplationē quam ex istis similitudinibus etiam in hac vita quærat, opus est docere, quod summi etiam Theologi ultra contemplationem ex creaturis non progrediuntur.

Ex scholys S. Maximi.

Imagines quasdam & similitudines ¹ exemplarium in se habentes) Quæcumq. sunt, idest, species & singula creaturæ, vt ordines angelorum, & omnia sensilia, imagines sunt & similitudines diuinarū idearum, idest, exemplarium quæ sunt in Deo, quæ quidem exemplaria æternæ Dei intelligentiæ sunt; per quas, & secundum quas omnia in ipso erant, quæ non erant alia ab ipso; & per eas, & secundum eas omnia quæ produxit, facta sunt, sicut beatus Ioannes in Apocalypsi, cap. 4. ait dixisse illos viginti quattuor seniores: Omnia in ipso erant, & creata sunt. de ideis dictum est, quod erant; de imaginibus autem & similitudinibus idearum, idest, exemplariū, quod creata sunt. In ablatione ² & superlatione, & causa) Tribus modis ascendimus ad cognoscendum Deum ex creaturis; vno modo auferendo ei neganter tamquam non decentia quæcūq. creata cernuntur, quia nihil eorum Deum esse dicimus, sed omnia negamus, aientes, Nō est Deus angelus, neq. anima, nec vllum animal, aut istud, aut illud, quodcūq. sit. alio modo perfectiones creaturarum, vt vitam, sapientiam, & alia huiusmodi, remouendo a Deo, quia sapientia Dei omnem sapientiam creatam excellit, & vita Dei omnem vitam, & perfectiones reliquæ reliquas omnes perfectiones creaturarum superant. tertio modo, quatenus omnia sunt a Deo creata, quæcumq. in natura rerum & vniuersitate mundi sunt. ³ Non negat, quin possit demonstrari ex creaturis Dei Deū esse, sed negat cognosci posse secundum essentiam ex effectis. meminit autem sanctus Maximus de cognitione Dei ex fide, quod sit; & non de cognitione naturali per demonstrationem ex effectis, quia cognoscere hoc per fidem multo excellentius est & ualentius quam cognoscere per rationem naturalem; quanto excellentior est gratia quam natura; fides enim ex gratia Dei est.

Quod

*Quòd summi Theologi de Deo philosophantur ex
creaturis; & posteriora Dei ipsa creatura
sunt, & earum rationes. Cap. VIII.*

Gregorius Theologus in secunda oratione de Theologia, Currebam quidem, inquit, tanquam Deum cognitione comprehensurus; atq. ita ascendi in montem, & diuisi nubem in eam ingressus. Et paucis interiectis: Cum paulum, inquit, prospexissem, non vidi primam & æternam naturam, quæ sibi, idest, Trinitati nota est, & quanta intra primum velum manet, & a Cherubinis con-
Exod. 37.
tegitur; sed illam quæ extrema est, & ad nos peruadit, quæ
est (quantum intelligo) amplitudo illa, vel vt David ait,
Psal. 8.
magnificèntia, quæ in creaturis, & ijs quæ ab ipso effecta
sunt & gubernantur, cernitur. hæc enim sunt posteriora
Ex. 33.
Dei, quæ post eum sunt ipsius indicia; sicut solis umbræ & imagines in aquis, quæ infirmis oculis solem
vtcumq. ostendunt. siquidem impossibile est solem intue-
ri aduersum, cuius radijs acies oculorum vincitur. Ad
hunc igitur modum de Deo philosophaberis, sis licet Moy-
ses, & deus Pharaonis; licet vsq. ad tertium celum, vt Pau-
lus peruenias, & audias arcana verba; licet supra illos ad
Exod. 7.
statum & ordinem aliquem angelorum aut archangelo-
rum ascendas. Quamuis enim omne cæleste, & aliquid
2. Cor. 12.
supra quàm cæleste, multo excellentiore natura quàm nos
sit & Deo propinquius; magis tamen distat a Deo, & a
perfecta eius intelligentia, quàm nostram hanc naturam
compositam & humilem & deorsum inclinatam antecel-
lat. Et magnus Athanasius velut percunctando ait: Cum
Deus sit incorporeus, & figura careat; quæ tandem poste-
riora eius vidit Moyses? Deinde soluens quæstionem, Cre-
dimus, inquit, ante sæcula & ante cunctas creaturas esse
Deum totum solum increatum. Ex quo fit, vt posteriora
Dei sint creaturæ, & earum rationes, quas cū vidisset ex-
posuit, inquiens: In principio creauit Deus cælum &
Gen. 1.
terram. Item diuinus Gregorius Nyssenus in libro de vi-
ta Moysis: Gloria, inquit, increata, natura scilicet diui-
na omnino est secundum se ineffabilis, & quæ comprehē-
di non potest neq. videri. nihil enim quod est ipsum
hoc per se, nudum potest intelligentia liquide cōprehēdi,

E 2

aut

aut oculis corporis ullo modo cerni. increatum enim est:
 2. Cor. 12. quod autem est increatum, nullus potest oculis corporis
 cernere, quamuis Moyses sit, quamuis Paulus, qui in ter-
 tium cælum ascendit, quamuis angelus sit, qui Deum vi-
 det. Quod enim vere est, vera vita est; hoc autem ab ange-
 lo aut ab homine cognosci nō potest. Ex quibus clare
 notescit, valentissimos etiam Theologos non ultra crea-
 turam progredi in ijs quibus Deum vident; sed potius
 ipsam creaturam, & quæ in natura eius insunt, considera-
 re. Quod si ad hūc modum, & hac via & ratione de Deo
 differunt, necessario sequitur, Theologiam quæ in nega-
 tione versatur, longe præstantiorem esse, & ad contem-
 plationem magis idoneam ea Theologia, quæ in affirma-
 tione cernitur.

Quod est ipsum hoc per se) Nulla creatura est per se id quod
 est, sed per participationem. solus Deus est ipsum hoc, quod est per
 se, id est, sua essentia, & suum esse, & non secundum participa-
 tionem. 2. nudum) id est, secundum substantiam suam tantum, & non
 secundum ea quæ circum ipsum sunt, id est, creaturas.

*Quod in Theologia demonstratiua magis propria
 & præcipua est illa quæ in negationibus ver-
 satur; & quod in hac Theologia affirma-
 tiones non sunt contrariae negatio-
 nibus. Cap. I X.*

SVMmus Theologus Dionysius primo capite de mystica
 Theologia, Oportet, 1. inquit, in ea ponere & affirmare
 omnes omnium rerum affirmationes tamquam in om-
 nium causa; & omnes eas magis proprie negare, tanquā
 quæ sit supra omnia. nec existimandum est contrarias ef-
 se negationes affirmationibus; quin potius multo prius
 esse ipsam primam causam supra priuationes, cum sit su-
 pra omnem & ablationem & positionem. Ac rursus
 idem cap. secundo cælestis hierarchiæ: Aliquando, in-
 quit, laudatur diuine in scripturis suis sanctis dissimi-
 libus; nominationibus, cum eum vocant inaspecta-
 bilem, & infinitum, & non potentem comprehendi,
 & similiter in alijs, quæ non quid sit, sed quid non sit, de-
 clarant. Hoc autem, vt arbitror, magis proprium est ei:
 siqu-

liquidem vt tacita, ⁴ idest, sine scripto sacerdotalis traditio exposuit, vere dicimus non esse secundū naturā vilius rei ex ijs quæ sunt. ceterū ignoramus illud in eo nō definitū, quid sit quod supra substantiam est, quodq. nec intelligi, neq. dici potest. Si igitur negationes in diuinis veræ sūt, & affirmationes vero nō congruunt cum occulta diuinitate eorum quæ de Deo efferri non possunt, consequens est, vt ijs quæ nō sunt aspectabilia, magis propria sit nominatio illa quæ per dissimilitudines formatur. Et Gregorius Theologus in oratione secunda de Theologia, Multo, inquit, facilius & breuius est dicendo quod est, declarare quod non est, ⁶ quàm negando quod non est, indicare quod est. Et rursus: Sed oportet, postquam dictum erit quæ non est, dicatur etiam quod est: atq. eo magis, quòd facilius est vnum aliquid complecti, quàm omnia singulatim negare; vt ex negatione eorum quæ non est, & affirmatione eius quod est, illud intelligentia complectamur. Sanctus Maximus in Theologicis, Qui philosophatur, inquit, de Deo aiendo, verbum facit carnem, dum non potest aliunde, quàm ex ijs quæ cernimus & contrectamus, Deum cognoscere tanquam causam: qui vero neganter, auferendo philosophatur, verbum facit spiritum, vtpote quod erat in principio, & erat apud Deum, eum qui est supra quàm incognitus, ex nulla penitus re earum quæ cognosci possunt, recte cognoscens. Hinc fit perspicuum, quòd magis proprium est philosophari de Deo per negationes, quàm per affirmationes, quatenus alterum facit verbum spiritum, alterum facit verbum carnem. Ac Theologia quidem affirmans vim habet comparandi & figurandi ac coniectandi; & hoc tantum probat, scilicet Deum esse, ex ijs quæ ab ipso facta sunt: Theologia vero negans demonstrat Deum esse supra omnia; ac veritatem maxime assequitur qui dicit non esse Deum quidquam eorum quæ sunt, sed esse supra substantiam, & supra omnia. Præterea in Deo negationes non sunt contrariæ affirmationibus. nec enim quod affirmatio affirmavit, hoc ipsum negatio negavit. quinimmo sicut affirmatio non ponit quid sit Deus, sic neq. negatio tollit quid sit Deus. quod enim non ponit, quomodo tollat? Deniq. æque non assequitur substantiam Dei tum affirmatio,

In 2. centu
ria cap. 39

Ioan. 1.

tio, tum negatio, hoc solum differunt, quòd propius accedit ad veritatem qui dicit, Deus non est hoc quod nos existimamus.

Ex scholijs S. Maximi.

Oportet ¹ ponere & affirmare) Deum omnia esse, vt Deū decet, positio est; & nihil eorum esse, vt supra substantiam est, negatio, vtrūq. proprie dicitur in Dei amplitudine, vt Deus est vita, Deus est bonitas, positio & affirmatio est; Deus non est vita, non est bonitas, negatio vera est, quia est supra hæc quæ nos intelligimus. supra omnem & ablationem) Est positio simplex, vt Deus est vita, bonitas, lapis. est etiam positio hypothetica, cum affirmationi adiungimus comparisonem, vt magis est Deus vita, quàm lapis; & magis bonitas, quàm ignis. similiter, ablatio simplex, siue negatio, vt Deus non est lapis, non irascitur, & similia. hypothetica, vt magis non est Deus ebrius, quàm non est sermone explicatus. supra vtrumq. genus positionis & ablationis est Deus, de his Dionys. cap. 3. mystica Theol. In positionibus hypotheticis, quæ magis Deo conueniunt, illa sortiuntur illud magis, vt magis est Deus vita, quàm aer; contra vero in ablationibus, quæ remotiora sunt a Deo, recipiunt magis; vt magis non irascitur Deus, quàm non intelligitur. Rursus cap. 2. mystica Theol. Positiones, inquit, sunt quæcumq. in Deo dicuntur, vt ei conuenit, vt ens, vita, lumen, & alia: ablationes autem quæcumq. a Deo aliena negantur, vt non est corpus Deus, non anima, nec quidquam eorum quæ in cognitionem cadunt. dissimilibus & nominationibus) Dissimiles nominationes vocat quæ fiunt per negationes, quæ dicunt de re quæ est, non quid sit, sed quid non sit, quod est dissimile. tacita & traditio) Traditio occulta sacerdotalis vocatur traditio Apostolorum sine scripto. affirmationes seueræ non congruunt) tanquam falsæ, quia supra has est Deus; vt non est substantia, sed supra substantiam; non est vita, sed supra vitam: & ideo definiri non potest, quia definitio constat ex affirmationibus, & ipse est supra affirmationes, quæ ei non congruunt. ⁶ quàm negando) Verbi gratia, si queratur, Bisquinq. quot sunt? expeditius est respondere, decem affirmando, quàm dicere negando, Non sunt tria, non quattuor, non quinque, non viginti, & deinceps.

Quòd Deus est supra omnem affirmationem & negationem; & quòd solum nesciendo & penitus non videndo simul eum cognoscimus, & de eo philosophamur. Cap. X.

Magnus Dionysius cap. primo mystica Theologiæ, Mea igitur, inquit, precatio hæc sit, tu vero amice Timo-

Timothee relinque vehemēti studio & exercitatione cōtemplandi arcana, tum sensus, tum mentis intelligētias, & omnia quæ sub sensum & intelligentiam cadunt; ac omnia quæ nō sunt, & quæ sunt; & quantum viribus cōsequi poteris ad coniunctionem cū eo qui supra omnē substantiā & intelligentiam est, ignorando ² adnitere. tua enim libera, soluta & pura auocatione a corpore & ab omnibus rebus ad radium suprasubstantialem diuinæ obsecritatis detractis omnibus, & ab omnibus expeditus adduceris. Ac rursus idem cap. secundo: In hac, inquit, caligine, quæ lumen vincit, vt nos simus, precamur; & vt non videndo & ignorando, videamus & cognoscamus; & eum qui est supra quā substantia, supra substantiam laudemus omnibus rebus ab eo separatis; & illam caliginem diuinam, quæ ab omni lumine quod in rebus est, obtegatur, cernamus. Et iterum idem in epistola prima ad Caium: Tenebra, inquit, lumine aufertur e^o conspectu omnium, & copioso lumine magis aufertur; cognitiones auferunt ignorantiam, & multæ cognitiones magis adhuc auferunt. Hæc superlate, & non priuante intelligens, pronuntia verissime, quod qui habent ⁴ quod est lumen, & habent creaturarum cognitionem, latet eos; ignoratio Dei, & tenebra eius supraposita; & omni lumine obtegatur, & omni cognitioni subducitur; & si quis Deum vidit, & cognouit quod vidit; non vidit Deum, sed aliquid creaturarum eius, & eorum quæ cognitione percipiuntur: ipse autem supra mentem & substantiam constanter manens, hoc ipso quod neq. cognoscitur, nec est, est supra substantiā, & supra mētem cognoscitur. & illa melior & vniuersa ignoratio cognitio est eius qui est supra omnia quæ in cognitionem cadunt. Et sanctus Maximus, Hanc solam, inquit, habet Deus veram cognitionem, non cognosci. Ex his patet, Deum esse supra omnem affirmationem & negationem; & nos solum ignorando perfecte, & non vidēdo, cognoscere eum, & de eo philosophari. Ex omnibus igitur quæ hætenus dicta sunt, firmissime constat, Theologiā generatim in quattuor partib⁹ versari: symbolicam quidem in duabus partibus, in imaginibus scilicet, & in verbis: demonstratiuam vero in alteris duabus, scilicet in aientibus, & negantibus. quod autem est ultra quā

quàm hæc, ad ignorationem Dei, qui neq. cognosci, neq. uideri potest, pertinet; quæ quidem non est posita pars Theologiæ. quæ enim nata est, vt supra mentem & sermonem ac rationem perficiatur, vbi eam collocabūt qui de hac re quærent? nisi hanc partem, cognitionem supra mentē vocare statuāt omnes illos præclaros & diuinos viros, qui vt mihi videtur, ex eo quòd illā experti sunt, nomē ei indiderunt, & non ex demonstratione quapiam. Coniunctio enim cum Deo supra mentem, idest, ingredi per ignorantiam perfectam in illud infinitum, & quod comprehendī nō potest, & in pelagus immēsum naturæ eius, & vbi omnis natura defatigata sistit se, & vltius progredi non audet, quod a diuino quodam odore, & quadam a corpore & a creaturis auocatione, in laudabilem & beatum statum, non solū admirabilius quàm dici possit, sed quàm intelligi, aliquādo restituit; coniunctio, inquam, hæc cum Deo supra mentem, & huiusmodi diuina ecstasis, nulla species Theologiæ tunc numerata est. Omnis enim scientia & informatio, eorum causa quæ sciuntur & informantur, fit; vbi autem nihil horum est, quæ huius scientiæ ars esse dicenda est? Vt igitur hanc partem repetitis capitibus expediamus, demonstratum est duplicem esse Theologiam demonstratiuam: deinde quòd nec hæc sine typo & ænigmate cernitur, tertio necessario conclusum est, in omni Theologia versari rationem speculi & ænigmatum: ex quo sequebatur, eos qui adhuc in corpore sunt, non posse sine corporeis de Deo philosophari. quinto loco, neq. phantasiam Dei, idest, cognitionem eius per typos & imagines posse nos integrā & totam suscipere propter corporum fluxionē. deinceps sexto capite, si nos ita infirmi sumus, nequaquam cognitionem eius ex naturali representatione tentemus, aut esse ipsum ex ijs qui intelligūt, aut quæ intelliguntur, existimemus. septimo capite continetur, si neq. nos propter corpus idonei sumus ad philosophandum de Deo, neq. Deus propter excellentiæ superiationem potest comprehendī, vnde oportet sumere ad philosophandum de eo? conclusio autem, sumendum esse ex ijs quæ sunt circum ipsum, quæ quidem sunt creatura, quærebatur deinde, an forte summi Theologi ex præstātoribus quàm sint creatura,

turæ, philosophantur. ostenso autem hoc, non aliunde
scilicet quàm ex creaturis eos agere de Deo, capite nono
continetur comparatio, quid amplius valeat Theologia
quæ negat, quàm quæ ait. concluso autem, magis propriâ
Theologiam esse quæ versatur in negantibus, quàm quæ
in aientibus; & quod hic non sunt inter se contraria ne-
gantia & aientia, extitit decimū caput ex positis. si enim
non sunt contraria, relinquitur ut æquo intervallo ambæ
Theologiæ a Deo absint; sitq. demū Deus supra omnem
negationē & affirmationē, quæ est cognitio eius, & Theo-
logia, nihil videlicet de eo cognoscere aut philosopha-
ri; sed potius nescienter, & sine omni intelligentia eorum
quæ intelligentia percipiuntur, cum eo coniungi & co-
pulari. Absoluta igitur sunt hæc, ita ut nihil desit. Recte
autem Theologia demonstratiua dicatur tamquam ex af-
firmationibus & negationibus constituta; & quia supra
has ad illam inexplicabilē & occultam, ac mysticā Theo-
logiam, quæ demonstrationem vincit, occurrit.

Ex scholijs S. Maximi.

Ac omnia ¹ quæ non sunt) Prius dixerat: Et omnia quæ sub sen-
sum & sub intelligentiam cadūt; idem nunc in ἀπαράητου declarat,
cum ait: Ac omnia quæ non sunt. hæc enim respondent sensilibus, quæ
veteres dicebant non esse, ut quæ omnem mutationem caperent, &
non semper in eodem statu essent. Et ea quæ sunt. hæc respondent ad
illa sub intelligentiam cadentia. intellectilia enim idem veteres esse di-
cebant, quippe quæ semper essent immortalia voluntate auctoris, &
substantiam non mutarent. Proprie igitur sunt intellectilia, homony-
me autem sensilia. 2 ignorando adnuerē) Nusquam magis, ait S. Ma-
ximus, declarat Dionysius quid sit per ignorantiam cognoscere Deum,
quàm cap. 2. mysticæ Theologiæ, & in epist. 5. ad Dorotheum: No-
ta, inquit cap. 2. mysticæ Theologiæ, hoc esse sub diuinam caliginem
ingredi, non videndo & ignorando videre & cognoscere quod est su-
pra aspectum & cognitionem, videre inquam & cognoscere hoc ipso,
quod non videmus neq. cognoscimus. Et in epist. 5. ad Dorotheum, il-
lam caliginem, in quam ingressus est Moyses in monte in Exodo, inter-
pretatur Dionysius mysticæ esse ignorantiam istam, qua dicit Deum co-
gnosci, ita ut in illa caligine sit qui habetur dignus ut vere videat &
cognoscat Deum hoc ipso quod non videt neq. cognoscit, hoc ipsum co-
gnoscens, quod est supra omnia intellectilia & sensilia. Diuina itaq.
caligo, ait Dionysius, est illud lumen inaccessum, in quo habitare Deus
dicitur, inuisibile quidem propter exuperantem claritatem, & inac-

Exod. 24.

F cessum

cessu propter nimiam & supra naturam illuminationem. In hac caligine mystica, id est, in hac illuminatione interpretatur, ut paulo ante dixi, esse eum qui non videndo & ignorando videt vere & cognoscit Deum. Ad intelligendum quod dictum est, id est, quomodo caligo est illuminationis, & ignorantia cognitio: Sume, inquit S. Maximus, exemplum ab oculo corporis. quod enim efficit absentia luminis, scilicet vacationem sensus oculorum, hoc efficit intendere fixe aciem oculorum aduersus solis radios meridie. Hæc 3 superlate & non priuenter) Ne, inquit, quod ait, Et non secundum priuationem, secundum sensum communem intelligendum esse suspiceris, quod sicut tenebræ lumine soluantur, & multo lumine maxime soluantur; aut sicut ignorantia, quæ est tenebræ quadam, cognitione tollitur, & multa cognitione maxime tollitur; sic ignorantia de Deo similis sit ignorantie per inscitiam, immo quo magis quis illuminatur in cognitione Dei, & quo magis cognitionem colligit eorum quæ sunt, id est, intellectuum & intelligentium, angelorum inquam, & animarum, eo magis ascendens ad altiore cognitionem cognoscet hoc ipsum, non posse scilicet comprehendere, & ignorari, lumen esse & cognitionem supra omnia cognita. Non igitur secundum priuationem dicitur ignorari Deus, sed secundum superlationem cognitionis. qui habent 4 quod est lumen) Habere quod est lumen, significat habere cognitionem veritatis ex creaturis. latet eos 5 ignoratio) quia neq. sciunt hoc, quod eum ignorent; sic enim eum ignorare, quod sciamus nos ignorare, quoddam scire est. Non itaq. sic ignoramus, quasi alius aliquis sciat; non enim alio sciente nos ignoramus, tamquam qui non didicerimus quod esset ignorare priuenter, siue secundum priuationem; sed ignoramus quod ab omni creatura ignoratur; & omni creaturæ supra quam ignotum est, quod est ignorare superlate.

TERTIA DECAS
DE DIVINIS EMANATIONIBVS.

*Quòd duplex est emanatio, vna in Deo, altera extra,
ab ipso Deo ad creaturam. Cap. 1.*



MAGNVS Dionysius cap. secundo de diuinis nominibus: Hæ, inquit, sunt vniones, & distinctiones in illa ineffabili vnione & essentia. Est autē diuina distinctio emanatio Deum decens diuinæ vnionis, quæ supra quàm vnite, bonitate Dei multiplicatur. Quod quidem edisserens interpres: De inexplicabili, inquit, Trinitatis emanatione vsq. ad tres personas, philosophatur nunc, quòd Deus & pater sine tempore, conuenienter Deo & amanter motus processit ad distinctionem personarū, absq. imminutione & partitione in se toto manens, proprio eius splendore supra quàm vnite, & supra quàm simpliciter emisso, vt existeret tanquam imago viua; & spiritu sancto ex patre venerande, & supra quàm perenniter procedente, sicut Dominus docet: Dei autem bonitate causa & origo omnium in tribus personis diuinis multiplicata est. Item Gregorius Theologus disputās cōtra Eunomiū: Est vero etiā, inquit, alio modo distinctio diuina, emanatio Dei ob nimiam bonitatē ad multiformem creationem aspectabilem, & non aspectabilem. Ex his autem fit manifestum, quòd Deus & pater ad sua manando filium suprasubstantialem, & spiritum sanctum, duo vnus & eiusdē diuinitatis lumina vniuoce protulit, nullo modo a se ipso toto egressus, sed potius ad se ipsum motus sine distantia intermedia ex aternitate in naturam trium personarum desiuuit. Hęc igitur emanatio mota a diuina persona in diuinas personas, in Trinitate, ad quam mota est, substitit; & motionem non creatam exhibuit. Omnis enim emanatio fit causa corū quæ emanant. Talis igitur est emanatio, qualia sunt ea, ad quæ facta est emanatio. Si hęc sunt non creata, & intelli-

S. Maximus
in scholiis in
Dionysium.

Ioan. I 9.

F 2 gen.

gentiam vincunt, similis & par est eis emanatio, quæ ad ea ipsa fit. Est præterea in suprasubstantiali Trinitate alia diuersæ rationis distinctio, quæ ad creaturas emanat; & hac emanatione creaturas istas efficit Trinitas. Quod si alia ratio est huius distinctionis, liquet in illis ipsis eam perfici, ad quæ emanauit. Quocirca non est obscurum, duplicem esse emanationem, vnā scilicet, qua Deus & pater in se vniuoce motus est; alteram, qua ad creaturam æquiuoce; idest, illa naturaliter, hac uoluntarie. Simul demonstratum est, omnem distinctionem huius ab illo motionem quandam esse & distinctionem.

Quod omnis causa & motus & principium, quod propter generabilia dicitur, generatio est, quæ cum effectis ipsis simul efficitur. Cap. II.

In prima oratione de Filio, & 3. de Theologia.

Præu. 8.

SANCTUS Maximus in interpretatione illius sententiæ Gregorij Theologi: Propter hoc vnitas a principio mota & c. Omne, inquit, illud quod propter causam est, & propter causam mouetur, necessario principium habet ut sit; illam causam scilicet, propter quam factum est ut esset; finem vero motionis illam ipsam causam, propter quam mouetur, & ad quam properat. Omne autem quod propter causam est, & mouetur, necessario est generabile. si autem eius quod mouetur, finis est causa, propter quam mouetur; necessario ipsa eadem causa est, propter quam generatum est, & est. Ac rursus idem in tertio titulo ex excerptis in dogmatica Panoplia: Nihil, inquit, eorum quæ sunt, a se ipso fit, nec est expers causæ; quod autem non est expers causæ, nec immobile est; quod autem non est immobile, necessario propter causam mouetur, quod eo ipso fit, quod mouetur naturaliter a causa, propter quam, & ad quam motionem facit. Nihil enim eorum quæ mouentur, natura aptum est ut sine causa moueatur: restat igitur, ut generatio eorum quæ mouentur, principium sit omnis motus naturalis; principium vero generationis eorum quæ generata sunt, Deus tamquam auctor generationis. In interpretationibus autem quæ feruntur in illud: Dominus creauit me, hæc etiam reperiuntur: Omne, inquit, principium, aliquorum principium est; significatque habitu-

habitudinem, & non effectiōem ipsius substantiæ. talia enim sunt quę referuntur ad aliquid, vt dextrum, & sinistrum. Quare sapientia Dei, quę substantia est, non est aliorum principium (ante creaturam enim habet essentiam sapiētia Dei) cum autem acceperit habitudinem ad creaturas, tūc efficitur principium viarum Dei, ad faciendum & prouidendum in opera quę ab auctore existunt, quę nihil conferunt sapientię ipsi, vt sit sapientia; sed habitudo, secundum quam principium & effectio dicitur, tunc extitit, cum effecta extiterunt. Principiū enim non antecedit ea, quorum existit principiū; nec ista post principium existere dicuntur; quamuis creaturę in tempore existunt. sapientia enim cum sit æterna, non est subiecta tempori. Principium igitur compar & socium est creaturarum: sapientia vero, quę filius Dei est, creaturam antecedit. Si ergo dicat: Dominus creauit me, ne intelligentiam ad diuinę substantiæ effectiōem referas; sed potius ad habitudinē quam dicit creatam esse in opera; vt esset principium, id est, causa viarum prouidentię prouidentiū. Ex quibus efficitur manifestum, quod omnis causa & motus & principium, quod est ad aliquid, principium & finem habet causam, propter quam cœptum est aliquid, & qua terminatum: & propterea necessario est generatio; & hęc est eius essentia, esse scilicet generationem. ad causam enim & ad principium & ad motum ea quę sunt ab ipsis effecta & cœpta & mota, spectant: effectiōem vero & causam ac principium capiunt ipsum suum motū naturalem. Deus autē omnis generationis est effector, & omnis naturę auctor; est igitur omnis secundum generationē principij & causę ac motus effector & formator. Adhuc etiam ex his constat, quod in istis ipsis generatio & principium & creatio tunc extitit, quando extiterūt quę inde profecta sunt. quare sapientia Dei, quę est substantia, & ante omnem creaturam ex æternitate sapientia existit, viarum Dei, quę in efficiendo & prouidendo consistunt, efficitur effectrix & origo & causa, eatenus tamē, quatenus creationes istas incipit ratione causę & principij earum, vt principium supra quā principium.

Ex S. Maximo.

Propter hoc vnitas a principio i mota) Idem auctor S. Maximus
prose

Ibid.

prosequens ibidem locum de creaturis, quæ a Deo tamquam principio & fine sunt & moventur, subiungit cōcludendo: Vna igitur est eius quod est, quomodocumq. est, & quod secundum naturam mouetur, causa tamquā principii & finis. propter quam causam & est & mouetur omne quod est & mouetur. virtus enim Dei efficax & facit quæ sunt, vt Deum decet; & producit ac trahit provide tamquam finis quæ moventur; eaq. circumscribit. Si autem quod mouetur ac generatur, propter causam est & mouetur & generatum est; omne igitur quod non est propter causam, idem neq. factum est, neq. mobile est. nec enim mouetur quod penitus non habet causam vt sit. Si autem causam non habet, necessario etiam est immobile. immobilis igitur est Deus, vt qui nullam causam essentie suæ habeat, sitq. ipse omnium rerum causa. Hoc loco questionem ponit S. Maximus, ad quam respondet: Quomodo, inquit, dicit aliquis, hic admirabilis doctor (Gregorium Nazianzenum dicit) Deum facit mobilem? Sic enim ait: Adcirco vnitatis in dualitatem mota, in trinitate substitit. Respondebimus, inquit S. Maximus, maxime omnium nouisse Gregorium esse Deum immobilem: sed (vt exemplo utar) sicut ratio scientiæ cuiuscumq. artis manens in se penitus immota, dum formatur secundum singulas formas siue species, quæ sub illa arte continentur, moueri dicitur, cum magis ipsa moueat secundum se id quod arte fit, quàm moueatur; & sicut lumen, quod aspectum mouet ad videndum, moueri dicitur, cum proprie omnem aspectum magis moueat, quàm moueatur; sic Deus cum sit omnino immobilis secundum substantiam & naturam, quippe infinitus, & omni habitudine solutus, & incircumscriptus; tamquam quedam ratio scientiæ in naturis & substantijs rerum existens, moueri dicitur, dum mouet provide vnāquamq. creaturam secundum rationem quā innatum est ei vt moueatur; & tamquam causa omnium omnia quæ prædicantur de ijs quorum causa est, nihil patiēdo recipiens: quia scilicet ipse est omnia, quatenus est auctor omnium. Ac sane quidem versatus in hac questione Dionysius, Quid denique, inquit, volunt Theologi, qui aliquando quidem vocant Deum amorem & dilectionem; quandoq. vero amabilem & diligendum? quatenus scilicet amor & dilectio est, quia e se effundit amorem, moueri dicitur procreator amoris: quatenus vero amabilis & diligendus, mouet ad se quæ amoris & dilectionis sunt capacia, quibus inest vis & facultas eum appetendi, vt cuiq. conuenit. & vt explanatius rursus dicam, mouetur quidem generans in ipsis creaturis habitudinem interioris amoris & dilectionis; mouet vero tamquam trahens naturæ appetitum eorum quæ ad eum moventur. hætenus S. Maximus. Plura de his in quinta decade, cap. 3. ubi de proprietatibus diuini amoris. non est aliquorum 2 principium) S. Maximus in prima centuria Theologica cap. 7. Omne principium, inquit, & medium, & finis non negant

Dionys. cap. 4
de diuin. nominib.

negant prorsus prædicamentū ad aliquid, Deus autem infinito intervallo omni habitudine superior est, quare consentanee neq. principiū, neq. medium, neq. finis est, neq. quidquam aliud in universum eorum in quibus prædicamentum ad aliquid secundum habitudinem consideratur.

Quòd omnis generatio est interiecta duobus; & impossibile est hanc existere altero absente ex duobus quæ habitudinem faciunt. Cap. III.

SANCTUS Maximus in disputatione contra Pyrrhum, Sicut, inquit, inflammatio inflammatū & inflammantē secum infert; & refrigeratio refrigeratum & refrigerantē; & visio videntem & rem visā; & intelligētia intelligentem & rem intellectā (non enim potest habitudo sine habentibus habitudinem intelligi & significari) sic, ut consequens est, deificatio deificatum & deificantem secum inducit. Et rursus idem cap. secundo tertię Centurię: Quorum esse in multitudine cernitur, horum esse differens & varium est; quorum autem esse differens est, horum habitudo inseparabilis est; quorum vero habitudo inseparabilis est, proprium est eis, ut a se ipsis mutuo prohibeantur, ne infinita esse existimentur. quorum autem esse non est infinitum, eorum scilicet, quorum generationem sæculū aut tempus antecessisse cogitatur, liquet eorū generationem esse ex eo quod non erat. Et Ioannes Damascenus: Oportet, inquit, quæ sunt ad aliquid, qualiacumq. sint, sub aliquod aliud prædicamentum reducere, ut ipsa prius in se considerentur; postea, tamquam habitudinem habentia, opus est sub prædicamentum eorum quæ sunt ad aliquid, redigere. Opus enim est esse quædam prius solute; & postea considerari eorum habitudinem. Immo & beatus Cyrillus: Habitudine, inquit, ad Deū adoptati filij, deificamur. Ex quibus efficitur, non posse fieri, ut generatio aliquorum consideretur, altero quouis eorū quæ ad habitudinem pertinet, sublato. Quod quidem verum est in personis diuinis, quia hæ sunt æternæ, simul scilicet existere habitudinem; tamen in Deo & in creaturis eius postea efficitur habitudo, quādo ipsa illa quæ habitudinem habent, existunt; ut demonstratum est.

Quòd

Quòd habitudo & motio Dei ad efficiendas creaturas, & omnium creaturarum generatio & productio, emanatio eius & operatio vocatur, & sapientia & virtus & magnificencia, & quaecumq. ad principium viarum eius pertinent, quæ ex mirabili effectione creaturarum cognoscuntur. Cap. IIII.

Magnus Dionysius cap. nono de diuinis nominibus, Nunc autem, inquit, diuinam diuersitatem ne mutationem quandam illius qui idem est immutabiliter, esse suspicemur; sed potius multiplicationem singularem, & emanationes simplices ad omnia. Diuinus Maximus, dum hoc ipsum explicat, Multiplicationem, inquit, singularem cum dicit, intelligere oportet Deum in sua simplicitate manentem multiplices & varias species creaturarum efficere, emanationem enim vocat illum veluti motum & conatum ad creaturas fabricandas. Rursus idem Dionys. cap. quinto de diuinis nomin. Si quidẽ, inquit, causa omnium ab emanatione, creaturarum effectrice, & bonitate exorsa, & per omnia means, & cuncta e se ipsa implens existentia, & in omnibus creaturis exultans, cuncta in se ipsa habet anticipata, una superlata simplicitate omnem duplicitatem excludente; cuncta similiter continet infinitate sua supra quàm simplici; & ab vniuersis vnice participatur. Quem locum rursus adnotans idem qui prius, Emanationem, inquit, vocat nõ solum se contemplari, sed fundere se, & meare, & creaturas efficere. Et iterum adhuc idem Dionys. cap. secundo ecclesiasticae hierarc. Vt enim, inquit, præclarus noster ductor dixit, primus quidem motus metis ad diuina, est dilectio Dei; sacræ vero dilectionis manatio summa ac maxime princeps ad faciendum sancte mandata diuina, est generatio illa summe mystica, qua efficitur vt simus diuine. Magnus vero Basilus in adnotatis a S. Maximo de energia contra monothelitas, Aliud, inquit, est qui operatur, aliud operatio, aliud opus; ac maxime ista inter se differunt. operans enim est qui ad operandum mouetur; operatio est veluti motus operatorius, ipseque vt ita loquar, conatus voluntatis ad operandum aliquid tendens & spectans, & simul vt electio facta est, quiescens ac desinens, & cito mota, ac

ta, ac præteriens. opera vero sunt, quæ hac operatione perficiuntur, & inde existunt. Et idē rursus in secūdo contra Eunomium: Potentiam enim, inquit, & sapientiam, atq. artem, non autem ipsam Dei substantiam indicant creaturæ, immo nec ipsius auctoris totam potentiam necessario ostendunt. contingit enim aliquando, vt artifex non omnes vires suas in ijs quæ facit, collocet; quin potius sapenūmero in operationibus artis suæ remissis viribus vtatur. Ac rursus idem, Amplitudinem, inquit, Dei, & potentiam ac sapientiam, tum bonitatem & prouidentiam, qua nos procurat, & iustitiam iudicij eius dicimur cognoscere, non autem ipsam substantiam. Iterum idem Basilii in oratione de principio Prouerbiorum: Qui cognoscit, inquit, ex fabrica mundi architectum, idem cognouit ex sapientia mundi Deum. Inuisibilia enim Dei a creatura mundi per ea quæ facta sunt, intellecta conspiciuntur. Et iterum ibidem: Et in summa, illud: Dominus creauit me principium viarum suarum, de sapientia quæ in mundo apparet, dictum est, quæ per ea quæ cernuntur, vocem ferē mittit, se a Deo factam esse. Præterea etiam sunt quædā rationes sapientiæ, quæ vt primum seminariū ante alia ingenerata est creaturæ in ipsa creatione. Hæc sapientia silendo, creatorem suum & dominum clamat, vt per eam ad cogitationem eius qui solus sapiens est, te referas. In prima & œcumenica Synodo ex responsione patrum ad philosophum, quam Eusebius litteris mandauit: Aduertendum, inquit, est, hunc esse Dominum, qui sapientiam ratiocinantem creauit principium viarū suarum; quam preparauit hominī ad imaginem suam a se creato. & in Sapientia Sirach, Omnis sapientia, inquit, a Domino, & cum ipso in sæculum: prior omnibus creata est sapientia; & intellectus prudētiæ, ab æuo: radix sapientiæ cui reuelata est? & astutias illius quis agnouit? Vnus est sapiens, pertimescendus, sedens super thronum illius Dominus: ipse eam creauit, & effudit eam super omnia opera sua. Diuinus Chrysostomus, Videamus, inquit, quid Philippus videre velit: an sapientiam spiritus sancti? an bonitatē? minime. sed illud, quid est Deus; ipsam, inquam, & substantiam. Et Gregorius Theologus in oratione secunda de Theologia, Non vidi, inquit, primam

G & æternam

Rom. I.

Prov. 8.

Gen. I.

Eccli. I.

Ioan. I 4.

Psal. 8.
Exod. 33.

Luc. 18.

Matth. 7.

Luc. 6.

& æternam naturam, quæ sibi, idest, Trinitati nota est, & quanta intra primū velum manet, & a Cherubinis contingitur; sed illam quæ extrema est, & ad nos peruadit; quæ est, quantum intelligo, amplitudo illa, vel, vt Dauid ait, magnificentia, quæ in creaturis, & in ijs quæ ab ipso effecta sunt & gubernantur, cernitur. Hæc enim sunt posteriora illa Dei, quæ post eum sunt ipsius indicia & notæ. Magnus Dionysius in capite octauo de diuinis nominibus, Infinite potentiæ Deus non eo solum quod omnem potentiā producit, sed quod est supra omnē potentiā, & ipsa per se potentiā; & quod est supra quā potēs ad producendas infinite infinitas alias potentias; & quod nunquam possint infinite potentiæ in infinitum productæ effectiōem supraquā infinitam potentiæ eius potentificæ hebetare & retundere. Et rursus: Hoc ipsum etiam esse potentiā, si fas est dicere, habet vt sit ab ipsa potentiā, quæ supra substantiam est. Et diuinus Chrysostomus in homilia LXIII. in Matthæū: Cū dicit, Nemo bonus: non hoc, inquit, dicit, quasi se neget esse bonum; apage; non enim dixit, Cur me dicis bonum? non sum bonus: sed dixit, Nemo bonus; idest, nullus homo. & hoc ipsum cum dicit, non priuat bonitate homines; sed ad distinctionem bonitatis Dei hoc pertinet. Et iterum in eodē Matthæo homilia XXIII. Si vos, inquit, cū sitis mali, noſtis bona data dare filiis vestris: etenim illic etiam malos vocauit, non quod omnem naturam humanam malitiæ condemnaret; vos enim, ait, non vos homines: quin potius sic nominauit, idest, malos, conferens bonitatem hominum cum bonitate Dei. Item ex Panarijs Synodus habita contra Manichæos ab episcopo Carorū Abucara: Bonitas, inquit, quæ in vniuersitate mundi cernitur, accretionem & decretionem recipit, vt quæ accidens sit. Et rursus: Bonum in Deo substantia est; in creaturis vero accidens. Estote enim, inquit, misericordes, sicut pater vester cælestis. Et iterum Dionysius: Verum, inquit, est nos Deum cognoscere, non quidem ex natura eius (hæc enim ignota est, & omnem rationem ac mentem vincit) sed ex ordine omnium rerum, vtpote qui a Deo ipso factus sit, & imagines quasdā & similitudines exemplariū eius habeat. Immo & Ioannes Damascenus libro

tertio,

tertio, cap. LXII. Dicitur, inquit, ἡ ἐνέργεια ἐνέργημα, idest, operatio opus, & opus operatio; sicut τὸ κτίσμα κτίσις, idest, creatum creatura, & creatura creatum, hoc est, res creata. sic enim loquimur, omnis creatura, cum omnes res creatas significamus. Est autem advertendū energiā, idest, operationē, motū esse, & magis effici, quā efficere, sicut ait Gregorius Theologus in oratione de spiritu sancto; & si energia est spiritus sanctus, efficietur scilicet, nō efficiet: & simul ut erit effectus, quiescet. Ex his liquet, quod operatio & emanatio idem sunt. Ut enim emanatio motus & conatus est ad efficiendas creaturas, sic est operatio veluti motus operatorius & conatus ipse (ut ita dicam) electionis. ac rursus, ut erat habitudo conatus & motus inter ea, quorum est inter se habitudo; sic operatio media est inter opera quæ fiunt, & operantē. Emanatio igitur, & operatio, & habitudo, & generatio, ac motus idem sunt: ac proinde consequens est, ut habitudo & motus Dei ad efficiendas creaturas, & ars & sapientia & potentia & generatio creaturarum, & emanatio & operatio eius idem sint.

Scholia.

Anticipata dicit propter ideas omnium creaturarū in Deo, quas Apostolus ἀποπροποθε vocat, ut S. Maximus in scholijs in Dionysio notavit, idest, præordinationes, siue prædefinitiones, siue prædestinationes, non autem ipsam Dei substantiam. Non significant creaturam, sicut neque nomina eis imposita, bonus, sapiens, & similia, Dei substantiam, sed operationem, quando consideramus creaturas quatenus habent perfectiones Dei participatas & a Deo effectas, quibus significandis nomina sunt a nobis prius imposita. Quando vero ex ipsis creaturis ad auctorem contemplandū deducimur, substantiam eius nobis indicant, ut copiosius decade 4. cap. 9. dicetur tum a Cyparissio in epologo eiusdem capituli, tum a nobis in scholio, ipsam substantiam idest, quæ sit substantia, siue essentia, siue natura Dei. & Cū dicit, Si fas est dicere, significat, ait S. Max. nō esse possibile esse aliquid quin existat a Deo. quod usq. adeo scilicet verū est, ut si ipsum esse esset, ipsum esse esset a Deo; sed esse, inquit S. Thom. non dicitur proprie esse, siue quod sit, sed quod per esse aliquid sit. s. Panaria vocat volumina, in quibus ferebatur diversorū auctōrū consutationes heresum, sicut Epiphanius opus suū cōtra hereses Panarium vocavit. In istis Panarijs, quæ dicit, ferebantur fortasse quæ scripserunt cōtra Manicheos Titus Bostrenus, Diodorus Cilix, Georgius Laodicensis,

Eusebius Phœnix, quos Theodoretus nominat; & istius Synodi contra eosdem Manicheos disputatio, cap. proximo sequenti quæ hic vocavit Panaria, vocat scripta contra omnes hæreses.

Quòd quacumq. habent rationem operationis, & media esse probantur, natura per se non existunt; & sunt solummodo, quatenus fiunt. Cap. V.

Magnus Basilius libro quarto contra Eunomium, Si, inquit, opus est filius, & non germen; nec qui operatus est, nec operatio est ipse; aliud enim est operatio præter ista; alioqui nõ existeret per se. nulla enim operatio per se existit. Sin vero est opus ipsum, sequitur vt sit tertius ex patre, & non sine intermedio. est enim primo, qui operatus est, postea operatio, & ita tertio opus factum. Et Basilij frater Gregorius Nyssenus libro secundo confutationum arguens Eunomium, qui filium aiebat esse sigillum operationis Dei omnipotentis: Tertiũ, inquit, facit post patrem illa operatione nõ per se existente intermedia; immo videtur facere eum nõ esse. Et iterum in eodem libro: Qui habet, inquit, aures audiendi, animaduertat & consideret quod est operationis sigillũ. Omnis enim operatio cernitur in elaborate aliquid, perfecto autem quod elaborabatur, non existit: vt operatio cursoris, quæ est motus qui pedibus conficitur; quiescente motu, non amplius existit operatio. Similiter dicendum est in omni exercitatione; pariter cum studio laborantis in re aliqua desinere operationem. non existere autem per se, siue cũ quis non operatur quod sibi propositum est ad laborandum in eo; siue cum laborare desinit. Quid igitur cogitat operationem esse per se, quæ neque substantia est, neque character, idest sigillum, nec hypostasis? Dixit igitur simile esse ipsum nõ existenti per se. quod autem simile est non existenti, necessario nec ipsum est. hoc est nouorum dogmatum monstrum, credere scilicet in eum qui non est. Quod enim (vt iterum dicam) simile est rei quæ non est, prorsus nec ipsum est. Synodus autẽ a Theodoro episcopo Carorũ contra Manichæos habita, quæ fertur in ijs quæ contra omnes hæreses scripta sunt, ait: Omnis operatio est cum fit, quæ nec ante

ante motum operantis, idest, actionis est; neq. post motum durat; opus tantum quod effectum est, sæpe ad memoriam actionis relinquit. Si igitur energia actus est, omnis autem actus alicuius substantiæ actus est; igitur absque substantia non est. Ex his perspicuum est, quod operatio rationem mediij præfert, & ob eam causam nõ existit per se; solummodoq. est cum fit, non ante motum operantis, idest, ante actum; neq. post motum permanet. Similis est ergo operationi omnis emanatio, & generatio, principium & causa; vt ex superioribus demonstratur.

Quod sicut operatio est eorū quæ fiunt, & emanatio eorum quæ emanant; sic & voluntas & expetitio eorum quæ velle & expeti contingit. Cap. VI.

Magnus Athanasius libro tertio cōtra Arianos: Sicut, inquit, voluntati opponitur id quod est præter mentem; sic superat & præcedit voluntatē quod naturale est. Domum igitur quispiam deliberando fabricat; filium vero naturaliter generat. atque illud quidem quod voluntate fit, cœpit esse, & extra eum qui fecit, est; filius vero proprius fœtus est substantiæ patris, & non est extra eū. quamobrem non deliberat de eo, ne videatur etiam de se ipse deliberare. Quanto igitur excellit filius, tãto quod natura fit, excellit id quod voluntate fit. Rursus idem in disputatione Niceæ contra Arium: Et quidem quod nõ sint idem voluntas & substantia, hæc est nostra ratio. idcirco enim filium dicimus esse fœtum substantiæ, nos vero fœtum voluntatis. vt autē tu concedis, non sunt idem voluntas & substantia: substantia vero neq. cœpit, neque desinet: non igitur imago cœpit, neque desinet; voluntas vero & incipit, & desinit. Et Gregorius Theologus in libro de statu episcoporum: Fac, inquit, velis fieri filium, & fiat filius; fac similiter velis fieri quidpiam aliud eorū quæ fiunt, & procedat voluntas in opus. at si nihil horum sequitur voluntatem, Deum vero velle, facere est; aliter quidem homo creat, aliter vero creator omnium Deus. Et sanctus Iustinus philosophus & martyr in libro contra gentiles: Cum Deus, inquit, habeat substantiam quidem vt existat, volūtatē vero vt creet; qui substantiæ

stantiæ & voluntatis differentiam abijcit; existentiam simul & creationem tollit: existentiam quidem Dei, creationem vero eorū quæ non sunt. Et paulo post: Substantia enim, inquit, non recipit non esse, voluntas vero recipit non esse. Gen. I. voluit enim Deus, & factus est sol; noluit ut fieret secundus sol, & non est factus: nec enim opus erat. Et Ioannes Damascenus: Opus, inquit, diuinæ naturæ sempiterna generatio est; opus vero diuinæ voluntatis creatio. Ex his liquet, quemadmodum voluntas Dei ad creandum creaturas posterior est & diuersa a substantia Dei. Quo enim ministerio indigere potest (ait magnus Basilius de vnigenito) is qui simul ut voluit, creatura existit quam vult? Si igitur simul cum voluntate creatura existit, sicut non est ex æternitate creatura, sic nec voluntas eā creandi, & opus. opus enim Dei velle est; & sicut opus voluntatis est creatura, & hæc voluntatem sequitur, sic diuina generatio filio simul terminatur. & idcirco generatio diuina, quæ a Deo patre in filium procedit & manat, eadem est re cum eo ipso patre, quæ verbis explicari nō potest. Est autem verbum Dei increatum, increata igitur est generatio eius supra naturā creatam, tamquam naturalis emanatio patris. voluntas vero & nutus Dei ad producendas creaturas, quæ ex æquo cum emanationibus & operationibus Dei proficiscitur, differt, sicut ratio poscit, a substantia Dei, quia illa scilicet voluntas Dei cœpit, & est extra facientē & creantem; hæc vero, idest, substantia Dei æterna est, & intra se ipsa fixe manet. illa incipit & desinit, hæc initij & finis expers est; illa recipit nō esse, cū Deus nō vult esse, hæc nunquā recipit nō esse.

Quod secundum hanc voluntatem & desiderium Dei ipsius erga nos prouidentia dicuntur. Cap. VII.

Athanasius in tertio contra Arianos: Omnia, inquit, dedit pater filio, & omnia rursus pater habet in filio: diuinitas enim filij, diuinitas patris est, atque ita pater prouidentiam omnium in filio gerit. Et iterum idem contra gentiles: Per incarnationem, inquit, verbi prouidentia omnium patuit, & ipsum verbum huius prouidentia suppetitor & auctor est. ipse enim factus est homo, ut
nos

nos deificaremur: se ipse per corpus manifestum fecit, ut nos patris inaspectabilis notitiam caperemus. Immo & magnus Basilii in moralibus, sexto & quadagesimo Psalmo: Intende, inquit, prospere procede, & regna: id est, qui curam hominum per carnem habere coepisti, fac ut curam hanc intendas, continues, & nullo unquam tempore relaxes. Et Damascenus Theologus: Prouidentia, inquit, est cura Dei de omnibus. Et Theodorus cognomento *καὶ ὁ πατρίων*: Cuius nam, inquit, rei prouidentia erit, si non sit quod seruetur incolume? prouidentia enim ex ijs est quæ sunt propter causam. Quare ex his patet, quæadmodum propter ea quæ a se facta sunt, prouidentiam habet Deus, quia illa procurat & gubernat; & ipse est Dei verbum, huius prouidentiae suppeditor & auctor. Quod si propter ista facta est, quomodo non sit condita & creata & in ijs numerata, quæ sunt propter causam, secundum naturam operationum & emanationum, & aliorum quæ ad habitudinem pertinere intelliguntur?

Quod generatim omnes diuine emanationes prouidentia dicuntur mente contemplabiles. Cap. VIII.

Magnus Dionysius primo cap. de diuinis nominibus ait: Non solum enim est causa continendi omnia, & vitæ ac perfectionis causa est, ita ut ab hac sola, aut ab alia prouidentia bonitas, quæ omne nomen superat, nominetur: sed vniuersa simpliciter & incircumscripse in se anticipauit perfectis bonitatibus ipsius vnica & omnium effectricis prouidentia; & ab omnibus rebus apte laudatur & nominatur. Atqui non solum hæc nomina diuina Theologi celebrant, quæ a prouidentijs generalibus, aut a prouidentijs in parte, aut ab ijs quibus prouidentur, & aliquando a quibusdā diuinis visis dicuntur. Idem rursus in epistola ad Titum: In prouidentijs, inquit, Dei, quas mente contemplamur, vel in donis, ¹ vel visionibus, ² vel proprietatibus, ³ vel facultatibus, ⁴ vel stationibus, ⁵ vel mansionibus, vel emanationibus, ⁶ vel distinctionibus, vel coniunctionibus. ⁷ Et rursus cap. quarto de cælesti hierar. Cuncta, inquit, quæ sunt, prouidentiam participant, quæ ex diuinitate, quæ omnem naturam ante-

antecellit, & omnium rerum causa est, effluit. Quo in loco sanctus Maximus: Omnia, inquit, opera creationis summatim declarat, cum dicit, Quæ sunt, omnia scilicet intellectilia & sensilia. vniuersa enim fecit Deus, cum non essent, & ob eam causam solum, vt bonitate ipsius fruerentur. fruuntur autem prouidentia ipsa, vt quæque res apta est. prouidentia enim Dei principium est naturæ cuiusque rei. atque hinc patet Dionysium omnem emanationem Dei prouidentiam appellasse. hoc enim est illud apud Dionysium, Ab hac sola, vel ab alia prouidentia; & illud, A generalibus prouidentijs, vel prouidentijs in parte, vel ab ijs quibus prouidetur; & illud rursus, In prouidentijs Dei, quas mente contemplamur; plane contentus fuit Dionysius pro emanationibus prouidentias dicere: nisi quis forte dicat, idem esse prouidentiam, & emanationem. emanare enim propter aliud quid, quid aliud est quam prouidere suis, propter quos a principio emanationem fecit, & adhuc eorum curam gerit. quod magis adhuc ex eo constat, quod prouidentia Dei principium est naturæ rerum. omne autem principium aliquorum in ijs quæ ab ipso principio existunt, concluditur. liquet igitur esse prouidentiam vnum ex ijs quæ a Deo voluntate sua facta sunt. Enumerat autem Dionysius in prouidentijs dona & visiones & alia, vtens voce disunctionis, vel, ad declarandum, non esse improbandum, si quis hæc hoc aut illo verbo vocet.

Scholia.

Psal. 144.
Gen. 18.
Matth. 3.
Act. 2.

Dent. 4.

Idest, ita ¹ in se omnia anticipauit, & omnia est, vt cum eis non sit coagmentatus, neq. corporee vnitus: hoc est simpliciter & incircūscripte omnia esse in eo, & ipsum esse omnia. Cōtra aiebat Manichæus Deum omnibus corporibus συσσωμμένον, idest, vt ita vertamus, co-substantiatū. Prouidentia 2 donandi, vt in illo, Aperis tu manum tuam, &c. in 3 visionibus) vt cum in veteri testamento apparebat Deus specie hominis; & sicut spiritus sanctus apparuit in specie columbe, & linguarum ignearum, 4 proprietatibus) vt in propheta Amos, adamas, prouidit Deus, vt similitudine & exemplo adamātis ostenderet nobis τὸ ἀγαθὸν καὶ ἀδάμαστον αὐτοῦ, vt cum dicit scriptura: Deus ignis consumens est, prouidit vt sic significaret vim consumendi prauos habitus. 5 facultatibus) vt oculi, qui facultatem videndi, & pedes ambulandi significant, species prouidentie sunt. statibus 6

vel mansionibus) ut cum dicitur, lapis fundamenti, significat providentiam status immutabilis, emanationibus 7 vel distinctionibus) ut cum dicitur, flos agri & liliū convallium, varietas providentia significatur, & conjunctionibus) ut cum vocatur lapis angularis, significatur providentia convertendi ad se, & secum copulandi.

Cant. 2.
Ephes. 2.

Quod secundum ipsas Dei providentias & emanationes
atq. operationes sunt nostra divina participationes,
& divina nomina. Cap. IX.

Magnus Dionysius cap. primo de divinis nominibus. Hæc, inquit, ex scripturis divinis didicimus; & omnem fere sacram scripturam reperies ad declarandum nobis Deum & ad laudandum eum; divina nomina formare secundum divine bonitatis emanationes. Et iterum in secundo capite: Absolute communicationes vitæ, sapientiæ, & alia dona divine bonitatis omnium rerum effectricis, in quibus donis divine personæ, quæ sine natura sua participatione participantur, a participationibus & participantibus laudantur. Quo in loco S. Maximus: Secundum substantiam, inquit, divinitas neque participat, nec intelligitur, participabilis vero est, quatenus ab ea existunt omnia, & ab ea continentur & conservantur ut sint. Ac rursum Dionysius in eodem cap. Omnia, inquit, divina, etiam quæcunq. nobis declarata sunt, participationibus solum cognoscuntur; ipsa autem divina qualia tandem sint ex proprio principio & fundatione, neque mente neq. cogitatione ulla aut cognitione assequi licet. ut si abditam illam essentiam Dei, quæ supra omnem naturam est, Deum, aut vitam, aut substantiam, aut lumen, aut rationem vocemus, nihil aliud intelligimus, quam multiplicem facultatem ab eo productam & communicatam, vel ad deificandum, vel ad capiendum substantiam, vel ad vitam præstandam, vel ad sapientiam largiendam: ad ipsum vero Deum intelligendum mentem intendimus: nade ac solute ab omni operatione, nullam cernentes deificationem, aut vitam, aut substantiam, quæ perfectio similis sit illi causæ, quæ omni genere excellit & præstantia extra omnia posita est. Quem locum adnotans idem Maximus: Nomen, inquit, Dei non significat substantiam, neque quid est Deus, sed beneficentiam quandam erga

H nos:

nos: & quod ex participationibus a Deo nobis donatis nomina Dei formamus: quid autem est Deus, omnibus est incogitabile. Ex quibus manifestum sit, ex emanationibus Dei, & donis ac beneficijs eius erga nos nomina ipsius confici. ea vero ipsa quæ in Deo sunt, cuiusmodi deum sint ratione sui principij & fundamenti, & quæ in eo sunt, supra omnem mentem, notionem, ac cognitionem naturalem putandum esse: atq. etiam (id quod prius demonstrabatur) ex magnificentia & rerum ordine Deum cognosci, non autem ex substantia sua. Quamvis enim deificationes ab eo ad nos proficisci audiamus, aut facultates deificas vel substantiæ, vel vitæ, vel sapientiæ effectrices, nihil aliud intelligimus, quam ab ipso ad nos proficiscentes habitudines, motiones, emanationes, & operationes: nulla autem ex istis motionibus, si sic eas vocemus, similitudinem aut proportionem habet cum illa omnium rerum causa, & omnem naturam superante. hæc enim omnia propter causam mota sunt: omne autem quod propter causam est & mouetur, factum est, ac principium & finem habet.

(Absolue) ex parte principij, siue essentia diuina, quia essentia diuina secundum se non communicatur cum creaturis, sed remanet soluta ab omni habitudine participationis, communicatur tamen secundum similitudinem.

Quod Deus est vnus, & impartibilis, & non multiplicabilis, & immobilis: in his autem emanationibus videtur moueri, & partiri, ac multiplicari, & diuidi. Cap. X.

Magnus Dionysius capite secundo de diuinis nominibus. Quia Deus supra substantiam est, & omnibus quæ sunt, dat esse, & omnes substantias producit, multiplicari dicitur illud vnum ens, eo quod ex productione eius multa existunt, cum alioqui nihilominus maneat & vnum in multiplicatione, & vnitum in emanatione. Ac rursus idem in eisdem Diuinam discretionem inquir, dicimus, sicut dictum est, emanationes Dei, bonitatem eius decentes, largiens enim omnibus esse, & fundens affluenter omnium bonorum participationes, distribuitur vnite, & multiplicatur singulariter, efficiturq. multiplex non recedens ab vno. Quem locum adnotans S. Maximus, Dicitur,

Dicitur, inquit, vñ multiplex fieri, quia ex ipso, ac per ipsum, & in ipsum cuncta condita sunt; & ipse est caput omnium quæ sunt; & ipse omnes substantias produxit. recte igitur propter ea quæ ab ipso effecta sunt, multipli- *Colosic.* cari dicitur. Ac rursus idem Dionysius cap. nono de divinis nominibus. Quid, inquit, cū rursus Theologi dicunt in cuncta mutari, & moveri immobilem; nonne hoc vt Deum decet, intelligendum est? Pie enim putandū est moveri Deum, non quasi feratur, aut mutetur; aut varietur aliquo modo, aut motu loci siue recto, siue rotundo, siue ex utroque composito, neque motu intelligentiæ, neque naturali, nec animali, sed quatenus omnia Deus producit vt sunt, & omnia continet, & omnibus varie providet. Hunc locū edisserens S. Maximus, Deus, inquit, non movetur aliquo ex istis genere motus, quin potius motus immobilis, & eodem modo se habentis voluntas eius dicitur, quia vult esse ea quæ sunt, & emanatio providentiæ ad omnia. Ex his patet, Deum nullā ex ijs motionibus, quas Dionysius ingeniose enumeravit, moveri, illa tantum excepta, quæ externa est, & qua creaturas per suas divinas emanationes produxit, multiplicatus & dispersus ac distributus non quatenus ipse est, sed quatenus manens immobilis & impartibilis, & multiplicationis expertus, & eodem prius & postea tenore, sola voluntate omnia produxit, neque sic a se ipso vllō modo recedens. Quod enim moveretur, qui omnia substantia sua replet? Immo sicut si vna facies maneat, cuius forma nulla partē & nullō modo varietur, & ponamus multas circū facies ex fulgore illius emicare, videor mihi ex hac tenui imagine ac similitudine coniecturam de his facere. ad hunc modum recte quis dicat, non distribui aut partiri aut multiplicari Deum, sed nos potius ab eo tamquam similitudines & imagines exemplarium eius, distinctos ac variatos esse, & multiplicationem & partitionem subisse. huiusmodi enim affectiones similitudinibus non Deo conveniunt. Sic a Dionysio rerū divinarū peritissimō hæc quæ in Deo apparet, discretio appellata est. Videtur enim, inquit, & dicitur vnus Dei discretio & multiplicatio: est tamen nihilominus principū divinitatis supra omnē naturā vnus Deus impartibilis in partibilibus,

ATTRAVO

H 2

&

& focū ipse copulatus, & permixtionis pluriū, ac multipli-
 rationis expers. Sed ut iam capita huius decadis in sum-
 mā redigamus, exponā simplicem eorū seriem. Demon-
 stratū est duplicem esse speculationē diuinarū emanatio-
 nū; vnā emanationū in Deo naturaliter, alterā emana-
 tionū extra Deū ad creaturas pertinentiū voluntarie. ag-
 grediētes igitur hanc exteriorē, in qua multitudo diuina-
 rū emanationū versatur, secundo loco principiū ad creaturā
 2 & motū ac causam demonstrabamus generationi re-
 rū conuenientē: nullā autē generatio sine habitudine est:
 3 vnde tertio necessario sequebatur, altero eorum quæ ha-
 bitudinem faciunt, deficiente, non consistere generatio-
 4 nem. quarto deinceps loco, omnis effectio, quæ ad effe-
 ctū refertur, emanatio est in ea & operatio. postea quæ-
 5 rebatur, quæ esset harum emanationum & operationum
 6 essentia, & an per se existerent, ac non potius essent cum
 fierēt. hoc autem explicato, in sextum locum incidit de
 voluntate & expetitione Dei differere, & quomodo sicut
 emanationes Dei eorum sunt quæ a Deo emanant, sic vo-
 7 luntas Dei eorum est quæ Deus vult, deinde explanaba-
 8 tur, quemadmodum huiusmodi voluntates tum emana-
 9 tiones, tum prouidentia. Deinde dicuntur, & rerum guber-
 nationes. post septimū sequebatur octauū caput, in quo
 10 docebamus prouidentia, nomen diuinarum prouidentiarum accipi, in nono autem & decimo capite duo
 sunt ordine conclusa; vnum est, secundum ipsas diuinas
 prouidentias & emanationes omne nomen diuinum &
 Dei participationem fieri. alterū, eū qui est vnus Deus,
 & impartibilis, & immobilis, & non multiplicabilis, vi-
 deri in ipsis illis prouidentijs & emanationibus. disparti-
 ri, moveri, ac multiplicari. recte igitur a Theologis de
 diuinis emanationibus explicatum est, & merito emana-
 tiones Dei dicuntur: effectiois enim, siue creationis,
 & aliarum emanationum conditor & auctor & effector
 est Deus: & nullus motus ad terminum creatum refer-
 tur, quin secundum terminum ad quem refertur, cepe-
 rit naturam, propter creaturam enim cēpit principium,
 & extitit, & perfectus est. vbi autem sunt principia & fi-
 nes rerum, etiam vniuersum in illis concluditur.

QVARTA

QVARTA DECA,
DE INFORMATIONE
DIVINI NOMINIS.

*Quod omne nomen Dei est nostræ mentis inuentum, & ob eā
causam omnis nominatio Dei dicitur vana, idest intelle-
ctilis, sine sub intelligentiam cadens. Cap. I.*

GREGORIUS Theologus in sermone Epi-
phaniæ, Cū dupliciter, inquit, infinitū cō-
templemur, quando mens in illud profun-
dū superū aspexit, quia nō habet vbi sistat
& innitatur cogitās de Deo, hoc fursū in-
finitū, & vnde egredi non potest, ἀρχὴ, idest,
carens principio vocauit: quādo autem in infera, &
ea quæ subter sunt, sine interitu & immortalem: quando
vero totum complectitur, αἰών, idest, æternū appellat.
Et idem in eodē sermone: Mente, inquit, sola ad umbra-
rum ac delineatum, idq. valde obscure & tenuiter. Dio-
nysius vero Theologus summus cap. decimo tertio de
diuin. nomin. Hæc, inquit, nos diuina nomina quæ col-
legimus, pro viribus explicauimus. Et in extremis eius-
dem capituli: Sed hæc quidam, vt Deo placet, sic habeāt
& dicta sint; sitq. quod ad nos pertinet, hic finis nomi-
nibus Dei, quæ mens excogitauit. ad symbolicam vero
Theologiam Deo duce transibo. Multis in locis eū de
nominibus Dei tractat, reperitur vocare illa ὀνόματα; idest,
ad mentem pertinentia. Ex his igitur liquet, omne no-
men Dei, & omnem diuini nominis appellationem ad
negotium & tractationem mentis nostræ pertinere, at-
que inde νοητὸν vocari, idest, ad intelligentiam pertinen-
tem, cum scilicet mens aut ad ea quæ supra sunt, cietur;
aut ad ea quæ subter, aut vniuersum lustrat: atq. ita no-
minationes Dei adinuenit.

*Quod ab effectis Deus laudatur, & ex ipsis
nominatur. Cap. II.*
Magnus Dionysius cap. primo de diuinis nominib.
Quoniam vero Deus, utpote ipsa bonitas, eo ipso
quod

Colof. 1.

quoddam est, omnium causa est, prouidentia Dei, eorum qui dii dicuntur, principis, quæ omnium bonorum principium est, ab omnibus effectis laudanda est, quia & circum ipsum sunt omnia, & propter ipsum; & ipse est ante omnia, & in ipso omnia consistunt: & esse eum producit omnia, & facit ut existant. Hoc autem cum S. Maximus edisserit & retractat, Ex his, inquit, soluuntur fatuæ opiniones eorum qui ausi sunt dicere, insitam esse Deo natura quadam vim creandi, sicut insitum est araneolis texere. demonstrat enim propter solā bonitatē producere Deum omnia. Quamobrē non audent Theologi laudare Deū ab ijs quæ ipsius sunt, idest, a natura & essentia eius (hæc enim ignota sunt) sed ab emanatione, quæ est prouidentia eius in ea quæ ab ipso auctore effecta sunt. Hanc diuinam prouidentiam, quæ omnibus Deus prouidet, laudibus celebrant. Rursus idem Dionysius cap. secundo de diuinis nomin. Non est perfecta & absoluta similitudo eorum quæ effecta sunt, & causarum: quin potius habent quidem effecta causarum quoad fieri potest, imagines; ipsæ vero causæ ex effectis exemptæ sunt; & pro ratione principatus sui supra locatæ ac fundatæ. Quem locum iterum adnotans S. Maximus, Effecta, inquit, sunt omnia creata, siue in calo, siue in terra: causæ vero efficientes siue creantes, personæ sanctæ Trinitatis sunt. Manifestum igitur est, nullam esse horum inter se similitudinem, causarum scilicet & effectorum. Rursus idem in centuria octaua capite xxiiii. Aduertendum, inquit, est, quod effecta causarum imagines habent, quatenus habere possunt. effecta sunt, quæcumq; creata sunt, causæ vero, quæ illa efficiunt & creant. nulla autem similitudo est causarum & factorum. Ex quibus pater quemadmodum ex effectis, idest, ex creaturis nomina Dei, quibus Deū laudamus & imploramus, humana mens considerando adinuenit.

Quæ sint effecta, & quæ eorum materia. Cap. IIII.

Gregorius Nyssenus in explanatione Cantici cantico-
rum. Omnia, inquit, mira, quæ in vniuerso contem-
plamur, materiam diuinorum nominum præbent, qui-
bus
lus

bus Deum sapientem, potentem, bonum, sanctum, beatum, æternum, iudicem, saluatorem, & alijs huiusmodi nominamus. Et Damascenus Theologus, Deus, inquit, propter ineffabilem bonitatem voluit de nostris rebus, & nostro more nominari, ne simus funditus notitiæ eius expertes. Ex his liquet, quemadmodum humana mens est causa, quæ format, & veluti specie afficit diuina nomina; materia vero, illa admirabilia, & effecta, quæ in vniuersitate mundi contemplatur, vnde huiusmodi diuinorum nominum formam & distinctionem colligit.

Lib. 1. de fide
orthodoxa.

Specie afficere nomina est litteris ac syllabis ea inserere. ex compositione enim & serie litterarum ac syllabarum existit species & forma nominis & vocabuli.

*Quare ab effectis nominatur Deus, & non ab yis
quæ sunt nature eius. Cap. II.*

Magnus Basiliius in ijs quæ contra Enochium scripsit: Si diuinam, inquit, naturam in se contemplari possemus, & quod proprium eius est, & quod alienum, per ea quæ cernuntur inuenire, penitus non indigeremus rationibus, neq. coniecturis ad comprehendendum quod quæritur: sed quia celsior est quàm ut perspicere possit quod quæritur, ex coniecturis autem cognitionem eorū quæ nos fugiunt, venamus, necesse est omnino ut ad scrutandum diuinam naturam, per operationes deducamur. Ac rursus idem in primo contra eundem: Vnus Dominus cum sit, & vna substantia simplex & expers compositionis, aliàs aliter se nominat, aptans sibi nominationes quæ nostris cogitationibus inter se differunt. diuersa enim nomina sibi imponit, ut sunt diuersæ operationes subiectæ, & diuersa earum ad ea quæ sunt habitudo. Idem etiam: Nos vero ex operationibus Deum nostrum cognoscere dicimus: ad essentiam tamen eius appropinquare non promittimus, operationes enim Dei descendunt ad nos; at essentia eius manet inaccessa. Ex his igitur manifestum efficitur, quod sicut ex ijs quæ in Deo sunt, philosophari de Deo non possumus; sic neque per ea Deum nominare: at ex coniecturis quibusdā, quæ sunt eorū quæ in Deo sunt, similitudines & simulachra, notitiam Dei colligimus,

mus, coniecturas & operationes idem esse intelligentes. Vt enim ex coniecturis de Deo ratiocinamur, sic per operationes ad intelligendum eum adducimur. siue ex operationibus, & ex ijs mirabilibus quæ in vniuerso speculamur, Deum nostrum declarare nos dicimus. Atque tunc secundum differentiam operationum subiectarum, & ut quæque operatio ad ea quæ sunt refertur, negotium diuinorum nominum conficimus, non putantes intempestiue facere quod hæc nomina ex coniecturalibus argumentis colligimus, & imponimus. Conijcere autem quid aliud est, quam ex ijs quæ in vniuerso mira contemplamur, & ex effectis ipsis ad quæ emanationes & habitudines referuntur, similitudinem & formam ducere? Cum ergo dicimus illud, a quo & vnde materia, non appropinquamus illi ad quod tendimus, id est, substantiæ eius, sicut cum dicimus, vnde nomen cæli sumptum est, non attingimus substantiam cæli, operationem tamen eius maxime. argumentamur enim vndique ipsum a nobis aspicere.

Celum enim Græce αἴθερ a verbo ὀφθαλμῶν, quod significat video, quod ab omnibus videatur, vel omnibus appareat.

Quomodo Deus fiat a nobis multorum nominum. Cap. II.

Gregorius Nyssenus disputans contra Eunomium. Ego, inquit, quod ex scriptura sancta didici, fidenter pronuntio, eum qui est supra omne nomen, fieri nobis multorum nominum, cum pro varietate beneficiorum varie nominatur. Lumen enim dicitur, cum caliginem ignorantie depellit; vita, cum immortalitatem largitur; via, cum ab errore ad veritatem deducit; sic turris fortitudinis, & ciuitas munita, & fons, & petra, & vitis, & medicus, & resurrectio, & omnibus huiusmodi nominibus appellatur. Rursus idem: Deus quidem est secundum se id quod, deum esse creditur, nominatur autem ab ijs qui eum appellant, non id ipsum quod est (non enim explicari potest natura eius) quin potius ex ijs quæ ad vitam nostram pertinentia operari creditur, homonymias habet, id est, nomina quæ æquiuoca vocant. Et Basilii magni, Naturam, inquit, diuinam quatenus est nihil eorum

rum quæ excogitantur, declarat. Ex his igitur liquet, fieri nobis Deum multorum nominum, quoniam multis beneficijs eius ad custodiendam vitam indigemus; nosque sumus qui difficultatibus circumplicamur, & in eis Deum excogitatis & adinuentis nominibus imploramus. Quare hoc etiam efficitur manifestum, quod licet Deus ex infinitis operationibus multis nominibus afficiatur, quam tamen naturam habeat, funditus intelligentia nostra non assequitur. Cum enim duplex sit quaestio, quod est Deus, & quid est; illud quidem, idest esse, omnino inter omnes convenit; quid vero sit, & qua natura, non solum nobis, sed angelis etiam est ignotum.

An sint ex aternitate nomina Dei. Cap. VI.

Basiliius in secundo libro contra Eunomium, Non enim, inquit, natura rerum nomina sequitur; immo post res ipsas inuenta sunt nomina. etenim si hoc esset verum, non esse nomina rebus posteriora, opus esset ut quorum sunt eadem nominationes, una & eadem substantia esset. ex quo fieret, ut quia qui sunt virtute perfecti, digni nomine Dei habentur, & dii appellantur, essent homines homouisi, idest, eiusdem substantiae qua Deus. verum sicut dicere hoc manifesta insania est, sic illud dicere aequae dementia est. Immo & Gregorius Nyssenus libro xiii. disputans contra Eunomium: Miserator, inquit, & misericors Dominus, patiens, & multae misericordiae, quid haec aiunt significare? naturam ne, an operationem? nemo sane aliud declarare dixerit, praeterquam operationem. Quando igitur miseratus est Dominus, ut ex operatione miserationis nomen duceret? numquid ante vitam humanam? ecquis tunc misericordia indigebat? at vero post peccatum prorsus misericordia opus fuit, peccatum autem post hominem exitit; post hominem igitur actio miserendi, & misericordiae nomen. Et iterum idem in secundo: Ut enim, inquit, non esset medicus nisi propter aegrotos; sic rursus neque misericors, neque miserator, nec alijs eiusmodi nominibus appellaretur, nisi propter eum qui misericordia & miseratione indiget. sic etiam nec omnipotens esset, nisi omnis creatura ut ab eo tene-
I retur

Psalm. 144.

retur & custodiretur, opus haberet. Et iterum in primo libro: Alia, inquit, nomina significant utile ad aliquid, ut adiutor, protector, auxiliator, & cetera quæ eiusdem significationis reperiuntur: in quibus si eum qui auxilio indiget, tollas, vis quæ in ipso nomine cernitur, vacua fuerit. Vnde manifestum efficitur, posteriora esse nomina ipsa aternitate Dei, & post hominem, & mentem hominis inuenta esse: accidereque aliquando, ut sit ipsa nominatio superuacua, si forte ope indigentem tollas. Denique per omnia demonstratum est, quemadmodum mens sicut aliarum rerum nomina adinuenit, sic etiam nomina Dei, aggressa, & veluti materiam nacta, illa ipsa effecta & admirabilia, quæ in vniuerso contemplatur. hæc enim insequens, & de Deo inquirens, nomina imposuit. Declarant hoc in primis qui hæc primum inuenerunt, siue antiquissimum quendam Theuthin, siue aliam quempiam fuisse dicunt. Gentiles hætenus fuerunt, & in dogmatibus gentiliū alti & educati, qui præterquā in diuino & supra naturā mysterio nostræ humanitatis, alia Dei nomina inuenerunt, & nominarunt, sicut nos hodie. Sed quia omne nomen, & notio propter usum quidē a principio introducta sunt, ad aliquid vero referuntur, unde sumpta sint diuina nomina, & quid ipsa per se significēt, dictū est; ad quid autē rei subiectæ referantur, & quid istis nominibus sic significetur, ex his quæ sequuntur, patebit.

Quod sicut diuina nomina ex effectis sumpta differentiam operationum representant, sic ad Deum relata diuersas res representare non possunt. Cap. VII.

Basilii magnus in epistola ad Eustathiū: Omnes, inquit, notiones, & nomina quæ Deum decent, æqualis inter se honoris sunt, quatenus significatione rei subiectæ nihil differunt. non enim ad aliam rem subiectam mentem ducit appellatio boni; & ad aliam appellatio sapientis, & potentis, & iusti. quin potius quæcumque nomina dixeris, vnum est quod significatur, & si Deum dicas, eundem ostendisti, quem per reliqua nomina mente concepisti. Ex his igitur manifestum sit, quod eadem diuina nomina, & eadem notiones nostræ de Deo dicuntur;

cuntur; nullamque differentiam rei subiectæ ad Deum relata repræsentant. & quòd nomina Dei triplicem habent causam, efficientem quidem mentem ipsam humanam; materiam, illa unde colliguntur, idest effecta; finem, Deum, ad quem referuntur.

Si non possunt diuina nomina diuersas res in Deo repræsentare, relinquatur vt solam substantiã eius declarent, non quid est, sed quod est. Cap. VIII.

Magnus Athanasius docens recte dictum esse a patribus Concilij Niceni vocabulũ homousij: Cum, inquit, audimus: Ego sum, qui sum. &: In principio creauit Deus cælum & terram. &: Audi Israel, Dominus Deus tuus Deus vnus est. &: Hæc dicit Dominus omnipotens: nihil aliud quàm ipsam simplicem & beatam, & quæ comprehendi non potest, substantiam eius qui est, intelligimus. Tamen si enim quid est cõprehendere non possumus, tamen cum audimus, pater, & omnipotens, nihil aliud præterquam ipsam substantiam eius qui est, intelligimus. Et rursus idem in Apologetico pro Synodo Nicena: Si Deus est, inquit, aliquid simplex, vt quidem est, cum dicimus Deum, & nominamus patrem, nihil tamquam circa eum, sed ipsam substantiam eius intelligimus. Et Gregorius Theologus: *ὁ ὢν*, idest, qui est, & Deus, magis quodammodo sunt nomina substantiæ; & ex his magis *ὁ ὢν*. Et rursus idem: Non ne spiritus, & ignis, o amice, & sapientia, & iustitia, & mens, & verbũ, & aliæ eiusmodi nominationes naturæ sunt? Et iterum idem contra Euagriũ: Sed nominatio, inquit, utilis est, quæ nos propter necessitatem ad notionem eorum quæ sub intelligentiam cadunt, ducit. Quidam vero dum crasse opinantur simul cum nominibus substantiam diuidi, opinantur intelligentijs suis, quas concipiunt, quæ sunt penitus indigna diuinis. Consentaneum vero nobis est, vt qui veritatis studiosi sumus, sciamus diuinam & simplicem Dei substantiam esse impartibilem, & vnius formæ. Itẽ Gregorius Nyssenus: Si, inquit, nomen Dei, personam declarat, cum tres personas dicimus, tres deos necessario dicimus. at si nomen Dei substantiam signifi-

I 2 cat,

In epist. de
Synodis Ari
mini, & Se
leuciæ.

Exod. 3.

Gen. 1.

Deut. 6.

In secunda
oratione de
Theologia.

Libr. 1. con-
tra Eunomiu

cat, cum confitemur vnam substantiam sanctæ Trinitatis, vnum Deū consentaneæ putamus; siquidem nomen Dei, vnius substantiæ nomen est. Ac magnus etiam Basilus: Si vero, inquit, substantiam Dei lumen esse statui-
mus, aut vitam, aut bonum totum, idest, cum sit vita, totum lumen est, & totum bonum; vita autē consequens habet ingenitum; quomodo non est expers compositio-
nis, qui est secundum substantiam simplex? Idem etiam: Nomina magni Dei, naturam indicant. Et Damascenus Theologus, Diuinitas, inquit, naturam declarat, pater autem personam. Ex quibus patet, quod cum Theolo-
gi respiciunt vnde nomina Dei nobis collecta sunt, ab ijs scilicet, quæ in vniuerso mira speculamur, & ab effe-
ctis ipsis; operationem & effectiōem Dei aiunt repræ-
sentare, & non quid est, & ipsam substantiam. post homi-
nem enim inuenta sunt nomina; immo mens humana ad vsum suum hæc inuenit. cum autē rursus volunt per hæc nomina efferre rem significatam, & ad aliquid refe-
rimur, Deum per hæc nomina inuocantes, non diuidi-
tur res subiecta, vt diuiduntur notiones (expers enim par-
tis, & indiuidua est substantia Dei) idcirco affirmant se nominibus istis hanc ipsam substantiam Dei significare,
non quid est, sed quod est solum repræsentantes; sicut in alijs nominibus euenire consuevit. Cū enim forte que-
rimus, vnde nomen ἀνθρώπου deriuatum sit, & quid per se significet, affirmamus repræsentare vim τοῦ ἀνθρώπου, idest, facultatem in sublime aspiciēdi, siue ἀναδρῶν ἀπὸ τοῦ πρὸς ἑαυτὸν, idest, facultatē recogitandi quæ aspexit, nomine ex quadā etymologia & actione circa rē ab humana mente excogitato. Cum autem sic rem aliquam nominatam si-
gnificauerit, ad definitionem eius, & quid est, reuertimur. Aliud igitur est quid hoc nomen declaret; & aliud rursus ad quid pertineat res a nobis sic nominata. ac nomina quidem ex conuento inuenta sunt affectiōibus animæ ducibus; res vero foris quatenus vnaquæque est, extiterunt. Consentaneæ igitur in omni nomine quæri-
mus, quis primus inuenit; & vnde mens hominis illud accepit; & ad quam rem earum quæ extra sunt, per nomina adducimur.

Hæc

Hec vox, Deus, ¹ sicut continet personas, sic etiam significat & declarat personas, & de illis predicatur: sed quia non solum declarat personam, sed etiam unam naturam communem non cogitatione sola, sed re, ideirco qui dicit tres personas, non dicit tres deos (sicut qui dicit tres homines) sed unum. deitas vero etsi continet personas, & de illis predicatur secundum rem, tamen quia secundum modum communem significandi, naturam sine proprietatibus hypostaticis significat, non predicatur proprie de personis. pater enim diuinitate & paternitate tamquam forma & proprietate hypostatica pater est. & similiter in reliquis. Hoc 2 dicit, quia nomina ex constituto significant: & ea que sunt in voce, signa sunt affectionum que in anima sunt.

Quod nomina diuina ad rem ipsam, Dei scilicet substantiam relata, proprie ipsam significant, & non per abusionem; & quod per unumquodq. horum nominum Trinitatem, que supraquam substantia est, declaramus. Cap. IX.

SANCTUS Cyrillus in Thesauris ait: Oportebat tacere, & nihil ad istorum ita fatuam argumentationem respondere. & paulo post: Siquis hominem nominauit, quia homo non est hoc omnino nomen, quod hominem significat, ut isti argumentantur, intelligat igitur aliud quid, & non hoc penitus, quod nomen significat. at si hoc insanie plenum est, non sunt repudiandę proprie nominationes; nec aliud quid, pręterquam quod per ipsa nomina significatur, intelligendum est. sic enim euanescet hereticorum amentia. Demonstret vero nobis qui magna argumentandi facultate pręditus est, non esse verbum proprium nomen filij Dei, & contradicat scripturis, & beato Ioanni, qui nouit appellationem maxime decentem, & propriam filij Dei nouit esse, cum vocatur verbum: In principio enim, inquit, erat verbum. Immo & Gregorius Nyssenus: Omne, inquit, quod non proprie est, verbo solum, & per abusionem consuetudinis dicitur esse. Et rursus idem: Quomodo, inquit, vere esse aliquid dicitur, quod non probatur etiam proprie esse? Necesse est enim in quibus non est certum proprium esse, cum nominibus oppositis collocari. quod enim non est proprium, improprium penitus est. Quare cum quid argumentamur non esse proprie, funditus per se non esse demonstramus. Et beatus Dionysius in secundo cap. de diuinis nominib. Et hoc igitur, inquit, in alio etiam loco a nobis

Lib. 7. cap. 1.

Ioan. 1.

a nobis expēsum, demonstratū est, omnia ¹ nomina diuina Deū decentia non singulariter, sed in tota & perfectā & integra & plena diuinitate a sanctis scripturis laudari, & ipsa omnia imparticipate, absolute, sine obseruatione vllius differentia, vniuerse, ad omnē vniuersitatē ex toto perfectā, & totius diuinitatis referri. siquidē, vt in diuinis diuinarū personarū informationibus meminimus, nisi quis de tota diuinitate dicat dictū esse hoc nomen, audet ille quidē diuinitatem, quē supraquā vna & simplex est, distrahere & vituperare. Ex his igitur patet, vtrumq. verum esse, operationē diuina nomina proprie representare, & non naturam diuinam, quando materiam eorum consideramus, & vnde nobis hęc comparata & collecta sunt: ac rursus etiam substantiam Dei proprie significare, quod est, non autem quid est, quando ex vnoquoque nomine ad ipsam rem subiectā deducimur, & per ea nomina Trinitatem beatam, & supra substantiā inuocamus.

Marc. 10.

Omnia ¹ nomina diuina) Ex hoc etiam loco apparet, non ita esse, vt quidam putauerunt, diuina nomina secundum Dionysium secundū causam tantū de Deo dici, vt bonus, quod sit auctor bonitatis; sapiēs, quod sapientia; & similiter in alijs. si enim sic diceretur de Deo, clauderēt in suo intellectu, vt ait S. Thomas, bonitatē creaturæ; ac proinde de creatura in primis dicerentur; quasi Deus diceretur bonus & sapiens ad similitudinem boni, cui dat bonitatem, & sapientis, cui sapientiam. at non sic Dionysius sensit, vt nomina diuina secundum causam tantum de Deo dicerentur; sed sic, vt Deo primū attribuerentur, vt eum decent; idest, imparticipate, & essentialiter. cum enim dicit scriptura: Nemo bonus, nisi solus Deus; perinde est, vt si dicat, Nemo per se bonus, idest, nemo supra bonitatem participatam, nisi solus Deus. sic enim intellexit & interpretatus est idem Dionysius cap. secundo de diuinis nominib. in principio: vt iam bonus & sapiens dicatur Deus, quia bonitas in eo antecellat & exuperet omnem bonitatem creatam & participatā. Rursus ait idem Dionysius ibidem, nomina diuina Deum decentia attribui diuinitati trium personarū quāpiēs, hoc est, non participate; igitur plene, de plenitudine enim participantur, quacumq. ex Deo participantur; ac proinde absolute, perfecte, & omnimodis, sicut ipsa diuinitas est in qualibet persona ex tribus tota, perfectā, integra, & plena. Huiusmodi diuina nomina, quæ secundum plenitudinem, & non secundum participationem Deo redduntur, vocat Dionysius Deo ² *περὶ αὐτὸν*, idest, nomina Deū decentia. Si igitur secundū causam tantū dicantur, non erunt nomina Deū decentia,

tia, quia sic dicta in se includunt, ut dixi, solum participationes creatas, ut bonus bonitatem participatam, cuius auctor bonus Deus; sapiens sapientiam participatam, cuius auctor sapiens Deus; & ad eundem modum alia. Quare Dionysio contradicit & repugnat, qui dicit, nomina divina secundum Dionysium secundum causam tantum dici de Deo. sic enim dicta, non sunt Deum decentia; ac proinde sic accepta, non sunt divina nomina. Dionysio autem auctore nomina divina Deum decentia absolute, perfecte, integre & plene, idest, exuperanter & eminenter Deo conveniunt. Ex his igitur patet, utrumque verum esse, operationem divina nomina proprie representare, non divinam naturam, quando materiam eorum consideramus, & unde nobis haec comparata & collecta sunt; ac rursus etiam substantiam Dei proprie significare, quando ad ipsam rem subiectam ex ipso nomine deducimur. Utrumque horum in nominibus quae de Deo dicuntur, notavit etiam S. Thomas p. 1. q. 13. art. 6. his verbis: Dicendum est, quod quantum ad rem significatam per nomen, per prius dicuntur de Deo, quam de creaturis; quia a Deo huiusmodi perfectiones in creaturas manant: sed quantum ad impositionem nominis, per prius a nobis imponuntur creaturis, quas prius cognoscimus; unde & modum significandi habent, qui competit creaturis. Quod S. Thomas dixit, Quantum ad impositionem nominis, per prius a nobis imponuntur creaturis, dixit hic auctor Cyparissiotus, proprie operationem nomina divina significare, quando materiam eorum consideramus, unde collecta sunt. materiam enim eorum unde collecta sunt, consideramus, quando consideramus creaturas, quae perfectiones Dei participatas, & a Deo effectas habent, quibus perfectionibus participatis proprie significandis haec nomina a nobis imposita sunt. verum tamen sic prius, & proprie haec nomina operatione, idest, perfectiones a Deo creatas significare, cum ipsa creaturis imponimus, & non proprie & absolute sic de Deo dici, sed secundum causam, hoc non prohibet quin alia ratione proprie etiam & absolute de eo dicantur, & non operationem suae causam significant, sed potius ipsam substantiam Dei. Huc pertinent locus Gregorii Nysseni citatus, & locus Cyrilli: qui ut melius intelligatur, repudiendus est integre. sic enim ait Cyrillus: Estis ne, inquit heretici, sic indocti, ut imposita vocabula rebus non alia esse contendatis, quam res ipse sint? Ecce calum opus Dei praeipuum est, & nomen eius longe aliud; nec enim res praeipua est. praeterea calum ipsum res visibilis est, vocabulum vero suum non visui, sed auditui subicitur. filius ergo Dei verbum dicitur, neque tamen ita verbum est, ut multi intelligunt, sed aliud quid naturaliter quam verbum. Respondet Cyrillus: Tacere oportebat, & nihil ad huiusmodi rationes respondere: & tamen ne simplices ab istis seducantur, tacere non possumus. Dicimus igitur, vocabula rebus imposita ipsas rerum essentias significare, etiam si alia

si alia sint præter ipsas. homo enim, verbi gratia (vox ista dico) aliud est quam ipse homo, & tamen rem ipsam subiectam verbo significat: nam si non significaret ipsum hominem, hoc nomine audito, non intelligeretur homo, sed aliud quidpiam; quod stultissimum est. non ergo aliud intelligere debemus, quam quod per vocabulum significatur. & ita insania hereticorum evanescit. Aut demonstret nobis Eunomius non esse proprium vocabulum filij Dei, verbū. Et paulo post, cap. 3. Ad hæc, verbum in scriptura filius appellatur, & prolationem vocis acutus homo Eunomius intelligit, ignorans ex nostra consuetudine vocabulum esse sumptū. loquitur enim pater ineffabiliter ad filiū. habet enim filius naturaliter perfectam voluntatis paternæ cognitionem, nec expectat verbum, cum ipse sit verbum Dei. Quando igitur aliquid de Deo humano more dicitur, qui audit, non humano more, sed spiritualiter divina intelligat. Sed non sufficit (inquit Eunomius) vocabulum verbi ad significandum verum filium. non enim manifestari potest per illud, ipsum esse filij. multa enim alia vocabulo verbi nominantur, quæ nō subsistunt, ut voces scilicet. Hac ipsa ratione (ait Cyrillus) Dei etiam vocabulum nō sufficit ad significandū ipsum Deū. multi enim alij quamvis naturadij non sint, sic tamē appellantur, sicut scriptum est: Ego dixi, dū estis. Illud etiam poterit quispiam dicere, quoniā bonus, sanctus, ceteraq. huiusmodi de hominibus quoq. per participationem veri boni, & veri sancti dicuntur, non proprie de Deo ista dici. quod si multa nomina Deo & creaturis communia sunt, & tamen de ipso solo secundum naturam dicuntur, quid prohibebit verbum etiam proprie filium Dei appellari, & hoc vocabulo maxime ipsum esse filij, prout homines percipere possunt, significari? quāvis multa quoq. alia verba sint abusive, & per imitationem veri verbi appellata. hætenus Cyrillus. Ex his ergo colligitur, cum huiusmodi nomina divina de creaturis quas prius cognoscimus, & prius nominamus dicuntur, habere ea modum significandi qui competit creaturis, sicut ait S. Thomas, & secundum nostram consuetudinem proprie significare, ut ait hic auctor, operationem sine effectum participatum, ut bonus bonitatē creatam, sapiens sapientiā item creatam, & similiter in reliquis nominibus significantibus huiusmodi perfectiones participatas: & ut sic, nō dicuntur proprie de Deo, quia Deus est supra ista, supra bonū, supra sapientē. cum vero de Deo proprie dicuntur, essentialiter eius significare, & secundum naturam dici, & dicta de creaturis quoad rem significatam non proprie, sed per abusum verbi, & per imitationem & similitudinem quandam dici: atq. ita quæ sunt cōmunia Deo & creaturis nomina, quoad rem significatā vere & proprie, idest, essentialiter & per se, dicuntur de Deo; de creatura vero non vere, neq. proprie, quia non per se dicuntur. quoad vero impositionem nominū, proprie significant id, ad quod imposita sunt.

Psal. 81.

sunt: imposita enim, sunt prius ad significandas perfectiones partici-
patas, quas a Deo in creaturis effectas cognoscimus, ex quibus ad co-
gnoscendas utcumque possumus perfectiones essentielles Dei deducimur,
sicque scriptum est: Inuisibilia Dei per ea que facta sunt, intellecta Rom. 1.
constituantur.

Quod idem ipse unus Deus quatenus quid est secundum na-
turam, nomine apud nos penitus caret: rursus vero mul-
torum nominum idem est unus efficitur, quia solum
ex iis que produxit, cognosci potest. Cap. X.

Magnus Dionysius cap. primo de diuinis nomi. Hoc
igitur cum scirent Theologi, Deum laudant & tam-
quam nomine carentem, & ab omni nomine, tamquam
nomine carentem, ut cum aiunt, Deum ipsum in vna ex
mysticis visionibus symbolicę apparitionis Dei increpaf-
se eum qui dixerat: Quod est nomen tuum? & tamquam
ab omni diuino nomine abducentem dixisse: Quare in-
terrogas de meo nomine? & hoc est admirabile. An non
est hoc vere nomen admirabile, nomen dico, quod est
supra omne nomen, quod caret nomine, quod est collo-
catum super omne nomen, quod nominatur sine in hoc
seculo, siue in futuro? Multorum vero nominum faciunt,
ut cum ipsum Deum introducunt dicentē: Ego sum qui
sum; & vita, lux, Deus, veritas, & cum sapientes ipsum Deū
omnium effectorem ab omnibus effectis laudant; ut bo-
num, ut pulchrū, ut sapientem, ut dilectū, ut Deum deo-
rum, ut Dominum dominorū, ut sanctum sanctorum,
ut eternū, ut eum qui est, & ut auctorem seculorū, ut lat-
gitorem vite, ut sapientiam, ut mentem, ut verbum, ut
cognitorē, ut superlate habentē omnes thesatos omnis
scientię, ut potentiam, ut potentem, ut regem regum, ut
antiquum dierum, ut non senescentē, & immutabilem,
ut salutem, ut iustitiam, ut sanctificationem, ut redem-
ptionem, ut magnitudine omnia superantem; & ut in
aura tenui. Atque & in mentibus eum esse dicunt, & in
animis, & corporibus, & in celo, & in terra, & simul in
eodem eundem, in mundo, circa mundum, super mun-
dum, supra celestem, supra substantiam, solem, stellas,
ignem, aquam, spiritum, rorem, nubem, per lapidem,
petram, omnia que sunt, & nihil eorum que sunt. Sic
igitur

Genes. 33.

Iudic. 13.

Ibid.

Philip. 2.

Exod. 3.

K

igitur

igitur ei qui omnium rerum causa est, & supra omnia, congruit carere nomine; & congruunt rursus omnia rerum omnium nomina; ut sit perfecte regnum vniuersitatis rerum, & circa ipsum sint omnia, ex ipso tamquam ex causa, principio, & fine cuncta pendeant, & ipse sit, ut 1. Cor. 15. ait scriptura, omnia in omnibus. Ex his igitur manifestum fit, esse ipsam vnum Deum tum nullius nominis, tum multorum; nullius quidem, quoad quid est; multorum vero, quatenus ex iis quæ fecit, probatur esse. non discrepat quod ex demonstratis sequitur: verum enim est, quod humana mens nomina Dei adinuenit, utens vice materiæ rebus miris, quas in vniuerso speculatur & contemplatur. & idcirco ad vnam rem subiectam, ad ipsum scilicet Deum se ipsa deducens, ad informationem eius rei quam querit, reuocatur. Ut igitur hæc summam repetamus, & secundum seriem retractemus, primum demonstratum est, quemadmodum mens hominis nomina Dei excogitauit; & ob hanc causam hæc de nominibus Dei tractatio vocatur, idest, ad intelligentiam pertinens. secundo, demonstratum est Deum ab effectis laudari. tertio, quæ sunt effecta, & quæ eorum materia. postea quærebatur, quomodo Deus ab effectis nominatur, & non ab iis quæ sunt naturæ eius. hæc autem dubitatione soluta, quinto capite quæstio ac dubitatio erat, quare Deus multorum nominum efficitur nobis, & eum non paucis nominibus inuocamus. deinde cognito rursus nostro usu multiplici & vario nominandi Deum, & concessa multitudine nominum, ad sextum caput deducimur, rursus dubitantes, an ex æternitate nomina Deo tribuantur postquam vero audiuimus post res ipsas inuenta esse nomina, & post hominem imposita fuisse, ad contemplandum quæ sunt septimi capituli, occurrimus: quod scilicet sicut varietate nominum varietatem operationum representamus, sic nominibus varijs ad Deum relatis non possumus varietatem rerum subiectarum intelligere. ostenso autem multa dici de vno subiecto, necessario sequebatur octauum caput, non esse scilicet aliud subiectum in Deo, nisi diuinam & beatam substantiam eius, quæ nono loco proprie nominari didicimus, non quid est, curiose inquirentes, sed quod est tantum, ad

ad imponendum finem decadi sequebatur decimum caput, in quo conclusum est ex demonstratis, eundē & vñ Deum carere nobis nomine, & esse nobis multorum nominum: illud quidē, idest, carere prorsus nomine, quatenus quid est, hoc vero, quatenus solum est. sic enim infinitis nominibus ex ijs quæ produxit, appellatur. Nihil itaq. eorum quæ scire hic opus erat, Theologi reliquerunt: recteq. inscripta est decas, De informatione diuini nominis. non enim proprietates diuinorum nominum enumerantes, seriem earum a Theologis traditam ordinabamus. dicemus enim deinceps de eis breuiter & contracte quoad fieri poterit. Quot autem modis diuinū nomē tractatur, superius ostendimus, tripliciter eos partiti, in formationem nominū, & vnde sumpta sunt, & ad quid ista nomina nos adducant & perficiant: cetera alia accommodata ad ista quæ quarebamus, inciderunt.

Ex 5. Thomæ scholys.

Vita & veritas) Ioan. 14. lux) Ioan. 8. Deus) Exod. 3. vt bonum) Luc. 18. vt pulchrum) Cant. 1. vt sapientem) Iob. 9. vt dilectum) Cant. 5. vt Deum deorum) Psal. 49. vt Dominum dominorum) Apoc. 17. vt sanctum sanctorum) Dani. 9. vt aeternum) Baruch. 4. vt eum qui est) Exod. 3. & Iob. 14. vt auctorem seculorū) Eccli. 24. vt vite largitorem) Act. 17. vt sapientiam) 1. Cor. 1. vt mentem) Esa. 14. & Rom. 11. Quis cognouit sensum Domini? Græce est, νοῦς idest, mentem. vt verbum) Osee. 1. Verbum Domini quod factum est ad Osee. & Ioel. 1. Verbum Domini quod factum est ad Ioel. & similiter in alijs prophetis. quod vt Cyrillus in commentarijs in Osee cap. 1. ait, nihil aliud significat, quā cognitionem futurorum instar luminis illustrasse mentem eius propheta, ad quem factum est verbum Domini, idest sanctæ Trinitatis. quod autem eiusmodi reuelatio non lingua ac verbis more nostro fieret in prophetis, docet (inquit idem Cyrillus ibidem) Paulus cum ait: An experimentum queritis eius qui in me loquitur Christus? vt cognitorem) 2. Tim. 2. & Dani. 13. vt superlatum, siue exuperanter habentē omnes thesauros omnis scientie) Colos. 2. vt potentiam) 1. Cor. 1. ubi interpret virtutem vocat. vt potentem) Psal. 23. vt regem regum) Apoc. 19. vt antiquum dierum) Dani. 7. vt non senescentem) Psal. 101. vt immutabilem) Iacob. 1. vt salutē) Matth. 1. Ipse enim, inquit, saluum faciet populum suum a peccatis eorum. a salute enim dicitur Deus saluator. vt iustitiam, vt sanctificationem, vt redemptionem) 1. Cor. 1. vt magnitudine omnia superans) Psal. 94. & vt in aura tenui) 3. Reg. 19. Atqui & in mentibus

2. Cor. 13.

K 2 sum

- eum esse dicunt) Ephes. 3. mentes enim vocat ibi Paulus corda & in animis) Sap. 7. Et in animas, inquit, sanctas se transfert. & in corporibus) 1. Cor. 6. & 1. Theff. 5. Ut integer spiritus vester, & anima, & corpus sine querela seruetur. hoc autem fit habitante Deo in mente, & anima, & corpore. mentem vocauit hic Paulus spiritum. & 2. Cor. 6. Et inhabitabo in illis, scilicet in mentibus, & animis, & corporibus. & in calo, & in terra) Hier. 23. & simul in eodem eundem) hoc exponit idem Dionysius cap. 9. de magno & paruo, & eodem &c. in mundo) Ioan. 1. circa mundum) Eccli. 43. super mundum) Esa. 66. supra caelestem, & supra substantiam) Psal. 112. Super caelos gloria eius. solem) Malach. 4. stellam) Apoc. ultimo. ignem) Deut. 4. aquam) Ioan. 7. spiritum) Ioan. 4. rorem) Osee. 14. nubem) Osee. 6. per se lapidem) autem idem. Psal. 80. esse enim fundamentum propria virtutis, & per se, Christo conuenit propter diuinitatem, quae una & eadem est in tribus personis, quae fecit in ipso Christo, summo lapide angulari utraq. vni. cui conuenit esse αὐτοῦ λίθος, petra) 1. Cor. 10. Est igitur B. Petrus (ut ubiq. haereticis nostri temporis occurramus) petra Ecclesiae, ut Euangelium testatur; non tamen est αὐτοῦ λίθος, nec αὐτοῦ πέτρα, id est, per se lapis, vel per se petra; neq. sic unquam in scriptura vocatur, ut Christus Deus noster, qui sic est αὐτοῦ θεοῦ λίθος, id est, per se fundamentum, prater quod per se fundamentum aliud nemo potest ponere, sicut Apostolus ait. de hoc enim per se fundamentum loquitur.
- Ephes. 2.
- Matth. 16.
1. Cor. 3.

71
QVINTA DECAS,
DE PROPRIETATIBVS
DIVINORVM NOMINVM.

*Quæ sint in singulis proprietatibus diuinorum no-
minum obseruanda. Cap. I.*

MAGNVS Dionysius cap. quinto de diuinis
nominibus: Tantum, inquit, commenta-
bimur, quantum propositi ratio postulat.
non enim propositum est substantiam,
quæ est supraquam substantia, eatenus ape-
rire & declarare, quatenus est supraquam
substantia (hoc enim dici non potest, & ignotum est,
& penitus expromi non potest, & ipsam copulationem
mentis superat) sed potius propositum est laudare sub-
stantiæ deificæ, & quæ omnis substantiæ principium est,
in vniuersa quæ sunt emanationem substantiarum effe-
ctricem. siquidem nomen boni de Deo declarat omnes
emanationes auctoris omniū; & porrigitur hæc nomi-
natio Dei a bono tū ad ea quæ sunt, tum ad ea quæ non
sunt; estq. supra ea quæ sunt, & supra ea quæ non sunt,
nomen vero vitæ de Deo ad omnia viuientia tenditur, &
supra viuientia est. nominatio Dei a sapientia porrigitur
ad omnia quæ intelligunt, quæ ratiocinatur, quæ sen-
tiunt; & supra omnia ista est. Has igitur Dei nomina-
tiones, quæ prouidentias Dei aperiunt; propositū est ce-
lebrare. non enim tractatio nostra promittit enodare &
aperire bonitatem Dei, quæ supra substantiam est, neq.
substantiam & sapientiā diuinitatis, quæ est supraquam
substantia, & quæ est supraquam locata supra omnem bo-
nitatem & diuinitatem & substantiam & vitam & sapien-
tiam, quæ est, sicut ait scriptura, in abscondito: quin po-
tius prouidentiam patefactam, bonorum effectricem, bo-
nitatem excellentissimam, & bonorum omnium causam
laudibus celebrat; & existentem & vitam & sapientiam
substantiæ & vitæ effectricem, & causam quæ sapientiam
tribuit ijs quæ substantiam & vitam & mentem & ratio-
nem & sensus participant non dicit hæc nostra tractatio
aliud

Iob. 28.

aliud esse bonum, & aliud existens; aliudq. vitam, vel sapientiam; neq. multas causas, & alias aliorum effectrices diuinitates, superiores & inferiores; sed vnius Dei vniuersas bonas emanationes, & nominationes Dei a nobis laudatas; atq. vnam quidem esse quæ totā prouidentiam vnius Dei declarat; alias vero quæ magis & minus generales prouidentias patefaciunt. Ex quibus fit manifestū, efferre, id est, expromere, & subtiliter enarrare, quatenus naturam & sedem ac fundamentū habet substantia, quæ est supraquam substantia, omnino dici non potest, nec intelligi, superatq. silentium illud, quod nobis per plenam ex omni parte ignorantiam & reticentiā aduenit. Non est igitur nunc nobis sermo de eā; nec propositum est nobis explicare, bonitas supra substantiā, quomodo secundum se sit substantia, vel vita, vel sapientia, & alia omnia, quæ Deus noster secundū se esse creditur. quin potius nominationem Dei, quæ illa quæ sunt circa ipsum, declarat, dico esse ordinem rerum, & prouidentiam, & aptam vniuersi dispositionē. Hoc igitur est nobis in hac tractatione propositum, laudare Deum ab emanatione eius ad omnia omnium rerum effectrice & deifica. externe enim prouidentie Dei erga nos, & emanationes in ijs quæ produxit, efficiuntur, & emanatio, siue prouidentia effectrix substantie, dicitur ipsa effectio substantie; effectrix bonitatis, ipsa bonorum effectio. *ἡ ἀρχὴ καὶ ἡ ἀρχὴ* principium deificationis, sicut mors *ἡ ἀρχὴ καὶ ἡ ἀρχὴ* laudatur, id est, quæ facta est principium deificationis; & corpus *ἡ ἀρχὴ καὶ ἡ ἀρχὴ* id est, quod dedit principium vite, & Deum recepit. A prouidentia igitur bonorum effectrice in creaturis ostēsa oportet laudare bonitatem superlatam, & omnium bonorum causam, ipsam inquam Deum, demonstratum enim est, quam naturam habeat Deus, non solum nos, sed nec angelos posse attingere; quatenus vero omnia ex nihilo fecit, a nobis laudandus est. Quare in singulis diuinorum nominum proprietatibus oportet attendere ortus rerum vniuersi, & emanationes circa eas, & inde Dei laudes ducere & celebrare, & exquirere quam proprietatē vnaqueq. nominatio Dei sortita sit. quæ autem sit bonitas Dei, aut substantia, aut vita, vel sapientia, vel alia secundum naturam eius, funditus

Secundū se,
id est, secundum naturā
suam.

Corp⁹ Virgini
nis dicit. Sū-
ptum est ex
Dionysio ca.
3. de diuinis
nominib.

3. 301

ditus: cauendum est vt inquiramus. querere enim vt exprimamus substantiam Dei, perinde est vt si velimus exprimere eius vitam, vel sapientiam, vel potentiam, vel bonitatem. Restat igitur, vt laudetur Deus a vita, quam produxit, & a sapientia similiter, non autem a vita, aut a sapientia, quæ est ipse Deus. Adhuc ex his liquet, quandoquidem postea audituri sumus principia, & participationes, & per se participationes, & sigillatim, per se vitam, per se sapientiam, per se essentiam, quemadmodum Dionysius admonens & præmunens, Oportet, inquit, obseruare in huiusmodi nominationibus non esse existimandum aliud esse bonum, & aliud existens, & aliud vitam, vel sapientiam, neq. multas esse causas, neq. alias diuinitates alia producentes, superiores, & inferiores, sed vnus Dei totas emanationes habere secundum nomina Dei a nobis laudata; atq. vñ quidem, quod vniuersam prouidentiam vnus Dei declarat, nempe nomen boni; alia autem nomina emanationes magis aut minus generales, sicut ipsa progressio tractandi declarabit. Hoc præterea obseruandum est, cum audiemus bonitatem supra omnem bonitatem, & diuinitatem supra diuinitatē, ne existimemus fieri superlacionem in sui ipsius bonitatem & diuinitatem. alienissimum enim a ratione est, arbitrari esse Deum se ipso superiorem. quin potius, vt sanctus Maximus Dionysij verba exposuit, Nota, inquit, recte hic dici bonitatem supra omnem bonitatem & diuinitatem. inferiores igitur diuinitates intellige angelorum, & hominum iustorum, & in vniuersum obseruare debemus, vt rursus Dionysius dixit, alienum a ratione & absurdū se existimare non attendere vim propositi, sed voces tantum. hoc enim non esse proprium eorum qui diuina volunt intelligere, sed qui solos sonitus percipiunt, & hos quidē extra aures continent, nec in eas penetrare sinunt.

Et ipsam copulationem, id est, excedit ipsam copulationem intellectus beatorum, qui essentiam Dei vident per copulationem sui intellectus cum ipsa Dei essentia. quamuis enim videant ipsum Deum, non tamen est tanta perfectio visionis, quanta est perfectio ipsius esse diuini; & quanta est perfectio visionis, qua Deus se videt. ex S. Thoma. Porrigitur & hæc nominatio Dei a bono, tū ad ea quæ sunt, tū ad ea quæ non sunt, & est supræca. Vocare solet Dionysius, vt S. Maximus

notauit.

Rem. 4.

notauit, ea quae sunt, ea quae sunt expertia materiae quae uero materiae habent, vocat quae non sunt, propter interitum. Porrigitur etiam nomen boni ad ea quae non sunt, quia Deus vocat ea quae non sunt tamquam ea quae sunt. participatio enim boni est posse esse, ut ait S. Thom. aut porrigitur ad ea quae non sunt, quia non esse bonum est, cum contempla mur illud in Deo, qui est supra omne quod est, ut bonum est non esse sapientem, sanctum, & alia huiusmodi, qualia in creaturis cognosci mus, quod Deo conuenit, a quo haec remouentur, ut ait S. Thom. non propter defectum, sed propter excessum. aut esse supra ea quae sunt, & quae non sunt, significat esse loco incircumscriptum, id est, esse ubique, ex S. Maximo. quae 3 intelligunt) Nomine intelligentium comprehendit angelos & animas. & licet animas solet Dionysius vocare νοεῖν, id est, intelligentes, cum eas distinguit ab angelis, quos vocare solet νοῦν & id est intellectilia, quia habent angeli infra se a quibus intelligantur, nempe animas; animae uero non habent; nunc tamen, ut dixi, co muni nomine intelligentes vocat tum angelos tum animas, quia tum angeli tum animae intelligunt Deum, & intelligendo Deum ad eum se conuertunt, quae 4 ratiocinantur) Homines intelligit, anima enim diu in corpore est, ratiocinari potest per conuersionem ad phantasmata, non autem separata, quae 5 sentiunt) animalia, quae non participant rationem, quae sapientiam Dei in suis a natura insitis conatibus par ticipant, ut beatus Basilius in Hexaemero docet. non dicit aliud esse bonum) Hoc dicit non otiose, sed ut reprehendat eos philosophos, & Simonem Magum, qui ponebant deos, νοεῖν & νοῦν, id est, opifices par tium mundi, maiores & ualentiores maiorum creaturarum, & infir miores infirmiorum, secundum gradus suos descendentes in opificia sua usque ad materiam, ex S. Maximo.

De bonitate, & pulchro; & ubi copulantur, & in quibus discernuntur, & quae eorum proprietates. Cap. 11.

Dionysius capite quarto de diuinis nominibus. Age, inquit, ad ipsum nomen boni progrediamur, quod exem pte ab omnibus, diuinitati supra diuinitatem attribuunt Theologi, vocantes, ut arbitror, bonitatem ipsam essen tiam, diuinam, diuinitatis scilicet creatae originem; & quia sic essentia sua bonus est Deus, ut tamquam substan tiale bonum bonitatem in omnia porrigat. Quem locum adnotans Maximus, Substantiale, inquit, bonum vocat ipsum Deum. & paulo post: Deus, inquit, bonum habet non ex accidenti tamquam qualitatem quandam, sicut nos habemus virtutes; quinimmo substantia boni ipse Deus

Deus est, sicut lumen est substantia ⁊ solis. Idem Dionysius quarto capite de diuinis nominib. Hoc, inquit, bonum laudatur a sacris Theologis vt pulchrum, & vt pulchritudo; & vt dilectio, & vt dilectum, & quæcumq. alia sunt diuina nomina, quibus ipse speciosus decor, & effector pulchritudinis decenter nominatur. Pulchrum autem, & pulchritudo non sunt distinguenda in causa quæ vniuersa in vno complexa est. hæc enim in omnibus rebus in participationes & in participantia diuidentes, pulchrum quidem dicimus, quod pulchritudinis particeps est; pulchritudinem vero participationem causa omnia pulchra efficiētis. Quo in loco ait S. Maximus: Pulcher dicitur Deus in Cantico canticorum; & Dauid, Speciosus forma præ filiis hominum. Dicitur autem pulchrum & pulchritudo, quia distinguitur in rebus in participantia & participata, in Deo autem non sic. καὶ ὁ ἐκ τῆς οὐσίας, id est, pulcher dicitur, & quia tribuit omnibus pulchritudinem, & quia omnia ad se κατὰ τὴν οὐσίαν, id est, vocat. rursus καὶ ὁ ἐκ τῆς οὐσίας, id est, pulchrum tamquam semper existens, secundū Græci nominis etymologiam, vtpote numquā decrescens, nec augescens. Ibidem etiā Dionysius: Quā obrem idem est pulchrum atq. bonum, quoniam omnia secundum omnem causam pulchrum & bonum appetunt: & nihil est in rerum natura, quin pulchrum & bonum participet. audebo etiam hoc dicere, quod non est pulchrum & bonum participare. tunc enim est ipsum, pulchrum & bonum, quando in Deo laudatur supra substantiam auferendo ⁊ omnia. Quod autem idem est pulchrum atq. bonum in Deo, qui est supra substantiam; & quod hæc quæ substantiam Dei, quæ est origo deificationis, declarant, ad ipsum per diuina nomina pulchri & boni pertinent; & quod ea quæ in Deo sunt, non distinguuntur in participationes & participata, liquet ex consensu Theologorum. In quibus autem distinguitur bonitas, & per ipsam pulchrum, & quod in creatura distinguuntur, & quæ ipsorum nominū proprietates, ex his manifestū fit. Synodus contra Manichæos ab episcopo Caron habita, quæ in Panarijs fertur, ait: Bonum in Deo substantia est, in creaturis autem accidens. Et idem ibidem: Bonitas enim, quæ in vniuerso cernitur, intensio-

Cant. 1.
Psal. 44.

L nem

nem & remissionem ut accidens recipit. Et Dionysius capite decimotertio de diuinis nominib; Neo ipsum, inquit, nomen bonitatis diuinitati tamquam aptum accommodamus; sed desiderio aliquid intelligendi & dicendi de natura illa arcana & ineffabili, quod est omnium nominum maxime venerabile, ipsi primum consecramus. Vbi S. Maximus, Ob hanc causam, inquit, nomen boni aut pulchri non proprie accommodatur Deo, quia hæc in rebus reperiuntur, sic etiam superius dictum reperies, quia hæc passiones & accidentia in rebus cæsentur, quod in Deo non ita est, qui omnia antecellit. Rursus idem, Desiderio intelligendi & dicendi aliquid de Deo nomen boni Theologi Deo attribuerunt, proprie enim Deus est supraquam bonus, & supraquam substantia; bonitas autem nomen est venerationis. Item idem incumbens in ea quæ sunt in quarto capite de eisdem diuinis nominib; Bonum, inquit, & pulchrum, quod in omnibus inest, nõ est illud primum pulchrum & bonum omnium, cuius participatione omnia sunt pulchra & bona, quod enim est in rebus pulchrum & bonum, non est substantia, neq; genus substantia, sed accidens, quod habet similitudinem aliquantulum coniunctam. Ex quibus patet, quemadmodum bonitas & ipsum pulchrum in Deo copulantur; & idem est bonum atq; pulchrum, extra Deum vero, & in creaturis eius discreta sunt, passionesq; & accidentia numerantur. Etiam proprietatem horum intelligemus, si quæ dicit summus Theologus Dionysius aduertimus: Boni enim, inquit, nomen, quod vniuersas emanationes auctoris omnium declarat, in ea quæ sunt, & quæ non sunt, tenditur & porrigitur; & supra omnia quæ sunt, & quæ nõ sunt, est, si autem bonum id ipsum cum pulchro est, communem omnino cum eo proprietatem habebit; eritq; proprietas pulchri tendi in ea quæ sunt, & quæ non sunt, propter pulchrum enim & bonum cuncta producta sunt, immo propter hæc ipsa, pulchrum dico & bonum, item ea quæ non sunt, non sunt producta: quoniam vnus sol propter bonum & pulchrum factus est; & alter sol qui non est, propter bonum item & pulchrum nõ est factus: itaq; duo non sunt facti propter eandem bonitatem & pulchritudinem. Si enim vnum solem in ardore ferre

ferre non possumus, si duo essent, quis non combustus remaneret? Propter bonitatem igitur & pulchritudinem etiam quod non est, non est factum. Simul demonstratum est, omnia nomina in Deo non dividuntur in participationes & participata. extra Deum autem, cum agitur de emanationibus, tunc & participationes, & passionibus, & accidentia reputantur; sicut motus in mobilibus, & operationes in effectis. nec quæ talia sunt, substantiæ dicuntur, quia ut antea demonstratum est, tunc sunt, cum fiunt.

Scholia

Essentiam divinam divinitatis originem dicit, in creaturis scilicet, quia Deus est auctor divinitatis in cunctis hominibus & angelis, qui Deum imitantur, & ei similes fiunt, de quibus scriptum est: Ego dixi, vos dii estis, unde divinitatem deificam, & Deum deificum frequenter vertimus, quod Dionysius de apxian & vrapxi de apxian dicit, sicut lumen substantia solis. Non significat lumen esse formam substantiam solis (non enim substantia, sed qualitas est lumen) sed quia natura solis, qui est corpus luminosum, non consistit sine lumine, dicit substantiam eius esse, id est, consequi naturaliter formam substantialem solis, sicut calor est substantialis igni, id est, naturaliter consequens formam substantialem ignis. Hunc igitur locum interpretans S. Maximus, Nemo, inquit, suspicetur, iudicare Dionysium de Deo omnino ad exemplum solis; quin potius sic intelligendum est, sicut sol, cum non sit aliud præterquam lumen, non habet lumen adventitium & coniunctum, quod vocatur accedens, neq. tamquam sit animal, velut præditus anima, voluntate benefaciendi intus lumen accipit, & in omnia dispergit (potius enim contra, neq. animatus est, neq. voluntatem benefaciendi habet; caret enim ratione, nec aliunde lumen accipit; est enim hoc ipsum lumen, & illuminat) sic in Deo intelligere oportet, quod Deus scilicet non habet bonum coniunctum tamquam qualitatem quandam, sicut nos habemus virtutes; quin potius substantia ipsius boni ipse Deus est, sicut lumen substantia solis; & tamquam qui est id ipsum bonum, fulgorem bonitatis in omnia porrigit. hæc enim S. Maximus, qui cum ait lumen, quod alioqui qualitas est, substantiam solis esse, more philosophorum loquitur, qui proprietatem naturæ alicuius ad eam categoriam referunt, ad quam natura illa pertinet: ut idem S. Maximus in divinis nominibus notavit. omnia secundum & omnem causam pulchrum & bonum appetunt) quia Deus est causa omnium effectivæ, qui cum omnibus bonitatem & pulchritudinem suam communicat; & quia finis omnium, omnia enim facta sunt, ut divinam bonitatem & pulchritudinem, ut quidq. potest, imitentur. Est præterea causa exemplaris Deus, quia omnia priusquam fierent,

Psal. 81.

rent, & inter se distinguerentur, in ipso erant, & secundum rationes & exemplaria omnium quæ in se habebat, omnia facta & discreta sunt. quando in Deo laudatur supra substantiam auferendo & omnia) Exponit quando quod non est, participat pulchrum & bonum, quando scilicet aliquis dicit, Hoc non est Deus; nec illud, sed est supra hæc. hoc igitur non esse, ablatio inquam omnium, siue negatio participat pulchrum & bonum, quatenus Deus dicitur non esse. Potest etiam dici hic non esse materia, ut dici solet a Dionysio, quatenus expers est pulchræ formæ. potest item dici non esse malum, ut etiam aliàs dicitur, & hoc etiam participat bonum, quia fit propter aliquid, quod pulchrum & bonum videtur. Ex S. Maximo, & ex Pachimero.

De amore, & dilectione, & quæ eorum proprietates. Cap. III.

Prover. 4.

sep. 8.

Magnus Dionysius capite quarto de diuinis nomini. Audiant, inquit, illa, qui nomen amoris criminantur: Ama illam, & custodiet te: sepi illam, & extollet te: honora eam, ut complectatur te, & quæcumq. alia in amatorijs de Deo sermonibus celebrantur: Atqui visum est quibusdam nostris sacrarum scripturarum tractatoribus, nomen amoris diuinius esse quam nomen dilectionis. Scribit enim diuinus Ignatius: Meus amor crucifixus est. Et in ijs quæ aditum ad scripturas præparant, inuenies quendam de diuina sapientia aientem: Amator pulchritudinis eius factus sum. Quare ne propter hoc nomen amoris metuamus; nec ullus de hoc nomine sermo nos moueat, aut terreat. mihi enim videntur Theologi existimasse quidem commune nomen esse amoris & dilectionis, sed attribuisse diuinis scripturis verum amorem propter huiusmodi hominum turpem mentis anticipationem. Cum enim verus amor non a nobis solum, sed ab ipsis sanctis scripturis, ut Deum decet, laudetur, vulgus hominum, cum non percepisset illud vnum, quod diuinum nomen amoris significat, conuenienter sibi ad amorem partibilem & corporeum atq. distractum delapsus est, qui non est verus amor, sed imago, vel potius lapsus a vero amore. multitudo enim non potest cogitatione capere illud singulare diuini & vnius amoris. quamobrem tamquam nomen, quod vulgo videtur durius, ponitur in diuina sapientia, ut vulgus ad cognitionem veri amoris eleuetur & eriga-

& erigatur: & in nobis rursus, ubi sapenúmero aliquid absurdum homines terræ affixi cogitare possent, ponitur nomen quod honestius videtur: Cecidit, ait quidam, dilectio tua in me, sicut dilectio mulierū. quoniam sacri Theologi nomen dilectionis & amoris adhibent secundum diuinas elocutiones, ut eandem vim habeant apud eos qui diuina recte audiunt. Est præterea diuinus amor ecstaticus, qui non finit esse suos eos qui sunt amatores, sed eorū quos amant. Vnde diuinus Paulus diuino isto amore captus, & vis ecstaticæ particeps factus, diuino ore ait: Viuo ego, non iam ego, sed viuit in me Christus; tamquam verus amator, & qui excessit e se Deo, & non iam vitam suam, sed amati tamquam vehementer caram viuens. Quid vero deniq. significare volunt Theologi, qui nunc quidem amorem & dilectionē ipsum vocant, nunc vero amabilem & dilectum: illius quidem, idest, amoris ac dilectionis auctor, & tamquā productor & generator est; hoc autem, idest, amabilis & dilectus ipse est. illo quidem, idest, amore & dilectione mouetur; hoc autē, idest, ut amabilis & dilectus, mouet; quia se ipse adducit, & sibi adducit & mouet. hac autē ratione dilectū & amabilem eum vocant, tamquam pulchrū & bonum: amorē vero rursus & dilectionem tamquā mouentem, eum scilicet ad creaturas, & ad se creaturas adducētem, qui solus est ipsum propter se pulchrum & bonū, & tamquam indicem sui ipsius per se ipsum; & ut bonum progressum superlatæ vnionis, & amatoriā motionē, simplicem, per se mobilem, per se operantem, prius existentē in bono, & ex bono in ea quæ sunt redundantem, ac rursus ad bonū reuertentem; in quo perpetuitatē suam, & carere se origine diuinus amor excellenter demonstrat, sicut quidam æternus circulus, propter bonū conuersione inerrante circumambulans, & in eodem secundum idē & progrediens, & manens, & reuertens. Quædam ex his adnotans S. Maximus, Dilectionis, inquit, & amoris ipsum scilicet Deum vocat emissorē, & parentem. ipse enim hæc, quæ in ipso erant, produxit in ea quæ foris sunt, idest, circa creaturas. Item idem ibidem: Amatorius motus prius existens in bono, simplex, per se mobilis, per se operans, postea prouidentijs externis in

2. Reg. 1.

Galat. 2.

creaturas

creaturas progrediens rursus eodem redit, sine & principio carens. quod quidem desiderium nostrum in Deum declarat. Aduerte autem, quemadmodum circulum dicit in bono, progrediente illo quidem in ea quæ sub intelligentiam & sub sensum cadunt; & rursus ad seipsum illa conuertente, & neq. cessante, neq. finiente. Ac rursus idem Dionysius in eodem cap. Et hoc, inquit, vere audemus dicere, quod ipse qui est omnium causa, propter excellentiam bonitatis omnia amat, omnia perficit, omnia continet, omnia conuertit ad se; & est diuinus amor bonus boni propter bonum. ipse enim amor diuinus, qui bonitatem in ijs quæ sunt, operatur, quia prius existit in bono superlate, non fuit ipsum in se sine fœtu manere, sed potius mouit eum ad operandum secundum excellentiam virtutis suæ omnium rerum effectricis. Quo in loco S. Maximus mirifice dicit, quod bonus amor, qui ante omnia in bono existit, non remansit sine fœtu, sed potius bonum amorem nobis peperit, per quem pulchrum & bonum expetimus. Obserua hinc diuinum motum, amor enim bonorum effector mouit Deum ad prouidendum nobis, & ut nos constitueret; ut cum moueretur, produceret, & non remaneret expers fœtus. Hinc euadit manifestum, quod nomen amoris diuinum & venerabile a principio Theologi celebrarunt; & quod idem est, eandemq. vim habet nomen amoris & dilectionis; & quod est etiam ecstaticus amor diuinus, qui non sinit amantes esse suos, sed eorum quos amant; & quod prouidentia rerum extra Deum sunt, & secundum eas ipse etiam Deus extra se est, conuersione inerrante instar circuli, circummeans; & quod Deus amor præexistit in Deo simplex, per se mobilis, per se operans, & quod erat diuina & beata eius substantia. quare tota Trinitas suprasubstantialis, quæ est amor, & dulcedo, & desiderium, non fuit eam in se ipsa sine fecunditate manere, sed potius mouit se ipsa ad faciendum & creandum. Prouidentia igitur Dei externæ nihil aliud sunt, quam creatura, & creatio; & ex his nobis plane notescit, quod omnis creatura Deum habet producentem & generantem. ipse enim hæc cum in se haberet, produxit ea foras, hoc est, circū creaturas, quocirca nomen amoris & dilectionis in vnu & idem

& idem cum pulchro & bono redit; cumq. in Deo sint, & ad eundem referantur, diuinam & beatam eius substantiam, quod est tantum, representant: extra Deum vero cum sunt, in negotio creaturæ desinunt; idcirco passionēs & accidentia circa eam censentur & numerantur. Apparet etiam per hæc, quod ad proprietatem horū nominum pertinet. ratio enim amoris & dilectionis eadē est atq. ratio bonitatis & pulchritudinis. Deus enim propter excellentem amorem omnia produxit; & propter eundem amorem, quæ non sunt, non produxit, dū cavit, ne producendo, quidquam eorum quæ amabat, laderet. Potest autem intelligi aliquid etiam magis speciatim proprium, quod scilicet diuina bonitas in infinitum progrediatur, diuinus vero amor instar circuli circueat; nam e se quidem incipit operari, deinde per ea quæ produxit, prouidentijs suis foris manens sine imposito ad se rursus redit.

Scholia.

Et in ijs que aditum¹ ad scripturas præparant) Diuinam scripturam Salomonis, ut ait S. Maximus, intelligit; unde sumptum est illud: Factus sum amator pulchritudinis illius. Sap. 8. Ex quo patet falsum esse quod quidam scripserunt, Philonem esse auctorem libri Sapientia, qui tunc, cum Dionysius hæc scripsit, nondum haberetur inter canonicas scripturas: cum plane hoc loco, Dionysius in scripturis diuinis numerare videatur, quod $\alpha\pi\alpha\rho\alpha\gamma\alpha\gamma\alpha\varsigma$, id est, ut verbum de verbo exprimamus, antegredientes introductiones scripturarū vocat; & rursus paulo post scripturas sacras Græce $\tau\alpha\ \lambda\omicron\gamma\iota\alpha$ vocat, in quibus nomē amoris reperitur; reperitur autem etiā in Sapientia, unde idē Dionysius auctoritatē produxerat. Sap. 8. Explicandū vero est, quare libros Salomonis vocauit Dionysius $\alpha\pi\alpha\rho\alpha\gamma\alpha\gamma\alpha\varsigma$: quod quidē ex ipso intelligere licet, cū libros scripturæ sanctæ veteris & noui testamētī ex significatione ac notatione argumentorū cuiusq. libri designat in Ecclesiastica hierar. cap. de cōmunionē. sic enim ait: Aut exponit scriptura præcepta de actionibus vitæ; libros morales Salomonis Proverbiorum, Ecclesiastes, & Sapientia, & librum Sapientia Sirach, qui Ecclesiasticus vocatur, intellexit. his adiūxit, Aut cantica diuinorum amorum, & diuinas imagines; Cantica canticorum intellexit, quæ sunt per symbola & imagines scripta ab eodem Salomone. Quia igitur disciplina sancta bene & ex virtute viuendi, quæ in Proverbij, Ecclesiaste, Sapientia Salomonis, & in Ecclesiastico traditur, necessaria est ad intelligendas scripturas sanctas, quæ sine fide nō intelliguntur,

1. Tim. 4.

1. Reg. 1.

relliguntur, & fides neglecto studio virtutis amitti solet, sicut Apostolus 1. ad Tim. cap. 1. scripsit, Quam quid. m repellentes (bona scilicet conscientiam, quam dixerat) circa fidem naufragauerunt. & Sap. cap. 1. In maleuolam, inquit, animam non introibit sapientias neq. habitabit in corpore subdito peccatis. vnde Paulus Timotheum admonens, Attende, inquit, tibi, & doctrina. prius enim dixit tibi, quod virtus docentis, & proba vita in viam recte docendi tamquam dux introducat; idcirco, vt mihi quidem videtur, libros scripturae morales, quos dixi, tamquam duces percipiendi sapientiâ scripturae τὴν προειρηγμένην, id est (vt totâ vim verbi exprimamus) antegredientes introductiones vocauit diuinus Dionysius. Praclare scripsit magnus Athanasius in extrema pagina libri de Incarnatione verbi: Qui Theologorum intelligentiam consequi cupit, debet prius animâ abluere atq. detergere, & per vita, morumq. similitudinem ipsos adire, sicut & dilectio mulierû) Verba sunt David mortē Ionathae deplorantis. Quae stulti, inquit Theodoretus, reprehendunt, cum hic David ad significandam amoris & charitatis suae erga Ionatham vehementiam, similitudinem & exemplum sumpserit ex amore archissimo uxoris & viri; qui tantus est, vt lex cōiugalitatis dicat: Propter hanc relinquet homopatrem & matrem, & adhaerebit uxori suae. id quod Elcana etiâ significauit, cū uxore consolans, Nōne, inquit, ego bonus sum tibi supra decem filios? Itaq. vt cōiugalitatis coniunctio vnū efficit cōiuges, sic eorū qui vere inter se amant, animos charitas in vnū copulat. haecenus Theod. & qui excessit & se Deo) Obseruauit hic S. Maximus quomodo ex hoc loco intelligitur quod Apostolus 2. Cor. 5. ait: Siue excedimus Deo; scilicet intelligitur, sicut Dionysius accepit, de amore ecstático Pauli, quē descripsit in epist. ad Gal. iniqui cap. 2. Viuo non iā ego, viuit vero in me Christus. sic etiâ intellexit locū Pauli S. Diadochus in libro de perfectione spiritali cap. 14. De hoc amore ecstático notauit in eodē loco S. Maximus intelligi illud in Psal. 115. Ego dixi in excessu meo, id est, in amore Dei ecstático. & 4 dilectionē) hic interpretatur Dionysius quod ait Ioa. in 1. epist. cap. 4. Deus charitas siue dilectio est. est enim ipse amoris & charitatis auctor & generator, qui hac quae in ipso erāt, produxit foras, id est creaturas, motus scilicet charitate. sic dictū est (ait S. Maximus) Deus charitas est, propter creaturas scilicet quas produxit. est alioqui Deus, ne quis hoc solli putet, absolute ipsa per se charitas superlata, non creata, sed omnium creatrix, tamquā mouentem) Obseruauit hic S. Thomas triplicē effectū amoris, siue charitatis. primus est, quod amor, siue charitas mouet amantem ad operationem. vnde (vt hoc obiter obseruetur in haereticos, qui hominem per solam fidem iustificari tradunt) sicut aqua operationem ab igne, scilicet calefactionem recipit, & calefit, (operatio enim ignis aquā mouet) sic fides operationē recipit a charitate, qua

qua operatione veluti vivificatur & calefit, & sine ea friget, & ut ait beatus Iacobus, mortua est. ex quo fit, ut huiusmodi fides sit, qua Iacob. 2.
in Christo valet, sicut Apostolus ad Galatas scripsit, qua Galat. 5.
charitate movetur scilicet erga Deum. secundus enim effectus est, quod movet ad operationem erga amatum; unde sic intelligendum est quod idem Apostolus dixit, Quae per operationem, scilicet charitatis, operatur, id est, movetur. passivae enim accipiendum est vocabulum in ipso, ut alias a nobis probatum est. tertius effectus, quod amor seipsum ostendit erga eum, erga quem est. unde beatus Iacobus, contra eum qui de fide sine operibus gloriatur, Ostende tu, inquit, fidem Iacob. 2.
tuam sine operibus, & ego ostendam tibi fidem meam ex operibus. Deinde observavit etiam idem S. Thomas quinque proprietates amoris siue charitatis in his quae hic ex Dionysio recitatur. prima est, progredi ad vivendum eum qui diligit, cum eo quem diligit; & quanto excellentior est amor, tanto excellentius vivit; unde quia amor in Deum est excellentissimus, excellenter cum Deo coniungitur & erga magis coniuncta maior est. secunda proprietas charitatis est, quod facit, ut is qui amorem siue charitatem habet, ad eum tendat, erga quem habet charitatem, contra atque facit cognitio, quae rem cognitam trahit ad cognoscendum; amor vero trahit amantem ad eum quem amat. tertia proprietas, esse simplicem motum charitatis, quia est primus motus appetitus; & primum in uno quoque genere oportet ut sit simplex, quia ex eo cetera in eo genere composita existunt. quarta proprietas est, esse per se mobile, quia in unoquoque genere prius est quod est per se, quam quod est per aliud: unde in genere motus appetitus oportet ut primus motus, qui est amor, sit per se mobilis. unde timor quia est sicut motus violentus extrinsecus accedens, non est in charitate, sicut ait beatus Iohannes, I. Ioh. 4.
sed perfecta charitas foras expellit timorem, quia charitas motus est ab intimo, ut ait S. Thomas, procedens. quinta proprietas est, operari per se, quod proprium est charitatis, in quo ab spe differt. qui enim propter spem alterius operatur, propter aliud operatur; qui autem (inquit S. Thomas) ex amore operatur, per se ipsum operatur illud tamquam sibi hoc placeat. Praestat scire quae efficiat charitas, & quae sint eius propria ad cognoscendum excellentiam & prestantiam eius supra fidem sola, quam haeretici vane iactant non intelligentes quae dicunt. amatoriam (motum) quatenus amor & charitas ex ipso Deo manant ad creaturas, ipse amoris & charitatis auctor moveri dicitur; quatenus vero ipse est amabilis & diligendus, movet & ciet ad amorem omnia, quibus vis amandi convenienter ipsis insita est.

M

De ente

De ente & de partibus eius, & qua sit in ijs quæ sunt, proprietas entis. Cap. 1111.

MAgnus Dionysius cap. quinto de diuinis nominib. Age, inquit, laudemus bonum ramquam quod vere est, & omnium substantias efficit, & secundū vim suam quæ supra substantiam est, omnibus tribuit vt sint totū id quod sunt, & est vere effector, existētiæ, personæ, substantiæ, naturæ; item principium, & mensura sæculorū & temporum, & facit vt sæcula & tempora sint. est sæculum eorum quæ sunt; tempus eorum quæ fiunt; est esse ijs quæ sunt quomodocumque; est generatio quomodocumq. genitis ex eo qui est; sæculum, substantia, & vnū; & tempus, & generatio, & quod gignitur; est ea quæ sunt in ijs quæ sunt; & quæ quocumq. modo existunt, & quæ per se existunt. Deus enim non sic est, vt sit quodammodo, sed simpliciter & infinite totum esse in se complexus. Et paulo post: Et ante alias eius participationes prius productum est esse, & est ipsum; secundum se esse antiquius quàm esse per se vitam, & per se sapientiam, & per se similitudinem diuinam, & alia, quorum participationem quæ habent, ante omnium illorū participationem participant esse: immo vero ipsa per se omnia quæ ab ijs quæ sunt, participantur, ipsum per se esse participant; & nihil est cuius non sit substantia, & sæculum ipsum per se esse. Deus igitur cum sit, vt consentaneum est, omnibus alijs magis principalis, ab antiquiore dono suo laudatur. siquidē prius esse, & excellentius esse cū prius habeat, & excellentius habeat, prius fecit esse quod est; ipsum inquam per se esse, & per ipsum omne quod quomodocumq. est, existere fecit. Atqui principia corū quæ sunt, omnia participant esse, & sunt, & principia sunt; & primum sunt, & postea principia sunt. & si vis viuentiū, quatenus viuunt, principium dicere per se vitam; & similitum, quatenus similia sunt, per se similitudinem; & copulatorū, quatenus copulata sunt, per se copulationem; & ordinatorum, quatenus ordinata sunt, per se ordinationē; & similiter in alijs, quæcumq. hoc, aut illud, aut vtrumque, aut multa participant; & hoc, aut illud, vel vtrumque, aut multa sunt participata, reperiēs per se participa-

participationes primum participare esse, & sic primum esse
 quod sunt, deinde huius, aut illius principia esse; & par-
 ticipando esse, existere, & participari. Si hæc autem, quæ
 aliorum principia numerantur, per participationem esse
 sunt, multo magis quæ ipsa illa principia participant.
 Primum igitur donum per se esse, cum per se illa supra-
 quam bonitas producat, merito ab antiquiore & prima
 omnium participationum laudatur. Et paulo post: Si au-
 tem vult Clemens philosophus ad aliquid dici exem-
 plaria quæ sunt in rebus principaliora, progreditur & qui
 dem cum sic loquitur, nō per propria & perfecta & sim-
 plicia nomina. sed si concedamus recte hoc dici, oportet
 meminisse scripturæ, quæ ait: Non ostendi illa tibi, vt
 eas post illa; sed vt per proportionem cognitionis horū
 ad cognoscendam omnium causam, quoad possumus,
 adducamur. Hæc adnotans S. Maximus, Hoc nomē, in-
 quit, imposuit sibi Deus, cum dixit: Ego sum, qui sum,
 a quo consentaneæ laudatur ante alia quæ de ipso dicun-
 tur, qualia sunt nomen vitæ, sapientiæ, & alia eiusmodi.
 illud autem, prius esse, & supra esse declarauit, esse Deū,
 carere principio; & Deum penitus comprehendi intelli-
 gentia non posse: qui prædestinatione cognitionis suæ
 ineffabilis omnia in se ipse complexus est, & omnia in se
 ex toto esse tamquā in exemplari & idea fecit. hoc enim
 statim prima notione mēs cogitat, esse inquā; postea hoc,
 aut illo, aut alio modo esse contemplatur. Esse igitur sim-
 pliciter, & nō aliquo modo esse, declarauit cū dixit, Per
 se esse; sicut deinceps dixit per se vitā, per se similitudinē,
 & alia eiusmodi. esse enim prorsus vitam, & simpliciter
 viuere nō significat hanc talem vitā; & similiter in alijs;
 sicut exempli gratia in qualitatibus, prius per se qualita-
 tes insunt, postea accidentes & operantur ad hunc modū
 proportionem in ijs quæ diximus, intelligendū est. Itē di-
 cit in primo cap. idem Maximus: Creationem vitæ, &
 creationem substantiæ, idest, res ipsas fecit Deus existere.
 Primum igitur notionem rei ipsius menti informamus;
 postea vniuersalem eius rei notionem, vt notionem vi-
 tæ vel substantiæ vniuersæ consideratam, deinde in parte,
 idest, notionem secundum singulas species accipimus,
 vt vitæ, vel substantiæ angelicæ, vel humanæ, aut reliquo-
 rum.

Exod. 25.

Rom. 1.

Exod. 3.

M 2 rum.

Principialis a principio, principalis a principe. Vtatur frequenter Lucretius
 his verbis, principalis, et principalior; credo expressisse ex Græco ἀρχηγός,
 et ἀρχηγότερος.

rum in vniuersa specie. Præterea idē cap. quinto, participationes dicit, quas ea quæ sunt, participant, quale est ipsum per se esse, ipsam per se vitam, ipsam sapientiā, ipsum ordinē, & reliqua; quæ quidem participationes diuina, dona sunt, quas principia eorum quæ sunt, vocauit. Ex his igitur constat, quemadmodū Deus secundum potestatem siue virtutem suam, quæ supra substantiam est, causa est effectrix & creatrix totius esse, & partiū eius, existentia, personæ, substantiæ, naturæ, aut sæculi, & temporis. Quod si Deus totius esse effector est, haud dubium, quin partium eius effector sit, & totum penitus efficiat. totum vero esse est, quod statim prima notione mens informat; secundum quam primam notionem genera in disputationibus contemplamur; postea partes totius ordine exprimimus. & sicut logice a generibus ad species, sic est per se esse, idest, totum esse; & ad quod intelligendum mens primum vim intendit, antiquius est alijs quæ postea mens contemplatur. Non enim possumus vitam secundum se contemplari, aut sapientiam, aut similitudinem, nisi primam eam ponamus. est enim vita primum; & tunc rem secundū se contemplantes, αὐτὸν ὄντα, vocamus per se vitam. si igitur subter esse, per se vita, & per se sapientia, & per se similitudo, & alia collocantur, totius autē esse auctor est Deus; quomodo non erit auctor horum quæ per se dicuntur, siue ea vocentur tamquam existentia, siue tamquam motus, formatio vitæ, formatio substantiæ, similitudinis imitatio, & alia? Primum enim fecit Deus esse res ipsas, postea esse generalem earū notionem, quale est contemplari vitam, vel substantiam in omni genere, & omnibus modis. Ex his sententia Dionysij notior existit, quod sicut Deus auctor est eorū quæ singularia sunt, sic & eorū quæ prima sunt. ex quibus dubitationem Clementis philosophi de ijs quæ magis principalia in rebus existunt, idest, de naturis earum, duabus auctoritatibus scripturæ soluit. vna est, Non ostendi hæc tibi, vt eas post ea. altera est, Inuisibilia Dei per ea quæ facta sunt, intellecta conspiciuntur. ex magnitudine enim & pulchritudine creaturarum proportionē effector consideratur. hoc enim significat quod dixit, vt per proportionem cognitionis horum ad cognoscendum

Exod. 25.
Rem. 1.

dum omnium causam adducamur. Sic autem soluisse
dubitationem, quomodo non apertissime patefacit crea-
ta esse ea quę sic sunt in rebus magis principialia, quę
concedit dici exemplaria ad aliquid, vt per ea propor-
tione quadam, tamquam per specula & enigmata cogno-
scamus diuina? Ex ijs etiam quę antea demonstrata sunt,
apparet quod ad proprietatem pertinet. in illis enim,
scilicet bono & pulchro, in ea quę sunt, & quę non
sunt, tenditur proprietas nominis boni & pulchri; in
his autem, in ea solum quę sunt, nomen diuinum τοῦ
ἔντος, idest, entis, porrigitur: & hęc est proprietas eius.
Nota tamen etiam hoc, esse primam participationem
& antiquiorem alijs diuinis donis aut esse proprietatem
τοῦ ἔντος, idest, entis: siquidem bonitas non habet simi-
lem rationem in ordine donorum, quoniam porrigi-
tur & tenditur supra ea quę sunt. preterea potest esse pro-
prietas eius quod est per se esse, quia hoc ante alia quę
sunt, produxit Deus prius; deinde hoc per se esse, tam-
quā natura quadā vtens, vniuersum quomodocumq. est,
produxit. ad hęc, alia rerum principia nunquā possunt
esse, quin sit ipsum per se esse: hoc autē sine illis est. de-
inde participatione huius alię dicuntur participationes,
& per se participationes, & dicuntur esse, & manere:
hoc autem sublato, nulla erit participatio. tum etiam ip-
sum per se esse, quę est participatio prima, a nullo ante se
participatur, omnia autē post eum & participant, & fiunt
alijs infra participationes. Habent autē hęc non paruam
quęstionem, quomodo Dionysius cum premunitione, Si
vis, inquit, viuentium tamquam viuentium principium
dicere per se vitam. quatenus scilicet manifestū est, hęc
absoluta, non proprie absoluta esse. solus enim Deus ho-
rum auctor absoluta causa dicitur: quę autem ab ipso ef-
fecta sunt, voluntati permittitur, vt sic ea nomet, verū
cum adiunctione, viuentium quatenus viuunt, principium
esse per se vitam, nō autem quatenus substantię sunt, aut
sapientię, aut rationes. hęc enim subter aliud & aliud
principium collocantur, quod quidem in Deo efferre
non est consentaneum. vna siquidem causa & vno prin-
cipio omnia producit, vt demonstrabitur.

Scholia.

Scholia.

Est vere effectus existentia, persone, substantia, nature. Quae
 existunt, considerari possunt ut singularia, et ut species, vel genus,
 et ut natura. verbi gratia, Socrates est persona; homo, animal, spe-
 cies, et genus; quae potestate continent singularia, quia possunt co-
 gitari in singularibus. humanitas est natura, quae nec actu, neq. po-
 testate continet singularia. itaq. homo secundum substantiam constat
 ex humanitate, quae est hominis natura, cuius partes sunt corpus et
 anima in vniuersali; secundum existentiam constat ex hoc corpore,
 et ex hac anima. natura generis, vel speciei, idest, vniuersalis, ea
 tantum actu continet, quae in definitionem cadunt, ut humanitas, quae
 non continet actu carnes et ossa, quae non cadunt in definitionem, si-
 cut continet homo; quia notio hominis non abstrahit ab istis, sicut
 abstrahit notio humanitatis: continet tamen potentia, carnes et ossa,
 quia potest cogitari humanitas in homine vniuersali, qui definitur;
 principia autem indiuidui neq. actu neq. potentia continet. humani-
 tate enim est homo; sed non est, neq. cogitari potest esse humanitate
 hic homo. ex S. Tho. Ad hunc modum se habent per se participatio,
 participatio, et haec participatio; ut verbi gratia, per se vita, vita,
 et haec vita. per se vita naturam vitae significat, idest, ea quae ca-
 dunt in definitionem vitae; vita, est vniuersale speciei, ut vita homi-
 nis, vita equi; vel vniuersale generis, ut vita angeli, hominis, equi:
 et sicut Deus est auctor per se hominis, idest, humanitatis; est in-
 quam, causa, ut natura hominis sit esse animal rationale (haec enim
 continet humanitas) et auctor hominis, et huius hominis; sic causa
 est per se vita, et vita, et huius vita. per se vita non est proprie et
 vere ens subsistens, ut homo, lapis; sicut neq. humanitas; sed quod
 aliquid est; ut per se vita viuens, sicut humanitate homo. Est simpli-
 citer 2 et infinite Deus totum esse in se complectens, quia omnibus
 dat esse per sui esse participationem: et ipse est omnia secundum cau-
 sam; et suo esse omnia quae sunt, et quomodocumq. sunt, facit esse.
 sic est causa proprie absoluta, et incircumscripita. Per se, esse et se-
 cundum se esse idem significant hic, ut το αὐτοῦ εἶναι, ἢ τὸ κατ' αὐτὸ εἶναι,
 καὶ αὐτὸ τὸ εἶναι. similiter αὐτὴν ζῶν, καὶ ἡ αὐτοζῶν, καὶ ἡ κατ' αὐτὴν
 ζῶν, ἢ γὰρ ἐλὼν ζῶν ὡς τὸ κατ' αὐτὸ εἶναι ἢ γὰρ ἐλὼν τὸ εἶναι. progredi-
 tur 4 non per propria et perfecta et simplicia nomina) idest, per se
 esse, et per se vita, et per se sapientia, et similia, quae sunt princi-
 pia et causa eorum quae sunt, quae viuunt, et quae sapientia praedita
 sunt, non possunt dici proprie exemplaria; quia quorum ista sunt prin-
 cipia, non fiunt ut imitetur illa ipsa principia, sed fiunt ut impleatur
 in eis quod diuina sapientia ordinauit, idest, quod erat in idea et eo
 exemplari diuino. non sunt etiam perfecta exemplaria, cum ipsa alijs
 exemplaribus indigeant. non sunt simplicia, quia simul sunt ad exem-
 plar

plar formata (que vulgo vocantur exemplata) & exemplaria. ex
 S. Thoma. Non ostendi illa tibi) Locum Exod. 25. citat Dionysius
 οὐ κατὰ τὸ πρῶτον, ἀλλὰ κατὰ τὴν διάνοιαν, idest, non secundum ver-
 ba, sed secundum sensum. sic apostolici discipuli a sanctis Apostolis di-
 cederunt citare aliquando scripturam, sicut ipsi sancti Apostoli inter-
 dum faciunt. sic enim ait scriptura: Inspice, & fac secundum exem-
 plar, quod tibi monstratum est in monte. Cum ait, inspice, & fac se-
 cundum exemplar (sive exemplaria, non enim fuit unum exemplar,
 sed multa) tibi ostensum in monte: satis clare dicit, ostendi exemplar,
 sive exemplaria non ad colendum illa (hoc enim erat, ire post ea, co-
 lere illa, & habere ea pro dijs) sed ostendi exemplaria ad faciendum
 secundum illa, quae facienda sunt in tabernaculo & vasis eius, & in
 facer dotibus & eorum sacrificijs, & in alijs. lex enim umbram habe-
 bat futurorum bonorum, scilicet spiritualium, quae quidem ostensa
 sunt Moysi in spiritu, quorum exemplarium imagines erant omnia quae
 in lege fiebant, sicut ait idem Dionysius in extrema pagina cap. 4.
 eccles. hier. Quia igitur Clemens videbat τὰ νοητά, idest, spiritua-
 lia ostensa Moysi vocari in scriptura Exodi παραδείγματα, quae sunt
 ad aliquid, quia referuntur ad imagines (exemplar enim dicitur ima-
 ginis, & imago exemplaris) similiter Clemens quae sunt in rebus prin-
 cipialiora, exemplaria dici voluit, quae ad aliquid referuntur, ad illa
 scilicet, quorum sunt principia, ut cause ad effecta, & effecta ad cau-
 sas. si sic accepit Clemens, ut plane accepisse videtur, recte accepit
 & sic etiam ista principialiora, quae exemplaria vocat, creata sunt,
 sicut illa spiritualia exemplaria ostensa Moysi in monte, non quidem
 tamquam exemplaria illa diuina, quae sunt increata & eterna, inui-
 sibilis Dei, & adoranda, quae sunt ipse Deus simplicissimus, sed tam-
 quam exemplaria creata & informata menti Moysi diuinitus, ut se-
 cundum ea faceret, quae facere Deus ei precipiebat, quae erant omnia
 imagines tenuiter & obscure adumbratae illorum exemplarium. Alij
 hunc locum a Dionysio citatum ex Deut. cap. 4. sumptum esse adnota-
 uerunt; sed nulla ratione quadrat. ego Georgium Pachimerum secu-
 tus sum, qui ad illum locum Exodi 25. retulit, quem dixi citatum esse
 a Dionysio secundum sensum, sicut aliquando solent Apostoli, & san-
 cti patres. similiter citauit etiam ibidem Dionysius locum epist. ad
 Rom. cap. 1. Inuisibilia ipsius a creatura mundi per ea quae facta sunt,
 intellecta conspiciuntur; citauit inquam hunc locum secundum sensum,
 qui est, ut ait Dionysius, per proportionem cognitionis creaturarum
 adduci nos, quoad possumus, ad cognoscendum causam omnium. Itaq.
 cum dixit, Inuisibilia ipsius (ut hoc obiter obseruetur) videtur plane
 Paulus intellexisse illa in Deo exemplaria eterna, quae ideae vocantur,
 secundum quas omnia per essentiam suam simplicissimam cognoscit,
 & fecit omnia tamquam per principium & causam omnium, & est
 omnia,

Hebr. 10.

omnia, vt omnium causa. esse prorsus & vitam) Vitam dicit, cum vita absolute consideratur, ita vt tota consideratio sit vita, non quatenus est omnium, aut particularium, idest, non consideratur generaliter, neq. particulariter; sed simpliciter vita, quæ dicitur per se vita. 7 Verbi gratia, ipsa per se corporalis albedo adueniens corpori album facit corpus; & postquam accidit corpori, disgregat visum, quæ est propria eius operatio.

Quomodo Deus dicitur per se esse, & per se vita, & per se sapientia, & quomodo rursus idem horum effectior dicitur. Cap. V.

Magnus Dionysius cap. xi. de diuinis nominib. Sed quia, inquit, aliàs me per epistolam interrogasti, quid appellem per se esse, per se vitam, per se sapientiam, & tecum ais dubitasse, quomodo Deum aliquando quidem voco per se vitam, aliquando vero effectorem per se vitæ; necessariū esse arbitratus sum, homo Dei sancte, ab hac dubitatione quoad possim te liberare. Ac primum quidem, vt nunc repetamus quæ millies dicta sunt, non pugnant secum dicere Deum per se potestatem, & per se vitam; & dicere Deum creatorem per se vitæ, vel per se pacis, vel per se potestatis. hæc enim dicitur Deus ex ijs quæ sunt, & maxime ex ijs quæ prima sunt, tamquā causa omnium quæ sunt; illa autem dicitur, tamquam quæ sit suprasubstantialiter supra omnia quæ sunt, & quæ primo sunt. Queris autem quid prorsus dicimus per se esse, aut per se vitam, aut quæcumq. absolute & principaliter esse, & ex Deo ac primo creata esse ponimus. Respondemus, non esse hoc contortum, sed rectum, & simplicem habēs explanationem. non enim per se esse substantiam quandam diuinam aut angelicam esse dicimus, quæ sit causa vt sint omnia quæ sunt (solum enim qui est supraquam substantia, principium & essentia & causa est vt sint omnia quæ sunt, & ipsum esse) nec aliam diuinitatē, quæ vitam pariat, præterquam vitam supraquā diuinā omnium quæcumq. viuunt, & ipsius per se vitæ causam ponimus; nec vt summatim dicam, alias causas principales rerum, & creantes, & per se existentes, quas quidā & deos rerū, & effectores esse temere effutiuerunt: quos vere & proprie dicere (quippe cum non essent) nec ipsi, nec

nec eorum patres ac maiores sciuerunt: quin potius per se esse, & per se vitam, & per se diuinitatem principaliter quidem & diuine, & efficienter vnum omnium principium & causam supraquam principium, & supraquam substantiam esse dicimus. Vt autem in donis suis participatur Deus, prouidentias a Deo, qui in se non participatur, manantes, dicimus per se substantiæ effectorem, per se viuificationem, per se deificationem; quorum participationem quæ, vt cuiq. conuenit, habent, substantiam habentia & viuentia & diuina sunt & dicuntur, & similiter in alijs. quamobrem bonus ille & ipforum, quæ prima sunt, auctor esse dicitur; deinde eorum quæ generatim & vniuerse illa participant; postea eorum quæ in parte. Sed quid attinet de his dicere? siquidem nonnulli ex nostris diuinis magistris dicunt illum supraquam bonum, & supraquam Deum auctorem esse per se bonitatis, & per se diuinitatis. vocant autem per se bonitatem, & per se diuinitatem donum a Deo profectum, quod bonos, & deos facit; & per se pulchritudinem donum a Deo effusum, quod pulchros reddit. dicunt etiam totam pulchritudinē, & pulchritudinem ex parte; & vniuerse pulchra, & in parte pulchra; & quæcumq. alia eodem modo dicta sunt, & dicuntur, quæ declarant prouidentias & bonitates, ab ijs quæ in rerū natura sunt, participatas, a Deo qui est extra sui participationem, larga effusione dimanantes & profluentes; vt qui est causa omniū, perfecte sit ultra omnia; & qui substantiam & naturam exsuperat, ex omni parte & in vniuersum omnia cuiuscumq. substantiæ & naturæ sint, antecellat. Quæ quidem cum adnotat S. Maximus, In his, inquit, clare soluit propositam questionē: Quemadmodum oportet dicere, quandoq. quidem accipiendum esse Deum, cum dicimus per se vitam, & alia eiusmodi; quandoq. vero horum effectorem esse, id est, hæc creasse: quoniam tamquam causa ille quidem horum, & principium supraquam principium vocatur his nominibus; ea vero quæ hæc participant, inde, id est, ex participatis dicuntur esse, & viuere, & diuina esse. vitæ igitur creationem, & substantiæ creationem, ipsas, inquam, res fecit Deus. Primum igitur cogitemus rem ipsam; deinde ip-

N sius

fius rei generalem notionem informemus; verbi gratia vitam aut substantiam vniuersè consideratam, & postea in parte. Idem Maximus capite nono: Solet, inquit, Dionysius Deum ab effectis dicere per se esse, & ipse per se esse effectorem; & ipsum esse per se vitam, & per se vitæ effectorem; sicut nunc ipsum esse per se similitudinem, & per se similitudinis auctorem, hæc autem dicit, non quasi dicat alteram quidem vitam esse ipsum Deum, alteram vero productam esse substantialem, & veluti per se existentem præter Deum, quam participant quæ vitam participant; sed potius, sicut ipse est suus interpret cap. xi. per se quidem vita, inquit, & per se potestas, & per se similitudo, & alia huiusmodi dicitur Deus, quod hæc sit Deus tamquam principaliter & diuine, & efficienter. hæc enim est ipse eorum verus fons; auctor vero est per se similitudinis, & similium tamquam largiens participate ijs quæ primum inter ea quæ sunt, hoc donum participant. cuncta namque, ut cuiusque naturæ conuenit, huiusmodi dona participant. primæ quidem & supremæ inter cælestes mentes creaturæ participant præcipue; quæ vero deinceps, participant infra illas. Ex quibus manifestum efficitur, quod sicut Deum æuum & tempus dicimus, & eundem rursus æui & temporis auctorem (ex effectis enim & creatis, quæ ipse produxit, superpetit nobis copia imponendi ei nomina) & sicut magis Deum nominamus æuum, a primo eius opere facto; sic etiā ab ijs quæ sunt secundum æuum, absolute nominamus: dico a per se esse, & a per se vita, & a per se sapientia. nec enim hæc dicuntur simpliciter absolute, sed alicuius esse aliquid. idcirco primo esse dixit, quæcumque eiusdem ordinis cum æuo, absolute dicuntur. quomodo enim per se existit æuum & tempus, nisi considerentur in ijs quæ æuum agunt & tempus? Aliter etiam hoc patet. si enim Deus omnium quæ sunt, effector est, multo magis eorum quæ prima sunt. ab ijs igitur quæ sunt, & potissimum quæ prima sunt, tamquam omnium auctor nominatur. Quia vero vult magis quod dicit, explanare, valde dilucide hæc quæ in dubium venerunt, soluit: & aggressus ea quæ sic absolute dicuntur *ἰν ἀβῆαις*, id est, essentiæ, Primam, & quæ maxime quodammodo videtur substantia, non substantiam

Aeternus dicitur
Deus ab æuo.

Vide ^{an} in initio lib. ii.

stantiam aliquam, inquit, divinam aut angelicam dicimus per se esse, quæ sit causa ut omnia sint. si autem antiquius, & primum ex donis, quod quia est & participatur, alia dona sunt & dicuntur, non est neq. divina nec angelica substantia, immo nec causa ut sint omnia (solus enim Deus, qui est supraquam substantia, & principium, & essentia, & causa est ut sint cuncta quæ sunt, & id ipsum simpliciter esse) in quali tandem ordine ea quæ sic dicuntur magis principalia, ponemus? & si non sunt causa eorum quæ sunt, nec item erunt effectrices horum. quod si non efficiunt ea quæ sunt, neq. sunt facultas nec operatio Dei effectrix & creatrix uniuersi, relinquitur ut sint hæc habitudines & emanationes, quæ sunt cum sunt tantum, sicut demonstratum est. Cum autem Dionysius horum contemplationem dilatat, Nec aliam, inquit, diuinitatem, quæ vitam pariat, dicimus, præter causam supraquam divinam omnium quæcumq. viuunt, & per se vitæ causam. quod si non est alia causa viventium, nec alia diuinitas quæ vitam pariat viventibus, nisi vita supraquam diuina, & substantia supraquam substantia, & ipsum singularissimum & splendidissimum unum, & hoc est sola causa omnium, euidentis est quod hæc quæ primo & principaliter sunt, & effecta tantum, nihil eorum quæ postea sunt, tamquam causa efficiunt: idcirco bonus Deus eorum ipsorum quæ prima sunt, effector dicitur, deinde eorum quæ uniuerse participant, postea eorum quæ in parte: sic demonstrat solum Deum esse causam omnium, siue prima dicuntur, siue uniuerse, siue in parte; & siue sic participata dicuntur, siue participantia. quod si idem & solus auctor est & participantium & participatorum, euidentis est, si participantia creature sunt, & participata penitus creaturas esse; hoc tantum differunt, quod hæc quidem primum effecta sunt, & per hæc effecta extrema. ut si quis in minimis creaturis videat nubes prius existere quam pluuiam, & per nubes Deum pluere; & sicut motus existunt propter mobilia, & nubes propter pluuiam, ad eundem modum substantiæ creationes propter substantias, & vitæ creationes propter vitas, & deificationis creationes propter deificata. omne autem quod propter causam est & mouetur, ortum quoq. habere demonstratum.

N 2 est.

Vniuerse, ut
vita omnium
viventium, in
parte, ut vita
hominum, aut
angelorum, &c.

est. Ponit autem Dionysius esse Deum auctorem per se bonitatis, & per se diuinitatis, similiter vt actionum & motionū Dei Deus est auctor. diuinitates vero inferiores intellige angelorum, & hominum iustorum. rursus vero intellige interpretatū esse apertissime Dionysiu declarare hec nomina, donū a Deo profectum, & pulchri in ea quę foris sunt, effusionē; declarare, inquā, motum & actionē Dei, tamquā effectiōnem & creationē ipsius Dei.

Psal. 49.

Psal. 81.

Vitam ¹ supraquam diuinam. Vita Dei est supra vitam hominum sanctorum & angelorum, quorum vita est diuina, sicut scriptum est: Deus deorum, &c. & illud: Ego dixi, Dī estis, & filij excelsi omnes. quod: bonos, & deos facit tamquā principū participans principium omnium rerū, quod non potest participare neq. in se participari, quia nō potest fieri pars alicuius. quod est solus Deus, & tamquā principium in participatū, quia est formale principium participantibus in suo genere vt per se bonitas, principium formale bonis non re, sed ratione separatum a bonis; qui participatione bonitatis creata dicuntur & sunt formaliter bonis; per se vita, principium formale viuētib; non re, sed ratione ab eis separatum, qui participatione vitę creata, quę donum Dei est, & perfectio ab eo manans, dicuntur & sunt formaliter viuētes: & similiter in reliquis huiusmodi principijs secundū vniuscuiusq. principij naturam & ordinem. ex S. Thoma. & sicut: magis eum. Sicut Deus dicitur eum, quia est auctor eui, & eorum in quibus tenditur eum; sic dicitur per se esse, per se vita, per se sapientia, & similiter in alijs, quia est causa in creaturis per se esse, per se vita, & similiū, quę sunt dona eius; in quibus versatur eum. non enim fuit tempus, cum non essent hec, quę cum euo cępta sunt (siquidem fuerunt in angelis) quę cogitatione nostra sunt absoluta, & abstracta a rebus existentibus, non tamen simpliciter absoluta & abstracta, quia in re participantur ab existentibus, & sunt effecta a Deo, a quo pendent. sed hec magis adhuc ex cap. 7. decadis 7. & dec. 8. cap. 4. licebit intelligere.

De potestate, siue virtute, & iustitia; & quod a potestate infinite potenti, & a iustitia, per se potestas, & per se iustitia productę sunt & effecta; & quę in eis proprietates. Cap. VI.

Magnus Dionysius cap. octauo de diuinis nominib; ait: Et quod Deus deificationis princeps supra omnem potestatem fertur, & omnē potestatem, quomodo-
cumq.

cumq. est & excogitatur, exsuperat, non puto ullū ex ijs
 qui in scripturis diuinis alti sūt & educati, ignorare. mul-
 tis enim in locis scriptura & dominationē ipsam esse tra-
 dit, & ab ipsis supracælestibus potestatibus separat. Quo-
 modo igitur Theologi tamquā potestatem laudant, quæ
 extra omnem potestatē posita est? aut quomodo in ea no-
 mē potestatis accipiemus? Dicimus igitur Deū esse pote-
 statem, vt qui præhabeat in se, & supraquā habeat omnē
 potestatem; & vt omnis potestatis auctor, & vt omnia
 inflexibili & incircumscrip̃ta potestāte producat, & vt
 auctor ipsius per se esse potestatem; vel esse vniuersam,
 aut singularem alicuius potestātē; & vt infinite potens,
 non solum eo quod omnem potestatem producat, sed
 quod est supra omnē potestātē, & supra ipsam per se pote-
 statē: & quod suprapotest innumerabiliter infinitas alias
 potestates producere; & quod infinita, & infinito nume-
 ro productæ potestates numquā queant hebetate aut re-
 tundere supraquā infinitam effectiōē potestatis eius po-
 tētificæ. hæc igitur potestas Dei infinite potens, in omnia
 quæ sunt, meat & progreditur, nihilq. eorum quæ sunt,
 omnino nudatū est, quin aliquā potestatem habeat; quin
 potius potestatem habet vel intelligentē, vel ratiocinan-
 tē, vel sentientē, vel viuētem, vel propriā substantiā; &
 ipsum esse, si fas est dicere, potestātē habet vt sit, ab ipsa
 suprasubstantiā potestāte; & vt semel dicam, nihil est in
 vniuersum, quod omnipotentis tutela, & conseruatione
 diuinæ potentæ priuatum sit. quod enim vniuerse nullā
 habet potestatem, nec est, nec quidquam est, nec est fun-
 ditus vllus eius situs. Et rursus idem in eodem capite:
 A iustitia autem rursus laudatur Deus, quod omnibus,
 vt dignum est, tribuat & congruentem modum, & pul-
 chritudinem, & compositionē ordinis, & dispositionē;
 & omnibus dispertiat, & singulis ordines præstituat se-
 cundum veram & iustissimam præscriptionem, & omni-
 bus suæ cuiusq. actionis auctor sit. omnia enim diuina
 iustitia ordinat, & suis terminis definit; & omnia ab om-
 niū mixtione & confusione libera seruat; omnibus, quæ
 cuiq. conueniunt, & vt quodq. dignum est, dona largi-
 tur. Ex his autem iam patet, quod potestas Dei potesta-
 tis effectrix, quæ omnem exsuperat potestatem, quæ est
 vnum,

2. Petr. 2.
 Psal. 23.

Psal. 144.
v 146.

vel, creata,

Potestas ap-
propinquat
bono, quia
sicut nihil est
expers boni-
tatis, ita neq.
potestatis.

unum, & supraquam substantia, quæ omnem potestatem in se præhabet, & supra habet, hæc omnem potestatem & generalem, & in parte, & ipsam illam per se potestatem cogitatione abstractam, ex ijs quæ non sunt, secundum suam inflexibilem & incircumscriptam potestatem producit, & facit existere; & ex ipsa emanatione, quæ in vniuerso cernitur, suppetit nobis facultas nominandi Deum potestatem. Idem etiam celebratus est a nobis nomine iustitiæ, non quod ipse sit cognitus iustitia (hoc enim neq. effari nec intelligere possumus, sicut magnitudinis eius non est finis, & intellectus eius non est numerus) sed cognoscitur iustitia ex iustitia quam produxit nobis, imponens singulis rebus ordinem & descriptionem, & ceteræ omnis iustitiæ pondera. Ex his etiam potest quis percipere proprietates. cernitur enim, quemadmodum in quæcumq. peruadit, ibi potestas eius versatur, & (si fas est dicere) ipsum esse; & quod est vniuersum esse, ut sit, potestatem habet ab ipsa potestate, quæ supraquam substantia est. igitur & esse, opus est potestatis; sed non ipsum esse potestas est, verum tamquam in subiecto est potestas. præterea inest proprietas supraquam posse, siquidem potestas supraquam potens Dei, qui est supraquam substantia, indidit nobis intellectum possibilem, ut qui eum produxit & creauit, sit supraquam potens ad producendum alias potestates diuersas ab ijs quæ sunt, infinite infinitas, & quod infinite potestates in infinitum productæ creationem supraquam infinitam potentificæ potestatis eius retundere numquam possunt. Si igitur potestas ostensa non haberet potestatem has potestates recipiendi, numquam promitteret Dionysius, infinitas illas potestates a potentifica potestate productas non posse actionem eius obtusam reddere. quare euenit, ut potestas bono appropinquet. quod enim in vniuersum nullam potestatem habet, nec est, nec aliquid est, nec prorsus situs eius est: idcirco eisdem finibus metimur potestatem, & id quod est, nec porrigitur potestas in ea quæ non sunt, sicut bonum porrigitur. eadem autem est proprietas nominum iustitiæ, salutis, & redemptionis. iustitia enim Dei supraquam potens, quæ iusta est, & iustitias diligit, vniuscuiusq. eorum quæ sunt, ordinem definit, & producit, & ponit secundum propriam actio-

actionem: & secundum supraquam infinitam iustitiam suam unicuique iustitię ab ipso productę virtutē indidit, reddentem omnibus pro dignitate; vel propriam actionem partium animę, vel mediocritatem inter plus & minus, vel appetitum tribuentem æqualitatē; vel rursus habitum prospicientem vtilia in commune; vel scientiam eorum quę sunt tribuenda, & quę non tribuenda; vel neutrum: & ut semel dicam, nihil reliquit sine honore iustitię a se productę; quin potius omnes capillos capitis nostri numerat, & passerem duorum assium non sinit incidere in laqueum sine iustissima voluntate sua: & iniustitias nostras, quę dicuntur, convincit esse aberrationes nostrorum desideriorum. cunctos vero iustitia sua implet, & nihil eorum quę sunt, in re vlla iusta eius salute & conseruatione priuatum est. vnde videtur mihi valere illud peruulgatum: Iniuriam quidem facere omnes, nulli vero iniuriam fieri.

Matth. 10.

Cognoscimus: quidem Deum esse iustum, & esse ipsam iustitiam; non tamen cognoscere possumus quod quid est eius, idest, quidditatē eius, quam vocant, esse iustitiam. ut enim scire possumus de Deo quod est, sic nō potest comprehendere quid est. si & fas est dicere: quia nō proprie dicitur, quod esse sit, sed quod per esse aliquid sit. sic s. Thomas.

De vita, & de sapientia, quę in Deo est; & quod ipsa vita & sapientia Deus est auctor & creator per se vitę, & per se sapientię; & quę horum nominum proprietates. Cap. VII.

Dionysius cap. sexto de diuinis nominib. Nunc, inquit, laudanda nobis est vita ęterna, ex qua per se vitę, & omnis vita manat; & a qua viuere in omnia quoquo modo vitam participantia, conuenienter unicuique diffeminatur. Itaq. vita, atq. immortalitas immortalium angelorum, & illud non posse capere interitum perpetuitatem angelicę vitę, ex ipsa & propter ipsam est & subsistit, quamobrem semper viuentes & immortales dicuntur; & rursus non immortales, quia non esse habent ut immortales sint, & perpetuo viuant, sed ex viuifica, & omnis vitę effectrice & cōseruatrice causa. & sicut dicebamus de eo qui est, esse æuū ipsius per se esse, sic etiā hic vita

Vide epist. 1.
Dionysii ad
Gaium.

ut in Vide exemplar.

Ioan. 6.

et 11.

Coloss. 2.

1. Cor. 1.

Prover. 8.

vita diuina est per se vite viuificatrix & effectrix, & largitur primū per se vitā, esse vitā; & omni vite, & cuiq. vite, esse vnamquamq. apte ad naturā suam; & (quod diuinius est) nos totos, animas dico, & corpora, ad perfectā & immortalē vitā translaturā se promisit. id quod antiquitati quidē preter naturā esse videtur, mihi vero & tibi & veritati diuina res, & supra naturā; supra naturam nostrā dico, quē videtur, non autem illam omnipotentē vite diuinę. huic enim, vt quē sit omnium vitarum, & earum preteritū quē diuiniore sunt, natura, nulla vita est preter naturam, aut supra naturam. Quēdam itaq. adnotans hic S. Maximus, *συνοχὴν*, idest, continentem causam vocauit, inquit, vitam diuinam, vt pote quā non solum vitam in rerum natura creauerit, sed quē vitam cōtineat & conseruet, vt duret & permaneat. & rursus in eisdem, Hanc vitam, inquit, secundū substantiam fabricatus Deus, ad immortalitatem angelis & animis nostris effecit. Rursus idem Dionysius in septimo capite de diuinis nominibus: Hanc igitur rationis expertem, & amentem atq. fatuam sapientiam superlate laudantes, diximus omnis mentis & rationis, omnisq. sapientię & intelligētīe causam esse; & ipsius esse omne consilium, & ab ea omnem scientiam & intelligentiā proficisci, & in ea omnes thesauros sapientię & scientię absconditos esse. etenim conuenienter ijs quā antea dicta sunt, causa supraquam sapiens, & omnia sciens per se sapientię, & totiūs sapientię, & partis effectrix est. In huius capituli adnotationibus S. Maximus, Omne, inquit, participatum antiquius est ijs quā sunt ex ipso. quare Deus & æuū & tempus proprie nominatur, vt qui sæcula & tempora fecit. sic igitur & in vita & in sapientia dicendum est, quia earum est auctor. & rursus idem, Quia, inquit, in sapientia Dei non cognouit mundus per sapientiam Deum; per sapientiam, inquam, quā in concentu & ordine creaturæ apparet & cernitur. Immo & magnus Basilis in principium prouerborum, & deniq. in illud, Dominus creauit me principium viarum suarum, Loquitur, inquit, de sapientia mundi, quā apparet, & vocem fere per ea quā cernuntur, emittit, quod scilicet a Deo factus sit, & non fortuito tanta sapientia ea quā effecta sunt, decorat. vt enim
cali

cæli enarrant gloriam Dei, & opus manuum eius annuntiat firmamentum; enarrant, inquam, me voce; quia non sunt voces, neque sermones, quorum non audiantur voces eorum: ad eundem modum sunt quidam sermones sapientiæ antiquitus editæ, quæ ante alia in fabricatione mundi cum creatura conseminata est; hæc tacens, suum conditorem & Dominum clamat, ut per eam ad cogitandum eum qui solus est sapiens, te referas. Ex quibus liquet, quod vita, quæ in Deo est supraquam vnite, & sapientia, & scientia, & mens, & verbum, & intelligentia ex nihilo creat ipsam late patentem, & cum creatura conditam per se vitam, & per se sapientiam; & ea quæ secundum ipsam per se vitam viuunt, & secundum ipsam per se sapientiam sapiunt, & omnem aliam vitam, & sapientiam, quæ in ijs quæ sunt, reperitur. atqui patent etiam proprietates. vita enim tenditur in viuentia tantum; & immortalitate quidem præditis species vita, & subiectum efficitur; præditis vero corpore efficitur continuata motio corporis. sapientia vero minus late patet, quam vita; siquidem in ea tantum porrigitur, quæ sapientiam habent. atque in angelis quidem immortalibus æque patet vita & sapientia; in ijs vero quæ sentiunt, in ea solum porrigitur sapientia, quæ ratione prædita sunt; & in his non omnes sapientiæ participes sunt, sed qui amatores sapientiæ fuerunt vel propter studium diuinitus incensum, aut propter sinceram disciplinam, aut propter vtrumque. Præterea, viuentia quidem natura sortita sunt vitam; qui vero sapientiam habent, idonei & studio scientiæ dediti fuerunt. deinde sapientia eius partis animæ est, quæ in contemplatione versatur; vita autem habitus est substantialis congenitus sine intermissione operationis ijs quæ apta sunt ad recipiendum eum, quantum recipi potest.

Et sicut dicebamus de eo qui est, esse æuum ipsius per se esse. Hoc dixerat cap. 5. cum dixit, entium æuum. sicut autem est secundum causam tempus, & ea quæ sunt subiecta temporis sic est etiam secundum causam æuum, & ea, in quibus est æuum. & antiquitati. Antiquitatem vocat stultam & fatuam opinionem gentilium, ut S. Maximus notatum reliquit. Itaque non antiquis simpliciter, sed fatuis antiquis visum esse hoc dicit. neque sermones. Sic etiam intelligi potest hic locus scripture, scilicet nulli usquam sunt homines, quacumque lin-

gua & sermone loquantur, qui non audiant & percipiant, quid dies & noctes sua illa composita & rata mutue successione vicissitudine prædicent & declarent, nempe notitiam Dei, qui omnia fecit, moderatur, & regit. Est autem constructio verborum idiomatis Greci, Non sunt loquela, neq. sermones, hominum scilicet, quorum non audiantur, idest, a quibus non audiantur voces eorum dierum scilicet & noctium. sic intellexit Eusebius Cesariensis in Commentarijs suis eruditissimis.

De pace, & paruitate, & magnitudine, & statione, & motu, & de altero, & de similitudine: & quod hæc in Deo una pax sunt; extra Deum autem ut ab eo facta, diuersa sunt; & quæ eorū proprietates. Cap. VIII.

Magnus Dionysius cap. xi. de diuinis nominib. De ipsa igitur diuina pace, & silentio, quam sanctus Iustus vocat ἀφθρηξία, idest, insonantiam, & ἀκίνησις, idest, immobilitatem ad omnem emanationem, quæ nofcitur, quid nam est, & quomodo Deus quiescit, & filet, & quomodo in se & intra se est, & totus secum est supra quàm vnitus, & nec in se ingrediens, & se ipse multiplicans, deferit vnionem; quin potius ad omnia egreditur, totus intus manens propter excellentiam vnionis omnia exuperantis, neq. dicere, neq. cogitare vlli eorum qui sunt, fas est, neq. possibile. Sed cum hoc alioqui eloqui non possimus, nec intelligentia assequi, ad ipsam tamen diuinā pacem ut vltra omnia positā sursum euecti, participationes eius, quæ intelliguntur & nominantur, idq. quantum homines, & nos præsertim qui multis bonis viris impares sumus, consequi possumus, attendamus. Ac primū quidem dicendum est hoc, quod per se pacis, & pacis in vniuersū consideratæ, & in parte, effector est Deus, & quod omnia inter se mutuo coniunctione ipsorum non confusa commiscet; qua coniunctione coherencia sine diuisione & distantia, singula tamen secundum propriam speciem pura consistunt, non turbata per concretionem contrariorum. Et paulo post: Et est, inquit, perfecta illa pax vniuscuiusq. proprietatis impermixtæ conseruatric, per prouidentias suas pacis largitrices, omnia inter se ipsa & cum alijs sine seditione & confusione custodiens. Quid autem dicamus de charitate Christi erga ho-

Participationes pacis intellectas et nominatas dicit eas quas ex scripturis intelligere possumus. ex s. Map.

ga homines, quæ pacem effudit: Ex qua non iam nobiscū,
 neq. cum alijs inter nos, neq. cum angelis pugnare disca-
 mus, sed potius cum ipsis diuina pro viribus operemur
 secundum prouidentiam Iesu, qui omnia in omnibus o- 1. Cor. 15.
 peratur, & pacem facit, quæ verbis explicari non potest,
 & quæ a sæculo prædestinata est; qui reconciliauit nos 2. Cor. 5.
 sibi in spiritu, & per ipsum, & in ipso, patri. Et rursus Ephes. 2.
 idem cap. ix. de eisdem diuinis nominib. Hæc magnitu-
 do, inquit, & infinita est, & quantitatis & numeri ex-
 pers; & hæc magnitudo est excellentia secundum effusio-
 nem absolutam & supraquam extensam magnificentia
 non comprehensæ. Idem etiam: Atqui omnium causa
 est paruum; numquam enim formam parui reperiens non
 participatam. Sic igitur in Deo accipiendum est paruum,
 vt in omnia, & per omnia expedite means, & operans,
 & peruadens vsq. in diuisionem animæ & corporis, com- Hebr. 4.
 pagum quoq. & medullarum, & cogitationum cordis,
 immo omnium quæ sunt; non enim est creatura vlla in-
 uisibilis in conspectu eius. hoc paruum est sine quanti-
 tate, sine numero, sine inhibitione, infinitum, incir-
 cumscriptum, omnia comprehendens, ipsum a nullo
 comprehendendi potest. Rursus idem: Nunc autem di-
 uinam diuersitatem cum dicimus, ne suspicemur va-
 riationem quampiam in eo qui idem est, & supraquam
 immutabilis; sed multiplicationem eius vnitam, & v-
 niformes emanationes multiplicis fœtus in omnia. Et
 iterum: Similem vero Deum si quis dicat, vt eundem,
 & vt totum per totum sibi vnite & impartibiliter simi-
 lem, non est improbandum nomen diuinum similis.
 Theologi vero Deum, qui est supra omnia, quatenus ip-
 se est, nullius similem esse aiunt, sed ipsum diuinam si-
 militudinem dare ijs qui ad eum conuertuntur: &
 quod admirabilius est, quod nihil simile eius esse dicit
 scriptura; etsi non repugnat hic sermo similitudini, quæ
 cum Deo est. eadem enim & similia & dissimilia Deo
 dicuntur; similia quidem secundum imitationem, quæ
 esse potest eius, quem nihil potest imitari; dissimilia ve-
 ro, quatenus effectus infra causam sunt, & infinitis men-
 suris, & quæ conferri non queunt, ab ea distant. Item:
 Quid vero de diuina statione, vel de sede dicimus? Ipse
 O 2 enim

enim est omnis stationis, & sedis causa, qui est supra omnem sedem, & stationem; & in ipso cuncta ex bonorum cuiq. eorum convenientium statione consistunt, & custodiuntur, ne inde excutiantur. Quid autem, cum rursus Theologi ad omnia progredi & moueri dicunt immobilem? an non ut Deum decet, hoc intelligendum est? Moueri namq. pie intelligendum est pro eo quod est, facere Deum ut cuncta sint, & continere omnia, & omnibus modis omnibus providere, & omnibus adesse tum complexu omnium quæ sunt, sine habitudine coniunctionis, tum per providentiam omnia circumeundo, & in omnibus operando. Ibidem sanctus Maximus: Quod, inquit, semper est idem, & absolute est, in sola causa omnium effectrice cernitur, quæ creaturis largita est, ut in eodem statu permaneant, & ut ea quæ contrarie, vel alio modo habent, inter se coagmentata sint. eodem igitur modo omnia, etiam quæ non manent in eadem natura, in Deo cernuntur esse; siquidem omnium quæ sunt, eodem modo, idest similiter, est auctor Deus. Ex quibus fit manifestum, quod pax, & magnitudo, & paruitas, & statio, & motus, & idem esse, & diuersum esse, & simile, & dissimilem, hæc omnia vna pax sunt in Deo. idcirco & hic, & aliàs clare dictum & demonstratum est a Dionysio, alia, & contraria, omnia eodem modo & unite, & nulla duplicatione in Deo esse; tamen ab ipso producta, variata esse, ab ipsis emanationibus diuersitatem nacta. Est igitur Deus, ut prius demonstratum est, sicut substantia, quam neq. verbis exprimere, nec eloqui, nec cognoscere possumus, sic etiam diuina eius pax, præterea sapientia eius, & vita eius, & quæcumq. alia absoluta, & quæcumq. nunc in ipsa videntur secundum contrarietatem efferri. Laudamus autem hanc secundum participationes eius intellectas & nominatas, idest, laudamus ab ijs quæ produxit, quæ sub intelligentiam cadunt, & quæ sub sensum, quibus nos ex ijs quæ videntur, instructi, ad cogitationem magnorum donorum eius deducimur, ipsas per se primum actiones animo versantes. ut si quis primum creaturam, vel mundi fabricam ipsam per se cogitet, velut actionem Dei & motum intuens, deinde sermonem ad producta & creata referat. Consentiens

*ut magnus, parvus,
similes, dissimiles.*

tiens autem secum idem Dionysius in singulis horum nominibus per omnia, sicut in alijs, ita & nunc nomina ponit cum adiunctione definiente, quod scilicet per se pacis, & per se magnitudinis, & per se similitudinis, & aliorum, & eorum quæ contrarie proferuntur, ut per se dissimilitudinis, per se diversitatis, & eorum quæ sunt tota, & quæ eorum partes, auctor est Deus, causa & effector; per omnia eodem tenore & forma demonstrans & universa producta esse, & unum tantum eorum omnium principium & causam esse, unum scilicet, quod est supraquam substantia, quæ est illa beata & trium personarum natura. Ut autem ex ijs quæ posita sunt, proprietates etiam percipiamus, est quidem pax divina, quæ diversa necit in uno (dicta est enim congregatrix & colligatrix illorum etiam, quæ maxime diversi generis & naturæ sunt) multa in temperamentum commiscens non confuse, neque permixte; sed servans in singulis universitates, in unum mentis simplicem conceptum reducit. Deinde hæc divina pax veluti unionem multiplicium & diversarum vocum & sonorum instar concentus & symphonie pulcherrime conficit, nihil ex gravi aut acuto demutans, sed potius manent secundum naturam sine confusione aptata, ut ingeneretur copulatio supraquam cogitari potest, amatorijs quibusdam illecebris, vel nescio quid divinius dicam, in unionem redacta. consentanee etiam nos divina nomina, quæ in illo uno, quod est supraquam substantia, contraria esse videntur, huic divinæ paci attribuimus; & magnitudinem ad parvitatem referentes, in unam pacem contulimus; magnitudinem quidem definiētes, quæ non queat maior moles reperiri; parvitatem vero, quæ non possit minor; per utrumque nomen, pacem ad infinitum Deum reuocantes. Quid enim maius substantia infinita? aut quid rursus hac tenuius, quæ tota per pulviculum insecabilem permeat? Item etiam simile arbitramur cui est similitudo communionis cum alio vel in coloribus, vel propensionibus, vel moribus, & modis, vel in gubernationibus rerum, vel in alio, ut aliquis potest conijcere similitudinem comparentem: dissimile vero, cuius nulla est similitudo secundum rationes & modos nobis notos. desiderium tamen nominis Dei,

quo

Luc. 6.

quo tenemur, in vna pace cōgregauit hæc, & laudans similitudinem Dei, similē nobis nominat, quia præbet nobis similitudinem, non quòd ipse fiat nobis similis (nulla enim effectis cum effectore similitudo, cum infinitis & immensis mensuris & interuallis illa ab auctore absint) sed potius, sicut diximus, quia ipse est effector per se similitudinis, qua nos Deo efficimur similes: Estote enim, inquit, misericordes, sicut pater vester cælestis. idem vero est etiā dissimilitudinis auctor, quia vnicuique eorum quæ ab eo facta sunt, proprietatē indidit, vt numquam quamdiu singula ordinata sunt, inter se conueniant. Si autem nomen eiusdem & diuersi Deo attribuiamus, ex ijs quæ produxit & donauit, sumimus. Est quidē ταυτότης, idest identitas, conspiratio & consensus vniuersitatis rerū cum vno mundo, & generatio penitus distantium, summas eorum qualitates similiter retinens; & eadem affectio diuersarum naturarum, & dissimilium partium. est autem rursus diuersitas multipartita distantia eorum quæ ab vna radice in infinitum tenduntur, & variatio omnis generis in partibus & membris vniuscuiusque; & multiplex ac varia multitudo creationis formarum. sic quoque stationē Dei laudamus ab ijs quæ & collocauit, & firmavit, & quibus locum manendi dedit. & motū rursus laudamus, quòd ipse cū sit alioqui immobilis, & declinare nō possit, nec vlla in re, aut modo moueatur, neque mutetur, aut varietur, voluntate tantum omnes species & formas motuū produxit, & renouauit, emitteas vna omnino pace, cōcentu, & concordia, quādo oportet emittere; & rursus ad se reuocās ipsa sua per se pace secundū vnam, & numquā intermissam operationem.

Album, & nigrum, & reliquas species coloris in vnum conceptum simplicem coloris cum mens reducit, vniuersitatem generis in eis seruat. neque enim conuenientia in vniuersitate generis, confundit species; neque diuersitas speciei tollit conuenientiam in vniuersitate; sed hæc consensio & concentus a pace diuina proficiscitur.

De

De omnipotente, susceptore, adiutore, & de alijs nominibus, quae de Deo dicuntur, & sunt eorum quae dicuntur ad aliquid: & de diuinitate, & similitudine, & habitudine, quae in deificationis, & imitantibus, & similitudinem capientibus dicuntur secundum imitationem, & similitudinis informationem, & habitudinem Dei, qui est omni habitudine solutus, & omnem imitationem superat; & de deificatione secundum habitudinem, & de ijs quae dicuntur ut excellentiam declarent, ut rex regum, Deus deorum. Cap. IX.

Gregorius Nyssenus in confutationibus Eunomij libro secundo: Reperitur, inquit, nihil aliud significare in diuina potentia nomen omnipotentis, quam referri aliquo modo ad aliquid operationem continentem imperio & dominatu ea quae in creatura mundi contemplamur. hoc enim vis, quae in hoc nomine cernitur, demonstrat. Et sicut numquam esset medicus, nisi propter aegrotos; neque rursus misericors nominaretur, aut miserator, & similiter in alijs eiusmodi, nisi esset qui miseratione & misericordia indigeret; sic etiam nec omnipotens, nisi omnis creatura dominante, & in eo quod est, eam conseruante indigeret. Ut medicus igitur ei qui curatione indiget, adhibetur; sic omnipotens ei, cui opus est teneri dominatu. Et sicut bene valentibus non opus est medico, sed male habentibus; sic consequenter recte dici potest, eum in quo natura aberrare & labi non potest, non indigere alio a quo teneatur. Et magnus Dionysius in epistola secunda ad Caium: Quomodo Deus, qui est supra omnia, est supra principium diuinitatis, & supra principium bonitatis? scilicet si diuinitatem & bonitatem intelligas esse donum ipsum, quod deos & bonos facit, & ipsam imitationem quam assequi non possumus, Dei & boni, qui est supraquam Deus, & supraquam bonus, quia dii & boni efficiuntur. Etenim si hoc est principium, quo deificamur, & boni efficiuntur, qui est omnis principij supraquam principium, etiam est supra diuinitatem & bonitatem, hoc est, supra principium diuinitatis, & principium bonitatis. Quia enim non est imitabilis, neque haberi potest, antecellit imitationibus & habitudinibus, & eis qui imitantur,

Ioan. 10.

tatur, & habitudines participant. Magnus Athanasius in libro de Incarnatione verbi Dei: Deo igitur, inquit, non est similis filius Deus, sed vnum & idem, sicut scriptum est: Ego & pater vnum sumus; diuinitatem interpretatus est vnitatem; diuinitatem vero non qualis est eorum, qui facti sunt dii: siquidem hanc illi opponens, Deus, inquit, est non sicut homo ad similitudinem Dei factus, & Deus nominatus propter similitudinem. Et Gregorius Nyssenus in quodam libro ex suis confutatorijs contra Eunomiū: Et si inimicus Domini dominū nominet Deum, nititur comparare illum cum diuinitate Moysis. Sanctus Maximus in scholijs Dionysij, Recte, inquit, dixit diuinitatem supra omnem bonitatem, & diuinitatē. inferiores igitur diuinitates intellige angelorum, & hominum iustorū. Sanctus Ioannes Damascenus libro 111. de fide orthodoxa, cap. x11. Natus, inquit, ex Virgine, egressus autem Deus cum carne assumpta, iam ipsa ab eo deificata, simul vt producta est, & esse cœpit; ita vt simul hæc tria essent, assumptio, existentia, deificatio ipsius ab ipso verbo facta. Rursus S. Maximus in disputatione contra Pyrrhum: Sicut inflammatio inflammatū, & inflammantem secum infert; & refrigeratio refrigeratum, & refrigerantem; & visio visum, & videntem; & intelligentia intellectam rem, & intelligentem (non enim potest habitudo sine habitis dici, aut intelligi) sic, vt consequens est, deificatio deificatum, & deificantem secum inducit. Idem: Oportebat, vt vere dicam, eum qui est auctor eorum quæ secundum naturam sunt, esse etiam auctorem deificationis secundum gratiam. Idem iterum: Demonstravi, inquit, diuinam potentiam, quæ supra substantiā est, efficere deificationem eorum qui secundum gratiam deificati sunt. Gregorius Theologus in oratione postquam factus est presbyter: Solitudinem, inquit, maxime omnium amplexus sum, & tamquam adiutricem & parentem diuini ascensus & deificam vehementer admiratus sum. Rursus magnus & diuinus Dionysius cap. x. de diuinis nominib. ait: Dicitur autē omnipotens Deus, vt omnia dominatu suo tenens, & qui ijs quæ gubernat, præest non mixte; & vt omnibus desiderabilis, & amabilis; & cunctis iuga voluntaria imponens, & dulces partu-

participationes amoris divini, & omnipotentis, & insolubilis ipsius bonitatis. Gregorius Nyssenus in primo libro contra Eunomium. Alia, inquit, nomina tantum significat quod est ad aliquid utile, ut adiutor, defensor, & susceptor, & quaecumque huius significationis repemuntur, quibus si adimas egentem ope, vacua & otiosa fuerit vis, quæ in ipso nomine cernitur. Rursus Dionysius cap. x i i. de eisdem divinis nominibus. Quia, inquit, auctor omnium secundum unam excellentiam uniuersa exasperantem est supraquam plenus, sanctus sanctorum, & alijs eiusmodi nominibus laudando nominatur conuenienter causæ superfluenti, & excellentiæ eximiæ; ut si quis dicat, quanto antecellunt sancta, aut diuina, aut dominantia, aut regia ijs quæ non sunt talia, & rursus ipse per se participationes participantibus; tanto antecellit omnibus quæ sunt, qui est supra omnia, & omnibus participantibus, & participationibus, qui est causa non participata. Sanctos autem & reges, atque dominos, & deos vocant scripturæ principales in unoquoque ordine. Quod quidem cum S. Maximus adnotat, principes qui in inferioribus præsunt, aut vocari secundum excellentiam sanctos, & dominos, & reges, & deos, sicut & inter homines ij qui sunt excellentissimi, sic appellantur. Ex quibus efficitur manifestum, aliam quidem significationem præferre ea nomina, quæ de Deo dicuntur ad aliquid; aliam vero, quæ secundum exuperationem efferruntur, atque illa quidam aliquando superuacua esse & otiosa perfectæ operis, ut antea, & nunc demonstratum est; hæc vero, quæ secundum exuperationem, semper eodem modo excellentiam declarare; atque illa quidem evidens indicium ostendunt in fabricatione uniuersi. Septimo enim die, inquit, requieuit ab omnibus operibus suis; quare cessauit a creatione celi, solis, stirpium, animantium, & ut uniuerso dicta, ab universis opere quod patrarat. propter opus enim dictus est tunc Deus fabricator mundi. Est igitur semper fabricator mundi Deus, sed tamquam iam fabricatio mundi desierit; sicut & creator, qui non semper creat, & ad ridendum aptus, qui non semper ridet. hæc autem est, quia solum est causa & effector Deus, infinitis enim & immensis interuallis effector effectis am-
P recellit.

recedit. Cum autē Dionysius excellentiā in his ostendit, in duas partes diuisit; in sancta, & non sancta; & in per se participationes, & in participantia. Et quanto, inquit, ea quæ sunt, ijs quæ non sunt, antecellunt, & participationes participantibus; tanto Deus antecellit sanctis, & nō sanctis; & per se participationibus, & participantibus. Excellentia igitur Dei eque peruat in participantia, & per se participationes; & in sancta, aut diuina, aut dominantia, aut regia, & in ea quæ non sunt talia. Si autem Deus æque utraq. excellit, quam rationem productionis habebunt quæ non sunt sancta, & quæ participant, eandem habebūt sancta, & per se participationes. quod si illa sunt creaturæ Dei, & hæc igitur sunt creaturæ Dei. Apparet tamen hic etiam proprietates. illa enim, idest, participantia & participationes, propter finē, cuius causa, perfecta sunt, & eorum proprietas est dici ad aliquid, aliquo modo se habere; horum autem, idest, quæ secundum excellentiam dicuntur, proprietas est, ex æquo esse infra Deū, cum illis quæ participant, & sunt per se participationes. hæc enim & illa facta sunt. Præterea omnipotentia, susceptio, auxilium, & saluatio si in Deo dicuntur, sunt vna pax, & quies, ac silentium; si vero extra Deum, & tamquam emanationes in creaturas, ad custodiam, & tutelā, & auxilium, & susceptionem, & salutem productæ, in ijs quæ custodiuntur, perficiuntur. Rursus, sanctitas, & dominatus, & regnum, & diuinitas, absolute quidem in Deo dicta silentium eius sunt beatum, & supra substantiam: extra Deum vero, proprietates accipiunt ad creaturā spectantes; illa, idest, sanctitas, liberatio est ab omni scelere & macula; dominatus firmitatē veram, & a prolapione liberam exhibet; regnum est distributio omnis regulæ, & ornamenti, & iuris, & ordinis; diuinitas vero prouidentia omnia contemplan, & similiter in alijs, si quis a motibus & actionibus Dei nominare pergat diuinitatem quæ est supra quā exprohi possit siue affirmando, siue negando, & supra quā intelligi, & supra substantiam.

non ideo, ideoque, ideoque Scholia.

Ipsam imitationem Dei Imitatio Dei vocatur deificatio, quia nō deificamur, nisi imitando Deum. deificatio ipsa quæ dici solet per se deificatio, est donum Dei, & principium nostra deificationis a Deo donatum

donatum nobis. Deus igitur est supra huiusmodi principium formale diuinitatis deificae, qua tamquam dono Dei deificamur ab ipso Deo; & similiter supra principium bonitatis, qua tamquam dono Dei boni efficiamur ab eo, non mixte, quia non opus est, ut se veluti cum rebus & negotiis misceat ad cognoscendum ea, ut tute & caute gubernet, sicut necesse est homini; alioqui non poterit solus sufficere gubernationi. iuga 3.) Iuga voluntaria vocat appetitus natura, ut cuiq. conuenit, insitos, tamquam leges impositas, quibus omnis natura libenter & sponte sua pareat; & nulla resistit, nec obedientiam detrahet. Et quia huiusmodi appetitus, & impetus insiti, & inclinationes tendunt ad amandum summum bonum, quod varie participant, idcirco eiusmodi inclinationes dicuntur a Dionysio diuinum amorem parturire, sicuti terra sole tepefacta fructus parturit. cessavit 4 ab omni opere) Creare non solum significat facere ex non ente, ut impius Eunapius eradebat; qui idcirco aiebat non iam animas creari, sed generari, ex quo Deus requieuisset ab omni opere quod creando patrarat; sed significat etiam facere aliquid nouum, ut notauit Nemesius Adamantius lib. 2. de homine: a quo genere creationis dicit cessasse quidem Deum, sicut scriptum est in Ecclesiaste: Nihil nouum sub sole. Nec enim vel resurrectio corporum (ut ait Gregorius Nyssenus hunc locum interpretans) aliquid noui erit, sed restitutio in pristinum statum: ita circo, inquit, subiungit Ecclesiastes: Extra vetus nihil est. sic enim est apud LXX. interpretes. Creari ergo animam non est nouum, sed tale quid, quale a principio factum est, cum fecit Deus hominem, & secundum imaginem Dei fecit eum, sicut semper facit nihil varians. Desinit itaq. creare primordia rerum. unde idem Ecclesiastes ibidem: Quid est, inquit, quod fuit? ipsum quod futurum est. Quid est quod factum est? ipsum quod faciendum. nihil nouum sub sole. Significat enim (ut alius quidam Gregorius ait, vetus & elegans interpres Graecus, cuius cognomen nondum reperi) non solum ea quae a principio facta sunt, seruitutem suam erga auctorem suum demonstrare, illiusq. infinitam sapientiam, potentiam, & magnificentiam testari, verum etiam quae nondum existunt, sed futura sunt, ipsa quoq. rationem ordinis, subiectionis & obedientiae illorum primorum erga auctorem suum secutura esse: ita ut nihil eorum quae sunt futura, aut facienda, vel creanda, diuersum ab iis quae primum facta sunt, inueniatur: immo secundum seriem primum illis a potentia Dei omnium operatrice, & gubernatrice impositam, ortum & motum ac conseruationem habitura esse usq. ad praescriptum a Deo finem omnium; nihilq. prorsus reperiendum esse, quod alium ortum, aut motum, aut ordinem habeat, unde possit aliquis occasionem sumere dicendi, Hoc nouum est. hactenus iste auctor.

Eccles. 1.

Gen. 1.

De aequalitate, perfectione, unitate, & quæ eorum in
rebus proprietates. Cap. X.

Agnus Dionysius cap. x. de diuinis nominib. Si
M quis vero, inquit, in sanctis scripturis nomen, quo
Deus nominatur idem, & quo nominatur iustus, in no-
mine diuino, quo nominatur æqualis, accipiat, dicen-
dum est, Deum esse æqualem non solum ut expertem par-
tium, & qui a recto declinare non possit, sed ut in om-
nia & per omnia æqualiter meantem, & ut per se æqua-
litate effectorem, secundum quam æqualiter operatur si-
mitem omnium per ipsa inter se incesum, & participa-
tionem æqualiter participantium, ut quodq. eorum aptu
est, & æquale in omnia pro cuiusq. dignitate distribu-
tionem; & quatenus omnem æqualitate intellectualem,
intelligentem, ratiocinantem, sentientem, substantialem,
naturalem, voluntariam, exemptæ & unitæ in seipse an-
ticipauit, secundum virtutem omnia exuperantem, om-
nis æqualitatis effectricem. At rursus idem cap. x. r. r.
Perfectum rursus dicitur, quod non potest augeri, & sem-
per perfectum est, & minui non potest, item quod om-
nia in se continet, & redundat secundum vnā num-
quam intermittentem, & eandem, & supraquam plenā
suppeditationem, quæ minui non potest, quæ omnia per-
fecta consummat, & conuenienti perfectione implet. Et
iterum idem: Nec enim est multitudo, quæ aliquo mo-
do non participet vni; immo quæ sunt multa partibus,
sunt vnum totum, quæ sunt multa accidentibus, sunt vni
subiecto; & quæ multa numero, aut facultatibus, sunt
vnum specie; & quæ sunt multa multiplici specie, sunt
vnum genere; & quæ sunt multa emanationibus, sunt
vnum principio; & nihil quidquam est, quin quoquo-
modo vnum participet; illud dico, quod in se secundum
omnia singulari, omnia, & tota omnia, & contraria anti-
cipauit. Amplius adhuc idem: Oporteret, ut nos a multis
virtute diuinæ unitatis ad vnum conuersi, vnite laude-
mus totam beatam diuinitatem, vnā scilicet omnium
causam, quæ est ante omne vnum, & ante omnem mul-
titudinem, & omnem partem, & omne totum, & om-
nem terminum & incircumscriptionem, omnem finem,
& om-

& omnem infinitatem; vnum, inquam, quod omnia quæ sunt, & ipsum esse i. definit; & est totorum omnium, & *vel, vniuersitatum;* simul; & ante omnia, & supra omnia causa singulariter, & est supra ipsum vniuersum, & ipsum vniuersum ens definit; siquidem quod est vnum in rebus, annumerabile est; numerus autem substantiam 7 participat; vnum vero, quod est supraquam substantia; quod est vnum, & omnem numerum definit, & ipsum est vnus, & numerus, & ordō. Hac autem adnotans, S. Maximus: Aduerte, inquit, quod merito ante vnum dicitur esse idem, quandoquidem omnibus antecellit: vnde numeri est effectus, & inuentor. Et rursus, Obserua, inquit, quod annumerabile significat declarationem numeri, quare in ijs quæ sunt, id est in creaturis, cum vnum dicitur, secundum numeri notionem dicitur. Ex quibus patet, quod Deus, qui ipse est secundum se per se æqualitas, & per se perfectio, & per se vnitas, hæc sibi tribuit quæ est ipse. atqui hæc quæ ipse est, intelligere nequaquā possumus, nec expromere fas est. Theologi vero de per se æqualitate, & per se perfectione, & per se vnitatem in rerum natura productis loquuntur, explicant, & intelligunt. Est igitur æqualitas æqualis distributio vniuersi, partim aliquid commune habens cum eodē, & cum iustitia; partim aliquid proprium. abundat enim varijs vocibus, non vt eas in vnum concilians, sed vt principium quoddam & extremum in vnum sonum desinens. omnia namq. quæ inter se concinūt, diuersitatem habent eorum, ex quibus constant; & similitudinem sonorū secundum plectri modum. æqualitas autem similitudinis vocum plus concentus habet; moderatur enim hunc tamquam causa inchoans, & finiens, & veluti a se incipiens, & per concinentia, & inter se respondentia circumiens, in se rursus definit. Ab vna igitur ratione æqualitatis sumenda est & aliorum ratio, in quibus æqualitas versari cōsuevit. æquale enim est, quod est eorundem mensura. quorum igitur eadē sunt mensuræ, æqualitas etiam eadem est. Quare diuina æqualitas æqualiter operatur similem omnium per ipsa inter se incessum, & æqualem participationē, vt quodq. apertum est, & æqualem in omnia pro cuiusq. dignitate distribui-

tributionem: perfectio autem in ijs quæ sunt, quod in eis est minus & plus, dicit; æqualem autem perfectionē reddit partibus; & est perfectum in numeris quidem, totum æquale partibus; in affectis vero qualitate, perfectus habitus eorum qui ad hunc vsum affecti sunt qualitate; natura quædam est ipsis perfecte propter multam experientiam ingenita, & neq. plus, neq. minus habens, quàm recta regula secundum ipsum vsum requirit: in substantijs vero perfecta vita, & immortalis; & vt vno verbo dicam, omne nimium & parum perfectionē corrumpit. Aequalitas ergo, & vita non deflexa a recto in substantijs quidem perfectionem efficit; in numeris vero totum æquale partibus; in qualitate præditis, scientia quæ excidere non possit. Deus autem, qui est per se perfectio, perfectionum effector est, tum perfectionis, cui ademptæ sunt multe perfectiones; tum per se perfectionis, quæ late patet. ad imitationem enim exemplarium diuinorum, quæ supra substantiam sunt, produxit & perfecit, quæ hic absolute dicuntur. vnitas autem, quæ in omnibus obambulat, diuino hominē vnitatis decoratur, operans infinitas vnitates in generibus, in specie, in indiuiduis, in partibus, in membris; & vt dicam, quod plurimum valet, & potissimum est, in omnia se multiplicat, nos ad imitationem vnitatis Dei, quæ est supraquā ignota, ad vnitates reuocans, vt in multitudine vnitatū, quæ ab ipso productæ sunt, efficiat vt nos a multis ad vnum virtute diuinæ vnitatis conuersi, facti vnum, laudemus totam, & vnā diuinitatem, vnā omnium causam. hoc per se vnum, quod ijs quæ sunt, annumeratur, principium efficitur eius quod per se est, quatenus vnū est, quod per se est, licet non sit per se, sed vt accidens. hoc etiam in vnaquaq. emanatione vnum fit; & vnū item cōmuniter in omnibus emanationibus, siue genera sint, similiter; siue species, eodem modo; siue indiuidua, nūquam deficit vbiq. vnū. & huius per se vnus proprietas est, in quibus inest, multa ad se conuertere. At vero pro cōtextu secundū seriem contenti sumus ijs quæ magnus Dionysius exposuit, quod si in quibusdā, cum ea recensere mus, aliquid variauerimus, non fuit nobis propositū magis ordinate quàm ille, recensere. absurdū enim erat tam

ma-

magnum solem ex aduerso intueri, ut in hoc etiam ver-
bis eius utar. Decem capita contexuimus, quia hoc fuit
a principio propositum: proprietates ex iunctis, & con-
tinuatis collegimus, propter facilitatem. quaedam con-
traximus; alia in alium locum transtulimus propter cla-
riorem distinctionem. Inscripta vero est decas, De pro-
prietatibus, non quasi nobis aliquid abunde suppetat,
quod magno Dionysio desit, sed potius ex ijs quæ copio-
se dicta sunt ab eo, solum explanamus ubi oporteat pro-
prietatem considerare. Propositum vero est planum fa-
cere per omnia, solum esse causam vniuersi diuinam tri-
um personarum naturam, quæ est supra substantiam, &
supra naturam. alia vero omnia, siue quæ dicuntur pri-
mum existentia, siue participationes, siue providen-
tiæ, & dona diuina, quia propter causam producta sunt,
in effectis numerantur; suntq. sicut effecta, generata &
creata. Omnis enim effectio (ait magnus Basilus) par fit
suis effectis; & magna quidem effectio magnorum effe-
ctorum est; parua vero paruorum.

Scholia.

Inter se incessum. In elementorum mixtione versatur huiusmo-
di equalitas, quæ si non esset, non fierent generationes in mundo. si
enim aliquod ex elementis exuperet ac redundet, corrumpitur quod
generatur. ut quodq. aptum est, & pro dignitate) Hoc dicit pro-
pter equalitatem proportionis, siue quæ sunt natura fiant, siue per
gratiam: ut non omnes equaliter illuminantur a sole; nec omnes
equaliter sanctificantur, sed proportionem, ut apti sunt, aut digni ha-
bentur. omnem 3 equalitatem) νοητός & νοερός, id est, intel-
lectiles, & intelligentes vocat angelos, quia habent infra se a quibus
intelligentur; & ipsi intelligunt. animæ autem non solent vocari νοη-
ταί, id est intellectiles, quia non habent infra se a quibus intelligan-
tur, sed dicuntur ratiocinantes, & νοεραί etiam, id est intelligen-
tes, sed non proprie, ut angeli. sentientem equalitatem vocat, quæ in
animalibus reperitur; substantialem, quæ in substantialibus (sic vocat
quæ sunt sine sensu & motu) naturalem, quæ in naturalibus: illa in-
telligit, quæ qualemcumq. motionem habent. natura enim est princi-
pium motus & quietis. voluntariam, in ijs qui voluntate præditi sunt,
qui volunt iuste viuere. iustitia enim est quedam equalitas. omne ge-
nus equalitatis habet Deus anticipatum in se ipso simpliciter tamquàm
in ideis & exemplaribus, æternisq. suis notionibus. ex s. Maximo.
omnia 4 & tota omnia) Omnia dicuntur, quando sunt species, &
partes,

Cap. 3. de di-
uin. nomin.
in extrema
pag.

partes & differentie in diuisionibus totum & quando partes collectae
 unum constituent vel speciem, vel genus, vel contrarium & oppositum
 in unum consensione quadam conspirant, ut aqua simul & terra, &
 aer, ex S. Max. & ipsum esse. Illud per se esse dicit, quod est per
 se principium, & primum quod apparet, id est, quia ratio
 ne habitudinis tamquam ex forma ex ipso per se esse existunt; sicut
 vita ex per se vita, & est supra ipsum unum. Illud dicit, quod est,
 ut ait S. Maximus, αὐτοαρχὴ καὶ πρῶτος τῶ πρῶτος αὐτῶ, id est,
 per se principium, & primum habitudine ad aliquid. inducit enim
 inquit, notionem multorum ex se ipso, haec autem longe absunt a Deo,
 a quo sunt aliena, qui secundum naturam suam non potest cum alio
 coniungi, sicut unum in numeris, ex S. Max. substantiam 7 partici-
 pat) Creaturam vocat substantiam, quod autem numeratur in crea-
 turis, pars numeri est, & numeratur in quibus sunt suae speciei,
 vel generis, vel ordinis, & similiter in aliis, cum quibus convenit.
 Perfectio, 8 cui adempte sunt multae perfectiones, est perfectio non
 abstracta per intellectum a toto, & a parte; haec enim multis perfe-
 ctionibus caret, perfectio vero abstracta, & absolute considerata la-
 te patet, quia non est restricta ad totum, aut ad partem, ut vita ab-
 solute considerata, quae dicitur per se vita, huic nulla perfectio ad-
 mitur, sicut adimitur vite in genere, ut animalis, & vite in parte
 generis, id est in specie, ut hominis, aut angeli, & multo magis huius
 hominis, aut huius angeli, quae sunt individua. Per se esse, sicut per
 se vita, & per se unum, & similia, est ens per accidens, quia solum
 per abstractionem existit in mente.

DECAS SEXTA, DE APPARITIONIBVS DIVINI LUMINIS.

*Quòd omne lumen sub sensum cadens ex Deo est, &
quòd sol imago est bonitatis ipsius. Cap. 1.*

DIONYSIVS capite quarto de diuinis nominib. Sed quod in medio præterlapsus nos effugerat, cælestium principiorū, & subterminationū causa est bonum, itē substantiæ huius cælestis, quæ non augetur, neq. minuitur, & penitus non variatur, & motuum cælestis curriculi vastissimi non sonantium, si ita loqui oportet, & ordinum stellarum, & pulchritudinum, & luminum, & inflexionum earum, & multiplicis cursus vagantis quorundam siderum, & duorum luminarium, quæ scriptura vocat magna, circuitus, & eodē, Gen. 1. vnde profecta sunt, reuersionis, quibus apud nos dies & noctes distinguuntur; & menses atq. anni definiti ipsos motus temporis, & eorum quæ in tempore sunt, circulo confectos distinguunt, numerant, ordinant, & continent. Quid autem dicatur de ipsomet radio solis? A summo enim bono lumen proficiscitur, & imago bonitatis est: quamobrem nomine luminis bonum laudatur, tamquā appareat primum exemplar in imagine. Sicut enim bonitas diuinitatis quæ supra omnia est, a supremis & prouectissimis substantijs vsq. ad extremas peruadit, & adhuc supra omnes est, ita vt neq. superiores vsq. ad illius excellentiam pertingant, nec inferiores non ab illa contineantur; quin potius omnia quæ illuminari possunt, illuminat, & creat, & vitam dat, & continet, & perficit; Gen. 2. & mensura est eorum quæ sunt, & æuum, & numerus, & ordo, & complexus, & causa, atq. finis: sic etiam ingens iste, & totus splendidus, ac semper lucens sol imago expressa est diuinę bonitatis, quatenus tenuissimum: quid illius boni in eo procul resonat, & omnia quæ eum participare possunt, illustrat, & lumen habet supra extensum, quod in vniuersum mundum qui cernitur, tum superiorē, Q rem,

Gen. I.

Rom. I.

Gen. I.

rem, tum inferiorem, splendore radiorum suorum multiplicat. & si quid eum non participat, non est in causa imbecillitas aut tenuitas facultatis illuminandi, sed potius non esse expeditum ad participationem luminis, quia non sit idoneum ad admittendum illud. Ac revera multa sic sunt, quæ radius solis prætergressus, illa quæ ultra sunt, illuminat; & nihil est eorum quæ cerni possunt, quo non pertingat sol, ut est ingens vis splendoris sui. Quia etiam ad ortum corporum sub sensum cadentium confert, & ea mouet ad vitam, nutrit, auget, perficit, & purgat, ac renouat; & mensura est ac numerus horarum, & dierum, & omnis nostri temporis (hoc enim est illud lumen, tametsi tunc non erat figuratum, quod dixit diuinus Moyses distinxisse illud primum dierum nostrorum triduum) unde ἡλίου, idest sol, dictus est, quod omnia facit ἀολῆν, idest, omnia seruat salua, & congregat dispersa, & omnia quæ sentiendi vim habent, eum appetunt, vel ut videant, vel ut moueantur, & illuminentur, & calefiant, & deniq. ut contineantur & conferuentur a sole: non hoc dico, ut antiquitas existimabat, quod sol sit Deus, & auctor vniuersi, qui hunc mundum quem cernimus, proprie gubernet; sed potius quod inuisibilia Dei a creatura mundi per ea quæ facta sunt, intellecta conspiciuntur, sempiterna quoque eius virtus & diuinitas. Ex quibus patet, omne lumen, quod cernitur, a Deo factum esse; & solem esse multis modis & rationibus imaginem bonitatis Dei. simul etiam demonstratum est, quemadmodum cum Deus dixit primo die: Fiat lux, lucem illius tridui sine figura, & diffusam coegit, & in figuram globi solis contulit, præfiniens ei circuitus & orbes annuos. Idem ostendit magnus Basiliius in Hexaemero.

Scholia.

Principiorum, & subterminationum) Non significat hoc loco Dionysius, ut quidam interpretati sunt, corpora celestia esse principia agentia eorum quæ ortum & interitum capiunt, & discerni res secundum eadem corpora: non loquitur hic de huiusmodi principijs, sed de principijs & terminationibus orbium celestium, quos fecit Deus bonitate sua globosos, in qua figura idem est principium & terminus, siue finis, non dixit ἀποπερατώσεις, idest, terminationes, sed ἐνοπερα-

et dicitur, id est, subterminationes, ut S. Maximus observavit, quia motus corporis globosi non habet proprie terminum, sed veluti terminum habet moveri ab aliquo principio ad idem tamquam ad terminum, verbi gratia, ab oriente ad eundem orientem, tenuissimum & resonat) Græce est *αὐρορά*, quod Lucretius poeta Romanus lib. vi. vertit multesimam ea forma, qua dicitur centesimum, millesimum. Significat hic tenuissimum extremi soni; ut si quis, inquit S. Maximus, magna vociferatione aliquid dicat, qui adstant, & bene clamorem, & quod dictum est, percipiunt; qui autem distant, quo magis distant, minus audiunt; qui vero longe sunt, tenuissimum sonum audiunt sine significatione vocis: sic cogitandum est, inquit, de lumine solis, si cum diuino conferatur, esse scilicet diuinum lumen infinitum, & conferri cum illo non posse, adinstar acutissimi clamoris, & clarifone vocis cum tenuissimo & obscurissimo sono collate.

Quod ignis sub sensum cadens non solum imagines angelorum, qui similitudinem Dei gerunt, exhibet, sed ipsius etiam Dei; & quæ eius proprietates. Cap. II.

Dionysius cap. xv. cælestis hierar. Aggrediendum, inquit, est dicere, & inuestigandum in prima explanatione figurarum, quare sancta scriptura in figurandis angelis imaginem igneam fere præ ceteris imaginibus honorare reperitur. Reperies itaq. eam non solum rotas igneas effingentem, sed animalia ex igne, & viros instar ignis fulgore collucescentes; tum acervos carbonum ignis circa cælestes substantias ponentem, & fluuios igni ardentibus, impetu qui cohiberi non possit, profluentes: immo & sedes ait igneas esse; & ipsos supremos Seraphinos vi-
rentes representat, ut nomen declarat, ac proprietatem ignis & efficientiam illis tribuit: deniq. supra, & infra (id est, ubiq.) igneæ imaginis formationem præcipue honorat. Igneum igitur, ut arbitror, designat maximam in mentibus cælestibus Dei similitudinē. sacri enim Theologi substantiam, quæ supra substantiam est, & sine forma, multis in locis in igne delineant, quod ignis multas habeat imagines (si fas est dicere) diuinæ proprietatis, quatenus in ijs quæ cernuntur, habere potest. Ignis enim, qui sensu percipitur, est quidē in omnibus, ut ita dicam, & per omnia nō permixte peruat, & ab omnibus dirēptus est, & cum sit alioqui totus lucens, simul est tamquā
Q 2 latens,

Dan. 7.
Ezech. 1.
Dan. 10.
Matth. 28.
Ezech. 8.
Ezech. 10.
Dan. 7. 10.
Ibid.

latens, incognitus per se, non proposita materia, in qua suam vim & actionem ostendat, neq. teneri, neq. videri potest, & omnia superat; & ea in quibus fuerit ingenitus, ad suā facultatē trahit: habet vim immutandi, impartienti se omnibus qui ad eum utcumq. appropinquāt, renouandi calorem vitali, illuminandi splendoribus non obiectis; non potest cohiberi, est admixtionis expers, habet vim discernendi, est immutabilis, fertur in sublime, est motus celeris, est altus, non patitur ut umquam appetat deorsum ferri, est per se mobilis, semper mobilis, alia mouens; habet vim continendi, & a nullo contineri potest; non indiget alio, auget se occulte, & in materijs subiectis declarat magnitudinem suam: est efficax, potens, coram omnibus adest inaspectabilis; si negligitur, videtur non esse; collisione facta, veluti quæsitus, naturaliter & cognate repente apparet, & rursus auolat incomprehensibile; in omnibus sui copiosissimis distributionibus non minuitur. Multas ignis proprietates poterit quis inuenire diuinę operationi cognatas, quatenus in sensilibus imaginibus esse possunt. Hoc igitur cum in diuinis litteris eruditi didicerint, caelestes substantias ex igne effingunt, ut similitudinem Dei, quæ in illis inest, & imitationem item Dei quantū illę capere possunt, repræsentent. Rursus idem Dionysius in epistola ad Titum: Etenim non solum lumina, quæ sunt supra substantiā, & mente contemplamur, & ut semel dicam, diuina, symbolis ad figurandum pertinētibus variantur, ut cum Deus supra substantiam, ignis dicitur; & eloquia Dei ignea: sed præterea etiam diuini ordines angelorum, qui simul sunt intellectuales, & intelligentes, varijs formis, ac multiplici specie, & igneis figuris depinguntur. aliterq. eandem imaginem ignis accipere oportet, cum de Deo dicitur, qui intelligentiam superat; aliter cum de prouidentijs eius, quas intelligentia percipimus, aut de sermonibus; & aliter, cum de angelis. Atq. illam quidem imaginem ignis de Deo dictam, secundum causam accipere oportet; aliam secundum existentiam, aliam vero secundum participationem; & alia aliter, ut eorum contemplatio & constitutio scienter facta præscribit. nec enim oportet fortuito ac temere miscere symbola, sed potius explanare.

Deut. 4.
Psal. 118.

De prouidentijs, ut in Evangelio. Luc. 12. Ignem veni mittere in terram. Aut de sermonibus, ut Hierem. 23. Numquid sermones mei non sunt quasi ignis?

planare ea conuenienter causis, aut existentijs, aut potestatibus, aut ordinibus, aut dignitatibus; quæ omnia signis declarantur. Ex his efficitur manifestum, quod ignis qui sensu percipitur, non solum imagines angelorum Deo similium exhibet, sed etiam ipsius Dei, qui supra substantiam est: & ubiq. imaginis igneæ figuratio ex multis proprietatibus ignis sumpta locum habet, sed non utcumque, & casu, quinimmo aliter in Deo, secundum intelligentiam quæ mentem nostram superat, aliter in nominibus eius, conuenienter mentis nostræ notionibus, aliter in diuinis angelis. in illo enim, idest in Deo, tamquam in causa & auctore ignis; in his vero, idest, in nominibus Dei, quæ prouidentias varias significant, tamquam in multiplicatis & diffusis ad participandum ut quisq. idoneus est; in angelis vero tamquam in eum habitū, quatenus existunt, indutis, quemcumq. Deus ad salutis nostræ procuracionem velit.

Quomodo ¹ imago ignis conueniat præceptis diuinis, quæ in scriptura vocantur eloquia Domini igne examinata, & quomodo angelis, non idem sentiunt S. Maximus, & hic auctor Ioannes Cyparisiotus. S. Maximus ita interpretatur Dionysium, ut sermones Dei vocentur ignei secundum existentiam, id est, quia sic eos fecit Deus; idest, hanc eis vim indidit, cum eorum auctor fuit. secundum vero participationem angelis conuenit, quia similes esse Deo, qui est ignis consumens, a Deo, inquit S. Maximus, acceperunt, cum per se essent secundum substantiam. Ioannes vero Cyparisiotus secundum existentiam dicit eis conuenire; quod probabilius videtur, ut cum substantia simul similitudinem Dei acceperint. quia si prius oportet esse, & postea participare aliud præter quàm esse, angeli non habent per participationem hoc quod eis tribuitur istis nominibus & figurationibus, sed per existentiam, quia non fuerunt prius quàm ista participarent; sed potius cum his donis creati sunt. unde Gregorius Nazianzenus angelum dicit esse primi luminis quandam fluxionem & participationem.

Psal. 111.

Deut. 4.

Quod Deus a sensilibus & nobilioribus sol & lumen nominatur, a medys autem ignis; & quod contemplatio luminū Symbolicorum est multiplicis nominis. Cap. III.

Magnus Dionysius capite secūdo celestis hierar. Has, inquit, imagines reperiemus mysticos Theologos sancte

sancte effingere non solum in angelicis apparitionibus
 caelestium ordinum, sed cum Deus ipse apparet; & quan-
 doq. quidem ipsam diuinitatem a rebus magnæ æstima-
 tionis laudant, vt cum solem iustitiæ vocant, & stellam
 matutinam in mente sacre orientem, & lumen sine inte-
 gumento, & in mente splendens; aliquando vero a rebus
 mediocribus, vt cum appellant ignem ita illuminantem,
 vt nihil cuiquam noceat; & aquam, quæ vitalē expletionē
 præbet, & quæ vt symbolice loquar, in ventrem diffluit,
 & fluuij emanant, eruptione libera effluentes; aliàs vero
 laudant ab infimis rebus, vt cum vocant vnguentum o-
 doratum, & lapidem angularem. quin etiam forma feræ
 eum induunt, & leonis ac pantheræ proprietatem ei affin-
 gunt, & pardum fore aiunt, & vrsū indigentem. addā
 præterea, quod ceteris omnibus ignobilius, & magis a
 similitudine alienum esse videtur, quod illi in diuinis lit-
 teris valentes tradiderunt ipsum sibi speciem vermis af-
 fingere. Hęc diuinus Maximus explicans, Solem, inquit,
 iustitiæ Malachias nominat; & beatus Petrus, Donec,
 inquit, lucifer oriatur in cordibus vestris. hic enim est
 stella matutina. Moyſes autem in rubo, Ignis, inquit, ar-
 dens nō nocendo. Hieremias ait: Me dereliquerunt fōn-
 tem aquæ viuæ. & Salomon in Canticis canticorū: Un-
 guentum effusum nomen tuum. Osee autem & Micheas
 ex numero duodecim prophetarū, feras hic dictas com-
 memorant. Dauid vero vermem dicit in persona Domi-
 ni, qui propter nos carnem induit, non secundum diui-
 nitatem, sed secundum humilitatem & ignobilitatem
 carnis quæ videbatur. Sed & Gregorius cognomento
 Theologus in oratione de baptismo: Deus, inquit, erat
 lumen illud summum & inaccessum, quod nec intelli-
 gentia comprehendī, neq. sermone expromi potest, om-
 nem naturam rationis compotem illuminans, hoc est
 in ijs quæ sub intelligentiam cadunt, quod est sol in ijs
 quæ sub sensum. Secundum lumen est angelus primi lu-
 minis fluxio quædam, vel participatio, quæ sua in eum
 propensione & ministerio illuminationem habet. Tertiū
 lumen est homo, quod etiam gentilibus manifestum est.
 ¶ Quia enim, idest lumen, nominant hominem, propter fa-
 cultatē rationis quæ in nobis est; & rursus qui Deo sunt
 simi-

similiores, & magis quàm nos ipsi vicini. Scio etià aliud
 lumen esse, quo illæ primæ quæ cœperunt, tenebræ pul- *Gen. 1.*
 sæ sunt, vel diremptæ, quod ante omnem creaturam aspe-
 ctabilem factum est; & circuitum rotundum stellarum,
 & illum splendorem, a quo superne vniuersus mundus
 collucet. Lumen quidem erat illud primum mandatum *Gen. 2.*
 primo homini datum; quandoquidem lucerna est man- *Prou. 6.*
 datum legis, & lumen; & quia lumen sunt præcepta tua *Esa. 2.*
 super terram; tametsi inuida tenebra, quæ irrepsit, nequi-
 tiam creauit. Lumen vero typicum, & compar ijs qui
 illud suscipiebant, lex scripta erat, quæ veritatem & ma-
 gni luminis mysterium adumbrabat; siquidem & facies
 Moyfis hoc lumine splendescit. Et vt de pluribus lumi-
 nibus loquamur, lumen quidē erat quod Moyfi ex igne *Exod. 3.*
 apparuit, cum ardebat rubus, & non comburebatur, vt
 naturam ostenderet, & potentiam diuinam declararet.
 Lumen deinde erat, quod in columna ignis populo Israe- *Exod. 13.*
 litico in via tamquā dux præibat, & solitudinis asperitatē
 mitigabat. Lumen item, quod Eliam in curru igneo ra- *4. Reg. 2.*
 puit, & raptum non combussit. Lumen præterea, quod pa- *Luc. 2.*
 stores circumfulsit, quando illud lumen sine tempore lu-
 mini temporis admiscebatur. Lumē fuit illud stellæ, quæ *Matth. 2.*
 Bethleem cucurrit, vt Magos deduceret, & lumen su-
 pra nos nobiscum ortum satellitio stiparet. Lumen e-
 tiam, diuinitas illa ostensa ferme solidior, quàm vt aspe- *Matth. 17.*
 ctus ferre posset. Lumen quoq. splendor illinc ad eos qui
 hic purgati sunt, manaturus, cum fulgebunt iusti sicut *Matth. 13.*
 sol, inter quos stat Deus in medio deorum & regum, di- *Psal. 81.*
 scernens & distinguēs dignitates beatitudinis illinc pro-
 ficiscentis. Præter ista lumina lumen est proprio quodā
 modo illuminatio baptismatis, de quo nunc nobis ser-
 mo est; quod magnum & admirabile salutis nostræ my-
 sterium continet. Ex quibus liquet, quod Deus a nobi-
 lioribus materijs lumen & sol nominatur; a mediocri-
 bus, ignis: quin etiam ab infimis accipit nomen. simul
 etiam demonstratum est multipliciter dici lumen secun-
 dum multiplex nomen, & per omnem symbolicā Theo-
 logiam tendere. huc accessit illud de facie Domini, quæ
 in diuina transfiguratione resplenduit sicut sol, qui est *Matth. 17.*
 omnibus quæ sensu percipiuntur, nobilior. Resplenduit
 enim,

enim, inquit, facies eius sicut sol, & vestimenta eius facta sunt alba sicut lumen.

Quod facies Domini nostri, qua tamquam sol in diuinissima transfiguratione resplenduit, & splendor eiusdem decoris corporis post resurrectionem glorificati, & futurum eius fulgorem naturalem figurauit, & idcirco in aspectum oculorum cecidit. Cap. III.

Diuinus Chrysostomus homilia lvi. in Matthæum: *Matth. 16.* Propter hoc, ait, neq. nomina dicit eorum qui ascendi erant. vehementer enim reliqui sequi concupissent, exemplum gloriæ illius spectaturi; doluissentq. tamquam sperari. Etsi enim hoc lumen crassius, & concretius demonstrauit, multum tamen desiderium res afferebat. Et rursus in oratione ad Theodorum lapsus: *Matth. 17.* Quid, inquit, est quod resplenduit tamquam sol? gloria autem corporum immortalium non tantum luminis emittit, quantum hoc corpus interiturum, quod neq. tale erat, quale oculis mortalibus cerni potest, sed quod aspectu oculorum immortalium, ut videri posset, opus habebat. Adhuc idem in eadem oratione: Sed si uolumus, inquit, videbimus & nos Christum, ut illi tunc in monte, multo tamen splendidius. non enim sic postea veniet. tunc enim parcens discipulis, tantum splendoris ostendit, quantum ferre potuerunt; postea vero in ipsa gloria patris veniet. Et Anastasius Sinaites in oratione de Transfiguratione: Hic, inquit, signa regni præfigurata sunt: in hoc monte splendor iutorum adumbratus est: hic futurorum bonorum tamquam præsentium imago expressa est. Immo & diuinus Theodorus cognomento *ὑπαρκτός* in oratione contra Eusebium: Sed tamen ut veritas habet, sic de ea dicamus. Postquam de periculis Saluator discipulis exposuit, inquit: Qui vult venire post me, abneget semetipsum, & tollat crucem suam, & sequatur me, & alia huiusmodi; erant autem alioqui grauissima & difficilia ad tolerandum quæ iuebantur; ne difficultate eorum quæ dicebantur, defatigarentur, recreat eorum mentes; & splendorem eorum quæ expectabantur, & futura erant, sub aspectum val
de

de oportune ponit. quamobrem quantum spectaculi huius mystici spectatores sustinere poterant, gloriam illam demonstrat, cum qua in fine saeculorum venturus est; secundum quam & ipsi simul splendent, hanc suorum certaminum remunerationem laturos, quo magis in periculis positi confidant contemptis praesentibus, nulla ratione cum ijs quae spectantur, ista comparantes; iudicantes non esse dignas passiones huius temporis ad futuram gloriam, quae reuelabitur in nobis. Atqui non semper haec durarunt; sed sic ad tempus gubernata, gesta sunt; modus enim gubernationis est. Si Cyrillus Alexandrinus in explanationibus in Lucā: Factam esse dicimus transfigurationem non sic quidem, ut corpus humanum figuram amiserit, sed splendore quodam indutum fuerit. Quia enim audiebant, oportere carnem nostram resurgere, quo vero habitu & forma, incertum erat; ut daret mutationis indicium, carnem suam mutavit, ut spes nostras confirmaret. Nunc enim hoc nostrum corpus caro nuda est; tempore autē resurrectionis immutatio quaedam Deum decens, & splendoris, non figurae mutatio erit. Splendebunt enim, inquit, iusti sicut sol in regno caelorum. Quod autē splendor qui convenit divinae substantiae, universae naturae creaturae inaspectabilis est, argumento sunt discipuli, qui ne illam quidem visionem corpoream in monte productam sustinere potuerunt. Adhuc, Cyrillus Hierosolymitanus in decima catechesi: Quamdoquidem nemo faciem Dei videre & vivere potuit, assumpsit faciem humanitatis, ut eam videntes vivamus; & cum voluit eam ostendere cum modica dignitate, quando facies eius splenduit sicut sol, tunc discipuli territi ceciderunt. Quod si facies facta splendida non quantum poterat facere ut splenderet, qui splendorem in ea creaverat, sed quantum discipuli terre poterant, eos terruit, & pariter non potuerunt, quomodo in divinitatis dignitatem intueri quis potuisset? In canone autem primo ante festum in cantico septimo sic est: Qui naturam humanam sordidatam aqua & igni repurgasti, splendorem huius naturae in carne tua ostendis. Salvator, cuius facies splendidiore sole ad figurandam futuram gloriam facta est. Enarratores Evangeliorum per annotationes sic aiunt: Trans-

R figu-

Rom. 8.

Matth. 13.

Exod. 33.

Matth. 17.

Ibid.

figuratō autem ostēsa discipulis in monte, exemplum gloriæ futuræ Saluatoris prodebat; corporeæ vero ostēdebatur, ut oculis mortalibus ad spectandum subijceretur, tametsi nimium splendorem, & ita summum, & oculis nostris imparem, sustinere non potuerunt. Et iterum: Transfigurationem intellige non figuræ immutationem fuisse, sed potius manente figurâ, qualis prius erat, accessio luminis facta est. Et rursus: Splendorem vultus instar solis, & candorem vestimentorum vocat transfigurationem, quæ non est existimanda figuræ mutatio, sed luminis splendidissimi accessio, & hanc esse immutationem quam Paulus dicit, Euangelistæ autem transfigurationem nominarunt. Et aliâs: Non humana figurâ corporis deposita, sed gloria quadam splendoris corpore induto. Et iterum: Transfiguratio, quæ dicitur, secundum splendorem erat, quo facies eius sicut sol splenduit, & vestitus eius factus est albus & refulgens, ait Lucas; Matthæus vero ait: Facta sunt vestimenta alba sicut lumen. non enim expectanda est immutatio figuræ in regno nec ipsius Saluatoris, nec eorum qui similes ei erunt, sed accessio luminis fulgētissimi. Diuinus vero Cosmas incumbens ad explanandum, quis esset ille color splendidus, & appositio illius splendidissima, Videntes, inquit, discipuli Christum indutum nube illa lucida in Thabor, proni & inclinati in terram, illuminati mente hunc cum patre & spiritu sancto laudabāt. Ioannes Damascenus diuinitissimus: Qui olim, inquit, in nube formæ igneæ, in solitudine populum Israel deduxit, hodie in Thabor inexplicabili modo in lumine splenduit. Rursus ille lingua aureus in oratione ad Theodorum lapsus: Tunc, inquit, tantum in monte ipsis detexit, quantum ab eis videri poterat, ut aspectui yidentium non noceret. Et in oratione in Transfigurationem: Hic, inquit, Dominus Christus splendorem gloriæ regni inaspectabilis ostendit, non tantam, quanta erat, sed quantâ ferre potuerunt qui oculos corporeos gestabant. Et beatus Basilius in XLIII. Psalmi explanatione: Viderunt, inquit, pulchritudinem eius Petrus & filij tonitruū, splendore solis, splendidiorē, & digni habitū sunt qui initia gloriosi aduentus eius oculis cernerent. Et beatus Ephrem in oratione sua in Transfigurationem: Non, inquit,

inquit, totam abyssum splendoris sui demonstravit, sed quantum mensura pupillarum capere potuit. Et Ioannes Damascenus celebras hoc festum: Sed quia, inquit, Christus Moysis quoque faciem olim splendore extrinsecus affecit, latuit nunc diabolus per splendorem qui hic apparuit sensui oculorum. Ex quibus fit manifestum, quod facies Domini, quae sicut sol splenduit, quia sub aspectum oculorum corporis cadebat, & exemplum corporeum futurae gloriae ostendebatur confectum secundum aspectum corporis, & splendorem sensibilem, gloriam corporis Christi post resurrectionem glorificati, & decorem figurabat, & non meram diuinitatem. Non enim, ait, videbit aliquis faciem meam, & videt. Demonstratum igitur est, immortalium corporum gloriam ab interitu liberis & immortalibus oculis indigere ut videatur: quamdiu vero corporis Domini ante resurrectionem erat similiter ut nos (excepto peccato) passioni obnoxium, necesse erat, lumen quod ex eo apparebat, oculis corporeis definiri. quod si huiusmodi oculis definiebatur, manifestum est corporeum fuisse quod apparuit, & futuram postea glorificati corporis gloriam, & splendorem immortalem & ab interitu liberum figurasse. tunc enim oculi qui eam gloriam videbant, ab interitu incolentes, & immortales erunt. Simul etiam demonstratum est, nihil aliud esse transfigurationem, quam manente diuino corpore, quale prius erat, repente Christum splendido quodam colore indutum fuisse, & accessionem luminis splendidissimi demonstrasse. *Quod lumen, quo in Thabor Dominus splenduit, neque substantia eius erat, neque defluxio quadam ipsius, ac fulgor, sed symbolum occulta, & non apparentis nunc diuinitatis verbi Dei, & imago tenuis illius gloria, quae ipsi futura erat, & simulachrum regni calorum, & annumerabile alius Christi supra naturam miraculis.* Cap. V.

Exod. 34.

2. Cor. 3.

Exod. 33.

Diuitius Theodorus in oratione in Eusebium aduersus Ieonomachos: Sed insolenter, inquit, iactat Eusebius mutatum esse in lumen arcanum, & inexplicabile, &

R 2 verbum

verbum Dei decens. Atqui necesse est quærere, quidnam
 esset hoc lumen. non enim aperte egregius vir quid est,
 demonstravit nunc: solummodo verbū Dei appōuit, po-
 stea vero apertius dicit. Nos tamen nunc contra ea quæ
 ei visa sunt, rationem excutiamus. Quid igitur est? num-
 quid substantia quæpiam, & aliquid quod per se existat,
 nec altero indigeat ad existendum? aut qualitas substan-
 tiæ & corporis expers, quæ in alio, & non in se consistere
 cernatur? At si substantia est, vtrum angelica est? siquidem
 & angelus lumen est, & a primo atque supremo lumine
 fulgor & splendor derivatus. Verū non hoc dicit. In his
 igitur Theodorus ingeniose moratus, multa numerat ab-
 surda, quæ sequantur. postea dicit: Huiusmodi sunt ab-
 sōna, & a ratione aliena, quæ ex principiis illius pate-
 fiunt, si illud lumen inexplicabile substantiam esse ait.
 relinquitur igitur ut quæramus, vtrum qualitatem incor-
 poream, & substantia carentem accidisse dixerit veluti
 defluxionem substantiæ, & splendorem inde emissum,
 in quem forma illa mutata fuisset. at nihilo minus sum-
 ma omnium inhominiā & absurditas diuino corpori in-
 uretur. peribit enim ratio substantiæ, & sic inferetur nō
 esse per se. Præterea, non potest qualitas absque subie-
 cto demonstrari quid nam sit per se, quamuis sit qualitas
 ex ijs quæ insunt naturaliter in substantia, vel quæ ad par-
 tem substantiæ reducitur; ut exempli gratia, numquam
 rationale sine subiecto, quod est animal, consistet, nisi
 quis prius ponat substantiam animatam, sentientem, si-
 militer in mortali, & immortalī, & alijs eiusmodi. Et
 aliās rursus idem: Sic enim, inquit, pie intelligetur di-
 uina operatio æterna, quin potius per se operatio, si non
 distinguatur a substantia, sed potius eandem rationē sub-
 eat propter proprietatē simplicitatis, & incorporeæ natu-
 ræ. Et S. Maximus in speculatione magis dilatata de Trās
 figuratione: Dictū est igitur superius, quemadmodū tres
 illi beati Apostoli per splendorem luminis, qui in mon-
 te in facie Domini apparuit, ad illum Dei splendorem,
 qui omnibus qui sunt, penitus inaspectabilis est, secundū
 facultatem & gloriam inexplicabilem & incognitam oc-
 cultæ diuinitatis mystice deducebantur, intelligentes
 lumen quod ipsis maius quàm ut sensus sustinere pos-
 set,

Matth. 17.

set, apparebat, symbolum esse. & paulo post: Existimo, inquit, duos modos generalis Theologiæ, per ea quæ in monte in Transfiguratione diuine gesta sunt, expositos esse mystice. & iterum: Illum fulgorem excellentem faciei Christi instar radij solis splendentem, tamquam omnem aciem oculorum superantem, didicerunt symbolū esse & notam diuinitatis eius, quæ supra mentem & sensum & substantiam & cognitionem erat; vestimenta vero alba facta, symbolum esse & imaginem verborum scripturæ sanctæ. Iterum idem: Videamus, vtrum ne recte & sapienter in vtroq. modo Theologiæ iam dicto, secundum diuinam illam Transfigurationem Domini symbolum inest. oportebat enim, vt qui secundum naturam nostram immutabiliter propter immensam in homines charitatem creari voluisset, figura atque symbolum sui fieret; seque ex se ipso symbolice demonstraret; & per se ipsum foris ostensum ad se ipsum penitus inaspectabiliter abditum, omnem creaturam deduceret, & per cognata naturæ nostræ symbola ad ambos modos Theologiæ nos duceret. Et diuinus Chrysostomus in oratione ad Theodorum lapsus, incumbens ad explanandum illud, Bonum est nos hic esse: Si autem, inquit, cum tenuem quendam radium futurorum videret, hæc dicebat, quid dicet quispiam, cum ipsa veritas rerum aderit? Similiter Anastasius, qui in monte Sina habitauit, festum Transfigurationis laudibus celebrans, Cum vellet, inquit, a præsentibus suadere illis futurum, fecit admirabilem in monte Thabor Theophaniam, idest, apparitionem Dei, tamquam in imagine quadam quoddam simulachrum regni celorum prænuntium. Beatus Chrysostomus in commentarijs in Euangelium Ioannis. cap. vi. homilia xlii. Sicut, inquit, in doctrina tradenda non omnia audiebant cum turba, sic etiam in signis non omnia signa cum multitudine vulgi videbant, oportebat enim, vt quibus committenda erat orbis gubernatio & præfectura, aliquid amplius quam reliqui, haberent. Et quæ signa, inquit, seorsum ab alijs viderunt Transfigurationem in monte factam; ambulationem in mari; ac post resurrectionem multa & magna. Rursus idem in homilia in assumptione Domini, cuius principium est: Lætum quidem omne festum:

S. Maximus
in speculatio
ne xi.
Duos mo-
dos generalis
Theologiæ
demonstrati
uz dicit, vñ
Theologiæ
affirmantis,
alterum ne-
gantis.

S. Maximus
in speculatio
ne xij.

Matth. 17.

maximus
in speculatio
ne xij.

festu: Admiratio fuit Apostolis & stupor: mortales enim cum essent natura, & huiusmodi spectaculis non assuescit, obstupuerunt. Sed dicet aliquis: Viderant ante Transfigurationem Petrus, & Iacobus, & Ioannes; viderant quidem prius Dominum transfiguratum, & nubem quae eos umbra texerat; at non viderant nubem in aerem & in caelos raptam, & susipientem Dominum. Miraculum fuit illud, miraculum & hoc; sed hoc firmitus & constantius; hoc illo sublimius, tametsi vnitis Dei potestas & mysterium erat. Tunc apparuerunt illis Moyses & Elias cum eo loquentes; nunc autem thronus cherubicus, id est, virtus inaspectabilis, in nube abditus repente imminens, Dominum cum seruis colloquentem rapuit. tunc Petrus confidenter respondit: Domine bonum est nos hic esse; faciamus hic tria tabernacula, tibi vnum, Moysi vnum, Eliae vnum: nunc autem neque loqui vllus discipulus potuit, nec os aperire; quinimmo timore maximo perterriti obstupuerunt. Gregorius Theologus in oratione de bono ordine differendi ait: Qui ascendunt cum Christo in montem? non enim omnes fuerunt spectatores illius miraculi, sed solum Petrus, Iacobus, & Ioannes. & rursus idem ad Heronem: Cum fulgor & splendor angelorum corporee figurantur, arbitror symbolum puritatis eorum esse. Et in ijs quae in festo hoc canuntur: Vt qui, inquit, mirabilia tua spectarunt, ea quae passus es, ne formident. Et in explanatione Euangelij Matthaei: In montem, inquit, ascendit, vt in occulto miraculum operetur. Ex quibus patet, quod lumen, quo splenduit Dominus in monte Thabor, neque diuina substantia erat (illa enim nec vilo modo expropi, neque cognosci, neque videri, neque cogitari potest) nec erat defluxio quaedam, & splendor ex illa manans (diuina enim operatio aeterna, vel potius per se operatio nullo modo secreta est a substantia eius; immo quidquid est substantia diuina, est energia, siue operatio eius) quare quia nec hoc, nec illud est, relinquitur exemplum fuisse gloriae & splendoris corporis post resurrectionem glorificati, symbolumque illius naturae occultae & inaspectabilis in eo latentis, & imaginem tenuem futurae gloriae, & simulachrum regni caelorum, nunc quidem ante resurrectionem in miraculo ostensum,

Substantiam
Dei vocat
quid sit.

sum, & in speculo atq. ænigmate; in futuro autem speculis solutis, oculis immortalibus, & ab interitu liberis facie ad faciem spectandum, expletum & cumulatam visione Dei aspectabili, sicut ipse est.

Nos ¹ duceret) Declarant hunc locum ea quæ idem S. Maximus ibi dem subiungit: Lumen igitur in facie Christi, quod humani sensus facultatem vicit, figurabat Apostolis modum mysticæ Theologiæ secundum negationem, ut cum Deum dicimus infinitum, incomprehensum, aut supra bonum, supra sapientem *ὑπερῶν*, idest, superlate, quæ negatione declarantur; in quo quidem Theologiæ modo diuinitas est secundum substantiam ineffabilis, & supraquam incognita, nulum penitus ne nudum quidem vestigium post se relinquens, nec ullo modo notionem sui, quid sit, ulli permittens; quia quod increatum est, a creatura comprehendendi non potest; nec a finitis pernosci quod est infinitum. Ex huiusmodi symbolis, quæ sunt supra sensum, ait idem S. Maximus in speculatione XI. Deum qui supra rationem & mentem est, esse tantum, credimus; quid vero, & quomodo, ac quale, & ubi, & quando, prorsus speculari non audemus, nec intelligere possumus, neq. cogitare patimur. Modum vero Theologiæ affirmantis, quæ ex creaturis Deum laudat, ut cum dicimus, Deum bonum, sapientem, iustum, significantes operationes & providentias eius, vestimenta candida symbolicè significabant. hæc enim erant symbola creaturarum, quæ secundum diuinas ideas factæ sunt, & symbola verborum scripturæ sanctæ, quibus res diuina significata, veluti induta sunt; quæ tunc fuerunt sanctis Apostolis facta dilucida, aperta, & clara, & absq. ullo ænigmate tortuoso, & symbolica inumbratione intellecta, ac verbum Dei in ipsis abditum patefecerunt, quando perfectæ Dei cognitionem acceperunt, & ab affectione mundi & carnis perfecte liberati sunt. *ἵνα τὸν Θεὸν ὁράωμεν*, visionem Dei aspectabilem vocat, videre scilicet oculis mentis diuinitatem per corpus Christi gloriosum oculis glorificatis visum. sic enim videbimus eum sicuti est, ut beatus Ioannes ait. Non quidem significat videndam esse in futuro essentiam Dei oculis corporeis, sed quod ait Theodorus in commentariis in epist. 2. ad Corinth. cap. 4. Natura, inquit, diuina, quæ sub aspectum non cadit, neq. cerni potest, per humanitatem Christi diuino lumine circumfusa, & splendentem, iacentemque radios cernitur quantum licet scilicet oculo mentis. hoc ait significasse Paulum, cum ait: Qui dixit de tenebris lumen splendescere, ipse illuxit in cordibus nostris ad illuminationem scientiæ claritatis Dei in facie Christi Iesu, idest, qui olim luminis naturam solo verbo effecit, dicens, Fiat lux; is nunc suo lumine mentes nostras illuminauit, ut Dei gloriam per Christum perspi-

1. Ioan. 3.

1. Cor. 4.

Gen. 1.

perspiceremus. hanc vocat hic auctor iste θεωρεῖται ὁπαρῶν, idest, visionem Dei aspectabilem. huiusmodi est visio, de qua S. Thom. p. i. q. 12. art. 3. ad 2. cum ait ex perspicuitate intellectus & resurgentiā diuina claritatis in corporibus glorificatis diuinam presentiam statim cognosci.

Quod omnes diuersis temporibus luminis diuini apparitiones, personæ vnius filij Dei effectus sunt; & quod exemplar corporis eius glorificati symbolum fuit diuinitatis eius propter unionem duarum in Christo secundum hypostasim naturarum, & quia idem erat Deus & homo; unde in singulis miraculis Christi diuinitas ostendebatur, & detegebatur, atque aperiebatur. Cap. VI.

Sanctus Gregorius Nyssenus in epist. ad Theophilum Alexandrinum contra Apollinariū: Nec enim, inquit, quia auctor seculorū nouissimis diebus visus est, & cum hominibus conuersatus est, idcirco duo filij secundum Ecclesiam numerantur, vnus auctor seculorum, & alius qui in fine seculorum humanæ vitæ per carnem patefactus est. Si quis enim œconomice apparuisse in carne vnigenitum Dei patris filium ita accipit, vt alterum filiū fabricet, cum numerauerit omnes apparitiones Dei sanctis factas ante quā vnigenitus Dei filius in carne appareret, & omnes quæ post aduentum eius factæ sunt ijs qui digni fuerunt; hic secundum numerum diuinæ apparitionis multitudinem filiorum fabricabit: eritque ei vnus quidem filius, qui Abraæ locutus est; alter vero, qui Isaac apparuit; alius, qui cum Iacob luctatus est; alius, qui a Moyse diuersis apparitionibus est visus, in lumine, in caligine, in columna nubis, facie ad faciem, in posterioribus; alius rursus filius, qui successorī Moysi adfuit in acie; & alius, qui per procellam Iob respondit, & qui in excelso throno Esaiæ apparuit, & in figura humana ab Ezechiele verbis descriptus est; & qui postea in lumine Paulū circumfulsit: & qui antea in monte in sublimiore gloria visus est. Sin autem absurdum est hoc, & penitus impiū, varias vnigeniti filij Dei apparitiones in numerū totidem filiorum partiri; æque absurdum est, ex aduentu in carne occasionem capere constituendi alterum filium

Gen. 15.

Gen. 26.

Gen. 32.

Exod. 3.

19. 13. 33.

Ios. 8.

Iob. 38.

Esa. 6.

Ezech. 1.

Act. 9.

Matth. 17.

lium Dei. arbitramur enim secundum mensuram facultatis cuiusq. eorum, quibus Deus apparebat, apparuisse semper Deum. Et beatus Gregorius in oratione de recto ordine in disserendo: Ascendere vero in montem opus fuit, ut per formam splenderet, & diuinitatem ostenderet, detegeretque eum qui in carne latebat. & rursus idem: Diuinitas per se inaspectabilis est; veniet autem, ut mea quidem sententia est, talis, qualis visus est discipulis, vel potius qualis subostensus est, nimis superante diuinitate humanam carunculam. ac iterum: Lumen, inquit, fuit diuinitas illa in monte discipulis subostensa, solidior fere, quam ut videri posset. & Damascenus: Assumit, inquit, purissimum virginitatis instrumentum, ut qui gloriam filij eternam vidisset, illud In principio erat verbum tonaret. & diuinus Chrysostomus explanans illud, Vidimus gloriam, gloriam quasi vnigeniti a patre: Numquam, inquit, vidissent, nisi per corpus nobiscum altum & nutritum: & iterum in oratione de Transfiguratione: Ostendit, inquit, & non ostendit gloriam regni sui diuini inaspectabilis. ostendit quidem, ut eos certos faceret; non autem ostendit, ne vna cum aspectu vitam etiam amitterent. & diuinus Cosmas in canone festi, cantico quarto: Ex carne, inquit, tua radij diuinitatis exhibant. idem adhuc in quinto cantico: Commixtus non confuse, carbonem diuinitatis ostendisti. Rursus Chrysostomus in homilia xlii. in Ioannem: Videt, inquit, illum deambulantem in mari, & eis conturbatis dicit: Nolite timere, ego sum. quare non ascendit statim in nauigium? quia volebat maius miraculum facere, & diuinitatem eis apertius patefacere. Et magnus Basiliius: Ex ventis, inquit, & mari, quæ ei obediuerunt, cognouerunt diuinitatem eius. Ex operationibus igitur cognitio, & ex cognitione proficiscitur veneratio. Et in ijs quæ in mediam Pentecostem canuntur: Venit medium dierum Pentecostes, cum Christus diuina potestate tenuiter detecta, paralyticum sanauit. & in nouam Dominicam: Domine, inquit, fulgore tolerabili diuinitatis, clausis ianuis adfuiti. & infinita alia eiusmodi. Ex quibus manifestum fit, quemadmodum idem & vnus filius Dei, & verbum patris, qui erat ante aduentum in carne,

Matth. 17.

Ioan. 1.

Ibid.

Matth. 14.

Matth. 8.

Luc. 5.

Ioan. 20.

S hic

vel, visiones.

Visio diuinæ naturæ,
quod est, nō quid est;
aut non in se mere,
sed in alio.

hic ipse apparitiones varijs tēporibus factas operabatur,
& in aduentu suo cum carne, quamdiu cum hominibus
versatus est, hic ipse easdem apparitiones Dei cum pote-
state faciebat: & postquam compleuit œconomiam ad-
uentus sui in carne, & in celos assumptus est, rursus
hic ipse secundum mensuram potestatis cuiusque fecit,
& facit naturæ suæ, quæ supra omnia est, spectacula. &
sicut antequam fieret homo, omne symbolum & omne
exemplar, diuinitatis eius erat symbolum & exemplar;
sic & nunc exemplar corporis eius glorificati, diuinitatis
eius symbolum est; vnus enim est filius & Deus. & post
assumptam humanitatem sanguinem Dei & corpus Dei
pie veneramur. Sicut igitur hæc, sic symbolum humani
corporis glorificati symbolum esse diuinitatis eius pie
docti sumus, & in singulis eius diuinis signis diuinita-
tem, quæ supra substantiam est, subostendi, & detegi, &
aperiri, & videri, & spectari, recte atque sane a sapienti-
bus, qui diuina callent, accepimus, non affirmantes aspe-
ctabilem esse diuinitatem eius infinitam & incognitam,
sed similitudinem diuinitatis, quam tamquam in imagi-
ne & speculo atque ænigmate contemplamur. Et sicut,
cum sint alioqui infinitæ diuinæ imagines Christi, non
multi Christi, sed vnus tantum Dominus noster Iesus
Christus; sic cum sint infinitæ imagines diuinitatis, quæ
supra substantiam est, & sicut vnaquæque imago diuina
inscripta est Christus, sic vnaquæque harum similitudi-
num diuinitas appellata est. Ex ordine enim, inquit, om-
nium rerum, vt qui ab ipso factus est, & qui imagines
quasdam & similitudines diuinorum eius exemplarium
habet, ad illud supremum, quod vltra vniuersitatem re-
rum est, via & ordine pro viribus ascendimus: & quod
plus est, diuinus sermo, Faciamus, inquit, hominem ad
imaginem & similitudinem nostram. quod autem illud
subostendere & adumbrare dicit similitudinem diuini-
tatis, manifestius hoc fit ex ijs quæ scribit idem Grego-
rius Theologus tamquam se ipse interpretans in libro de
Theologia secundo, quomodo hæc oporteat intelligere:
Sicut, inquit, vmbra & imagines solis in aquis, infirmis
oculis solem subostendunt, quia sol ipse, cum puro e-
ius lumine sensus noster vincatur, videri ex aduerso non
potest,

potest, quocirca hoc significat subostendere, quod sensus non potest liquide videre, hoc similitudinem eius per aquam, aut per aliam rem quampiam intermediam exprimere. Sic idem Gregorius visionem interpretatus est notationem, libro secundo de filio: Qui, inquit, nouit filium (hoc enim significat illud, Qui vidit) nouit quoque patrem. & Ioannes Chrysostomus: Respondit, inquit, Iudæis, & dixit: Non quod patrem quis vidit, nisi qui est ex Deo; etiam hic visionem vocat cognitionem. Igitur vidisse, spectasse, subostendisse, adumbrasse, detexisse, nudasse, indicasse, patefecisse, vel simpliciter accipienda sunt pro eo quod est cognouisse; vel accipienda sunt pro eo quod est tamquam in imagine & similitudine per aspectum oculorum perspexisse. Similiter parum diuinitatis aperuisse, & tenuem splendorem eius vidisse sic accipere oportet, ac si dicamus per specula & ænigmata coniecisse. Nec enim diuinitas minor, aut maior se ipsa, videntibus ostenditur: sed potius eadem æque infinita, & non vestigabilis, & impartibilis, conuenienter mensuræ videntium omne genus luminum creat, & ad eleuationem mentium nostrarum proponit.

Matth. II.

Ioan. 14.

Ioan. 6.

Quod eam pulchritudinem, quam Adam ante peccatum non obediendi habuerat, nunc naturam humanam recuperasse Dominus in monte Thabor in se quidem prius ad vinum expressit, postea vero post resurrectionem suam sicut ipse

Dominus eodem lumine multo copiosiore & naturaliter splendet, sic secum habebit iustos consequentes sole splendidiores, scilicet restituens eos in illam beatitudinem qua erat ante peccatum

Ada. Cap. VII.

Diuinus Andreas Cretensis in magno canone ait: Amisi primam meam pulchritudinem, & decorem meum; & inde iaceo nudus, & pudet. Et Gregorius Theologus: Pelliceis tunicis induitur, fortasse crassiore carne, & mortali, & dura, ac repugnante. Et diuini atque beati Cosmas & Ioannes in canonibus in Transfigurationem: Qui totum, inquiunt, Adam, gestasti, Christe, naturam obsecratam & hebetatam commutasti, & splendidam

† idest, vere
& in substantia sua.

In oratione
in Naxalem
Christi,

S 2 iam

iam antea reddidisti; & immutatione formæ tuæ deifica-
 sti. & iterū: In hunc enim montem cum tu Saluator vna
 cum discipulis tuis ascendisses, naturā in Adam inum-
 bratam, transfiguratus, splendere rursus fecisti, mutans
 eam in diuinitatis tuæ gloriam & splendorem. & ite-
 rum: Hodie Christus in monte Thabor naturam Adam
 immutauit, & splendidam reddens deificauit. & iterū:
 Qui manibus inaspectabilibus hominem ad imaginem
 tuam, Christe, formasti, pulchritudinem tui exempla-
 ris in natura a te formata demonstrasti non tamquam
 in imagine, sed tamquam qui es, substantia Deus & idē
 homo. & iterum: Qui olim cum Moyse in monte Si-
 na per symbola locutus est, cum dixit: Ego sum, quisum;
 hodie transfiguratus in monte Thabor coram discipu-
 lis, ostendit in seipso naturam humanam ad exemplar
 pulchritudinem imaginis recuperasse. & S. Cyrillus li-
 bro VII. eorum quos more dialogi scripsit: Nonne dici-
 mus fabrefactum esse hominem in terra secundū imagi-
 nem Dei? Quis hoc neget? Qui autē diuinam imaginem
 nobis inculpit, & pulchritudinem supra quā cælestem
 instar sigilli in nobis imprimit, an non est spiritus? Et di-
 uinus Anastasius Sinaites in oratione in Transfiguratio-
 nem: Hodie natura illa Adami, quæ similis Deo facta,
 ad deformes formas idolorum obscurata erat, transfigu-
 rata est in antiquam suam pulchritudinem ad imaginem
 & similitudinem Dei, hodie natura, quæ in montibus
 errauerat, & idola coluerat, sine sui mutatione, in monte
 quæsitā, splendorē diuinitatis refulgentes emisit. hodie
 qui tunicis illis tristibus, & molestis tunicis indutus fuit,
 vestitum a Deo factum sumpsit, induens lumen tamquā
 vestimentum. Immo etiam ille aurea eloquentia Theo-
 logus in homilia de ieiunio sic ait: Amisit Adam vesti-
 tum immortalitatis regium, pulcherrimū supraquā di-
 ci possit, quem quidē in monte transfigurationis Domi-
 ni Moyses & Elias gestauerunt. Et magnus Dionysius
 capite primo de diuinis nominib. Nunc quidem, inquit,
 charitas Dei erga homines in sanctis scripturis, & aposto-
 licis traditionibus conuenienter nobis ea quæ sub intelli-
 gentiā cadunt, sacris operimentis sub sensum cadentibus
 velat; & ea quæ supra substantiam sunt, ijs quæ in rerum
 natu-

natura sunt, obtegit; formas & figuras ijs quæ forma & figura carent, obducit; & illud vnum & simplex, quod supra substantiam & naturam est, & quod figurari non potest, varietate signorum partibilium multiplicat, & effingit. cum vero immortales facti erimus, & ad illum beatissimum statum Christi similem perueniemus, tunc semper, sicut ait vera scriptura, cum Domino erimus, expleti contemplationibus purissimis aspectabilis quidem apparitionis Dei, quæ nos lucidissimis fulgoribus circumfundet, ut discipulos in illa diuinissima Trâsfiguratione; inaspectabilis vero illuminationis in mente materiæ ex parte & impatibili participes effecti, simul & vnionis, quæ mente concipi non potest, in iactibus ignotis & beatissimiorum supra modum clarorum, in imitatione diuiniorum celestium mentium; erimus enim, sicut ait scriptura; angelis æquales; & filij Dei, facti filij resurrectionis. Hæc S. Maximus cum adnotat, Sancti, inquit, in resurrectione statum similem Christi cum immortalitate adipiscuntur, splendentes supra quam sol splendet, sicut Dominus in monte transfiguratus est, sicut Apostolus de sanctis ait: Tunc erunt sicut & ipse est, & semper cum Domino erimus. & diuinum eius corpus *ὁπαρὼν αὐτοῦ θεοῦ φάσμα*, idest, aspectabilem Dei apparitionem vocat, ut iam hoc dictum simul quadret in Nestorianos, & Acephalos, & in eos qui opinantur, non esse nunc cum carne Dominum. Est in Christo aspectabilis quædam apparitio Dei, quæ est caro eius animata; & est altera apparitio Dei, idest, quæ mente percipitur, quæ a nobis tunc perfectius participabitur, quando conuersi ad Deum, splendore illinc perfecte accepto vnum copulate efficiemur, liberati a varietatibus ex compositione proficiemus. Et Anastasius Sinaïtes in oratione in Trâsfigurationem: Quid, inquit, maius, & magis stupendum, quam videri Deum in forma hominis facie splendens, sicut sol splendet, & supra quam sol splendet refulgentem, & radios luminis sine intermissione vlla facientem, & purissimo digito ori suo imposito, discipulis qui eo illic erant, dicentem: Sic fulgebunt iusti in resurrectione; sic glorificabuntur, in hanc gloriam immutabuntur, in huiusmodi lumen, in hanc ipsam imaginem,

1. Thes. 4.

Luc. 20.

1. Thes. 4.

† Significat, quod discipulis illic dixit: Nemini dixeritis visum.

Matth. 17.

Matth. 13.

in

in hanc speciem, in eandem beatitudinem conforma-
buntur, conformes & confessores facti mihi filio Dei.
Et in ijs quæ in hoc festum cantantur: Vt ostenderes, in-
quit, immutationem mortalium cum gloria tua, Salua-
tor, in secundo aduentu tuo horribili futuram, in monte
transfiguratus es. Et Gregorius Theologus in oratione
in natalem Domini: Quam multi, inquit, mihi conuen-
tus celebres in singulis Christi mysterijs? quorum om-
nium caput vnum est mea perfectio, & instauratio, & ad
primum Adam reuersio. Et Gregorius Nyssenus libro
Gen. 1. primo in Ecclesiasten: Talis facta est anima, qualis rur-
sus postea emundata apparebit; tale factum est corpus,
quod manibus Dei formatum est, quale tempore suo re-
surrectio demonstrabit. Quale enim post resurrectio-
nem esse videbis, tale omnino fuit primo. nec enim aliud
est resurrectio, quam reditus ad antiquum. Hinc fit ma-
nifestum, quod eam pulchritudinē quam habuit Adam
antequam non obediret, & eum splendorem, in quo tunc
secundum naturam creatus est, nunc Dominus in corpo-
re suo humano recuperasse naturam humanam præfigura-
uit, cum in monte Thabor plus quam sol splenduit: postea
tamen post resurrectionem suam sicut naturam ab interi-
tu liberauit, & immortalem reddidit, sic ei totum splen-
dorem restituit, multo maiore quam dici potest, lumine
circum eam collucens, habensque secum qui consequan-
tur, iustos plus sole fulgentes. quod si non plene & per-
fecte hodie, at certe in communi generis humani resur-
rectione, cum nos in ea ipsa natura immortales facti, sta-
tum Christi similem, & beatissimū cum Christo asseque-
mur, cum Christo choream ducentes. finis enim cha-
ritatis Saluatoris erga nos maioris quam vt cogitari
possit, nostra perfectio est, & instauratio, & ad primum
Adam reditus a Christo per humanitatem suam sapien-
tissime confectus.

*Quid sit secundum essentiam futurum lumen resurrectionis,
& quod sit regnum Dei nobis preparatum, & que ciuitas cae-
lestis, quæ ad regnum Dei pertinet. Cap. VII.*

Magnus Basilus in homilia sexta Hexaemeri: Nec
Mego, inquit, dico posse te aut me lumen a corpore so-
lis

lis secernere, sed quòd ea quæ a nobis cogitatione separari possunt, possunt actu ab auctore naturæ separari: siquidē & tu vim vrendi, quæ in igne inest, ab splendore eius separare non potes; at Deus cum vellet famulū suum admirabili miraculo conuertere, ignē inecit rubo, qui a solo splendore efficientiā haberet, facultatem vero vrendi vacuum, & nihil agentem; sicut David testatur; cum ait: Vox Domini diuidentis flammam ignis. vnde sermo quidam fertur arcanus, qui nōs docet in remuneratio- nibus operū vitæ huius diuidendam esse naturam ignis; & lumen quidem iustis ad fruendum, partem vero vrendi ad dolorem, reis torquendis secernendam esse. Et rur- sus idem Psalmo xxvi. in homilia moralium: Ignis, inquit, diabolo & angelis eius ad tormentum præparatus diuiditur voce Domini, vt quia duplex vis inest igni, vna vrendi, altera illuminandi, illud acre & vrens dignis cru- ciatu relinquatur; quod vero illuminat, & splendidum est, hilaritati latantium attribuatur. Vox igitur Domini diuidentis flammam ignis, & partientis; vt ignis tormen- ti non splendeat, & lumen resurrectionis non vrat. Et rursus libro primo Hexaemeri: Erat, inquit, quidam sta- tus antiquior ortu mundi, qui potestates supra munda- nas decebat, supra tempus, æternus & perpetuus: in eo autem statu creaturas auctor & fabricator vniuersi effe- cit; lumen intellectile, quod beatitudini diligentium Do- minum conueniebat; rationis compotes, & inaspectabi- les naturas, omnemq. ordinem earū. Et Gregorius Nys- senus libro primo confutationū in Eunomiū cap. xxvi. Omnibus, inquit, arbitror notum esse, eos dicō, qui me- diocriter ea quæ sunt, considerauerunt, quòd auctor vni- uersi, qui sæcula, siue æuum, & locum in eis, tamquā re- ceptaculum eorum quæ in eis facta sunt, effecit, in his creat omnia. nec enim potest quidquam eorū quæ crea- ta sunt, vel creantur, non esse vel in loco, vel in tempore. Et magnus Athanasius libro secundo contra Arianos: Igitur multo magis Petrus non creaturam esse signifi- cabat, cum hoc aiebat: sciebat enim esse filium Dei, quem confessus erat, inquiens: Tu es Christus filius Dei viui: sed potius significabat, regnum & domina- rum eius in nobis per gratiam creatum esse, & existe- re.

Exod. 3.

Psal. 28.

Traditio nō scripta.

Matth. 25.

Matth. 16.

re. Et diuinus Chrysostomus in oratione, quam inscripfit contra hæreticos, & in petitionem filiorum Zebaidai, quæ incipit: Hæc ex bello reuersi sumus: Considera, inquit, etiam hic multam generis nostri procuratorem, cum loquitur ijs quos corona donat: Venite, inquit, benedicti patris, possidete paratum vobis regnum ante constitutionem mundi: ijs vero qui torquentur, non dixit: Recedite a me maledicti in ignem paratum vobis, sed paratum diabolo & angelis eius. regnum enim hominibus præparauit, gehennam vero non hominibus, inquit, sed diabolo & angelis eius. Quod si vos sic vitam egeritis, ut digni supplicio & cruciatu sitis, æquum est ut vobis ipsi ignem præparasse existimemini. Ad vide quanta sit Dei ad charitatē erga homines propensio, nondū erant qui certarēt, & iam coronæ & præmia præparata erant: Possidete enim, inquit, regnū paratū vobis ante constitutionē mundi. Idem iterum: Non solū nos a tormentis liberauit Christus, sed etiam vitā nobis donauit multo splendidiorem, quā erat prior; in alium nos introduxit mundum, aliam creaturam effecit. Et sanctus Isaac: Time, inquit, Deum, & senties qui te finxit, & roborat, & custodit, & qui propter te duplicem mundum fecit; vnum quidem tamquam magistrum & institutorem, verumtamen caducum; alterum vero tamquam domum paternam, & hereditatem tuam æternam. Et magnus Basilii in Hexaemero: Quid, inquit, illa beatitudine dignum cogitare quis potest, quam lætificat flumen Dei? & eius artifex & fabricator est Deus, quam Paulus ciuitatem cælestem vocat illis præparatam, qui propter fidem Dei ciuitates terrenas reliquerunt; cuius, inquit, artifex & auctor Deus. Ex quibus fit manifestum, quod futurum lumen resurrectionis secundum essentiam splendor est ignis, splendor inquā separatus ab igne, ab eo qui ignem creauit, qui splendorem quidem iustis ad illuminationem attribuit; vim vero vrendi ijs qui deliquerunt, ad dolorem. Sicut enim lætitia iustis ante constitutionem mundi parata est, sic item ijs qui peccauerunt, supplicium: & sicut noua & inusitata est illius ignis vltio (non enim consumit ea quæ in eum injecta sunt, ad instar naturæ ignis, qui a nobis nunc cernitur; sed potius dolorem quidem

Matth. 25.

2. 109

an. 109

an. 109

2. 109

Ibid.

Psal. 45.

Hebr. 12.

Hebr. 11.

31. 109

57

quidem æqualem, aut maiorem infert injectis in eum, a consumendo vero alienus est; sic etiam illuminatio illa in meliorem mutata est, quam sit nostra illuminatio; estq. celestis & inseparabilis, & oculis immortalibus immortalale lumen. Ad similitudinem igitur illuminationis regnum paratū iustis, est effectum & creatum a Deo universi, qui mundos duos effecit, unū quidem hunc nostrū caducū & fragilem, alterum vero æternam domum, & celestem atq. immobilem civitatem, & æternū eius regnū, & dominatū, & cuius ipse vere rex & dominus est.

Quod omne lumen siue sensibile, siue intellectuale, ex vero & supra substantiam lumine resulget: & quod lumen intellectuale Deus est. Cap. IX.

Magnus Dionysius capite primo celestis hierarchiæ: Omne, inquit, datum bonum, & omne donum perfectum desursum est descendens a patre luminum. Sed & omnis emanatio luminis a patre proficiscens, quæ ad nos tamquam bonum donum venit, rursus tamquam vis quædā vnifica nos sursum eleuatos, simplices reddit, & ad unitatē patris congregantis, & ad simplicitatē deificam conuertit: siquidē ex ipso omnia, & in ipsum, sicut ait sacra scriptura. Iesum igitur inuocantes, qui est lumen paternū, lumen verum, quod illuminat omnem hominem venientem in hunc mundum, per quem habuimus accessum ad patrem, principium luminis, in illuminationes sanctarum scripturarum a patribus traditis pro viribus intueamur. Et rursus idem cap. v. i. eiusdem hierarchiæ celestis: Contemplatrices autem substantias, inquit, non tamquam symbolorum, quæ vel sensu, vel mente percipiuntur, spectatrices, neq. varietate contemplationis sacrarum scripturarum ad Deum eleuatas; sed tamquam omni cognitione simplici altioris luminis expletas, & contemplatione illius pulchritudinis, quæ est effectrix & origo pulchritudinis, & quæ supra substantiam est, & in tribus splendet, quatenus fas est, refertas, cōmunionis vero Iesu similiter participes factas nō in imaginibus sancte in formatis, quæ veluti formæ in eis deificam similitudinē exprimant, sed tamquā vere ad eū appropriantes in ipsa primā participatione cognitionis luminis.

Iacob. I.

Rom. II.

Ioan. I.

Ephes. 2.

ad ill. orala
991 26

T num

nū eius, quæ deifica sunt &c. Ac rursus, idem cap. IIII. de diuinis nominib. Nunc autem celebrandū nobis laudibus est nomen luminis, quo summū bonū nominatur. Summū enim bonū dicitur lumen intellectile, quia omnem mentē supra caelestē implet lumine intellectili; omnē autem ignorantia & errorē ex omnibus animis, in quibus est, eijcit, & ipsis omnibus lumen sanctū impertit; eorumq. oculos mētis a caligine ex ignorantia circūfusa repurgat & liberat; & excitat atq. aperit multa grauitate tenebrarū compressos & clausos; datq. primū quidem mediocrē splendorem, deinde tamquā degustato lumine, & oculis iam magis post degustationē lumen appetentibus, magis se impertit, & copiosius fulget, quia dilexerūt multū; ac semper eas vltius prouehit proportionē studij earū ad aspiciendū sursum. Lumen igitur intellectile dicitur illud bonū, quod est supra omne lumen, tamquā fons radiorum, & effusio luminis inundans omnem mentem supramundanā, & circummundanam, & mundanam, ex plenitudine sua illuminans, & totas earum facultates intelligendi renouans, & omnes continēs, quatenus supra omnes tēditur; & omnibus antecellens, quatenus supra omnes stat; & vt semel dicam, omnem principatum illuminandi tamquam princeps luminis, & supraquā lumen, in se comprehensum habet, & supraquā habet, & prahabet; atq. omnia ratione & mente vtentia congregat, & in vnum copulat. etenim sicut ignorantia errantes dirimit; sic aduentus luminis congregat & copulat illuminatos, perficitq. eos, & ad id quod vere est, conuertit, a multis opinionibus eos renocans, ac varios aspectus, vel vt magis proprie dicam, varia visa in vnam veram & puram ac simplicem cognitionē contrahit, & vno lumine vnifico implet. Immo & Gregorius Theologus, Aeternis quidem ipse, inquit, Deus est lumen, & non alius. Quid enim opus erat secundo lumine ijs qui maximum habent? ijs autem qui sunt infra, & circum nos, primam huius luminis vim effulgere facit. Rursus idem in secundo de Theologia libro: Quantum, inquit, est illud lumen, si hoc considerasti? Hoc sol est in ijs quæ sensu percipiuntur, quod est ille in ijs quæ sub intelligentiam cadunt, dixit quidā ex exteris. Sol enim aspectum

Plato libr. 6.
de rep.

aspectum illuminat, sicut ille mentem; sol est pulcherri-
 mus ex omnibus quæ cernuntur, sicut ille ex omnibus
 quæ intelliguntur. Et beatus Chrysostomus: Splendeat,
 inquit, nobis peccatoribus lumen tuum æternum. Lumen
 æternum omnino intellige spiritum sanctum, qui illumi-
 nat & sanctificat animas nostras, de quo Apostolus, Mi-
 sit, inquit, Deus spiritum filij sui in corda nostra, scilicet
 ad illuminandum ea; quem gratiam Dei vocat: Dico au-
 tem, inquit, per gratiam Dei quæ data est mihi, omni-
 bus qui sunt inter vos, non plus sapere, quàm oportet sa-
 pere, sed sapere ad sobrietatem. De quo etiam propheta
 David dixit: Emitte lucem tuam, & veritatem tuam. &
 In lumine tuo videbimus lumen. Lumen enim est filius,
 lumen est spiritus sanctus, lumen est pater. Quin etiam
 in quotidianis preceationibus: Christe, inquit, lumen
 verum, qui ad illuminandum omnem hominem in mun-
 dum venisti, signetur super nos lumen vultus tui, ut in
 eo videamus lumen inaccessum, & lumen lætum sanctæ
 gloriæ immortalis patris, celestis spiritus, beati Iesu. Cū
 ventum est ad occasum solis, viso lumine vespertino, lauda-
 mus patrem, & filium, & spiritum sanctum. Et divinus
 Damascenus in carminibus: Lumen, inquit, immutabi-
 le, verbum luminis patris ingeni in lumine tuo hodie
 viso in Thabor, lumen vidimus patrem, lumen & spiri-
 tum, illuminantem omnem creaturam. Immo & Gre-
 gorius Theologus: In lumine, inquit, Domini vide lu-
 men; in spiritu Dei filium amplectere, lumen trinum &
 impartibile. Et S. Maximus in Theologicis: Lumen, in-
 quit, dicitur, & vita, & resurrectio, & veritas. lumen
 quidem ut splendor animarum, & ut tenebrarum igno-
 rantie expulso, & ut illuminans mentem ad intelligen-
 dum arcana, & ostendens mysteria, quæ puris tantum
 aspectabilia sunt, vita autem dicitur, quia animis quæ
 Dominum diligunt, motum eas decentem in rebus divi-
 nis præbet. resurrectio autem vocatur, quia mentem ab
 affectione mortua rerum caducarum excitat, & ab omni
 genere corruptionis & interitus liberam & puram reddit.
 veritas vero, quia & habitum bonorum immutabilem donat
 dignis. Ex quibus fit manifestum, quod omne lumen si-
 ve sensibile, siue intellectuale, ex vero & supra substantiam

Galat. 4.

Rom. 12.

Psal. 43.

Psal. 35.

Ioan. 1.

Psal. 4.

Psal. 35.

In 2. hecat.
Theologica
cap. 70.

Ioan. 11.

C. 14.

T 2 lumine

hmine refulget; & quod Deus dicitur lumen intellectu-
le, quia ex plenitudine sua vniuersum mundum ab igno-
rantia abstrahens, ad cognitionem sui conuertit, & vno
luminē vnifico implet. demonstratum aliqui est, quod
per omne lumen, & quod cernitur, & quod deprecamur
signari super nos ex diuina facie Domini, ad aliud lumē
intellectile & inaccessum quod in patre, & filio, & spiri-
tu sancto contemplanur, adducimur, vt iam per lumina
quæ videntur, & quæ intelliguntur, ad vnā cogita-
tionem reuocemur, supra omne lumen & omnem intel-
ligentiam esse Deum.

1. Cor. I.

Ioan. 17.

Matth. 18.

Hebr. II.

Dei.

Angeli

animas

te.

cap. 7.

substantiam

uit rerum

sperandarum,

id est,

firmamentum.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Cap. X.

Quod diuinus Moyses, & ei similes omnia lumina siue sub
sensum cadentia, siue sub intelligentiam relinquentes,
in caliginem splendidissimam ingrediuntur, in
vnum cum infinito Deo per ignorantiam, &
nihil videndo copulati. Cap. X.

Magnus Dionysius in libro de mystica Theologia cap.
primo: Sic igitur, inquit, diuinus Bartholomæus di-
xit, multam esse Theologiam, & perexiguam; & Euan-
gelium esse latum & magnum; & rursus, concisum esse
illud diuino ingenio; vt mihi videtur, intellexit, quod
bona omnium rerum causa est quidem copiosi sermo-
nis, & simul brevis ac nullius sermonis, vtpote quæ neq.
dici, nec intelligi queat; quia vniuersis creatis excellit
supra substantiā; & quia sola sine operimentis & vere o-
stenditur ijs qui cuncta quæ impura, quæq. pura sunt,
pertranseunt; & qui omnem ascensum ad ea quæ sunt
sancta & summa, superant; & omnia diuina lumina, &
sonos,

sonos, & sermones caelestes relinquunt, & in caliginem
 ingrediuntur, ubi vere est, sicut ait scriptura, qui est ultra
 omnia: non enim simpliciter diuinus Moyses primū
 iubetur, ut se repurget, deinde ut se a non repurgatis se-
 pararet; & post omnem repurgacionem audit multifonas
 tubas, ac videt multa lumina puros & multiplices radios
 iacentia: postea a vulgi multitudine separatur, & cum e-
 lectis sacerdotibus ad summum fastigium diuinorum a-
 scensum euadit; sed hactenus nondum est cū ipso Deo,
 nec eum videt (inaccessibilis enim est) sed locum videt,
 ubi stetit. hoc autem existimo significare, diuinissima &
 summa eorum quæ cernuntur & intelliguntur, sermo-
 nes quosdā esse, qui subiiciunt menti illa quæ sunt sub-
 iecta ac supposita ei qui vniuersis antecellit; quibus præ-
 sentia ipsius, quæ omnem cogitationem mentis vincit,
 declaratur insitens tamquam in vestigijs summis intelle-
 ctibus locorum eius sanctissimorum: ac tunc ab ijs quæ
 videntur, & ab ijs qui vident, absolutus & expeditus, in
 caliginem vere mysticam ignorantia ingreditur, in qua
 mystica caligine omnes notiones excludit, & in ipso qui
 funditus neq. tangi, neq. videri potest, hæret, factus totus
 ipsius qui ultra omnia est, neq. suus, nec vllius alterius, cū
 eo autem qui est penitus incognitus, per vacationem om-
 nis cognitionis, secundum meliorem partem copulatus.
 Et Gregorius Theologus in oratione de baptismo: Deus,
 inquit, est lumen summum & inaccessum, quod neq.
 mente cōprehendi, neq. oratione expromi potest, quodq.
 omnem naturam rationis participem illuminandi habet
 facultatem: hoc est in ijs quæ intelliguntur, quod sol in
 ijs quæ sentiuntur. Ex quibus patet, omnia lumina siue
 quæ sensu percipiuntur, siue quæ intelligentia, infra re-
 linqui ab ijs, qui ad summam contemplationem eius qui
 ultra omnia est, euaserunt, & in caliginem splendidissimā
 non comprehendendi eū ingressi sunt, nullo lumine eum
 exprimente & designante. Ex capitibus dispositis constat
 expositio initiaria huius partis. ostensio enim luminū di-
 uinorū aut in luminibus quæ sentiuntur, continetur; &
 facit solem imaginem Dei, & ignem item imaginē Dei;
 & a nobilioribus, ut sole & lumine, imponit Deo nomē
 luminis; & a medijs, ut ab igne, aut continetur in lumi-
 nibus

Ephes. 4.

† Id est, quæ
si nihil aliud
significatur.

Exod. 19.

Exod. 33.

1

2

3

4 mibus symbolicis, in quibus præcipua est apparitio lumi-
 nis facta in diuinissima Transfiguratione vultus Domi-
 ni, qui splenduit sicut sol, quæ decorem corporis Christi
 post resurrectionem gloriosi facti, tamquam in imagine
 repræsentabat; & symbolum erat diuinitatis, quæ in eo
 latebat: quia in Christo saluatore nostro idem est dicere
 symbolū corporis glorificati, & diuinitatis eius. & quod
 7 lumen, quod sic in Domino in monte Thabor apparuit,
 pulchritudinem Adæ ante peccatum significauit, eamq.
 iam naturam humanam in humanitate Christi recupe-
 rasse, & futurum esse post resurrectionem splendorem
 iustorum. & quid sit secundum existentiam lumē, quod
 8 in futuro apparebit post resurrectionem: & quod Deus
 9 est lumen intellectile, quod in naturis incorporeis splen-
 det, quatenus vere splendoris earum effector est. postre-
 10 mo loco vacationem ab omni lumine posuimus; & ip-
 sam diuinā caliginem. Nihil igitur in initiaria expositio-
 ne huius tractationis de lumine prætermisū est, quin po-
 tius omnis diuini luminis ostensio breuiter tractata est.

DECA SEPTIMA, DE DIVINA PAR- TICIPATIONE.

*Quod proprium Dei est, adesse omnibus secundum substan-
 tiam; & sicut substantia adest præsens, sic etiam opera-
 tione adest: & quis modus sit præsentiæ eius qui
 explicari non potest. Cap. I.*



ANCTVS Iustinus martyr in oratione de
 recta confessione ait: Quomodo verbum
 ubiq. est secundum substantiam? & quo-
 modo in suo templo? Etenim si illic est,
 sicut est in omnibus, nihil amplius habe-
 bit templum, atq. cetera omnia. Et vbi il-

Colos. 2.

lud ponemus, quod scriptum est: In ipso habitat pleni-
 tudo diuinitatis corporaliter? Sin autem quis concedat,
 magis esse in templo, non adest omnibus secundum sub-
 stantiam,

stantiam, quod est proprium Dei. Euidens argumentū est perfidia, dicere de Deo, Quomodo? Quomodo celi effector est, quomodo terræ, quomodo maris, aerisq. & stirpium, & animantium omnium, & tui ipsius? Qui omnia diligenter de Deo quæris, plane dices, omnia produxisse copiosa potentia sua. Num igitur potentia Dei aderat secundum accidens ijs quæ fiebant, an secundū substantiam? si secundū accidens, aderat quidem illis quasi essent, antequam fierent; siquidem accidens non est secundum naturam per se, sed in aliquibus prius subiectis existit. At si hoc ridiculum est, relinquitur potentiam Dei omnibus adesse secundum substantiam. Num igitur quia potentia Dei omnibus quæ fiunt, secundū substantiam aderat, nihil amplius templum ipsum in quo fuit, habebat? Habet hoc dubitationem, & illud habet: & fides est utriusq. dubitationis solutio. Vidisti quemadmodum ratio inuicta euerit perfidiam; vide linguas cum Deo pugnantibus occlusas. Idem etiam: Dic igitur quomodo verbum caro factum, cælos non dereliquit? Sane dicetis, quod manens Deus, sic factus est. Rursus ergo dicite nobis, quomodo manens, factus est? Si enim mansit quod erat, quomodo factus est quod non erat? Sin autem factus est quod non erat, quomodo mansit quod erat? Dubium habes de solutione, habe etiam dubium de modo vñionis. At credis quod manens, factus est; crede etiam adesse ubiq. secundum substantiam verbum, & præcipuo quodam modo esse in templo suo. Immo & sanctus Anastasius Antiochenus in libro de incircumscripto ait: Sed quidam, inquit, ut videtur, infirmitatem propriæ naturæ in Deum transferunt, restricti in maximis, & existimantes melius esse contrahere diuinā naturam a materia, quā existimare, eam vsq. ad omnia tendi & porrigi; prorsus arbitantes nefas & impiū esse, naturam illam quæ plusquam ultra omnia est, indui corporibus non decentibus, sordibus & tetro odore plenis, vel animis impijs, vel alijs quibusdam, quæ minime de Deo cogitari debent; hi revera humilia sentiunt, & Deo, ac magnitudine eius quæ attingi non potest, indigna. Et paulo post: Debilia igitur & infirma animis agitant, nullumq. firmamentum habentia, quia nullam creaturā suam

Sicut credimus Deū ēē in omib. sm substantiā, licet q^o mō sit explicari nō possit; sic credendū est esse in templo præcipuo quodam modo, l^o expromi nō possit.

suam reiecit Deus: nihil enim sordidum eorū quæ sunt, existimat: quinimmo cum ad nos appropinquat, vitij nostri non efficitur particeps. Et rursus in eodem libro: Vetum quia operationem in omnibus esse aiunt (hanc enim volunt non circumscribere) interrogandi sunt, quomodo de ea sentiant. Nūquid dicunt participare ipsam terrenas sordes, cum appropinquat eis, an non? Quod si verum fateantur, manifestum est fieri posse, ut quod appropinquat, non participet vitium eorum quibus appropinquauit. Quod si dicturi sunt participare, eadem absurditas eos qui hoc dicunt, consequetur, quam ut fugerent, Deum circumscribebant. Contrahant igitur & operationem, ut vniuersam plane dissoluant. Sin vero metuentes hoc absurdum, tamquam penitentia ducti, diuinam operationem nihil quidquam lædi dicant, cur non hoc ipsum de substantia affirmant? Ad hæc, Photius patriarcha in questionibus ad Amphilochiū cap. lxxv. Quare qui dubitat, inquit, verum si Deus est in omnibus, non sit supra omnia, nescit se ignorare quæ de diuina natura in scriptura sancta scripta sunt, neq. quidquam aliud, quàm consuetudo rerum terrenarum fert, neq. diuinius aliquid de ijs quæ materia vacant, cogitat. At vero quomodo in omnibus est? Dictū quidem est, nullo modo eorum quæ sunt, & si quid magis ad contemplationem pertinet discendum est, & non est reformidandum, sursum euehi simul cum ijs qui sunt alta mente, ad altitudinem dogmatum Theologicorū, est Deus in vniuerso secundum operationem simul & substantiam. Et ne mihi dicas, Quomodo? Dictum enim est iam, nullo modo creaturarum. Quomodo igitur est secundum substantiam? Sicut intellexisti secundum operationem. Quia enim alia sunt quandoq. potentia, & quandoq. actus; Deus autem, quatenus mens acuta intelligere potest, semper est actu (non enim ex imperfecto ad perfectum proficiscitur, nec aliud quidquam, quàm per se actus, est per se substantia) euidentis consecutio est, in quibus est secundum operationem siue actum, in ijs ipsis esse secundum substantiam. Et magnus Athanasius in libris contra Arrianos: Vbiq. inquit, adest præsens substantia magnitudinis suæ; quia æqualis est filius patri, & cum patre vbiq. adest

Libro 4. Phyl
sicut exp
nit Arist. mo
des quibus
aliud in alio
esse dicitur.

adeft diuinitate; & quia omnia continet substantia. Si enim dixeris non adesse ubique, maiora esse dices ea quae facta sunt, quam eorum auctor sit. Et diuinus Chrysostomus: Quod quidem ubique Deus est, scio, & quod totus est ubique, quomodo autem, nescio. non enim fieri potest ut substantiam videamus, neque quae a se est, neque quae ab alio. Et Cyrillus Hierosolymitanus in catechesibus: In mera, inquit, diuinitate superuacaneum est cogitare ascensum & descensum. potentia enim illa quae omnia continet, ille qui ubique omnibus adest, qui vniuersa spiritu suo circumdat, non transfertur a locis in loca, ipse est vox: Caelum & terram ego impleo. Si igitur implet, quod transmittatur? Ita fit, ut ascendit & descendit supernacuum sit in diuinitate. In saluatore autem, & in dispensatione aduentus eius in carne, proprie dicitur ascendit & descendit. Et Ioannes Damascenus: Deus, inquit, ex patris partis est, totus ex toto ubique; & non pars in parte corporee diuisus, sed totus in omnibus, & totus supra omnia. Ex quibus fit manifestum, proprium esse Dei omnibus secundum substantiam adesse. Sicut autem substantia adest, sic sua potestate & operatione; secundum enim substantiam potentia adest; & non est aliud per se operatio, & aliud per se substantia. Quomodo autem Deus secundum substantiam, & aequaliter omnibus adest, & quomodo ipse in omnibus & supra omnia, modus neque dici, neque cognosci potest.

Hier. 23.

11. 11. 11.

11. 11. 11.

Lib. 1. ca. 16.

Magnus Dionysius in ijs quae adnotauit ex sancto Hierotheo in Theologicis ipsius principijs: Causa omnium, & quae omnia implet, est Iesu diuinitas, quae seruat partes toti consentientes: & neque pars, neque totum est: & est totum, & pars; quatenus omne, & totum, & partem in se ipsa comprehendit; & superhabet, & antehabet, & perfecta quidem est in imperfectis, tamquam principalis causa perfectionis: imperfecta autem in perfectis, tamquam supraquam perfecta, & anteperfecta: forma

Cap. 3. de diuin. nomi.

Lib. 13. c. 3.

1. Cor. 11.

Gen. 2.

2. Tim. 1.

ma formæ effectrix in ijs quæ carent forma; tamquam principalis causa formæ; sine forma in ipsis formis; utpote supra formam; substantia totis substantijs insitens impollute, & ab omni substantia supra substantiam abstracta; tota principia, & ordines definiens, supra omne principium & omnem ordinem collocata. Et magnus Athanasius in disputatione contra Arium: Secundum hæc diuinitas patris & filij sancta & sanctificans, quæ sanctificat omnia quæ rationem participant, quibus data est liberæ voluntatis & studij potestas ad capiendam sanctam & beatam substantiam in communionem sanctificationis. Et diuinus Cyrillus in Thesauris: Sicut igitur, inquit, mulier gloria viri vocata est, quia partem ex membris eius ad sui fabricationem accepit; sic vir gloria Dei appellatus est, quia factus est particeps substantiæ eius per spiritum sanctum, qui in eo habitauit. Et rursus idem differens de spiritu sancto: Igitur quandoquidem spiritu sancto habitare in ijs qui Deo probati sunt, Christus est qui habitat, necesse est dicere ipsum spiritum diuinæ substantiæ esse, cuius participes facit eos qui ipsum participant. & iterum idem in eisdem: Est igitur spiritus sanctus secundum naturam Deus, quippe qui sanctos regenerat, ut sint vnum cum Deo, quia habitat in eis. Et adhuc idem in eisdem: Quid igitur opus est longo verborum circuitu vri, & multiplices notiones texere? Hanc enim ipsam vim sanctificantem ex patre manantem, quæ imperfectis tribuit perfectionem, dicimus esse spiritum sanctum; supernacaneumq. est creaturam per interiectum medium sanctificari, cū benignitas Dei dignata fuerit vsq. ad minima peruadere, & ea per spiritum suum sanctificare. Et diuinus Theophanes in canticis suis: Lumen, inquit, vnus principis, & in tribus splendens, substantia sine principio; pulchritudo immensa habita in corde meo. & iterum in eisdem: Rex celestis, paraclete, spiritus veritatis, qui vbiq. ades præsens, & omnia imple, qui es thesaurus bonorum, & vitæ dator, veni, & habita in nobis; & emunda nos ab omni macula; & saluas fac animas nostras. Ex quibus patet, quod Deo secundum substantiam præsentem, substantiam eius impermixte participamus: & quod ipsa est quæ nos sanctificat, & habitat

bitat in nobis, nosq. ab omni labe per spiritum suum, qui supra substantiam est, repurgat.

In essentis rerum hic ordo consideratur; primo, principia rerum; secundo, substantia ex principis constituta; tertio, species propria totius compositi ex forma proficiscens; quarto, perfectio ipsius rei non solum quo ad speciem, sed quo ad propriam operationem & finem. tunc enim res est omnimodis perfecta, cum suum finem assequitur; quinto, res varia, quæ singula quadam propria perfectione pradi sunt, & ordine quodam copulate totum quoddam perficiunt, ut in universo, & in homine. Hierotheus ergo docet, quomodo diuinitas Christi est causa in his omnibus; incipitq. ab extremo, idest, a toto, & remeat in primum, idest, in principia rerum. Conservat igitur, inquit, universum, & partes universi toti consentientes, & cum eo conspirantes; & ipsa non est totum, neq. pars, quia scilicet non habet perfectionem totius & partis, sicut totum & pars, sed excellentius in infinitum. estq. rursus totum & pars diuinitas Christi, nempe quia quidquid perfectionis est in toto & in parte, hoc ipsa Christi diuinitas prehabet, & suprahabet. reliqua faciliora sunt. Illud vero, substantia totis substantiis insistenti impollute, significat esse Deum in omnibus substantiis, & ab eis participari non per admixtionem, hoc est, non misceri cum eis. ex S. Thoma in Dionysium.

Quod participantes diuinam substantiam, per spiritum sanctum filium Dei, qui supra substantiam est, participamus; & hunc participantes, Deum patrem participamus: atq. ita efficimur diuina natura & substantia participes. Cap. III.

Dominus ait in Evangelio: Qui diligit me, mandata mea seruabit; & ego & pater veniemus, & mansionem apud eum faciemus. Quod quidem magnus & summus Apostolorum Petrus in epistola sua explicat, cum ait: Diuinæ naturæ consortes facti sumus. Consentiant cum eo quæ Paulus item magnus ait: Nescitis quod templum Dei estis, & spiritus Dei habitat in vobis; & rursus: Vos estis templum Dei viuentis, sicut dixit Deus, Quoniam habitabo in eis, & inambulabo; & ero eis Deus, & ipsi erunt mihi populus. Similiter qui deinceps consecuti sunt sancti. Magnus Athanasius in epistola ad Serapionem: Sic autem, inquit, signati, consentaneæ naturæ diuinæ consortes efficimur, sicut Petrus dixit, atq. ita omnis creatura verbi particeps efficitur in spiritu sancto, &

V 2 per

1. Cor. 1.

2. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 1.

1. Cor. 3.

1. Ioan. 4.

2. Cor. 6.

† Quomodo
autem parti-
cipetur Deus
secundū sub-
stantiā a crea-
tura, & non
participetur,
vt recte intel-
ligatur, lega-
tur cap. 10.
huius decā-
dis.

Rom. 8.

1. Cor. 1.

2. Cor. 2.

1. Tim. 3.

1. Tim. 3.

per spiritum sanctum dicimur participes Dei: ait enim: Nescitis quod templum Dei estis, & spiritus Dei habitat in vobis? Et idem in eadem epistola: Nunc autem cum dicimur participes Christi, & participes Dei, demonstra- tur chrisma, id est unctio, quæ est in nobis, & sigillum, quod non est naturæ creatæ, sed filij, qui per spiritum san- ctum nos cum patre coniungit, hoc enim Ioannes pau- lo supra docens scripsit: In hoc cognoscimus quod in Deo manemus, & ipse in nobis, ex spiritu eius quem dedit nobis. Si autem participatione spiritus sancti effi- cimur consortes diuinæ naturæ, insanus fuerit si quis di- cat esse spiritum sanctum naturæ creatæ, & non Dei. ob hanc enim causam est in hominibus, & per eum homi- nes deificantur. si autem deificat, non est dubium quin natura eius natura Dei sit. Magnus Basilius in ijs quæ de spiritu sancto scribit: Nulla, inquit, creatura ab ani- ma rationis compote participari potest, ita vt in ea habi- tet *op. 10. 1. 1.*, id est secundum substantiam; spiritus vero sanctus habitat in ea, † sicut ait scriptura: Templū estis Dei, & spiritus Dei habitat in vobis. increatus igitur est spiritus sanctus. & beatus Cyrillus in ijs quæ de spiritu sancto scripsit: Per se igitur operatur in nobis spiritus sanctus vere sanctificans, & nos secum in vnum sua con- iunctione copulans, ac diuinæ naturæ participes efficiēs. & rursus: Si accipientes, inquit, spiritum Christi, per eum ad Deum patrem adducimur, tamquam diuinæ na- turæ consortes facti, quomodo erit creatura, per quem cum Deo tamquam genus coniungimur? Adhuc idem in capitibus de spiritu sancto: Si seruus est, vt factus vel creatus spiritus sanctus, quomodo in eo clamamus, Ab- ba pater? Verum a seruitute quidem liberat eos, in qui- bus est, vel potius refingit in filios libertatis, faciens eos participes naturæ suæ: non est igitur seruus. quod si nō est seruus, igitur neq. creatura: esse autem creaturam, & numerari seruum, nihil aliud esset quàm refugere a diui- na substantia. ac rursus idem in eisdem: Deus igitur est spiritus qui nos ad Dei similitudinē format, non tamquā per gratiam ministrantem, sed per diuinā naturam parti- cipationem sui ijs qui digni sunt, donans. Et quæ est ho- rum fides? scriptura sacra, scriptura diuinitus afflata, quæ aperte

aperte & perfecte in vnum copulat Deum & spiritū eius; nec aliter futuram esse Dei participationem, nisi per spiritum sanctum, aperte docet: siquidem Dominus noster Iesus Christus de omni, opinor, fidei, & bono dicit: Ego & pater veniemus, & mansionem apud eum faciemus, & in hoc cognoscimus quod in nobis est, ex spiritu quē dedit nobis. In se enim quis potest copiose habere habitantē & versantē natura & vere Deum, cum spiritum eius acceperit, non alienum, neq. substantia ab eo distractum & diuisum, sed potius ex ipso, & in ipso, & proprium eius, & æqualem cum eo dominatum gestantem, & sic nominatum, & tamquam † in ordine filij assumptum propter eandem naturam. & in cap. 1. libri 1111. Theaurorum tamquā in persona hæreticorū: Alienus est a cōmunicatione nostra, & a nobis non participabilis per se ipsum pater propter nimiam & summā, & quæ ab humana natura capi nō potest, diuinitatis participationem. capitur autem, & est in nobis per filiū tamquam per minorem scilicet. Quomodo igitur similis patri, qui a nobis capi potest, qui illum capere non possumus? Contra vero disputans Cyrillus: Ebrii, inquit, rursus sunt suis insanijs isti oppugnatores Dei, non intelligentes, vt apparet, neq. quæ loquuntur, neq. de quibus affirmant. Si enim, vt vos dicitis, omnia magna & supra naturam sunt in patre, necesse est concedere parem bonitatem illi inesse. Quomodo igitur qui est summe bonus, nō potest capi ab ijs qui bonitate indigent? Quomodo est totus bonus, qui nimia supra creaturæ facultatē bonitate omnibus sui participationē præcludit? Oportebat enim (quod quidem verum videtur esse) vt qui est summe bonus, bonitatem sibi convenientem adhiberet omnibus, & eā cunctis indigentibus ad fruendū impartiret. Verum iam hoc fecisse apparet, cū promittit habitaturum se in nobis, & inambulatorū, & promittit adoptare filios. Inanis igitur impiorū quæstio est, apparet enim, quemadmodum nō ad duritiam desectit Deus propter magnitudinem & excellentiam naturæ; quin potius tanto magis ad lenitatem vergit, quanto maiora in eo sunt, ex quibus vnum, idq. pulcherrimū est, bonitas quæ per filium, sicut ipse ait, in malos & bonos pertingit, nulli

Ioan. 14.

1. Ioan. 4.

Libr. 7. de Trinit.

† Et sic nominatum, id est Dominū, 1. Cor. 3.

† In ordine filij assumptus dicitur spiritus sanctus, quia numeratur tertius, sicut dicit Matth. 28. Baptizantes eos in nomine patris & filij & spiritus sancti. & illud 1. Ioan. 5. Tres sūt qui testimoniu, &c.

Lenit. 26.

Marth. 9.

pro-

prorsus sui participationem præcludens. Participatio vero patris per filium in spiritu sancto proprie & decenter fit; sicut etiam solem per splendorem ex eo non sine calore editum participamus. Sicut igitur nemo dicat dissimile esse soli lumen quod ex ipso emittitur, vel calorem, quia per ista participatur sol; sic non est necesse, ut filius sit patri dissimilis, quia pater per filiū participatur, quin potius similem per omnia esse demonstrat. Vbi enim facti participes filij, non priuamur participatione patris, quomodo non erunt idem pater & filius? ubi autem est eadem substantia, quem locum habebit dissimilitudo? Respondeant Christi oppugnatores. Ex quibus fit manifestum, quod participant spiritum sanctum, participamus filium Deum; & hunc participant, participamus Deum patrem. atq. ita efficimur totius diuinæ naturæ & substantiæ participes. Quomodo vero fiat in nobis participatio Trinitatis, quæ supra substantiam est, dici non potest; sicut neq. dici potest, quis modus sit substantiæ eius; & quomodo sit ubiq. præsens secundū substantiam.

Quod participant diuinam naturam, non gratia solius, & per se non subsistentis participes sumus, sed ipsius spiritus sancti uiuentis, & per se existentis: & quod totus Deus trinus gratia dicitur; & simul filius, atq. spiritus sanctus gratia; & sigillatim unusquisq. horum gratia dicitur. dicitur vero homonymè gratia, idest, quod ab his personis diuinis fit. Cap. IIII.

Gen. 2.

Iean. 20.

Act. 17.

Iean. 20.

SANCTUS Cyrillus libro septimo dialogorū ad Hermiā: Si, inquit, gratia quæ per spiritum sanctum datur, discissa erat a substantia spiritus sancti, cur non aperte dixit beatus quidem Moyses, quod producto animanti inspirauit gratiam auctor omnium, gratiam dico per inspirationē vitæ? Christus vero nobis, Accipite gratiam, scilicet per ministerium spiritus sancti? quin potius illud quidem vocatum est spiraculum vitæ; vita enim erat natura diuinitatis, siquidem vere in ipso uiuimus, mouemur, & sumus. voce autem Domini dictum est: Accipite spiritum sanctum, quia ipse vere in cordibus credentium habitat. & paulo post: Quando igitur ad similitudinem

dinem Christi formamur, ipse etiam in nobis consignatur, & pulchre exprimitur tamquam per spiritum naturaliter similem. Deus ergo est spiritus sanctus, qui ad similitudinem Dei format non tamquam per gratiam ministrantem, sed tamquam ipse participationem diuinæ naturæ dignis largiens. & rursus idem ibidē: Tempia Dei, immo etiam dii vocamur, & sumus. quare autem, interroga aduersarium; siquidem sumus vere participes naturæ & non per se existentis gratiæ. at non sic, nequaquam; templa enim sumus spiritus sancti per se existentis: vocati autem sumus dii propter ipsum, utpote diuinæ naturæ propter conjunctionem cum ipso participes facti. & iterum idem in eisdem: An non dicimus fabricari hominem ad imaginem Dei? Quis neget? Quod autem imaginem imprimit, & instar sigilli pulchritudinem supra mundanam efficit, an non est spiritus sanctus? at nō, inquit, ut Deus, sed ut diuinæ gratiæ minister. igitur nō ipse, sed gratia per ipsum consignatur. Videtur, inquit, Necesse ergo erat appellare hominem imaginem gratiæ, & non potius imaginem Dei. Gregorius Nyssenus in Cantica canticorum: Quod, inquit, vere est prædicandum beatum, numen ipsum diuinum est, ipsa pulchritudo inexplicabilis, ipsa per se gratia, & sapientia, & potestas. & diuinus Gregorius in oratione de diuinitate contra Euagrium monachum: Similiter igitur, inquit, qui dator est omnium bonorum, qui veritatis moderator, & saluatoris pater, bimanantem quandam filij & spiritus sancti gratiam intellectilem ad nos misit, neq. ipse quidquam incommodi in substantia passus est. nō enim ullam imminutionē subiit propter illorū ad nos aduentum. vsq. ad nos processerunt, & nihilominus a patre inseparabiles perstiterunt. expers enim partis est, ut a principio diximus, diuina natura. In primis autem diuinus Apostolus in epistola ad Titum ait: Apparuit gratia Dei, gratia scilicet salutaris, omnibus hominibus: cum quo consentiunt qui in canticis ecclesiasticis dicunt: Apparuit saluator, qui est gratia & veritas, in Iordani fluentis; & gratia habitauit in te, quæ Dei mater es; & mundum splendore illustrauit. Et diuinus Ephræm in oratione de salute animæ: Quando, inquit, voluit benignus &

Psal. 81.

1. Cor. 6.

Tit. 2.

miseri-

Luc. 1.

Tit. 2.

Ibid.

Psal. 117.

1. 2. 100.

1. 100.

Ioan. 14.

1. Cor. 12.

† Id est, sicut
homo sanctus
qui uoce di-
ciur Deus, sic
etiam gratia
que a Deo fit.

Rom. 11.

Ephes. 2.

Rom. 6.

2. Cor. 8.

Colos. 3.

Ioan. 1.

Ephes. 2.

Ioan. 11.

misericors Deus liberare nos ab huiusmodi errore, visi-
tauit nos oriens ex alto; & apparuit Dei gratia salutaris,
deditq. se ipse commutationē pro nobis. Et sapiens Cy-
rillus: Quæ, inquit, gratia apparuit nobis? aut qualis Dei
gratia salutaris omnibus hominibus apparuisse dicitur?
Atqui manifestum est quod ait Dauid: Deus Dominus,
& apparuit nobis: & ut ipsius gloria nobis de cælo appa-
reat, expectamus. & magnus Athanasius in epistola ad
Serapionem: Omnia, inquit, patris sunt filij; quare cha-
rismata, quæ a filio in spiritu dantur, patris charismata
sunt: & cū in nobis est spiritus sanctus, in eo ipso etiam
est pater, atq. ita fit illud: Ego & pater uenimus, & mā-
fionem apud eum faciemus, sicut dictum est. Vbi enim
est lumen, illic est splendor: & ubi splendor, ibi est huius
operatio, & splendida gratia. Et magnus Basilius in epi-
stola ad Gregorium fratrem: Omne, inquit, bonū, quod-
cumq. ex diuina potestate ad nos deueniat, operationē
gratiæ: omnia in nobis operantis esse dicimus: omnia e-
nim operatur vnus & idem spiritus, ac rursus idem: Spi-
ritum sanctum qui ex Deo existit, fontem dico sanctita-
tis, potestatem uitæ effectricem, & gratiā perficientem;
per quem homo adoptatur filius, & quod mortale est,
efficitur immortale, vnum per omnia cū patre & filio.
Præterea, secundū homonymiam diuinitatis, quæ su-
pra substantiam est, quædam alia dicuntur gratia. Decla-
rat hoc Paulus, cum scribens ad Romanos, Sic ergo, in-
quit, & in hoc tempore reliquæ secundum electionem
gratiæ saluæ factæ sunt. Si autem gratia, iam non ex ope-
ribus: alioqui gratia iam non est gratia. Si autem ex o-
peribus, iam non est gratia: alioqui opus non est opus.
Et rursus idem Apostolus: Gratia enim salui facti estis,
& iterū: Non enim estis sub lege, sed sub gratia. & aliās:
In gratia hac, quæ ministratur a nobis. & rursus: Ex quo
die audistis, & cognouistis gratiā in Dei ueritate. & diui-
nus Chrysostomus explanans illud, Ex plenitudine eius
omnes accepimus; & gratiam pro gratia: Qualem, in-
quit, pro quālibet pro uetere nouam. & in illud, Gratia sal-
ui facti estis: Non ex operibus proprijs, inquit, sed gra-
tis. & magnus Athanasius libro tertio contra Arianos:
Sciebat ubi Lazarus iacebat, interrogabat tamen, ut su-
scepta

ſcepta noſtra ignorantia, largiretur nobis vt cognoscere-
mus ſolū uerū patrem ſuū, & quem propter nos ad *Iean. 17.*
ſalutem omnium miſit, quā maior gratia non poteſt eſſe.
Ex quibus patet, quōd facti participes naturæ Dei, nō nu-
dæ gratiæ a Deo manantis, & quæ per ſe nō exiſtit, parti-
cipes ſumus; ſed ipſius ſpiritus ſupra ſubſtantiam, & uiui-
fici, ac per ſe exiſtentis; & per hunc ipſum cum patre &
filio copulati, diuinæ naturæ conſortes efficiuntur; & hæc
gratia dicitur, gratia ſcilicet trium perſonarum, quæ eſt
per ſe gratia. Et ſicut creditur eſſe communis nobiſcum
per ſe gratia, ſic etiam ſigillatim vnaquæq. perſona diui-
na ex tribus gratia dicitur; & maxime ſummus Deus ſal-
uator, & qui eſt ſupra ſubſtantia, ſpiritus ſanctus, uterq.
ſimul gratia bimanans dicitur. Sicut igitur hæc gratia
dicuntur principaliter, & diuinæ, & efficienter; ſic ho-
monymie omne datum bonum, quod ab ipſis perſonis
diuinis ad nos proficiſcitur, tamquam beneficium no-
bis creatum & effectum, gratia & donum dicitur, non
ex operibus noſtris confectum, quin potius gratis, & ex
nulla noſtra importatione ſuppeditatum.

*Quod ſicut Deus, qui eſt per ſe gratia, & trium perſonarum
potestas, ſine virtus, a nobis efficienter † participatur;
ſic idem producit & creat distributionem diui-
narum gratiarum, quæ ad participandum
create ſunt. Cap. V.*

Magnus Apoſtolus Paulus ait: Diuiſiones gratiarum
ſunt, idem autem ſpiritus: diuiſiones miniſtrationū
ſunt, idem autem Dominus: & diuiſiones operationum
ſunt, idem autem Deus; qui operatur omnia in omni-
bus. & rurfus: Omnia autem hæc operatur vnus atq.
idem ſpiritus, diuidens ſingulis prout vult. & iterum:
Aemulamini meliora chariſmata. item: Si linguis ho-
minum loquar & angelorum, charitatem autem non
habeam, factus ſum velut æs ſonans, aut cymbalum tin-
niens. In quem locū incumbens beatus Chryſoſtomus:
Vidiſti, inquit, ubi gratiam linguarum extulit, & ubi eā
euerſit, & fregit? & rurfus idem in epiſt. ad Corinth. ho-
milia xxi. De ſpiritualibus, inquit, nolo vos ignora-
re fratres: ſpiritualia vocat ſigna, quia hæc opera ſunt ſo-

† Deus par-
ticipatur in
ſubſtantiā qui
dē ſua ſecun-
dū rationē
cauſe effici-
tis; in donis
vero ſuis ſe-
cundum ra-
tionem effe-
ctus.

1. Cor. 12.
Participatio
Dei efficiēs.
Participatio
Dei effecta.

Ibid.

Ibid.

1. Cor. 13.

1. Cor. 12.

X lius

lius spiritus sancti, nihil humano studio afferente ad huiusmodi miracula efficiendum. & rursus idem in oratione de spiritu sancto: Spiritus Dei spiritus ex Deo; spiritus qui a patre procedit. hæc sunt sanctæ & impollutæ virtutis siue potestatis nomina. sunt autem alia nomina non naturæ, sed operationi conuenientia, vt donis eius. Dico igitur, cum spiritus sanctus vel mihi, vel alteri Christiano sanctificationem donauerit, & donum acceperit, ita vt corpus sanctum & animam sanctam habeat, hoc donum vocatur spiritus sanctitatis, idest, gratia sanctitatis. si quis accipiat ab spiritu sancto virtutem & donum credendi promissioni futurorum bonorum, accepit spiritum promissionis. si quis accipiat donum sapientiæ, vocatur donum hoc spiritus sapientiæ. si quis habeat charisma charitatis, dicitur habere spiritum charitatis. quando accipit charisma martyrij, dicitur habere spiritum fortitudinis, siue virtutis, idest, charisma, & quia qui donat, spiritus sanctus est, vocatur etiam donum homonymie eodem nomine, quo vocatur qui donat. Adhuc idem in epist. ad Ephesios homilia xxi. exponens illud, Creatum in sanctitate: Vide, inquit, hic, quomodo creaturam vocat creationem essentia virtutis, quæ creatio virtutis cum non esset, factum est vt esset. & rursus idem, Ob hanc causam, vt demonstretur quod qui effunditur, non est spiritus sanctus, sed gratia spiritus sancti, ait Dauid de Christo: Effusa est gratia in labijs tuis; gratia effunditur, non is qui gratiam donat. & magnus Basilius in tertio confutationum Eunomij: Sicut dicitur pater diuidere operationes ijs qui digni sunt vt eas suscipiant; & filius diuidere ministraciones ijs qui digni sunt munere ministrandi; sic spiritus sanctus dicitur diuidere charismata ijs qui digni sunt vt charismata accipiant. rursus idem in homilia Psalmi xxxii. Apte, inquit, ad terram refertur illud: Ipse dixit, & facta sunt. in formatione quidē nostra ex terra conuenit illud, factū est, in creatura vero ad imaginem Dei creata conuenit, Creatum est. Quia vero sæpenumero dicitur in renouando, & rediendo melius, vt illud: Si qua in Christo noua creatura; & illud, Vt duos crearet in vnum hominem; fortassis illud, Et facta sunt, de prima creatione essentia hominis

Ephef. 4.

Psal. 44.

Psal. 32.

2. Cor. 5.

Ephef. 2.

nis dicitur; illud autem, Et creata sunt, de secunda regeneratione in Christo. quanto autem præstat mandatum Dei verbo simplici; tanto præstat regeneratio generatio-
ni. & iterum idem in epist. ad Gregorium fratrem: Quæ-
rentes autem, vtrum ex solo spiritu sancto largitio bono-
rum originem ducat, atq. ita adueniant dignis, rursus a
sancta scriptura deducimur ad principem & auctorem lar-
gitionis bonorum, quæ spiritus sanctus operatur nobis.
omnia enim per ipsum facta esse, & in ipso consistere, a
sancta scriptura didicimus. Quare cum ad illam cogita-
tionem euehimur, rursus scripturæ sanctæ ductu eleua-
ti, docemur omnia per illam virtutem siue potestatem pro-
duci, vt quæ non erant, sint: non autem produci ex illa
sine initio. Gregorius Theologus in libro de spiritu san-
cto: Dicitur, inquit, spiritus adoptionis, libertatis, spiri-
tus intelligentiæ, sapientiæ, consilij, fortitudinis, cogni-
tionis, pietatis, timoris Dei. hæc enim cuncta efficit. &
iterum idem: Spiritus quidem vnus, gratiæ vero non
sunt æquales, quia neq. receptacula spiritus. alij datur
per spiritum sermo sapientiæ, vel contemplationis; alij
vero fides firma, & sine vlla dubitatione; alij operatio-
nes virtutum, & miraculorum sublimiorum; alij gratiæ
sapientium; opitulationes, idest, præfecturæ; gubernat-
iones, idest, moderationes carnis; genera linguarum, in-
terpretationes linguarum; maiora charismata; secunda
secundum proportionem fidei. Athanasius libro secun-
do contra Arianos: Illa igitur, † Creauit, formauit, con-
stituit, quæ eundem sensum habent, non declarant ini-
tium essentia verbi Dei, neq. substantiam eius creatam
esse, sed renouationis eius & gratiæ beneficium in nos.
& iterum idem: Sicut nos, inquit, ex Deo geniti, non ex
ventre personæ eius geniti sumus; sic & spiritus ex Deo
procedentes non sunt ex personæ eius. & beatus Cyrillus
in libro de spiritu sancto: Si ex patre, inquit, luminum
varia charismatum largitio manat, Paulus vero ait: Hæc
autem omnia operatur spiritus, diuidens vnicuiq. priua-
tim sicut vult; quomodo non est Deus ex Deo, & in Deo
spiritus, qui omnia quæ Deum decent, tamquam pote-
statem habens operatur? & rursus idem in commenta-
rijs Esaie: Hæc dicit Dominus, qui in altis habitat. spi-

Colos. 1.

Rom. 8.

Esa. 11.

1. Cor. 12.

† Ad inter-
pretationem.
illi loci Pro
cap. 8. de sa-
pientia ver-
bi Dei in car-
nata perti-
nent, Domi-
nus creauit
me initium
vitarum sua-
rum.

Iacob. 1.

1. Cor. 12.

Esaie 57.
sec. LXX.

Ibid.

† Tertia est
in centurijs
impressis.† Sicut hic
auctor Maxi-
mum recita-
uit, ita inter-
pretatus. sū.

Esa. II.

1. Cor. 12.

1. Cor. 12.

1. Cor. 12.

Iob. 1.

Iob. 1.

Iob. 1.

ritus enim Domini a me exhibit. quomodo autem exhibi-
deklarauit, inquit: Spiritum omnem ego feci; est enim
pater spirituum. intelligitur quidem; non tamquam ex
propria natura sicut filium, hos spiritus genuerit; immo
neq. processisse eos dicit ex substantia aequaliter ut spiri-
tum sanctum; sed potius create ex Deo exisse, ut essent;
affirmamus recte sentientes: ipse enim omnem spiritum
fecit. ubi autem factio nominatur, ibi omnino est egress-
sio, id est, exitus, non secundum substantiam, sed ut ver-
bum exitus per abusionem significet, factum esse. S. Ma-
ximus capite xxxviii. & xxxix. centuriæ † quintæ
ait: Et requiescent † super eum septem spiritus, spiritus
sapientiæ, spiritus intellectus, spiritus cognitionis, spi-
ritus scientiæ, spiritus consilij, spiritus fortitudinis, spi-
ritus timoris Dei. Est autem proprium horum charisma-
tum spiritualium, spiritus quidem timoris Dei, abstinencia
a malis secundum actum: spiritus vero fortitudinis, prom-
ptus conatus & motus ad operationem & effectum ma-
datorum: spiritus consilij est habitus discretionis: spiritus
autem scientiæ est certa & non fallax notitia modorum qui
versantur in actione ex virtute: spiritus cognitionis est
comprehensio rationum in mandatis: spiritus intellectus
est erga modos & rationes virtutum assensus, vel ut magis
proprie dicā, affectio: spiritus sapientiæ est referre se ad
causam rationum magis spiritualium in mandatis, & cum
ea causa copulari. & rursus idem in eisdem: Sicut, in-
quit, alius accipit sermonem sapientiæ, alius sermonem
scientiæ, alius autem fidei, & alius aliud charisma ex ijs
quæ magnus Apostolus enumerauit; sic alius quidem ac-
cipit per spiritum charisma charitatis perfectæ, & sine
intermedio erga Deum, nihilq. terrenum habentis se-
cundum proportionem fidei; alius vero per eundem spi-
ritum accipit charisma charitatis erga proximum: omnem
namq. habitum mandati in actione positum dicit esse
charisma spiritus. In commentarijs qui feruntur in Iob:
Fuerunt, inquit, illi septem filij, & filia tres. catalogus
filiorum honoratus est apud scripturam, & cum mysticis
rationibus consentiens. numerus enim septem significat
in enigmate septem charisimatam concursus; numerus
vero trium ad perfectius & diuinius spectat; ut intelliga-
mus,

mus, fidem Trinitatis effectricem esse septem gratiarum. Et diuinus Apostolus & Euāgelista Lucas in Actis: Multa, inquit, per manus Apostolorum fiebant signa & prodigia in populo. & rursus idem: Et virtutes non vulgares faciebat Deus per manus Pauli. & in sancto Euangelio: Et non fecit, inquit, illic signa multa propter incredulitatem eorum. & propheta Dauid in Psalmo centesimodecimo: Fidelia omnia mandata eius facta in veritate & aequitate. & rursus idem in Psalmo quinquagesimo: Cor mundum in me creauit Deus, & spiritum rectum innouauit in visceribus meis. Ex quibus fit manifestū, quod sancta Trinitas & per se gratia, per se ex ijs quæ nō sunt, producit & creat ad participationem nostram effectam & creatam diuinorum charismatum distributionem. ipsa enim cum sit omnium causa (solum enim quod est supra substantiam, principium & causa est essentiae omnium) per spiritum eiusdem naturæ, & supra substantiam, operatur distribuens unicuique charismata, siue gratias, sicut vult si autem sunt hæc opera voluntatis eius, liquet creaturas esse, & effecta ex nihilo: & ipse Deus est, qui operatur omnia in omnibus.

Act. 5.

Act. 19.

Matth. 13.

Psal. 110.

Psal. 50.

1. Cor. 12.

Quod hanc apostolicam Theologiam sequens Dionysius, effectus magis generales, & participationes magis particularium dixit, ut iam omnia, quorum Deus est creator, in participata & in participantia distributa sint. Cap. VI.

Magnus Dionysius capite quinto de diuinis nominibus ait non esse aliud, bonum; & aliud, existens; & aliud vitam, vel sapientiam; neque multas esse causas, & aliorum alias diuinitates effectrices, superiores & inferiores: quod in loco sanctus Maximus, Quia, inquit, paulo ante visus fuerat quodammodo dicere superius, & inferius, cum dixit, bonum esse causam existentiae, vitæ, & similiter in alijs; ne qui imprudenter legunt, occasionem reprehendendi reperirent, ait non esse aliud, bonum; & aliud, existentiam; & rursus aliud vitam, vel sapientiam; vnā enim esse omnium causam, & non multas; & consentaneæ vnā diuinitatem omnia producentem sanctam & beatam Trinitatem, & non multas diuinitates creatrices,

trices. Hoc autem non superuacane dixit, sed ut sapien-
 tes gentilium, & hæreticos Simonis discipulos perstrin-
 geret, qui deos ponebant effectores mundi, & quo infe-
 riores essent, eo infirmiores creaturas producere usq. ad
 fecem, ut aiunt, idest, usq. ad materiam. Nomen boni
 ait complecti omnem prouidentiam; reliqua vero nomi-
 na partes prouidentiae, ut vitam, sapientiam, rationem.
 omnia enim quæ sunt, propter bonitatem Dei producta
 sunt, ut existant; & sunt bona, idest, valde pulchra, non
 tamen omnia participant vitam, vel sapientiam, vel ra-
 tionem. Generaliores scilicet prouidentias vocat, quas in
 pluribus contemplamur, ut vita perquadit in stirpes, &
 animantes tum rationis participes, tum non participes,
 sapientia vero, & ratio pauciorum sunt. hæc enim solum
 in ratione utentibus cernuntur. Idem adhuc capite se-
 cundo de diuinis nominibus in explanationibus suis in
 Dionysium, exponens quod ait Dionysius: Scaturientē,
 & numquam deficientem causam, atq. distributionem
 donorum, quæ bonum decent: Dictum est, inquit, in
 Psal. 35. Quoniam apud te est fons vitæ. & in Hieremia:
 Hier. 2. Me dereliquerunt fontem aquæ viuæ. Deus igitur dici-
 tur fons velut quidam parens, & principium atq. causa
 eorum omnium quæ apparuerunt, & deuenerunt ad es-
 sentiam. quæ enim quidam vocare consueuerunt vniuer-
 salia, idest, genera, vel tota, vel continentia, utpote quæ
 complectantur partes emanationum eius, horum scri-
 pturæ sanctæ dicunt esse causam & fontem. propter effe-
 ctionem igitur inexhaustam eorum quæ per spiritum san-
 ctum existit, & quia spiritus sanctus est causa omnium,
 ut in Sapientia dictum est, consentanee ipsam per se cau-
 sam fontem esse diuine philosophatur. Illud autem, nō
 exauriri creationem, inde intellige, ubi ait: Pater meus
 usq. modo operatur, & ego operor. similiter spiritus san-
 ctus cum patre & filio sine intermissione operatur. ait
 Psal. 103. enim scriptura: Emittere spiritum tuum, & creabuntur.
 & rursus magnus Dionysius cap. x i. de diuinis nomi-
 nibus: Non enim substantiam quandam diuinam aut an-
 gelicam esse dicimus illud per se esse, causam essentiae om-
 nium. solum enim quod est supra substantiam, principium
 & substantia & causa est ut sint omnia quæ sunt, & ipsum
 per

Psal. 35.

Hiere. 2.

Sapi. 1.

et 7.

Ioan. 5.

Psal. 103.

per se esse: nec aliam diuinitatem, quæ vitam pariat, præterquam vitam supraquam diuinam omnium quęcumque viuunt, & ipsius per se vitę causam ponimus; nec, vt summam dicam, alias causas principales, & creantes, & hypostasēs, quas quidam & deos, & effectores rerum esse temere effatuuerunt: quos vere & proprie dicere nō esse nec ipsi, nec eorum patres & maiores sciuerunt. Hæc a Theologis proposita sunt, vt sciamus demonstratū esse, quod antea; solū scilicet quod est supra substantiam, beatam & † supraquam diuinam Trinitatem omnium causam esse; & nec ipsum per se esse, quod est antiquius donum, quam ceteræ participationes quæ ab ipsa Trinitate manant, nec ipsam per se vitā, nec horū similia vllius rei causam esse: quin potius quomocūq. vocata sunt illa magis generalia ijs quæ sunt, siue vocentur primum existentia, siue per se participationes, siue dona Dei, siue prouidentia, siue cōmunicationes diuinæ (dictum enim est de his a Theologis) non negabunt, neq. diffitebuntur opera esse eius qui omnia in omnibus operatur vt vult, Dei patris scilicet, producta ad ministerium & sanctificationem creaturarum per Deum filium, & diuinum eius spiritum. Diuisiones autē gratiarum Dionysius, qui has a magno Apostolo Paulo didicit, ad laudandū ab effectis prouidentia quæ est principiū vt boni efficiamur & deificemur, pertinere, aperte exposuit, vocās effectus ipsas participationes participantium expositas ad participationē donorum Dei, quibus participatis dicimur diuini & beati & sapientes & potentes. Retractat vero postea hæc, edisserens quomodo hæc se habeant collata cū eo qui tribuit. nulla enim similitudo perfecta est causarum, & eorū quę effecta sunt: sed potius effecta quidem habent imagines & similitudines quantæ esse possunt, causarum; ipsæ vero causæ abstractæ sunt ab effectis, & supra locatæ secundum rationem proprii principij. In hoc vero ipsum incumbens diuinus Maximus, Effecta esse dixit, quæ producta sunt in rerum natura, siue in cælo, siue in terra; causas vero quæ produciunt, idest, tres personas sanctæ Trinitatis. Liquet igitur causas & effectus nullam inter se similitudinem habere. Et adhuc diuinus Dionysius incumbens potissimum in hæc: Eadem, inquit, & similia,

† Supraquam diuina Trinitas dicitur, sicut dicitur Deus supra Deum, siue supraquam Deo propter eos qui dicuntur dii, sicut scriptum est Psal. 81. Ego dixi, dii estis.

1. Cor. 12.

1. 2. 3. 4.

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

& dissimilia Deo dicuntur; similia quidem secundum imitationem, quæ esse potest eius quem nihil potest imitari; dissimilia vero, quatenus effectus infra causam sunt, & infinitis mensuris, & quæ conferri non possunt, ab ea distant. Eandem excellentiam supra effectus posuit, & supra per se participationes: Quanto, inquit, præstant sancta, vel diuina, vel dominantia, vel regia ijs quæ non sunt talia, & rursus per se participationes participantibus; tanto est omnibus sublimior, qui est supra omnia, & omnium participantium, & participationum auctor imparticipabilis. Quod ipsum explanans sanctus Maximus, Quantum, inquit, antecellit natura pura & causa qualitati & effecto (hoc enim est ens, comparatum cum eo quod non proprie est) & quantum antecellit participanti id quod participatur; tantum differt Deus, qui hæc dicitur, ab ijs qui ista participant. Igitur sicut causa effectibus antecellit infinitis mensuris, & quæ conferri non possunt; sic solus auctor Deus, idemque imparticipabilis, participantibus, & ipsis per se participationibus antecellit. Dictum est autem de his a Theologis in quinta & quarta decade initiariae expositionis diuinorum nominum. Excipitur autem hinc, quod in filio & spiritu sancto causam habet. hoc enim uniuoce dicitur de ijs quæ sunt causa; quæ vero causam habent secundum voluntatem, homonyme dicuntur, utpote opera Dei omnia in omnibus operantis. Præterea illud causam habens omnium causa est, hæc autem ab ipso causam habentia singulariter & solummodo ex ipso, & non ex alia causa sunt. solum enim quod est supra substantiam, principium & substantia & causa est ut sint omnia. Ad hæc, in Trinitate supraquam diuina causa, & causam habens, distinctionem a mixtione maxime liberam exhibet, & in eodem unione supraquam unitam, quia in ea exhibetur prima distinctio, & prima unio. primo autem, ut est axioma, non est aliquid contrarium, sed vera distinctio, & vera unio. neque distinctio mutari unquam potest in unione; neque rursus unio in distinctionem. seruantur autem hæc non confusa propter utrumque; idest, distinctio propter unione, & unio propter distinctionem, trine simul & unice enuntiata; at in creatura, cuius causa est sancta Trinitas,

1. Cor. 12.

In diuinis pater secundum naturam est causa filij, & pater ac filius causa spiritus sancti; & in his causa, & qui causam habent, æquales sunt. hoc est enim dici uniuoce causam habentibus, idest de causatis.

nitas, unio quidem est secundum causam tantum; distinctio vero creaturarum immensis mensuris infra causam relinquit ea quæ facta sunt: & unio antecedit, valentiorque est huiusmodi distinctionibus; ut una & eadem quidem sit uniuersorum causa; creatura vero numerosa, a primis & generalioribus ad secunda & tertia & multiplicia progrediens. Hinc aperitur Theologis quæstio de participatione, quæ est una quidem secundum causam; altera vero secundum participationem; alia secundum existentiam; participatione & existentia in creatura consistentibus, idest, in ea quæ participantur, & in participantia partitis.

*Participatio s'm causâ.
Participatio simplr, i.
abstracte considerata.
Participatio in existentia, i. in subiecto.*

Quod omnia participantia, & quæ participantur, a sola natura, quæ secundum causam participatur, producta, alia quidem simpliciter ab ipsa ad participationem edita sunt, alia vero sunt secundum existentiam participantium. Cap. VII.

Magnus Dionysius capite quinto de diuinis nominibus: Primum, inquit, donum per se esse, ipsa per se bonitas producens, ab antiquiore, prima inter ceteras participatione laudatur, & est ex ipsa, & in ipsa ipsum per se esse, & principia eorū quæ sunt; & omnia quæ sunt, & quæ quocumq. modo sunt, idque incomprehense, & copulate, ac singulariter. & rursus idem: Et ante alias eius participationes esse productum est: & est ipsum per se esse antiquius quàm esse per se vitam, per se sapientiā, per se similitudinem diuinam; & alia, quorum quæ habent participationem, ante omnia illa participant esse: quin potius ipsa per se omnia, quæ ab alijs participantur, ipsum per se esse participant, principia igitur omnia eorū quæ sunt, participando esse & sunt, & principia sunt, & primum sunt, deinde principia sunt; & si vis dicere esse per se vitam principium viuientium tamquam viuentiū; & per se similitudinem principium similium tamquam similium; & per se unionem principium copulatorum tamquam copulatorum; & per se ordinem ordinatorum tamquam ordinatorum; & quæcumq. alia hoc, aut illud, aut ytrumque, aut multa, participantia hoc, aut illud, aut

Y vtrum-

Lege cap. 4.
decad. 5.

• Primū. n.
donum Dei
est esse; po-
stea esse (pe-
ciem aliquā,
quæ pri^o par-
ticipat esse;
postea esse
indiuuiduum
speciei parti-
cipat.

utrumque, aut multa sunt; eorum per se participationes reperies primum participare ipsum per se esse; & primū quidem eas esse, deinde huius, aut illius principia esse; & participando ipsum esse existere, & participari. Quod si hæc, scilicet per se participationes, principia aliorū sunt participando ipsum esse, multo magis quæ illa ipsa principia participant, ut iam ex his manifestum euadat, & ex ijs quæ latius in quinta decade persecuti sumus, quod participationes sunt, quas ea quæ sunt, participant, quæcūq. sunt species, & harū participationes; siquidem & in vna specie sunt multæ participationes non solū in coloribus, sed in voluntatibus, & fortunis; ut cum dicimus, Participauit voluntatem moderatam, aut rectam, aut facietijs gaudentem, aut aliter affectam; aut esse fortunatum, aut infortunatum. Ut igitur prosperitas, siue bona fortuna participatio est fortunatorum, quatenus fortunati sunt, non autem quatenus homines sunt; sic & aliæ participationes editæ sunt, ut participantur; non quia sunt, sed quia tales sunt. Quando autem nactæ sunt subiecta recipientia, tunc dicuntur effectæ secundū existentiam eorum subiectōrū, quæ nactæ sunt, & est quidem aliud participatio, & aliud quod secundum existentiam participationem recipit. verbi gratia, Vita participatio quædam est simpliciter, quæ tunc fit secundum existentiam participatio cuiusdam, cum est pars substantiæ eius, aut est ipsum, aut secundum accidens. Dionysius igitur aggressus differere generatim, in substantia simpliciter & in participatione simpliciter, tractauit; & ostendit, prius quidem oportere esse subiectum, quod quidem dixit antiquius esse Dei donum; deinde participationem, quæ in illo subiecto facta est. Proposita igitur est ad participationem participantium, per se substantia; quod perinde est, ut si dicatur substantia facta ad participationem. nisi enim substantiam participarem, penitus in rerum natura non essemus. deinceps, ipsi substantiæ factæ ad capiendam participationem, aliæ participationes propositæ sunt. & sicut tempus generalius ad participationem eorū quæ sunt in tempore, propositū est, cum alioqui non sit substantia aliqua, sed simpliciter participatio; tunc vero efficitur nobis, qui in tempore sumus, existentia, quādo propter

pter ipsum sumus in tempore; sic omnis alia participatio
que nō est substantia, eandē consecutionē habet: illo prius
cognito & percepto, quod solus Deus est harū participa-
tionū auctor & effector, siue proposita sint simpliciter
ad participationē, siue etiam ad existentia participatibus.

Omnia ¹ que sunt, & que quocumq. modo sunt) ut que sunt in
alio sicut accidentia, & que sunt in potentia, & que sunt privatio-
nes, & que non habent totum esse simul, ut motus, sunt in Deo in-
comprehense, in se autem finite; in se multa, in Deo unum; in se divi-
sa, in Deo copulata. sunt itaq. incomprehense, & coniuncte, ac unie-
ter res omnes, quaecumq. sunt in Deo, quia sunt ipsa diuina essentia
incomprehensibilis pater, filius, & spiritus sanctus in unum incom-
prehensibiliter uniti. cum ² est pars substantie eius) ut cū participa-
tur ab anima, que est pars substantie hominis, quia non habet in se
integrā naturā speciei, ut ait S. Tho. 1. p. q. 51. ad 3. aut a corpore
secundū accidens, quia per animā uiuit. aut ab angelis quia enim ipse
est integræ naturæ, & non tamquam pars naturæ, per se vitam acci-
pit a Deo, & non per accidens. participatio simpliciter differt a par-
ticipatione secundum existentiam ratione tantum: ut per se vita non
distinguitur a uiuentibus, a quibus participatur secundum rem: re
enim vita & uiuens idem sunt; sicut humanitas simpliciter, & homo
ratione tantum differunt, quia sicut humanitas solum illa compren-
dit que hominem definiunt, & non que materiam faciunt indiuiduā;
neq. humanitas, actu aut potentia continet principia que indiuiduū
reddunt, homo uero continet potentia; sic per se vita illa cōtinet que
uiuentem definiunt, quatenus uiuit, itaq. ut homo formaliter est hu-
manitate homo, sic uiuens per se vita est uiuens. Participatio secun-
dum existentiam, est vita illa simpliciter, iam recepta in subiecto ui-
uente, sicut humanitas secundum existentiam, est in hoc homine qui
existit, sola enim singularia existunt in rerum natura; uniuersalia
uero & abstracta solum in mente.

Quod omnia que sunt ad participandū, siue proposita sint se-
cundum participationem, siue secundum existentiam, quia nō
sunt idonea subiecta recipientia, multiplicationem &
differentiam participationum subeunt: sola autem
natura que secundum causam participatur,
hanc differentiam funditus non ad-
mittit. Cap. VIII.

Magnus Dionysius cap. ix. cælestis hierarchiæ: Hoc,
inquit, testatur populus Hebræorum accidisse sibi: Exod. 32.
Y 2 Cogni-

Osee. 4.

Cognitionem Dei, inquit scriptura, repulisti, & cor tuū secutus es. nec enim vitam necessitate coactā habemus, neq. propter libertatem eorum, quibus prouidetur, diuina lumina prouidentiae splendentis retunduntur; quin potius dissimilitudo oculorū quos mentes habent, illuminationem paternae bonitatis supraquam copiosam aut penitus non participat, aut facit duritia sua ne penetret, aut varias reddit participationes, paruas vel magnas, obscuras vel claras vnius & simplicis, & semper sui similis; atq. supra modum expediri & explicati radij manantis instar fontis. Et rursus idem capite secundo de diuinis nominib. Atqui, dicet aliquis, non est sigillum totum & idem in omnibus, in quibus ad exprimendam effigiem imprimitur. non est autem in causa sigillum; se enim totum & idem vnicuiq. impertit; sed differentia participantium dissimiles facit figuras ab hoc vno & toto exemplari expressas: vt si sunt mollia & facilia ad figurandum, & lenia, & εὐχάριστα, & neq. aspera, neq. dura sunt, neq. fluxa, & inconstantia, puram & expressam & permanentem figuram habebunt. si quid vero huius habilitatis, quae dicta est, defuerit, haec erit causa, cur effigies nō figuretur, nec exprimatur, neq. alia fiant, quae non fiunt, cum non est habilitas ad recipiendam participationem. Sed & Iustinus martyr philosophus in oratione de recta confessione ait: Quomodo verbum in suo templo, & in rebus similiter secundum substantiam est, & quid amplius templū quā cetera omnia habebit, audiamus tandem dicentem: Qui est in sinu patris, secundum substantiam omnibus adest impartibiliter; & non sic eum in patre esse dicimus, vt est in reliquis, non quia substantia cum in alijs est, contrahitur, sed propter mensuram recipientiū, quae non possunt fieri receptaculum diuinum. ad hunc modum dicentes eum in templo suo inseparabilem, & tamquam plenitudinem diuinitatis habitare confitentes, adesse omnibus, & non similiter adesse dicimus. Et diuinus Gregorius Nyssenus in primo libro confutationum Eunomij ait: Quia omnis boni fons & principium & largitio in natura increata cernitur, omnis vero creatura in eum vergit per communionem primi boni participans facta sublimis naturae, necessario secundum proportionem

Iean. I.

tionem participandi sublimia, alijs plus, alijs minus secundum liberam potestatem voluntatis participantis, plus & minus participationis in creatura cernitur; & conuenienter vniuscuiusq. conatui plus & minus in excellentia virtutis, locum habet: natura vero increata longe abest ab huiusmodi differentia. Ex quibus liquet, omnē differentiam participationum ex differentia participantium existere, & conflari, fieriq. magnas, & paruas participationes propter habilitatem obscure, aut clare participantium. quare, vt consentaneum est, huiusmodi participationes, quomodocumq. proponuntur, siue simpliciter secundū participationem, siue secundum existentiam, ex paruo & magno conflatae in creatura cernuntur: in ijs autem quae in Deo sunt, huiusmodi differentia locum non habet. Vno itaq. consensu Theologi participationes illas, quas absolute & abstracte per se substantiam, & per se vitam, & per se sapientiam, & similiter in alijs, vocabant, inter creaturas referebant & numerabant; quia neq. substantia diuinā, nec angelicā erant, nec vllius rei effectrices. solum enim quod est supra substantiam, principium & substantia & causa horum est. Si autem Deus & horum, & eorum quae subter ipsa sunt, ex æquo auctor est (est enim, inquit, ex participantibus, & ex participatis infinite & immense exemptus) quomodo non in his magis omnis differentia reperiatur, & plus & minus locū habeat? quae sunt notae creaturae, & varietas circa emanationem, & multiplicatio formarum. Merito igitur quia non sumus apti & idonei, sed potius infirmi ad recipiendum Deum, participationē eius a nobis alienauimus. in causa autem est potestas liberi arbitrij, & illud, proclives nos esse ab adolescentia nostra ad malum.

Gen. 8.

Quod sola natura diuina secundum rationem causa est participabilis; & quod proprium Dei est vocare omnia ad cōmunionem; & quae plura Dei dona participant, propinquiora Deo sunt. Cap. IX.

Gregorius Theologus in secunda oratione de pace:
Non enim, inquit, quidquam ex creatis, & seruis, atq. participantibus, & circumscriptis naturam increatam, & dominam,

*Hebr. 6.**Apoc. 1.**21. & 22.**8. m. 3.*

dominam, atq. participatam, & infinitā attingit. & rur-
sus idem in oratione in Pentecosten: Erat igitur semper
spiritus sanctus participatus, non participans; perficiens,
non perfectus. Et magnus Basilius in libro quinto ad
Amphilochium: Natura inaccessible, capax propter boni-
tatem; implens omnia potestate, ab ijs tantum qui di-
gni sunt, participabilis. Et magnus Athanasius in epi-
stola ad Serapionem: Rursus, inquit, aliquis vel ex his
perspiciat, participari spiritum sanctum, & non partici-
pare. eadem enim dicere nō piget. impossibile enim est,
eos qui semel illuminati sunt, & gustauerunt donum cē-
leste, & participes facti sunt spiritus sancti, & gustaue-
runt bonum Dei verbum. Si enim angeli, & aliæ creatu-
rę ipsum spiritum participant; ob hanc enim causam ex-
cidere possunt qui non participant; spiritus vero sanctus
semper idem est, & participabilis est. Et sanctus Maxi-
mus cap. ix. centurię quartę de charitate ait: Deus qui-
dem solum participatur; creatura vero participat & com-
municat; & participat quidem esse, & bene esse; commu-
nicat vero solum bene esse. verum aliter quidem: sub-
stantia corporea, aliter vero incorporea. Et sanctus Ana-
stasius Antiochenus in primo libro de nostris dogmati-
bus veritatis: Quomodo, inquit, oratione laudari po-
test, qui orationem vincit? aut quid digne loqui possit vl-
lus, vt cogitatione demonstret eum qui maior est quā
cogitari queat? Hic est firmamentum omnium, funda-
mentum omnium, principium omnium, ex quo manant
omnia, & in quod vergunt omnia; principium & finis,
α & ω, vt pulchre dixit qui Theologiam tradens, Theo-
logum docuit: causa vt sint ea quę sunt; qui ijs quę nō-
dum constituta erant, substantiam dedit; qui substantijs,
quas ex nihilo fecit, ordinem adhibuit, & vt durarent
& conseruarentur; fecit: natura creatrix, potestas vim fa-
ciendi, inspiciendi, & prouidendi habens; vita, & viuens;
& substantia vitam prębens; natura sola participabilis,
quę omnia capit, & a nullo capitur. & quid potest quis-
piam cum infinita tentauerit, de eo dicere, qui non po-
test expromi? Quod enim semel dici non potest, non ex-
plicabitur: & quod est ultra omnia, nulla mens compre-
hendet, etsi omnium sit subtilissima ad penetrandum.
Immo

Immo & magnus Dionysius capite quarto cælestis hierarchiæ: Primum vero omnium illud vere dicendū est, quod diuinitas quæ supra substantiam est, bonitate sua substantias eorum quæ sunt, produxit, & fecit vt existerent. hoc enim proprium est bonitatis, quæ causa omnium est, & supra omnia est, vocare vniuersa ad sui cōmunionem, vt vnicuiq. eorum quæ sunt, a propria conuenientia definitum est. Cuncta igitur quæ sunt, participant prouidentiam ex diuinitate supra substantiam, & omnium effectrice manantem. non enim essent, nisi substantiam & principium omnium participassent. Omnia igitur inanimata eo ipso quod sunt, ipsum principium participant. esse enim omnium est diuinitas, quæ est supra ipsum esse; viuientia autem participant eandem potestatem viuificā supra omnem vitam: ratione prædita & intelligentia eandem sapientiam per se perfectam, & prius perfectā, quæ omnem rationem ac mentem vincit, participant. manifestum autem est esse circum ipsum principium substantias illas, quæcumq. multipliciter ipsum participarunt. Ac rursus idem in quinto de diuinis nominibus: Et est, vt arbitror, verum, quod ea quæ magis Deum, qui vnus est, & a quo infinita dona proficiscuntur, participant, magis ei appropinquant, & diuiniora sunt, quàm quæ minus participant. Ex his liquet, quod sola natura secundum causam participabilis, Deus est; quoddq. secundum eandem causam vocat omnia ad sui communionem: & illa fiunt eidem vocanti propinquiora, quæcumq. multis modis participant non solum simpliciter substantiam eius & vitam, sed etiam rationem, & sapientiam, & alia eius charismata spiritualia secundum proportionem supermarum etiam mentium. illæ enim quæ magis cognitionem & sapientiam participarunt, magis Deo appropinquant.

Aliter: substantia corporea) Corporea quidem natura communicat bene esse sermone, opere, & contemplatione; incorporea vero & ἀσώματος μόνον, idest, sola contemplatione. sic sanctus Maximus in eodem cap.

Diuinitas est
esse omnium,
& substantia
οὐρανίου
idest, causa-
liter.

Quod

Quod totus Deus participabilis est, & totus non participabilis; & non aliquid in eo participabile, & aliquid non participabile. Cap. X.

Magnus Dionysius in secundo capite de diuinis nominibus: Et hoc, inquit, cōmune, & copulatum, & vnum est toti diuinitati, participari scilicet totam ipsam ab vno quoq. participantium, & a nullo, nulla parte, sicut punctum centri in medio circuli, ab omnibus lineis rectis, quæ sunt in circulo circumpositæ, participatur; & sicut multæ figuræ sigilli expressæ, archetypum sigillum participant, & in vnaquaq. figura sigilli expressa totum & idem sigillum est, & in nulla figura secundum nullam partem. vincit autem hæc, scilicet exempla, illud nō posse diuinitatem, quæ omnium rerum causa est, participari; vincit inquam hoc ipso, quod diuinitatis & nulla est tactio, nec alia eius cum participantibus mixtionis communio. Hunc locum edisserens sanctus Maximus, Trinitas, inquit, vniuersi regina, ab ijs quæ participare eam possunt, participatur non comprehense neq. participate: idem enim vtrumq. declarat; participatur enim Deus nō comprehense, neq. restrictus, sed potius totus in cuiusq. participatione existens, & ab omnibus exemptus: sicut magnam vocem emissam omnes qui adsunt, participant, vnusquisq. pro suis viribus & viri, & pueri, & brutæ animantes; verum alij quidem valentius, alij vero obtusius secundum vim & facultatē audiendi. & est quidem vox participabilis, & in se ipsa non participabilis. Et rursus idem in centurijs Theologicis centuria III. cap. VII. Deus, inquit, qui secundum substantiam non est participabilis, cum vult aliter ab ijs qui possunt, participari, a natura & substantia sua occulta non recedit; quando etiā modus ipse, quo volens participatur, manet semper omnibus opertus. Adhuc idem in ijs quæ in dogmatica paphia feruntur: Participabilis est Deus secundum communicationes suas; non participabilis vero quatenus nihil substantiam eius participat, vel vitam eius, vel sapientiam eius, aut aliquid talium, quæ habet omnia secundū excellentiam, & eximie. Ac rursus idem in tertia centuria cap. XLII. Ad hoc, inquit, nos fecit Deus, vt efficiamur

mur diuinæ naturæ confortes, & participes æternitatis eius, & appareat esse nos similes ei secundum deificationem ex gratia, propter quam deificationem ea quæ sunt, consistunt & permanent; & quæ non sunt, producuntur & generantur. Et iterum idem: Deum sanctum participat natura rationis & intelligentiæ particeps hoc ipso quod est, & ut bene habeat, apta est. Ex his iam constat, quod in totum Deus & a nobis participatur, & non participatur; participatur quidem secundum rationem causam, id est, quatenus omnia ex nihilo producit, ut & simpliciter sint, & ut bene sint; rursus vero non participatur secundum participationem nostram, & secundum existentiam. nec enim eum secundum tactum participamus, sicut species participant genera, & sicut singularia participant vniuersalia; & sicut quæ subter prima sunt, participant illa ipsa prima. neque participamus eum secundum existentiam, & illam quam dicit permixtam communionem, ut si dicamus: Vita sentiens est pars substantiæ omnium sensu uiuentium; & omnes species ex materia concretæ secundum admixtam communionem materiam & formam participant. his enim modis & rationibus funditus a nobis non participatur. nec rursus est aliquid in eo quod participatur, & aliquid quod non participatur: absurdum enim est si dicatur oportere existentiam Dei ex duobus quibusdam dissimilibus consistere, ex participabili scilicet, & non participabili. Ut autem bona compositio ordinis in hac Decade appareat, demonstratum est a Theologis, proprium esse Dei, adesse omnibus præsentem secundum substantiam. quod si substantia adest omnibus, substantiam eius omnia participant. non autem aliter participatio diuinæ substantiæ fit quam per patrem, & filium & spiritum sanctum: hæc enim sunt diuina substantia. quare naturam trium personarum participamus, & non nudam, siue solam quandam gratiam non per se subsistentem. creat autem & efficit ad participationem nostram, gratiarum siue charismatum distributionem. creat igitur secundum convenientiam ac proportionem participantium ea quæ sunt magis generalia, ut participantur ab ijs quæ sunt magis particularia, ut sola sit hæc omnium quæ sunt, causa & effectrix,

2. Petr. 1.

† Tactū vocat notionē, est enim notio tactus quidā spiritalis.

7 effectrix, siue secundum participationem, siue secundum
 8 existentiam proposita sint. quoniam omnis differentia &
 varietas potissimum quidem in participantibus fit; per
 9 participantia autem fit in ipsis participationibus. sola
 10 deniq. natura diuina secundum rationem causae partici-
 patur; solusq. Deus participabilis est secundum causam,
 non participabilis vero secundum existentiam partici-
 pantium & participationum, quæ propter participantia
 fiunt. Nihil igitur deest in huius decadis tractatione.
 Inscripta autem est hæc Decas, De participatione, quia
 omnem participationem continet, siue dicatur secundum
 causam, siue secundum participationem, siue secundum
 existentiam.

Commune 1) Quia communitas essentiae cum personis diuinis non
 est communitas rationis, ut in genere cum speciebus, aut in specie cum
 singularibus; addidit Dionysius, Vnitū. singularia enim diuisa sunt;
 & species item diuise. sed rursus, quia non est unio personarum diui-
 narum facta per congregationem, sed quia essentia diuina est unum
 numero in tribus, siue tres sunt unum numero in essentia; idcirco ad-
 didit, Vnum, ex S. Thoma. non est tactus aliquis deitatis ad crea-
 turas eo modo, quo ex sigillo & cera fit unum per contactum, nec est
 alia communio, qua commisceatur cum rebus, sicut punctum centri
 commiscetur lineis, quatenus est terminus earum, ex S. Thoma.

DECAS

DECAS OCTAVA, DE INFINITATE DEI IN CREATURIS.

*Quod nihil eorum quæ sunt, caret causa, solusq. Deus sine
causa est, qui est omnium causa. Cap. I.*



MAGNVS Gregorius Theologus in primo libro de filio: Quid, inquit, est in rebus sine causa? diuinitas. nemo enim causam Dei dicere potest. sin autē habet causam, erit hæc Deo antiquior. Sanctus Maximus in explanatione illius loci Theologi- ci in oratione Gregorij de filio: Propterea vnitas a principio ad numerum duorum mota, & c. Omne, inquit, quod non est propter causam; neq. fieri potest, neq. mori, neq. omnino mouetur, cum non habeat causam vt sit. quod si causam non habet, est etiam plane immobile: est igitur Deus immobilis, vt qui nullam causam habeat vnde existat. Rursus idem in centurijs Theologicis, centuria prima, capite secundo: Quod, inquit, secundū substantiam proprie est, illud bonum est, quod neq. principium, neq. finem, neq. causam existentia habet; nec vllam qualemcumq. secundum existentiam motionem ad causam. quod autem non sic se habet, id neq. proprie est, vt pote principium, & finem, & causam existentia, & secundum existentiam motionem ad causam habens. Quod autem non proprie est, quamuis dicatur esse, secundum participationem voluntatis eius qui proprie est; & est, & esse dicitur. Immo & magnus Dionysius in epistola ad Titum ait: Si enim sic spectemus, venerabimur videntes fontem vitæ, in se ipsum effusum, & in se ipso consistentem, & vnā quandam potestatem simplicem, per se mobilem, per se agentem, se ipsam non deferentem, notionem notionum omnium, ac semper se per se ipsam contemplantem. Et sanctus Hierotheus in hymnis amatorijs sic ait: Verum ægeiam & has rursus potestates in vnum congregantes dicamus, vnā quandam

Cap. 4. de di-
nin. nomin.

Z 2 simpli-

simplicem potestatem esse, per se mouentem ad copulantes & admixtionem. Et rursus magnus Dionysius cap. x. de diuinis nominib. Etenim non ea quæ omnino & absolute ingenita & vere perpetua sunt, ubiq. sacræ scripturæ vocant æterna. Quo in loco S. Maximus, Deum, inquit, vocat absolute ingenitum, quoniam est sine causa. Ex quibus efficitur manifestum, quod Deus cum sit infinitus, & causa & omnium absoluta; simul eo ipso existit in creaturis infinitus, & sine causa, & vna potestas simplex, per se mobilis, per se agens. hoc enim declarat principium omnium supra principium, quod proprie est vnum, & quo nihil est altius.

Neq. causam existentie habet) Deus enim non est propter se tamquam propter causam, quatenus nos naturaliter intelligere possumus, ut ait idem S. Maximus in eadem centuria. illud etiam, quod ait hic, neq. principium, neq. finem, neq. motionem ad causam habet, magis adhuc intelligitur ex cap. 3. eiusdem centurie: Omnis, inquit, substantia finita, naturaliter est principium motionis, ad quam habet potentiam; omnis autem motio substantiæ ad operationem, quia posterius quàm substantia ipsa intelligitur, & prius quàm operatio, media est naturaliter inter vtrumque; & ipsa operatio finis est ipsius motionis substantialis prius cogitata: Deus autem non sic est substantia, neq. principium, neq. finis; neq. sic mouetur; sed est incircumscriptus, infinitus supra omnem substantiam, potentiam, & operationem. in se ipsum & effusum) De sanctissima Trinitate hæc dicit, significatq. eius ὁμοούσιον, idest, consubstantialitatem, quodq. vnitatis vsq. in Trinitatem progressa, in ea stat. sic Gregorius Nazianzen. in priore oratione de filio, & in secunda pacifica contra Iulianum. & potestates) Duos amores dicit, mundanum, idest, hominum in mundo amantium secundum spiritum; & supra mundanum, idest angelorum, quos ad vnum amorem diuinum reuocat, & in vnum contrahit. copulantes & admixtionem) Sic vocat amorem, qui vim habet admiscendi & copulandi, sicut idem Hierotheus paulo ante dixerat, quia qui inter se amant, quodam modo vnum fiunt; vnde illud, Alter ego: ut iam amor sit admixtio quedam copulans, siue copulatio quedam admiscens. hanc vim vocamus in interpretatione potestatem. amor enim non est passio, nec actus, ut ibi S. Thom. in comment. suis notauit, sed vis, siue potestas quedam, quæ virtus etiam dicitur, ad efficiendū ali- quid, idest, ad admiscendum quodam modo, & veluti copulandum in vnum. causa & omnium absoluta) quia Deus nullam cognationem & affinitatem cū creatura vlla habet, neq. quidquam quod cum eo simul cogitetur, ut cogitantur simul cum alio, quæ ad aliquid referuntur.

Quod

*Quòd nihil eorum quæ sunt, a se productum est, solus Deus ex
nihilò creat, & est omnium quæ sunt, effector. Cap. II.*

Magnus Dionysius cap. IIII. de diuinis nominibus
ait: Etenim ex ipso & per ipsum & substantia & vi-
ta omnis & mentis & animæ, atq. vniuersa naturæ, par-
uitates, æqualitates, magnitudines, mensuræ omnium,
& rerum proportionales, & concentus, & concretiones,
tota, partes, omne vnū, & multitudo; coniunctiones par-
tium, omnis multitudinis copulationes, perfectiones
totorum, quale, quantum, & quàm magnum, aut paruū,
infinitum, & comparationes, & separationes, & omnis in-
finitas, omnis finis, definitiones, ordines, excellentiæ,
elementa, formæ, & omnis substantia, omnis facultas siue
potestas, omnis actio, omnis habitus, omnis sensus, om-
nis ratio, omnis intelligentia, omnis tactus, omnis
scientia, omnis copulatio, & simpliciter omne quod ex
pulchro & bono existit, & in pulchro & bono est, & ad
pulchrum & bonum conuertitur; & quæcumq. sunt, &
fiunt, propter pulchrum & bonum sunt, & fiunt; &
cuncta in ipsum intuentur, & ab ipso mouentur, & con-
seruantur; & ipsius gratia, & propter ipsum: & in ip-
so omne principium ad exemplar, ad finem, ad causam
efficientem, ad formam, ad materiam pertinens, & de-
niq. omne principium, omnis conseruatio, omnis fi-
nis; & vt summatim dicam, omnia quæ sunt, ex pulchro
& bono existunt; & omnia quæ non sunt, in pulchro &
bono sunt supra substantiam; & est omnium principium
supraquam principiale; & finis supraquā perfectus: quo-
niam ex ipso, & per ipsum, & in ipso, & ad ipsum om-
nia, sicut ait sacra scriptura. Vniuersis igitur pulchrum
& bonum desiderabile & amabile est; & ab vniuersis di-
ligitur, & propter ipsum, & ipsius causa, & inferiora a-
mant superiora, conuertendo se ad ea; & quæ sunt eiuf-
dem ordinis amant similia, communicando; & maiora
minora, prouidendo eis; & singula se ipsa, conseruando
se; & omnia pulchrum & bonum expetendo, faciunt &
volunt quæcumq. faciunt & volunt. Hoc autem confi-
denter & vere dici potest, quòd ipse qui omnium auctor
est, propter summam bonitatem omnia amat, omnia fa-
cit,

Rom. II.

Prov. 8.

Sap. 7.

In oratione
in natiuitate
Christi.

cit, omnia perficit, omnia conseruat, omnia ad se conuer-
tit, & est diuinus amor bonus boni propter bonum. ipse
enim amor effector bonitatis rerum, cum esset ante om-
nia in bono excellenter, nō fuit manere ipsum in se sine
fecunditate; quin potius mouit ad operandum, vt excel-
lenti potestati omnium effectrici conueniebat. Rursus
idem cap. vii. Et quidem, quod dixi, ex omnibus co-
gnoscenda est hæc sapientia; hæc enim est quæ, sicut ait
scriptura, omnia facit, & semper omnia aptat, & est
causa concentus & ordinis omnium non dissolubilis,
semperq. extrema priorum cum principijs secundorū
coniungit; & vnam vniuersi conspersionem atq. con-
sensum pulchre efficit. Et Gregorius Theologus: Quia
vero, inquit, non satis erat summo illi bono moueri so-
lum sui ipsius contemplatione, sed oportebat diffundi,
& meare, vt essent plura beneficijs affecta; hoc enim erat
summæ bonitatis; primū cogitabat angelicas & cælestes
potestates, & erat cogitatio opus verbo completum, &
spiritu consummatū. & paulo post: Secundo cogitabat
hunc mundū materiātum, & qui cernitur, & quæ deinceps
sequuntur. & idem iterum in oratione de constitu-
tione episcoporum: Responde, inquit, mihi disputator,
ad effugiendum difficilis, Si creatus est, quomodo crea-
tus est? & quare a me, quomodo genitus: si passio circa
generationem; passio item circa creationem. si enim nō
est passio informatio cogitationis, & cura, & eorum quæ
vniuersa simul cogitata sunt, explicatio in partes, &c. &
rursus idem: Et si quia ea quæ apud nos fiunt, cū aliquan-
do non essent, postea sunt, idcirco etiam filium coges ex
ijs quæ non sunt, ad id quod est, deuenire, &c. adhuc idē
in oratione in nouam Dominicam: Deus, inquit, qui
voluit hunc mundum constituere, qui ex ijs quæ viden-
tur, & quæ non videntur, constitutus est, qui est magnus
& admirabilis præco magnitudinis eius, æternis quidem
ipse est lumen: & S. Maximus capite vi. tertiæ centu-
riæ: Si omnis participatio prius cogitatur quàm partici-
pantia, omnia plane omnibus modis immenso interual-
lo superat causa omnium, quæ natura prius quàm ea quæ
sunt, & est, & cogitatur, nō sicut substantia prius quàm
accidentia (alioqui demonstraretur Deus habere com-
positio-

positionem, qua complementum existendi constaret, ipsam scilicet substantiam rerum) sed sicut quod est supra substantiam, priusquam substantia cogitatur. si enim artes figuras eorum quæ arte fiunt, e se adiutenerunt, natura vero vniuersalis species quæ subter ipsam sunt; multo magis Deus substantias eorum quæ sunt, ex ijs quæ non sunt, effecit, vt qui supra substantiam est; multo magis Deus substantias rerum ex nihilo produxit, vtpote supra substantiam existens. & magnus Athanasius in epistola ad Serapionem: Natura vero, inquit, eorum quæ generantur & creantur, mutabilis est, vtpote quæ extra substantiam Dei est, & ex nihilo extitit. & Theologus Damascenus: Qui, inquit, ex nihilo vniuersa nutu tuo ineffabili produxisti. Ex his manifestum fit, quod Deus qui auctorem sui non habet, & causa infinita est, ex nihilo creat & condit omnia; & ipse solus est vnum illud supra substantiam, & vniuersorum effector.

Scholia.

Perfectiones ¹ totorum) quando ex copulatione partium existit forma, quæ est perfectio totius. quantum, ² quam magnum, vel paruum) hoc quod Græce *πᾶν* dicitur, refertur ad certam magnitudinem, vel paruitatem, vt bicubitum, tripedale, bipedale; illud vero, quantum, ad incertam. infinitum ³) scilicet potentia, quod conuenit quantitati continua secundum diuisionem; & quantitati discrete secundum appositionem. comparationes ⁴) Comparatio pertinet ad relationem conuenientie, vt idem, æquale, simile. separationes ⁵) separatio spectat ad relationem differentie, vt diuersum, inæquale, dissimile. omnis ⁶ infinitas) est enim multiplex infinitudo, alia quantitatis, alia materie prime, quæ non est determinata ad vnā formam, sed in potentia ad infinitas. omnis ⁷ finis) substantie, motus ad operationes; & operationis, ac perfectionis. definitiones etiam sunt quidam fines, & terminationes rerum. itaq. vbi est aliquis finis ex istis, ibi non est infinitas. omnis ⁸ intelligentia) S. Thomas legit in suo textu, Omnis actio, vt si Græce fuisset *ἡ ἀπὸ τοῦ νοῦ*, vt nunc est *ἡ ἀπὸ τοῦ νοῦ*. semper ⁹ extrema priorū cum principijs secundorum coniungit) Significat nihil esse inter creaturas medium vacuum & inane, sed omne esse plenum creatura; hæc enim est definitio eorum quæ se tangunt, quorum termini sunt simul: significat etiam esse conspirationem quandam omnium partium in vniuerso secundū ordinem & proportionem conuenientem: extremum ignis conspirare & coniungi cum principio aeris; extremum aeris cum humore aquæ; extremum aquæ cum sicco terræ: & similiter ascendendo ab elemento terra ad

re ad ignem reperietur similis coniunctio in extremis priorum cum principijs secundorum. ad eundem modum in tempestatibus anni extremum hiemis cum principio veris; extremum veris cum principio aestatis; extremum aestatis cum principio autumnii. huiusmodi coniunctiones ac conspirationes dicuntur a Dionysio ἀνὰ δέξιας, quod uno verbo Latine exprimi non potest.

Quod omni creatura ex nihilo creata voluntate Dei, neq. ævum, siue sæculum coeternum est Deo infinito, neq. tempus, nec aliud quidquam ex ijs quæ cum ævo vel tempore sunt. inscribitur vero etiam sic, Quod nihil eorum quæ sunt, coeternum est auctori: solus autem Deus ex æternitate est ante sæculum. Cap. III.

Dan. 7.

Magnus Dionysius cap. x. de diuinis nominibus ait: Laudatur Deus ab antiquitate dierum, quia ipse est omnium ævum, & tempus; & ante dies, & ante ævum, & tempus; & quidem tempus, & dies, & tempestiuitas appellandus est ipse, ut Deum decet, tamquam qui omni motu est immutabilis, & immobilis, & semper mouetur, manens in se ipso; & tamquam auctor æui, & temporis, & dierum. Rursus idem ibidem: In scripturis etiã aliquando celebratur ævum temporale, & æternum tempus, tamen si scimus, quæ magis proprie sunt, potius per ævum, quæ autem fiunt, potius per tempus efferri & declarari. Oportet igitur non simpliciter arbitrari ea quæ æterna dicuntur, coeterna esse Deo, qui est ante æternitatem; sed potius sequentes incorrupte scripturas maxime venerandas, oportet æterna quidem & quæ in tempore sunt secundum modos in eis notos accipere; media vero inter ea quæ sunt, & quæ fiunt, illa numerantur, quæ cumq. partim ævum & partim tempus participant: Deum autem ut ævum & ut tempus celebrare oportet tamquam omnis temporis & æui auctorem; & antiquum dierum tamquam ante tempus, & supra tempus; & ut variantem tempestiuitates & tempora; & rursus ut ante secula existentem, quatenus est ante sæculum, & supra sæculum, siue ævum, & regnum eius regnum omnium sæculorum, amen. Ad hæc autem & magnus ille Moyses, Dominus, inquit, regnans in sæculum, & super sæculum. Et in his adhuc

ibid.

† Regnum
omnium sæ-
culorum tem-
poralium &
æternorum.
Exod. 15.

adhuc S. Maximus, Sapientissime, inquit, ad pietatem
 prœmunit, inquiens non oportere suspicari quæ æterna
 dicuntur, eo ipso coæterna esse Deo, qui est ante sæcula.
 iam enim supra diximus, æternum dici proprie non ip-
 sum sæculum, siue æuum, sed id quod æuum participat.
 Igitur τὰ νοητά, idest, incorporea, quæ proprie sunt, vtpo-
 te creata immortalia, etiam æterna vocare oportet, tam-
 quam quæ voluntate Dei ab interitu libera durent, quæ
 scilicet a Deo producta sunt, cum prius non essent. pro-
 prie vero loquens ea præcipue quæ apud philologos gen-
 tiles grauiæ & honesta habebantur, ad pietatem caute tra-
 ducit. Ait igitur esse quidem, & æternas esse incorpo-
 reas potestates a Deo productas, non tamen coæternas
 Deo, vt gentiles delirè nugantur, aientes, simul Deus,
 simul omnia. & iterum idem in centurijs Theologicis
 centuria prima, cap. IIII. V. VI. Non est, inquit, Deus
 substantia, vt substantia, quæ simpliciter, aut quodam
 modo dicitur, vbi & principiū est; neq. potestas, vt pote-
 stas, quæ simpliciter, aut quodam modo dicitur, vbi &
 medium est; nec opus, vt opus, quod simpliciter, aut quo-
 dam modo dicitur, vbi & finis est motus ipsius substan-
 tiæ secundū potentiam prius cogitati; sed idem ipse est
 & substantiæ effector, & supra substantiam; effectorq. po-
 tentiæ, & supra potentiam, firmitas atq. vis, & immorta-
 lis facultas omnis efficientiæ; & vt breuiter dicam, prin-
 cipij, medij, & finis auctor. & adhuc idem: Principium,
 & medium, atq. finis notæ sunt eorū quæ tempore diui-
 duntur; & quod vere dici potest, eorum etiā quæ cum quo
 contemplamur. tempus enim cum motum habeat men-
 suratum, numero circumscribitur; æuum vero cum ha-
 beat prædicamentum quando simul cum existentia cogi-
 tatum, subit dimensionem tamquam principium existen-
 tiæ capiens. si autem tempus & æuum non carent prin-
 cipio, multo magis non carent quæ in his continentur.
 & rursus: Vnus & solus secundum naturam semper, pro-
 prie est Deus; totum proprie esse omnibus modis in se
 includens; quippe qui est superior quàm ipsum proprie
 esse. quod si hoc ita est, nihil penitus eorum quæ esse di-
 cuntur, habet proprie esse. nihil igitur omnino simul cū
 eo ex æternitate cogitatur substantia diuersum, nō eum,

A a non

Rom. II.

Psal. 70.

Psal. 144.
C 146.

Cap. 1.

non tempus, neq. quidquam eorum quæ in his viuunt : non enim inter se vnquam conueniunt proprie esse, & non proprie esse. & rursus idem cap. x. eiusdem centurię: Principium eorum quæ sunt, & medium, & finis est Deus tamquam agens, & non patiens; sicut & alia omnia, quibus apud nos nominatur. est enim principium, tamquam creator; & medium, tamquam prouidens; & finis, tamquam circumscriptio. ex ipso enim, inquit, & per ipsum, & in ipsum omnia. & rursus idē cap. lxxviii. eiusdem centurię: Eorum quæ sunt ad aliquid, sunt sæcula, & tempora, & loca, sine quibus nihil est eorum quæ simul cum his cogitantur: Deus autem non est ex ijs quæ sunt ad aliquid. non enim habet quidquam in vniuersum, quod simul cum eo cogitetur. Si igitur Deus est hereditas eorum qui digni sunt, qui hac gratia dignus habetur, erit supra omnia sæcula, & tempora, ac loca, pro loco habens ipsum Deum, sicut scriptum est: Esto mihi in Deum protectorem, & in locum munitum, vt saluum me facias. Et iterum idem in centuria quarta de charitate, cap. i. ii. iii. iiii. v. vi. Primum, inquit, admiratur mens cogitans diuinam in omnibus infinitatem, & illud pelagus immensum, & desideratissimum: secundo obstupescit, quomodo ex nihilo ea quæ sunt, produxit. Sed sicut magnitudinis eius non est finis, sic neq. sapientię eius est inuentio. Præterea, Quomodo enim nō demiratur, & plusquam obstupescit contemplanis infinitum illud bonitatis pelagus? aut quomodo non stupet cogitans, quomodo, & vnde substantia rationis particeps, & substantia intelligens facta est; item quatuor elementa, ex quibus corpora, nulla materia eorum ortum antegressa? qualis potestas illa, quæ ad effectiōem excitata, hæc produxit, & vt essent, effecit? Verum hoc gentiles non concedunt, qui omnipotentem bonitatem, & sapientiam, & cognitionem eius, quæ mente comprehendendi non potest, ignorant. Præterea, ex æternitate creator cum sit Deus, creat quando vult verbo eiusdem substantiæ, & spiritu propter infinitā bonitatem. Et ne dicas, Qua ratione nunc creauit, qui erat semper bonus, & non prius? Quoniam & ego tibi dico, infinitæ substantiæ sapientiam quæ inuestigari non potest, non cadere in cogni-

cognitionem humanam. item, cognitionem rerū, quam Cap. 3.
 in se ante existentem creator mundi habebat, quando vo-
 luit, fecit substantiam esse, & produxit. absurdum enim
 est de Deo omnipotente ambigere, an possit, cum velit,
 aliquid facere, vt existat. adhuc idem: Quam ob cau- Cap. 4.
 sam Deus creauit? quere, sciri enim potest. quomodo
 autem, & quamobrem recenter creauit? ne queras. non
 enim sub intelligentiam mentis tuę cadit: quoniam eo-
 rum quę sunt diuina, partim intelligi possunt, partim
 non possunt. contemplatio namq. effrenata fortassis a-
 gat præcipitem, vt quidam ex sanctis dixit. Idem adhuc:
 Nonnulli aiunt, existere simul cū Deo ex eternitate crea-
 turas: quod quidem fieri non potest, quomodo enim ea
 possunt ex eternitate simul existere cum vndiq. infinito,
 quę sunt vndiq. finita? aut quomodo sunt creaturę, si
 cōæterna creatori sunt? Verum hoc loquuntur gentiles,
 qui introducunt Deum non quidē substantię, sed qualita-
 tum esse auctorē. nos vero qui Deum esse omnipotentem
 nouimus, non qualitatum, sicut illi, sed substantiarū qua-
 litates habentium effectorem esse dicimus. quod si hoc
 ita est, non ex eternitate simul cum Deo creaturę extite-
 runt. adhuc idem cap. x i i i. Esse semper, aut non esse
 substantiam rationis participem & intelligentem, in vo-
 luntate Dei, qui omnia bona creauit, positum est; esse au-
 tem bonos secundum electionem, aut prauos, in volun-
 tate eorum qui facti sunt. & rursus idem in cap. x. Om-
 nis substantia intelligens, & sentiens, cum productę
 sunt, acceperunt a Deo potestates percipientes res: sub-
 stantia quidem intelligens accepit notiones, sentiens ve-
 ro sensus. Ex quibus efficitur manifestum, nihil neq.
 temporum, neq. sæculorum, nec quidquam eorum quę
 in ipsis temporibus, aut sæculis sunt, cōæternum esse in-
 finitati Dei, quę omnium causa est, & supra omnia est,
 & cuius voluntate omnia ex nihilo facta sunt, siue a tem-
 pore, siue a sæculo ortum duxerint. demonstratū namq.
 est, omnibus notum esse, qui mediocriter ea quę sunt,
 considerauerint, quod qui sæcula, & locum in his velut
 receptaculum eorū quę fiunt, produxit vniuersi auctor,
 in his creat omnia. nec enim fieri potest, vt aliquid eo-
 rum quę per creationem facta sunt, aut per generatio-

A a 2 nem

nem, non omnino aut in sæculo, aut in tempore sit, quod si hoc verum est, omne quod est, quod quidem non a tempore cœpit, liquet a sæculo principium habuisse; nihilq. rerum a creatione Dei abesse.

Ex S. Maximo & Georgio Pachimero.

Omnium æuum & tempus) Æuum angelorum qui sunt in æuo, quos antea ab æuo æternos nominauerat; tempus eorum quæ sunt subiecta tempori, idest, eorum omnium quæ facta sunt post cælum, ex cuius motu existit tempus, idest, numerus motus cæli secundum prius & posterius. ut 2 Deum decet) Dicitur enim æuum, siue sæculum, & tempus, & dies, sed immutabiliter, quia omnia quæ sunt in his, scilicet æuo & tempore & die, mutationem conuenienter naturis suis capiunt: ipsa vero æuum, & tempora & dies, quatenus æuum & tempora & dies sunt, quadam imitatione Dei immutabilia sunt. cum enim omnis mutatio in tempore fiat, quali tempore temporis mutatio fieret? Variationes vero anni, veris scilicet, æstatis, autumnii, & hiemis, quas vocamus tempestiuitates, mutationes quidem temporum & dierum sunt secundum qualitates, non autem temporum & dierum secundum se, idest, quatenus tempora & dies sunt. Sicut ergo omnia in his mutantur, ipsa vero manent immutabilia, sic & Deus, ut Deum decet, semper mouetur, in se aliqui manens. Fortasse quaeratur aliquis, ubi in scriptura appellatur Deus tempus, dies, & tempestiuitas; si Deus est omnia αἰτία, idest, secundum causam, quia omnia fecit secundum ideas æternas, quæ sunt ipse Deus. ubi scriptura dicit Psal. 73. Tuus est dies, & tua est nox; tu fabricatus es auro-ram & solem; ibi appellat & laudat eum tamquàm tempus & diem. & cum dicit in eodem Psal. Æstatem & ver tu plasmasti ea; ibi similiter appellatur & laudatur Deus tamquàm tempestiuitas, quæ a Grecis dicitur καιρός, sicut tempus dicitur χρόνος. secundum 3 modos in eis notos) idest, secundum scopum scripture, secundum inquam naturam eorum quæ dicuntur in scripturis æterna, aut temporalia. angeli enim dicuntur in scriptura æterni (Psal. 23. Eleuamini porte æternales) quia sunt participes æui, & antiquissimi omnium creaturarum. dicitur etiam æuum siue sæculum Græce αἰών, extensio siue duratio ipsa temporis, ut illud: Vsq. ad consummationem sæculi. & Psal. 76. Annos æternos in mente habui. & 2. Cor. 4. Deus huius sæculi. perinde enim est, ut si interpretes vertisset, huius æui, siue æternitatis. Græce est αἰῶνος. Exod. 21. Erit ei seruus in sæculum, siue in æternum. hanc igitur vocat scriptura temporalem æternitatem, sicut apud Paulum dicitur tempus æternum, 2. Tim. 1. Ante tempora secularia, Græce est αἰώνια, idest, æterna. & Tit. 1. Ante tempora secularia, Græce etiam αἰώνια, idest, æterna. & Rom. 16. Secun-
cun dum

Matth. 28.

cundum reuelationem mysterij temporibus eternis taciti; idem vocabulum est Grece, quod in hoc loco interpretes vertit eternum, & in alijs seculare. media 4 vero) quia illa quæ proprie sunt, diuina in quâ, quæ sunt supra omnem creaturam, auctore, siue eternitati attribuit, tametsi supra auctorem, siue eternitatem sunt; illa vero quæ ortum & interitum capiunt, temporis; idcirco media inter ea quæ sunt, & quæ fiunt, angelos & animas dicit: quæ quidem partim auctorem, ut angeli, participant, ut pote immortales, & ab interitu liberae; partim vero tempus, quia fiunt. Substantia 1 quæ simpliciter) Substantia simpliciter est substantia abstracte considerata, quæ dicitur per se substantia, solū continens in notione sua quæ ad essentiam substantiæ pertinent. hanc notionem primum menti informamus; postea notionem vniuersalem, notionem inquam substantiæ non abstracte cogitata, sed vniuerse, ut est substantia communis, quæ ratione differt a substantialitate abstracta, sicut humanitas ab homine. postea consideramus substantiam communem secundum singulas species. hæc substantia communis, & etiam singularis, non simpliciter, sed quodam modo substantia est, quia substantia communis est per participationem per se substantiæ, & particularis substantia per participationem vtriusque, communis scilicet, & per se substantiæ. In huiusmodi ergo substantia siue simpliciter, siue quodam modo, principium est motus: Deus autem non est principium, quod habeat habitudinem ad id, cuius principium est, immo est principium supra principium, omni habitudine solutum. similiter potentia simpliciter est potentia abstracte considerata, quæ dicitur per se potentia, quæ est ipsa essentia potentiæ, cuius per se potentiæ participatione est potentia communis, & ob hanc causam est quodam modo potentia; similiter potentia particularis est quodam modo potentia, quia est per participationem potentiæ communis, & per se potentiæ. huiusmodi potentia siue simpliciter, siue aliquo modo, est media inter substantiam & opus, quod fit per motum substantiæ. non enim fieri potest opus, nisi sit potentia efficiendi illud. Opus simpliciter est opus per se & abstracte consideratum, id est, ipsa essentia operis. opus quodam modo est opus ipsum vniuerse consideratum, quod est per participationem operis simpliciter, quod dicitur per se opus; aut opus particulare, quod est per participationem operis vniuersalis, & per se operis. in huiusmodi opere, siue simpliciter, siue aliquo modo finis est; ut sanitas quomodocumq. consideretur, siue abstracte, & per se, siue communiter, & vniuerse, siue sit in particulari, finis est medicationis, quæ est motus medentis prius cogitatus secundum potentiam, quam sanitas, quæ non potest fieri per medicinam, nisi prius cogitetur potentia ad sanandū. Deus autem neq. finis est, neq. mediū, quatenus hæc in ijs quæ sunt ad aliquid, numerantur, quæ simul esse cogitantur. cū infinito autem nihil finitū simul esse cogitari potest. Con-

ferenda

ferenda sunt hec cum cap. 4. quintæ decadis; & illic etiam obseruandum est, quàm ingeniose, quæ Plato in Timæo. & Parmenide scripsit de speciebus siue ideis ingentis, & sine interitu, separatis, immutabilibus, natura consistentibus, tamquam effectricibus rerum singularium, correxit & traduxit ad rerum dogma de principijs, non quæ cause per se existant, neq. sint non facta, sed quæ habeant in nobis esse tantum intelligibile & immutabile a Deo manans, sintq. veluti formæ quædam intelligibiles ratione tantum a rebus ipsis separate, quod enim est singulare, posterius est intelligentia, quod intelligi non potest sine prioribus, quæ sunt quod quid est speciei, & species ipsa, quæ a singularibus participantur, & prius esse habent secundum notionem, non enim esset hic homo in notione, nisi homo species eius prius haberet esse intelligibile; neq. homo diceretur esse secundum notionem, nisi prius humanitas haberet esse intelligibile: hæc enim continet quod quid est speciei hominis: similiter in reliquis, non esset hæc vita in notione, aut hæc similitudo, nisi esset vita & similitudo vniuersæ considerata; nec ista esset, nisi esset prius secundum notionem quod quid est ipsius vitæ & similitudinis, quæ vocatur vita simpliciter, & similitudo simpliciter, siue per se vita, & per se similitudo. quippe qui est & superior, quàm ipsum proprie esse) quatenus a nobis scilicet cogitari potest, sicut dicitur Deus esse supra Deum, ὡς ἡμεῖς εἰδότες, ut ait Dionysius, idest, secundum nostram cognitionem; supra Deum, inquam, per participationem, quem in creaturis cognoscimus, sicut scriptum est: Ego dixi, dñs estis. sic etiam est bonus supra bonitatem, quæ a nobis in creaturis cognosci potest, itaq. proprie esse, de creatura dicitur & de Deo, sed æquiuoce, ut bonus, & Deus.

Psal. 81.

Non est alienum ab hoc capite, nec a proximo sequenti, explicare quomodo intelligendum sit quod Pont. Rom. credidit de creatione angelorum, & ad credendum catholicis proposuit in cap. firmiter credimus. de summa Trinit. & fid. cath. non enim discrepat decretalis ab eo quod hic tradit Dionysius, immo conuenit; cum ait, Vnum vniuersorum principium creator omnium visibilium & inuisibilium, qui sua omnipotente virtute simul ab initio temporis utramq. de nihilo condidit creaturam, spiritualem & corporalem, angelicam videlicet, & mundanam, & deinde humanam, quasi communem ex spiritu & corpore constitutam. hætenus decretalis. sed dilatandus est aliquantulum hic locus. Querit beatus Athanasius in quæstionibus ad Antiochum principem, quæst. 4. quādo, & quomodo, & vnde facti sint angeli. Respondet ad quæstionem, nec quando, nec quomodo facti sint, ab humana natura dici posse, præterquam hoc solum, factos esse verbo Dei ex nihilo; quando vero, Alij, inquit, aiunt primo die; alij ante primum diem. Creatos vero esse, testatur, inquit, Propheta, cum ait:

Psal. 148.

Laudate eum omnes angeli eius; quoniam ipse dixit, & facta sunt; ipse

ipse mandauit, & creata sunt. Moysen enim ait, quia sciebat esse In-
 deos idololatriæ & multitudini deorum deditos, idcirco non fecisse
 sermonem de angelis in Genesi, ne eos ceu deos colerent, vt in vitu- **Exod. 32.**
 lo, & in alijs idolis postea fecerunt. quod ergo ex scripturis sanctis
 disci poterat, vtramq. scilicet creaturam spiritualem & corporalem,
 simul & ex nihilo esse a Deo conditam: omnia enim per ipsum facta **Ioan. 1.**
 sunt: & Qui vixit in æternum, ait Ecclesiasticus, creauit omnia si- **Eccli. 18.**
 mul. vtrumq. horum decretalis catholice fidei subiecit. Illud vero,
 simul ab initio temporis, sicut ad creaturam corporalem, idest, ad
 mundum qui ceruitur, & quacumq. in eo continentur, referri vo-
 luit, quia scriptum est: In principio creauit calum & terram: sic **Gen. 1.**
 ad angelicam naturam non necesse est secundum scripturam, referri
 voluisse, quia vt paulo ante aiebat Athanasius, quando angeli crea-
 ti fuerint, humana naturam dicere non potest. sed quia durationem
 angelorum, que non est subiecta tempori, quia est tota simul, & in-
 uariabilis, que est & dicitur in sacris litteris æuum, non possumus
 cognoscere, nec alijs manifestare, nisi per extensionem nostri tempo-
 ris ex horis, diebus, & annis constantem, quam scriptura æuū quoq.
 aliquando vocat, vt Dionysius notauit: idcirco Pontifex proposuit
 ad credendum, simul ab initio temporis vtramq. creaturam spiritua-
 lem & corporalem conditam esse, nomine itaq. temporis æuū & tem-
 pus comprehendit Pontifex, imitatus Dionysium: quare non prohibet
 hæc decretalis, quin liceat sentire quod Apostolorum discipuli Cle-
 mens & Dionysius, quos multi alij postea secuti sunt, senserunt,
 creatos fuisse angelos ante mundum. de angelis enim interpretatur
 Dionysius dictum esse illud: Eleuamini porte æternales: quia anti- **Psal. 23.**
 quum & inuariabile, & metiri secundum totum esse, proprietatem
 æui esse dicit: quare si æuum antiquius est tempore, & æuum dicitur,
 & est duratio angelorū, sunt igitur angeli ante tempus, & ante ea
 que sunt in tempore, creati. Idem sensit S. Maximus in prima cēturia
 Theologica: si enim angelos non creasset ante tempus, cum quo ortus
 est mundus, antiquius virtute fuisset non esse virtutem, & bonitate
 antiquius non esse bonitatem, que absurda S. Maximo esse videtur.
 sed que S. Maximus de hac re sensit, proximo sequenti capite latius
 explicanda & repetenda sunt. Sic etiam intelligendum est quod Epi-
 phanius disputans contra hæresim Pauli Samosatani ait, Non esse an-
 gelos ante calum & terram creatos, cum plane, inquit, hoc dictum
 non sit mutabile, quod ante calum & terram nihil erat ex creatis:
 nam in principio fecit Deus calum & terram, vt principium sit: & **Gen. 1.**
 nihil ex creatis ante hoc ipsum sit. hæc tenus Epiphanius. Verissimum
 est ante calum & terram nihil fuisse ex creatis scilicet in tempore.
 sic enim intelligendū est, Angeli autem in æuo creati sunt. æuum enim
 est mensura eorum que non sunt tempori subiecta. Idem quod hæc de-
 cretalis

cretalis, dixit prius synodica epistola Sophronij patriarche Hiero-
solymitani missa ad Honorium primum, & non ad Sergium Con-
stantinopolitanum, ut Photius Constantinop. in sua bibliotheca testa-
tur. recitata fuit hac epistola in sexta Synodo, & in XI. actione
collocata. Loquens ergo de creatione mundi a Deo facta, sic confi-
tetur Sophronius: καὶ τοῖς πᾶσι ἁπλῶς ἀρχὴν χρόνου, idest, &
omnibus decreuit principium temporis: quia angeli licet immor-
tales sint, hoc habent commune cum ijs quæ sunt in tempore, quod
facti sunt; idcirco tempus eis attribuit. hunc plane secutus est Ponti-
fex in sua decretali, & Sophronius secutus plane Dionysium, quem
in eadem synodica citat (ne quis dicat ignotum fuisse Dionysium So-
phronio.) Esse igitur angelos ante mundum hunc corporeum creatos,
tradit Dionysius hoc loco, & Apostolica doctrina libro VIII. Clemen-
tis, cap. XII. & eam secutus Gregorius Nazianzenus in sermone de
natali Christi, & in secundo de Pascha, & hunc secutus Damasce-
nus libro 2. de fide orthodoxa. Quomodo vero intelligendum sit,
creaturas spirituales & corporales simul creatas esse, illas cum ævo,
has cum tempore, ut hoc quoq. non prætereamus, explanavit idem
Athanasius libro 3. contra Arium, intuens in illum locum Eccli.
cap. 18. Qui vivit in æternum, creavit omnia simul: Nihil enim,
ait, ex rebus creatis ante alia sui generis conditum esse; sed omnia
simul uno eodemq. mandato facta sunt. & paulo ante magis adhuc
explicat, cum ait nihil esse in rebus creatis, quod ipsum unum, & so-
lum, & primum ante alia scilicet sui generis factum sit, sed cum om-
nibus simul κατὰ γένος ἡπάξιν, idest, cum omnibus sui generis, vel
ordinis, nullum enim, inquit, ex astris, aut ex magnis luminaribus
ita apparuit, ut hoc prius, illud posterius in rerum naturam emerge-
ret; sed omnia eodem die, eodemq. iussu ortum ceperunt, quàmvis
alia ab alijs splendore differant; similiter in quadrupedibus, volucri-
bus, piscibus, pecoribus, stirpibus. similiter, inquit, Adam quàmquã
solus e terra formatus est, fuere tamen in eo etiam tunc rationes suc-
cessionis posteritatisq. humani generis. subiungit deinde: Et ex crea-
tione mundi visibilia invisibilia eius (angelos dicit) hoc etiam gene-
re operum, inquit, facta esse intelligimus, colligimusq. ne in illis qui-
dem quidquam seorsum in suo genere aut prius, aut posterius creatum
esse; sed omnia simul, quæ eiusdem condicionis sunt; extitisse, non
enim singulas res enumeravit Apostolus, ut in hunc modum diceret:
Siue angelus quispiã, siue thronus aliquis, siue dominatio illa, aut illa,
aut hic vel ille ex potestatibus, sed universos simul, qui eiusdẽ ordinis
erant, comprehendit, siue, inquit, throni, siue dominationes, siue principa-
tus, siue potestates, &c. hætenus Athanasius. Omnes itaq. Cherubini
simul creati sunt; simul item Seraphini, & simul Throni, similiter in
reliquis ordinibus, in quibus, quod ad creationem pertinet, non est
quid-

Græce est apud Colof. 1.
ἄγγελοι, siue angel, siue
archangeli. ubi sensu scri-
ptura secutus est. perim-
de n. est ac si Paulus de an-
gelis et et archangelis meni-
nisset, de quib. meminerunt
scriptura. eadem n. rō fuit
creandi oēs angelos simul, et
oēs archangelos simul, quæ
fuit creandi oēs dominatio-
nes et oēs principatus simul.

quidquam prius, aut posterius, licet gloria & honore inter se differant. Sic probat beatus Athanasius contra Arium non esse verbum creaturam; alioqui, inquit, necesse erat, ut simul cum alijs ex ordine virtutum crearetur, & non ante; licet gloria ceteris antecelleret, ex quo rursus fieret, ut non posset esse primum & initium aliorum, ut Ariani volebant. tradebant enim creatum esse verbum, ut per eum Deus omnia alia crearet; quasi non esset de numero omnium; cum tamen tale principium omnium, ait Athanasius, in omnibus connumeretur, atq. ita concludit, differre verbum substantia & natura a creaturis; solumq. eum esse solius veri Dei imaginem.

Quod nullum opus est, quin sit creatura Dei; & in quibus nam Deus sabbatum agitatur: & quod manifestum est, quia cepit Deus numerare secundum tempus, cum cepisset a tempore, ab ijs ipsis secundum tempus aliquando quieuit, id est, septimo die.

Aliter.

Quod nihil eorum quae sunt, caret principio, quin potius vel est ex principio temporis, vel ex principio sui, siue saeculi: Deus autem simpliciter & infinite est sine tempore. Cap. llll.

SANCTUS Maximus in Theologicis centurijs centuria prima, cap. xxxv. Quaecumq. in tempore secundum tempus creata sunt, postquam sunt perfecta, finem faciunt naturalis accretionis. quaecumq. vero secundum virtutem scientia Dei conficit, postquam consummata sunt, rursus mouentur ad incrementum. eorum enim consummationes aliorum sunt principia. Qui enim defuit in se ipso, facere quae ortum & interitum capiunt, alias diuiniore formationes incepit, quia numquam Deus desinit agere pulchra illa, quorum neq. principium habuit. siquidem sicut proprium luminis est illuminare, sic proprium est Dei benefacere. Quamobrem in lege, quae exponit constitutionem eorum quae secundum tempus oriuntur & occidunt, honoratur sabbatum per quietem; in Euangelio autem, quod statum rerum spiritualium introducit, exercitatione bonorum operum hoc sabbatum splendet. Iterum idem cap. l. eiusdem centuriae: Sextus, inquit, dies secundum scripturam enarrat complementum eorum quae sunt sub natura; septimus vero circumscribit motum proprium temporis; octauus notat &

B b designat

designat modum status supra naturam, & tempus. Idem cap. LIIII. Qui sextum diem compleuit diuine cū operibus, & notionibus sibi conuenientibus; ipse etiam operibus suis cum Deo honeste perfectis, pertransiuit perspicientia mētis omnes res nature & tempori subiectas, & ad contemplationem mysticam eui & æternorum se transtulit, sabbatum mente agitans ignote, rebus ipsis ex toto relictis, & superatis. Qui autem octauo die dignus est habitus, is a mortuis excitatus est, idest, ab omnibus quę sub sensum & intelligentiam cadunt, & a verbis & notionibus; & vixit beatam vitam Dei, qui solus vere & proprie vita dicitur, & est; vt qui ipse etiam sit deificatione Deus. Idem rursus cap. LVIII. Sextus dies rationem existentie rerum designat; septimus modum boni status rerum; octauus vero mysterium boni semper status. Idem cap. LX. Qui propter nos quietem Dei septimo die, & propter nos operationem eiusdem octauo die, idest, mysticam resurrectionem participatione deificationis participauit. Et rursus idem cap. IIL. & IL. & L. eiusdem centurie: Quærendum est ab studiosis, quæ opera intelligenda sint, quæ cœpit Deus creare; & quæ rursus, quæ non cœpit. Si enim ab omnibus operibus, quæ cœpit facere, cessauit; manifestum fit, non cessasse ab illis quę non cœpit facere. Dubium videtur, nūm opera Dei quæ secundum tempus esse cœperunt, sint omnia quę essentiam participant, cuiusmodi sunt variæ substantiæ eorum quæ existunt. habent enim non esse antiquius quàm esse; quia erat quando nō participabant essentiam. Fortassis autem opera Dei quę non cœperunt esse in tempore, illa sunt quæ participantur secundum gratiam ab ijs qui ea participant, vt bonitas, & omne id quod in ratione bonitatis continetur; & deniq. omnis vita, & immortalitas, & simplicitas, & immutabilitas, & infinitas, & quæcumq. circa ipsum secundum substantiam contemplamur; quæ opera Dei sunt, & non cœpta secundū tempus. non enim antiquius virtute erat, non esse virtutem, & similiter in alijs, quæ modo dixi. quamuis quæ ipsa participant, ipsa esse cœperint secundū tempus. Omnis namq. virtus principio caret non habens tempus antiquius se, vt pote quæ Deū solum habet qui eam æterne generat.

generat. Idem adhuc, Immenſe & in infinitū exemptus eſt Deus ex omnibus participantibus, & participatis. Omne enim quod habet rationem cur ſit, opus Dei plane eſt; & partim quidem ſecundū ortum cœpit eſſe in tempore; partim vero ſecundum gratiam inſitum eſt creaturis tamquā quēdam vis, ſiue facultas innata, quæ Deum in omnibus aperte & clare prædicat. & ruruſus, Vniuerſa immortalia, & ipſa immortalitas; & cuncta viuentia, & ipſa vita; & ſancta omnia, & ipſa ſanctitas; & omnia virtute prædita, & ipſa virtus; & omnia bona, atq. ipſa bonitas; & cuncta quę exiſtunt, & ipſa exiſtentia, opera Dei plane ſunt; ſed opera Dei partim ſunt non cœpta tempore (non enim erat, quando non erat virtus, & bonitas, & ſanctitas, & immortalitas) partim cœpta alioqui in tempore, participatione eorum quę non ſunt cœpta tempore, ſunt & dicuntur hoc, quod ſunt & dicuntur. Deus enim eſt omnis vitæ, & immortalitatis, ac ſanctitatis, & virtutis auctor. ex omnibus namque, quęcumq. intelliguntur & dicuntur, ſupra ſubſtantiam exemptus eſt. Adhuc idem cap. vi. i. centurię primæ: Cuncta quę exiſtunt, intellecta nominantur, & principia cognitionum in ſe ipſis habent indemonſtrabilia: Deus autem non nominatur intellectus a nobis, ſed ex intellectis tantum eſſe creditur. quomobrem nihil eorum quę intelliguntur, cum eo vlla ex parte comparatur. Ex quibus ſit manifeſtum, quod nullū opus Dei effugit, quin ſit ipſius effectus: quod ex Propheta liquet, cum ait: Quam magnificata ſunt opera tua Domine? omnia in ſapientia feciſti. & ruruſus: Veritas & iudicium opera manuum tuarum. Sed quoniam duplex eſt productio operum Dei, & alia quidem cœpto ortu a tempore, ſextimo die deſita ſunt produci; alia vero cum ſint ſupra ortum a tempore, non cadit in ea cogitatio temporis, neq. tempeſtuitatū, ſed cum æuo, ſiue ſæculis tenduntur; idcirco neceſſe fuit demonſtrare, in quibus operibus ſabbatum agitatur Deus, & in quibus non: & quęcumq. ortum & generationem ſubeunt, quia principium habent, habent etiam ſabbatiſmum, ideſt, quietem ſabbati ipſam ceſſationem. Septimo enim, inquit, die requieuit ab omnibus operibus ſuis. Ruruſus vero quęcūq. ante tempora æternæ a Deo

Pſal. 103.

Pſal. 110.

† Tépeſtuitates ſūt verū tempus, æſtas, autumnuſ, hiemſ.

Gen. 2.

B b 2 creata,

creata, in æuo degunt, neq. principium temporis, neq. sabbatissimus in ea cadit, designaturq. in eis status octavi diei, in quo neq. principium generationis est, neq. sabbatissimus, idest, quies sabbati & cessatio; sed potius tamquam liberi ab interitu, & immortales degunt omnes. Non igitur aliqua opera Dei refugiunt, quin habeant principium, sæculum, siue æuum. Quomodo enim refugiant, quorum auctor est, & infinite in infinitum ipsis illis antecellit æque atq. ceteris alijs creaturis? Verum tamen hæc non cœpit Deus generare, quorum non est generatio, neq. tempus; cum æuo tamen dimensione carente ex nihilo etiam hæc facta sunt. Non solum igitur quia hæc opera Dei dicuntur, & eorū auctor Deus, & infinite in infinitū ipsis antecellit, clare intelligitur creaturas & effectus Dei esse; sed etiam quia non cœpisse apposita præfinitione temporis ubiq. exponitur, ut quæ in tempore cœpta sunt, manifeste distinguantur a sæculis cœptis: & omnis virtus carere principio dicitur, sed sic principio carere, ut scilicet nō habens tempus antiquius se, non tamen non habens æuum antiquius. Et sicut magnus Dionysius Deum ait charitatis & amoris productorem & genitorem, hoc autem exponens S. Maximus in scholijs in eum, & in octava centuria cap. LXXXVIII. sic dixit: Charitatis & amoris ipsum Deū scilicet ait genitorem esse. ipse enim hæc in se ipso cum essent, produxit foras, idest, circa creaturas; & sic dictum est: Deus charitas est. Sic igitur non est mirandum, si virtutem dicat hic habere æterne; Deum genitorem: idest, Deus cū haberet eam in se ipso, protulit eam foras, idest, circa creaturas. Similiter illud non erat, quando non erat virtus & bonitas, adiuncto tempore redditur consentiens secum, & cum alijs ante dictis. Nihil igitur eorum quæ antea demonstrata sunt, rationi aduersatur. Deus autem, qui causam non habet, & omnium causa est, ex nihilo producit creaturam; neq. quidquam eorum quæ sunt, quidquid illud sit, coæternum ei est, siue ex ijs sint quæ tempore cœpta sunt; siue non cœpta tempore, sed æuo comprehensa; siue ex ijs quæ sunt participantia, siue quæ participata, & solum ut a participantibus participantur, exposita; siue ex ijs sint quæ intelliguntur; siue quæ intelligunt.

1. Ioan. 4.

.201.109

.011.109

in se ipso
non habet
causam
sed est
causa
omnium

.2.109

.109.109

ligunt. Deus enim infinite in infinitum ex his & illis exemptus est: quoniam solus ipse est omnium vna causa; neq. habet ante se maius aliquid, neq. secum equale, neq. post se minus.

Scholia.

Quorum neq. ¹ principium habuit) Principiū temporis dicit; ante tempus enim in ipsis angelis gratiam & virtutes creare cepit; a quibus numquam desistit in hominibus angelorū vitam & virtutem imitantibus. quaecumq. ² circa ipsum secundum substantiam) illa scilicet dicimur contemplari circa ipsum substantialiter, quæ in creaturis a substantia Dei *αἰτιατῶν*, idest, ratione causa participata contemplamur, ut infinitatem in potentia, immutabilitatem, simplicitatem, & immortalitatem in angelis. omne; quod habet rationem cur sit, creatura est, & opus Dei) Deus enim non est propter se, ut a nobis cogitari potest, ait S. Maximus in prima centuria Theologica; quia necesse est ut illa ratio & causa sit prius; Deus autem nihil habet prius, idcirco neq. Deus est propter se, ut a nobis intelligi potest: quia quod in creaturis intelligimus, causa proprie prior est eo, cuius causa est. quaecumq. ⁴ ante tempora æternæ creauit, in æuo degunt) Æternæ dixit, & non coæternæ; idest, in æuo ante tempus, quod æternæ dici solet, propter angelos, & eorum virtutes, atq. cognitiones. Deus æternæ generat virtutem, idest, ante tempus creatum, hæc enim cum haberet Deus in se ipso, protulit ea foras, idest, circa creaturas, sicut ait S. Maximus. Si enim angelos non creasset ante tempus, cum quo ortus est mundus, antiquius virtute fuisset non esse virtutem, & bonitate non esse bonitatem, quæ absurda esse videntur. valde enim decens videtur, ut illæ perfectiones, quæ a Deo manant, quæ a creaturis *αἰτιατῶν*, idest, create participantur, antiquiores sint ipso tempore, cum quo creature tempori subiectæ illas participant. itaq. sanctitas, & bonitas, charitas, vita, sapientia, & aliæ perfectiones Dei ex Deo *αἰτιατῶν*, idest, efficienter, siue causaliter participatæ non cœperunt creari cum creatione hominis, sed antiquius, ante tempus scilicet cum angelis, qui æternæ, hoc est, in æuo, & non coæternæ Deum laudabant.

Quod nihil eorum quæ sunt, ex se ipso prodiens, est non diuisum; Deus autem secundum vnā suā potestatem multiplicatus, & in omnia prodiens, est non diuisus, & a se non exiens. Cap. V.

Magnus Dionysius cap. iiii. de diuinis nominibus:
Maudendum, inquit, est dicere hoc pro veritate, quod ipse

ipse qui est omnium auctor, pulchro & bono omnium amore propter excellentiam summam amatorie bonitatis extra se per prouidentias omnium rerum existit, & bonitate atq. dilectione & amore veluti delinitur & oblectatur: & cum sit supra omnia, & ex omnibus exemplus, ad omnia demittitur secundum potestatem supra substantialem, qua extra se, non egrediendo exit. Et rursus idem in eodem loco: Vel quia ipse sibi lenocinatur, & se mouet. hac enim ratione dilectum & amabilem eum vocant veluti pulchrum & bonum, & tamquam sit quædam sui per se ipsum patefactio, & bona progressio eximie copulationis, & amatoria motio, simplex, per se mobilis, per se agens, quæ prius existit in bono, & ex bono ad ea quæ sunt, manat, & rursus ad bonum reuertitur. Et sanctus Maximus in centuria VIII. cap. LXXXVII. Intellige, inquit, Deum esse lenocinantem, & mouentem ad amatoriam coniunctionem, illam dico, quæ cum spiritu est; idest, Deum esse sequestrem, & confectorem huius coniunctionis, conciliatoremq. sui, ut a creaturis suis ametur & diligatur. Mouentem vero dicit, tamquam qui singula moueat, ut cuiq. conuenit, ut ad se ipsum conuertat. nomen autem lenocinij etsi apud scriptores gentiles rem significat non sanctam neq. castam; hic tamen significat conciliationem intermediam coniunctionis cum Deo. Et adhuc idem cap. LXXXVIII. Motus amatorius boni, qui in bono prius existit simplex & immobilis, ex bono prodiens ad id ipsum redit sine & principio carens. quod quidem declarat, desiderium nostrum semper ad Deum moueri. copulatio enim cum Deo ex charitate, omnem copulationem vincit, & ab omni coniunctione eximitur. Rursus idem cap. LXXXIX. Amorem cum dicimus, siue diuinum, siue angelicum, siue spiritualē, siue animale, siue naturale, intelligamus per vim quandam siue potestatem copulantem & comiscentem, superiora quidem mouentem ad prouidentiam inferiorum; ea vero quæ sunt eiusdem ordinis, ad mutuam communicationem; & nouissime ea quæ sunt inferiora mouentem ad conuertendum se ad præstantiora & præposita. Ac rursus Dionysius cap. IIII. de diuinis nominibus. Hoc vnum bonum, inquit, & pulchrum, singulariter est omnium

omnium multorum bonorum & pulchrorum causa. & in quinto capite: In vno enim Deus, vt sepe dictum est, omnia quæ existunt, præhabet, & fecit vt subsisterent, præsens omnibus, & vbique, & secundum vnum, & secundum idem; & secundum idem, omne, vnum. Et in cap. v. de eisdem diuinis nominib. Etenim si secundum vnā causam Deus omnibus impertit vt sint, secundum ipsam illam causam singularem cognoscet omnia. & cap. x. de eisdem diuinis nominib. Hæc igitur sunt sine intermissione laudibus celebranda in causa, quæ omnibus antecellit; & addendū est, ipsam esse sanctitatem exuperantem; & dominatum ac regnum summum, & simplicissimam diuinitatem; siquidē ex ipsa, in vno; & simul tota nata est, & distributa omnis impermixta diligentia omnis puræ munditiæ; omnis eorū quæ existunt, ordo & compositio. Et in primo cap. de eisdem diuinis nominib. Vnde in omni fere tractatione Theologica diuinitatem videmus sacre celebrari tamquam monadem & vnitatem propter simplicitatem & vnitatem impartibilitatis supraquam naturalis, ex qua tamquam ex potestate vnifica vnum efficimur; & varietatibus partibilibus diuinæ in vnum contractis, in vnum ad Dei similitudinem congregamur, & ad Dei imitationem copulamur. Quo in loco ait S. Maximus: Quia Deus cū cogitasset, voluntate produxit omnia, non tamquam mens quædā in voluntates partita, multiplicatus est; sed potius, inquit, mansit in vnitatem, & in ea manens, impartibiliter & non disperse produxit & producit omnia in creatura mundi. Et rursus diuinus Dionysius in v. cap. de eisdem diuinis nominib. Ratio autem Deus in sacris scripturis laudandi gratia nominatur, non solum quia rationis & mētis & sapientiæ est largitor, sed quia causas & omniū vniformiter anticipauit. Adhuc in eodem cap. Quare diuina mens omnia continet cognitione; ab omnibus exempta, qui quatenus est causa vniuersorum, scientiam omnium in se ipso anticipauit; qui antequam fierent, nouit angelos, & produxit angelos, & alia omnia intus, & ab ipso, vt ita dicam, principio nouit, & ad essentiam adduxit; atq. hoc arbitror scripturam tradere, *Ecclesi. 23.* cum ait: Qui nouit omnia antequam fierent. non enim *Dan. 13.* diuina

diuina mens cognouit ea quæ sunt, percipiens cognitionem eorum ex ijs quæ sunt, sed ex se ipso & in se ipso secundum causam, scientiam omnium & cognitionem & essentiam prehabet, & simul anticipauit, non intendens ad singula percipienda secundum eorum formas, sed secundum vnum causæ complexum omnia sciens & continens: sicut 7 lumen in se ipso secundum causam cognitionem tenebrarum anticipauit, non aliunde tenebras quàm ex lumine cognoscens. Diuina igitur sapientia se ipsam cognoscens, cognoscit omnia; materiam habentia sine materia; partibilia impartibiliter; & multa singulariter; e se ipso vno cuncta & cognoscens, & produciens. Etenim si Deus secundum vnā causam omnibus quæ sunt, impertit esse, secundum eandē causam singularem cognoscet omnia, quæ & ex ipso sunt, & in ipso prius extiterunt; & non ex ijs quæ sunt, ipsorum cognitionem sumet: quin potius ipsis singulis cognitionem ipsorum, & alijs aliam cognitionem suppeditat. Non igitur Deus aliam sui cognitionem habet; aliam vero, qua omnia alia cōmuniter comprehendit. ipsa enim causa omniū cum se ipsa cognoscat, nequaquā quæ ab ipsa manant, & quorum causa existit, ignorabit. Sic igitur Deus quæ sunt cognoscit non notitia ipsarum rerum, sed notitia sui: siquidem & angelos aiunt scripturæ cognoscere quæ in terra sunt, non illa quidem sensu cognoscere, sub sensum aliqui cadentia, sed propria mentis similitudinem Dei gerentis virtute & natura. Hæc edisserens S. Maximus, Hoc, inquit, declarauit, cū dixit, non cognoscere Deum quæ sunt ex ijs ipsis quæ sunt; & cum dixit, non intendere ad vnumquodq. percipiendū secundum formam eius, quoniam tamquam horum auctor cognitionem suorum operū anticipatam habet, sciens quomodo ipsa, & in quibus ad ortum ac generationem adduceret; quorum deprauatio & defectio, idest, frustratio & infirmitas malū introducit, dum deficiente quod est secundum naturā, efficitur quod est præter naturam. Superius enim adhibuit exemplum luminis: huius enim priuatione subexistunt tenebræ, & causam habent absentiam naturæ luminis; sicuti habitus priores sunt priuationibus, & vt dici potest, causæ sunt priuationum. Hoc igitur loco pater

Dionysius

Dionysius de ijs quæ Deus produxit, & de cuiusq. eorū natura loquitur, quæ quidem dixit prius extitisse in Deo secundum præcognitionem & prædefinitionem. Præterea vide, quomodo dicit Deum omnia cognoscere non ex cognitione omnium, sed ex cognitione sui, sicut lumen cognoscit tenebras alioqui nihil tenebrarum in se habens. Ac rursus idem in centuria III. de charitate cap. XXI. Cognoscit Deus se ipse; cognoscit item a se effecta: cognoscunt etiā sanctæ potestates Deum; cognoscunt etiam quæ a Deo effecta sunt; nō tamen sicut Deus cognoscit se ipse, & quæ a se facta sunt, sic sanctæ potestates cognoscunt Deū, & quæ ab ipso effecta sunt, & cap. XXI. Deus se ipse cognoscit ex beata substantia sua; quæ vero idē effecit, cognoscit ex sapientia sua, per quam, & in qua cuncta fecit. Sanctæ vero potestates participatione cognoscunt Deum, qui est supra participationem; quæ vero ab ipso facta sunt, cognoscunt colligēdo in ipsis contemplationes. Adhuc cap. XXIII. Substantia rationis particeps, & substantia intelligens, Dei sancti particeps Deum cognoscit tum ipsa existentia, tum insuper habilitate bonitatis inquā, & sapientiæ, & præter existentiam perpetuam, gratia. Sic igitur Deum cognoscit; quæ autem ab ipso producta sunt, cognoscit, ut dictum est, artificio sapientiæ in ijs quæ creata sunt, collectæ, quæ est nuda, & nō per se existens, in mente formata. & adhuc, in nulla duplicatione Deus penitus simplex, & supra omnē simplex. & Ioānes Damascenus cap. XIII. de diuino loco ait: Angelus enim celeritate naturæ, & quia prompte, idest, celeriter transit, operatur in diuersis locis; Deus autem, qui ubiq. est, & supra omnia est, ubiq. eodem puncto varie, vna & simplici actione agit. Ex quibus fit manifestum, quod non alia cognitione se ipse Deus cognoscit, alia autem ea quæ a se effecta sunt; quinimmo se ipse cognoscens, suos etiā effectus vna & infinita cognitione cognoscit. neq. diuersis potestatibus & actionibus producit creaturam; sed hac cognitione, & vna atq. infinita potestate cōtinebat, & anticipata habebat in se ipso omnia; & postea ex se exiens produxit: & in nihilo, & secundum nihil a se ipso & diuisus est habens hæc prius in se ipso, & producens postea, & rursus ad se rediens.

Psal. 103.

Cc

Scholia.

Scholia.

Exemplum huius delinitionis frequens est in Cant. cant. ut il-
 lud cap. 2. En dilectus meus loquitur mihi: Surge amica mea, co-
 lumba mea. præsens 2 omnibus, & ubiq. non secundum diuersas
 partes suas, sed secundum vnum & idem; & secundum idem omne v-
 num, & ad omnia procedens. est enim omne, quatenus in simplici eius
 essentia vna, omnia existunt virtute, siue potestate, sicut effectus in
 causa; & ad omnia procedit efficienter. in vno 3) hoc est quod ait
 Ioan. in Euang. cap. 3. Nō enim ad mensuram dat Deus spiritum; si-
 cut sol totum lumen simul emittit, licet non equaliter recipiatur.
 itaq. in vno ait, idest, non diuidue, & per partes, sed simul totum.
 causas 4 omnium vniiformiter participauit) quia non recedit a sua
 simplicitate; nec vllam in eo compositionem faciunt. cognitione 1 ab
 omnibus exempta) quia est supra cognitionem intellectus, & supra
 cognitionem sensus, quatenus per ipsam primam causam omnium om-
 nia cognoscit. S. Thom. ab ipso, 6 ut ita dicā, principio) Quia Deus
 caret principio, idcirco correxit quod dixerat, inquiring, Vt ita di-
 cam. Ex eternitate igitur tamquam auctor omnium habuit suorum
 operum cognitionem, & non ex operibus suis eam didicit & percepit.
 sicut 7 lumen) Exemplo luminis docet, quomodo Deus cognoscat crea-
 turas, quæ ita deficiunt a Deo, sicut tenebræ a lumine. si panamus lu-
 men hoc sensibile esse mente præditum, si quis roget, an cognoscat tene-
 bras, dicet cognoscere antequam sint tenebræ. experientia enim non
 potest cognoscere; quia si lumen est, non sunt tenebræ. cognoscit igitur
 ut lumen, quia scit, si auferatur lumen, nemo videbit. Sic Deus in
 se ut causa habet omnium cognitionem, quam non per experientiam
 acquisiuit: alioqui esset Deus posterior cognitiones aut aliquo tempo-
 re non cognouisset. hoc etiam exemplo docetur, quomodo vna & ea-
 dem cognitione cognoscit Deus se, & omnia, sicut lumen cognoscen-
 do se cognoscit tenebras. Exire 8 a se, & non diuidi, hoc est infiniti,
 quod omnia substantia sua & virtute ac præsentia implet.

Quod secundum vnā singularem causam omnia fit
 Deus; nihil autem eorum quæ ab ipso facta sunt,
 est non creatum. Cap. VI.

Magnus Dionysius cap. ix. de diuinis nominib. Om-
 nibus, inquit, adest præsens Deus prouidenter; & om-
 nia in omnibus fit propter conseruationem omnium, ma-
 nens in se, & ab eodem suo statu non egrediens, in actio-
 ne vna, & numquam cessante fixus. Et rursus idem in
 quinto: Qui vere 1 præexistit, secundum omnem eorum
 quæ sunt, cogitationem multiplicatur, & in eo proprie 2
 celebra-

celebratur, erat, & est, & erit: item factum est, & fit, & fiet. hæc enim omnia significant ijs qui ut Deum decet, intelligunt, esse eum secundum omnem cogitationem supra substantiam; & esse causam eorum quæ modis omnibus sunt. etenim non hoc quidem est, illud vero non est; nec aliquo quidem modo est, aliquo vero non est; sed potius omnia est, ut omnium auctor: & in se omnia principia, & omnia ex principijs in rebus omnibus effecta & conclusa anticipans & continens: & supra omnia est, utpote ante omnia supra substantiam supraquam existens. Quo in loco S. Maximus, Quomodo, inquit, cum dixisset superius, In ipso nec est erat, nec est, nec erit, neq. factum est, neq. fit, neq. fiet: hic dicit, In ipso & est, & erit, & illud fit, & fiet proprie laudatur? An sibi contradicit Dionysius? apage. Supra enim ipsum dixit esse effectorem existentiae, hypostasis, substantiae, naturæ, & temporis. consentaneæ igitur in ipso collocavit illud erat, & alia, ut intelligas nec a tempore, nec in tempore, neq. post tempus Deum cœpisse; quin potius superiorem esse quam ipsum esse: siquidem in ipso dixit esse existentiam, & non esse ipsum existentiae: hic autem quia dixit multiplicari eum secundum omnem cogitationem, merito dixit in ipso illud est, & erit, & quæ sequuntur; quia ubi tempus, aut tempestiuitates cogitabis, illic Deum reperiēs & supra omnia, & ante omnia esse; & eorum quæ sunt, causam & effectorem esse; & nihil ipsorum esse; sicut dicebamus, nihil est eorum quæ sunt; & ipse est in omnibus. S. Gregorius Nyssenus aduersus Eunomium, Bifariam, inquit, rebus partitis in faciens, & factum, utrumq. ab altero natura differt; ut neq. quod factum est, non creatum sit; neq. creatum, quod naturam eorū quæ sunt, efficit. Idem in eisdem libris: Ego, inquit, etsi sermo esset illius Moysis, qui in administratione legis splenduit, neq. sic huiusmodi sermonem tulissem, etsi cum nullum alioqui e se splendorem ille haberet, munere diuino splendidus repete Israelitis apparuit, is enim splendor in legislatore ortus, non fuit cuiusdam alterius, sed ipsius Dei. Et beatus Chrysostomus in oratione in laudem sancti Ioannis Theologi, cuius principium est: Principium nobis rursus e cœlo aduenit; sic ait: In principio erat

Dionys. ca. 9.

Exod. 34.

Ioan. I.

Ibid.

Exod. 3.

Ioan. I.

Rom. 9.

Ioan. I.

Iacob. 5.

erat verbum, & verbum erat apud Deum, & Deus erat verbum; nusquam est, non erat, sed ubiq. erat; nusquam est, fecit; sed ubiq. quid erat: post erat, fecit, non de auctore, sed de creaturis. & vt scias quomodo erat, & quomodo fecit, ego dico, vos numerate: In principio erat verbum, & verbum erat apud Deum, & Deus erat verbum, hoc erat in principio apud Deum. Ecce quarto meminit, & neq. semel dixit, Factum est. Quid igitur post hec? Omnia per ipsum facta sunt. non dixit hic, Erat, quia de creaturis erat sermo. Omnia per ipsum facta sunt; non dixit, erant, sed facta sunt. omnia per ipsum; & sine ipso factum est nihil, quod factum est. rursus factum est. vbi de Deo, erat; vbi de creaturis, factum est. In principio erat verbum. Hinc etiam Deus pater secundum vetus testamentum patefiebat. cum enim dixit ei Moyses: Si dixerint mihi filij Israel, Quis est qui te misit ad nos; quid respondebo eis? Et dixit Deus: Ego sum, qui sum; qui est misit me ad vos. pater, qui est; filius in principio erat. Si quis contendit dicens, non idem dici in patre, & filio; in patre enim, Ego sum qui sum; in filio autem, In principio erat: non est autem idem, est, & erat: demonstro appellationem in filio, audiat Euangelista dicentem: Unigenitus filius, qui est in sinu patris. ecce vna vocem habes Euangeliste in, est. & iterum Apostolus: Quorum patres, ex quibus Christus secundum carnem, qui est super omnia Deus benedictus. Vidisti quomodo te munus Ioannes, qui in Deo posuit, Erat; & in creaturis, Facta sunt? Nec enim Deum decet, factum est; neq. creature, erat. In principio erat verbum, & verbum erat apud Deum, & Deus erat verbum; hoc erat in principio apud Deum. omnia per ipsum facta sunt, & sine ipso factum est nihil, quod factum est. Quando factum est, ponitur; ad creaturas descendit; quando erat, ad auctorem ascendit. & rursus vita erat; rursus ascendit ad effectorem. scalam hodie affert multis mysterijs refertam. quando ascendit ad Deum, erat, predicat: quando descendit ad creaturas, assumit, factum est: quando ascendit ad Deum, deponit illud, facta sunt, & factum est; & sumit, erat. S. Maximus in centuria sexta, cap. LXXXIII. Multum valet oratio iusti, quae agitur siue a iusto, qui eam adhibet; siue ab alio, qui

qui eā a iusto adhiberi postulat. A iusto quidem agitur, quia prębet ei fiduciam erga eum, qui potest largiri quę iusti petunt: ab eo autē qui orationem a iusto petit, agitur, cum eum a priore nequitia abducit, & ad virtutem affectionem eius transfert. Magnus Dionysius cap. v r. ecclesiasticę hierarchie: Renuntiatio non solum vitę diuise, sed etiam cogitationum, in mandatis Dei, quę in vnum conciliant, scienter acta, absolutissimā monachorum virtutem & disciplinam declarat. est enim, vt dixi, non medij ordinis eorum qui initiati sunt baptismo, sed celsioris omnibus ordinibus. quamobrem multa ex ijs quę a medio ordine sine reprehensione fiunt, monachis vnīs, & a diuisione alienis omnino interdicta sunt. Et in epistola ad Colossenses Paulus ait: Docentes omnē Colos. 1. hominem in omni sapientia, vt exhibeamus omnem hominem perfectum in Christo Iesu; in quo & laboro certando secundum operationem eius, quam operatur in me in virtute. Ex his iam liquet, quod Deus secundum suam, quę vna est, causam, omnia efficitur non recedens a se. demonstratum enim est non migrando exire; & eodem reuerti, nō a se distractum in producenda creatura; sed secundum causam vnā singularem, quę est ipse, omnia fit: & nihil quod ab ipso fit & agitur, est sine creatione. Dicere enim nō esse creatum quod agitur, perinde plane est vt si dicamus creaturam non esse creaturam. quod enim agitur, idem est cū eo quod fit: quia quod agitur, fit; & quod fit, agitur. si autē quod fit, nō est sine creatione; & quod agitur, non sine creatione. Quare qui dicit quod agitur, quomodocumq. agatur, non creatum esse, eo venit vt dicat quod creatum est, creatum nō esse; aut quod est, non esse: & quęcumq. alia ex contradictione sequuntur.

Scholia.

Qui vere 1 preexistit, secundum omnem eorum quę sunt, cogitationem multiplicatur) idest, quidquid cogitetur, & ad quamcumq. rem quis mentem intendant, inueniet in ea notionem causę, idest, auctoris Dei. hoc igitur est multiplicari, cerni eum in multis causam. ex S. Maxi. & Pachim. in eo proprie 2 celebratur, erat, & est) Idē Dionysius interpretatur, quomodo proprie celebrentur hæc; scilicet quatenus intelliguntur, vt Deum decet, proprie dicuntur in Deo; & in Deo sunt: idest, quatenus est, erat, erit, participant esse: omnia enim

Exod. 34.

Galat. 5.

enim secundum causam dicuntur de Deo, & in eo sunt, & intelliguntur suprasubstantialiter. quatenus vero sic accipiuntur, ut cum dicitur, Deus est, erat, erit; significetur Deum participare esse, aliena sunt a Deo. ex Pachim. in ipso esse & existentiam, & non esse ipsum existentiam. Sic dicit idem Dionysius cap. 5. Ipsum habet existentiam, & non est ipse existentia. existentia habet Deum, ut consistat ipsa existentia; sicut quis habet vitam ad sui existentiam: non autem sic habet Deus existentiam, ut per existentiam sit. Sicut igitur existentia habet Deum, sic existentia est Dei, quia ab ipso manat: & ut Deus non habet sic existentiam, ut per existentiam sit; sic neq. Deus est ipse existentia, ut per eam sit. sermonem & tulissim) Volebat Eunomius cum Arianis splendorem qui apparuit in facie Moysis, & oculis corporis visus est, fuisse diuinam substantiam filij Dei, ex quo creaturam esse efficere volebant; quod falsum & hereticum erat. erat enim ille splendor non alterius quam Dei creatura, a quo in facie Moysis creatus fuit, ut in eo diuinum lumen secundum se inaspectabile tamquam in speculo ad hoc facto Israelitis ostenderet, non medij & ordinis. Medium ordinem dicit laicorum, qui sunt baptismo tantum initiati: hi enim sunt medij inter catechumenos, qui purgantur ad baptismum, & inter communicantes, qui perficiuntur. Sunt autem monachi, quatenus monachi, non huius medij ordinis laicorum. perfectior enim est eorum status, quam laicorum. id quod locus eis in ecclesia assignatus, tamquam in symbolo significat. est enim prope ianuam templi propinquior populo post eos qui sunt ordinis ecclesiastici, ut Dionysius in epistola ad Demophilum monachum scripsit. Ordinem vero monachorum dicit idem Dionysius esse celsiorem omnibus ordinibus, non quidem conferens eum cum diaconis, qui primi purgantur; neq. cum presbyteris, qui secundi & medij illuminantur; & multo minus cum episcopis, qui tertij & summi perficiuntur; sed cum ordinibus eorum qui adhuc purgantur, ex quibus primi sunt catechumeni, qui purgantur ad baptismum per catechesim; secundi qui sunt in peccato; tertij sunt energumeni, qui purgantur exorcismis, ut resistant fortiter diabolo, & terroribus eius; quarti sunt qui sunt in penitentia, qui purgantur, ut non reuertantur ad peccatum. his omnibus ordinibus perfectior est ordo monachorum, quia ut monachi sunt, ratione instituti monastici, mortui sunt mundo, & carnem suam cum vitijs & concupiscentijs crucifixerunt.

Quod

*Quod nullus numerus duorum, aut multitudo post nume-
rum duorum, aut aliud quid secundum superius &
inferius procedens, infinitum & sine prin-
cipio esse potest. Cap. VII.*

Magnus Dionysius cap. IIII. de diuinis nominibus
ait: Omnis numerus duorum non est principium;
vnitas autem erit principium omnium duorum. Quo in
loco S. Maximus, In numeris, inquit, duo multitudinē,
quę in numeris diuisionem habet, ad finem ducunt; po-
sita quidem vnitate principio omnis numeri; duobus ve-
ro positis principio numeri paris. si igitur principium si-
gnificat quod est in vnoquoq. genere simplicissimū, quo-
modo numerus duorum erit principium omnium? non
enim numerus duorum principium simplex est, sed com-
positum. principium igitur ex compositione constans,
non est simplex. & quomodo vocabitur principium? an-
te principium enim compositum, erit proprie principiū
vnitas, ex qua, vnitatibus compositis, confecta sunt duo.
vndiq. igitur manifestum est non esse principium nume-
rum duorū. Et rursus idem in alijs; Non potest, inquit,
numerus duorum esse infinitus. vnitates enim eius inter
se per appositionē compositę, se mutuo terminant. quod
si numerus duorum non potest esse infinitus, vt demon-
stratum est; neq. principio scilicet carere potest, quia om-
nis numeri duorum principium est vnitas. quod si non
caret principio, igitur nec est immobilis; mouetur enim
numero ex vnitatibus secundū coniunctionem composi-
to. quod autem mouetur, nō est principium, sed ex prin-
cipio scilicet mouentis. sola autem vnitas proprie est im-
mobilis. Et rursus idem, Omne, inquit, quod in multi-
tudine quantitatem habet, non potest esse infinitū, neq.
sine principio id, cum quo alterum simul cogitatur. Et
rursus idem: Nemo, inquit, qui duo, aut multa sine prin-
cipio esse dicit, pie viuere poterit. Idem in centuria ter-
tia de charitate cap. xxvii. Deus quidem, inquit, qui est
ipsa per se existentia, ipsa per se bonitas, & sapientia, im-
mo, vt verius dicam, supra omnia hęc, nihil penitus ha-
bet contrarium: creaturę vero, quę omnes quidem par-
ticipatione & gratia existunt; alia vero ratione pręditę
sunt,

sunt, & intelligentes; & ad capiendam bonitatem & sapientiam aptæ, contrarium habent. in illis quidem existere, & non existere contraria sunt: in his vero habilitati bonitatis & sapientiæ contraria sunt vitium & ignorantia. & existere quidem semper, aut non existere, hæc in potestate eius sunt qui ea effecit; participare autem bonitatem & sapientiam, aut non participare, in voluntate eorum est qui participes rationis sunt. Gregorius Nyssenus libro primo contra Eunomium cap. xix. Non terminatum idem est, quod infinitum. infinito autem plus aut minus cogitare extremæ demeriti est. quomodo enim ratio infiniti seruari queat, si plus aut minus in ipso discernuntur? ex dispositione enim finium inter se, quod plus est, diiudicamus. in quibus autem non est finis, quomodo potest quis cogitare superfluens? Idem in eodem: Quis nescit, quod secundum propriam rationem simplicitas non recipit in sancta Trinitate plus aut minus? In qua enim non potest mixtio quæpiam qualitatum & concursio cogitari, sed potius potestas quædam expers partiū & compositionis cogitatione comprehenditur, quomodo aliquis & in aliquibus alijs differentiam secundum plus & minus intelligere poterit? Omnino necesse est, ut qui hæc variata esse diiudicat, qualitates quasdam in subiectum incidere cogitet. Aut enim cogitat differre hæc secundum ampliationem & diminutionem, & ob hanc causam cogitationem magnitudinis introducit in eo quod queritur; aut secundum bonitatem & potentiā & sapientiam, & si quid aliud circa Deū pie intelligitur, ut redundet, vel decrescat, efficere molitur; atq. ita rationem compositionis nō effugiet. Magnus Dionysius cap. quinto de diuinis nominib. non aliud dicit esse bonū, & aliud quod est, & aliud vitā, vel sapientiā: neq. introducit multas causas, & diuinitates, alias alia producentes, superiores & inferiores. Ex his patet, quod sicut nihil quod agitur aut generatur, est non creatū, sic omnia duo, vel deinceps multitudo, vel aliud quid secundū superius & inferius progrediens; & ut semel dicam, ita constitutū, ut aliquid ei sit contrarium, infinitū esse, & principio carere nō potest. in idē enim recidit sine principio esse, & esse non creatū. si autem sine principio est, plane etiam infinitū est.

Quod

Quod sit etiam species circumscriptionis & termini, comprehensio atq. visio; Deus autem uno † modo omnibus est incircūscriptus, & inaspectabilis, sigillatim vero nobis angeli & anime sunt inaspectabiles. Cap. VIII.

† Quia vno modo est infinitus omnibus.

Gregorius Theologus libro secundo de Theologia: Et nondum, inquit, dico finitum omnino esse Deum, si mente comprehendi potest. vna enim species circumscriptionis est ipsa comprehensio. Idem in eodē: Quid tandem Deus sit substantia & natura, nemo hominum vquam reperit, neq. reperire queat. Et rursus ibidem: Salomon, inquit, qui fuit sapientior cunctis hominibus qui ante eum & post eum fuerunt; cui fuit latitudo cordis donum Dei, & affluentia contemplationis copiosior arena maris; quanto plus scrutatur profundum, tanto magis estuat; & finem quendam facit sapientiē inuenire quantum effugerat. Paulus autem conatur quidem assequi nō dico naturam Dei (hoc enim omnibus modis fieri non potest) sed iudicia tantum Dei. quia vero non potest reperire exitum, nec vbi gradum ascensus sistat, nec vbi desinat curiositas mentis; dum semper aliquid subapparet eius quod relinquitur, (o rem miram, vt mihi similiter eueniat) stupore orationem circumscribit: & diuitias Dei, atq. profundum hanc rem vocat; confiteturq. iudicia Dei comprehendi non posse, eadem fere atq. Dauid loquens, qui nunc quidem iudicia Dei vocat abyssum multam, cuius fundum mensura, aut sensu nō licet comprehendere: aliquando vero dicit admirabilem factam esse cognitionem ex se ipso, & ex sui formatione. Et adhuc idem in eodem libro: Quia expetit quidem omnis natura primam causam; comprehendere vero non potest propter causas, quas dixi; laborans desiderio, & veluti anxia, & damnum non potens ferre, secundam navigationem suscipit; vt intueatur scilicet in ea quæ cernuntur, & aliquid ex eis faciat Deū, male docta. Quid enim quod sub aspectum cadit, eo qui aspicit, altius & Deo similis est, vt hic colat, illud colatur? S. Gregorius Nyssenus in vita Moyſis: Non poteris videre faciem meam; non enim videbit homo faciem meam, & viuet. Hoc

D d autem

3. Reg. 4.
Prou. 22.
sec. lxx.
Eccl. 12.

Rom. 11.

Psal. 35.

Psal. 138.

Exod. 33.

autem non dicit scriptura, quasi Deus sit causa mortis (quomodo enim facies vitæ fieri: vñquam potest causa mortis eis qui appropinquauerunt?) sed quia Deus est natura vitæ auctor; proprium autem signum diuinæ naturæ est esse celsius omni signo. Qui igitur aliquid eorū quæ cognoscuntur, Deum esse arbitratur, tamquam ab eo qui vere est, male deflexus ad id quod comprehensione fictæ cogitationis esse existimatur, vitam non habet. Qui enim est auctor eorum quæ sunt, is est vera vita: hic autem † cognosci non potest. Quia igitur cognitionem vincit natura effectrix vitæ, omne quod comprehenditur, non est vita; quod autem non est vita, non habet naturā, vt efficiatur effectrix vitæ. Sic expletur Moyſi † desiderium per id quod fecit, vt maneret cupiditas inexplebilis. Idē in explanatione illius beatitudinis, Beati mundo corde, quoniam ipsi Deum videbunt: Qui cor suum, inquit, ab omni affectione turbida emundauit, in propria pulchritudine imaginem diuinæ naturæ perspicit. Mensura enim perspicientiæ Dei, quæ a te capi potest, in te est. Igitur qui se ipse videt, in se quod desiderat, videt, atq. ita mundus corde efficitur beatus, cum intuens in suam munditiem, in imagine sua videt exemplar. Diuinus Diadochus, & silentij magister, Nemo, inquit, cum sensum mentis audit, speret videre oculis gloriam Dei. sentiri enim eam dicimus gustu quodam, qui expromi non potest, diuinæ consolationis, cum quis animam purgauerit; non autem apparere ei aliquid eorum quæ sub aspectum cadunt; siquidem nunc per fidem, & non per speciem ambulamus, sicut Apostolus ait, Si cui igitur eorum qui † certant, vel lumen, vel figura quæpiam, vel aliquid ad similitudinem ignis appareat, ne amplectamur huiusmodi visum. est enim fallacia inimici manifesta. quæ quidem res multos fefellit, qui propter ignorantiam a via veritatis male deflexerunt. Beatus Chrysostomus in oratione de incomprehensio: Quod in Deo est incomprehensum, non sic nos scimus, sicut illæ potestates, quæ tanto magis sciunt, quanto mundiōres & sapientiores & perspicaciores: quam humana natura sunt. accretio enim sapientiæ accretionem reuerentiæ † creat. sicut id quod ex radijs solis non potest aspectus ferre, non sic

† Cognosci non potest, quid sit scilicet: de hac enim cognitione loquitur.

† Doctus enim responsio Dei, desiderium desiderare videre Deum in hac vita, & incensus est inexplebili desiderio videndi in altera.

Matth. 5.

In libello de spirituali perfectione.

2. Cor. 5.

† Certamen dicit, quo certamus cū lege carnis.

† Reuerentiam enim Deo adhibet

fic cernit cæcus, sicut qui videt: ad eundem modum quod est in Deo incomprehensum, non sic nos, ut illi, cognoscimus. quantum enim interest inter cæcum & videntem, tantum interest inter nos & illos. Et rursus idem in eisdem: Illi igitur angeli aspectus tegunt, hi vero alioqui homines contendunt intendere oculos impudenter in gloriam inexplicabilem. Quis eos non desceat? quis non lugeat hanc vecordiam, & extremam dementiam? Et iterum idem, cum explanat illud, Vidimus gloriam eius, gloriam quasi unigeniti a patre: Non, inquit, vidissemus, nisi per corpus nobis assuetum, & nobiscum altum nobis apparuisset. Et adhuc in homilia xv. in Ioanem: Si Deum nemo vidit unquam, quid igitur, inquit, respondimus grandiloquo Esaiæ, cum ait: Vidi Deum sedentem super thronum excelsum, & in sublime elatum? & Ioanni, qui ei testimonium præbet, cum ait: Hæc dixit, quando vidit gloriam eius? Quid Ezechieli? siquidem ipse etiam vidit eum sedentem super Cherubim. Quid Danieli? cum ait, Antiquus dierum sedebat. Quid Moysi? qui dixit, Ostende mihi gloriam tuam, ut manifeste videam te. Iacob autem hinc nomen accepit cognominatus Israel, id est, mens videns Deum. Quid igitur ait Ioannes: Deum nemo vidit unquam? Liquet omnia illa ad condescensionem pertinuisse, quia enim futurum erat ut filius Dei in vera carne appareret, assuesfaciebat eos a principio Deus in gloria Dei videnda, quantum ab eis videri poterat. Quid enim sit Deus non solum propheta, sed nec angeli, nec archangeli viderunt: solus filius, & spiritus sanctus eum vident. Quomodo enim omnis natura creata videre poterit non creatum? Nam si potestatis incorporeæ quamvis creatæ visionem claram penitus capere non possumus, & hoc sæpenumero in angelis demonstratum est, multo magis substantiæ non creatæ. idcirco Paulus ait: Quem nullus hominum vidit, sed neque videre potest, & de filio dicit, non esse aspectabilem non solum hominibus, sed & superis potestatibus. postquam enim paulo post dixit Paulus, Manifestatus est in carne; subiunxit, Visus est angelis. Itaque tunc visus est angelis, quando carnem induit. Sed quomodo nunc dicit: Ne contemnatis unum ex his pusillis, dico enim vobis quod

qui scit eum non posse comprehendere, & qui magis hoc scit, maiorem reverentiam adhibet.

Ioan. I.

Ibid.

Est. 6.

Ioan. I 2.

Ezech. 10.

Dan. 7.

Exod. 33.

Gen. 32.

Ioan. I.

I. Tim. 6.

I. Tim. I.

I. Tim. 3.

Matth. 18.

D d 2 angeli

angeli eorum semper vident faciem patris mei qui in cæ-
 lis est? Quid igitur? Faciem ne habet Deus? & in cælis
 circumscriptus est? quid ergo est quod dicitur? Sicut cū
 dicit: Beati mundo corde, quoniam ipsi Deum videbunt;
 aspectum mentis quem habere poterimus, & notionem
 de Deo dicit, sic & in angelis interpretandū est propter
 puram ipsorum & vigilantem naturā, nihil aliud quā
 Deum semper cogitare. Basilii in oratione quæ inscri-
 pta est, Attende tibi: Crede, inquit, inaspectabilem esse
 Deum cum animam tuam cogitaris, quandoquidem &
 ipsa ab oculis corporeis percipi non potest; quia neq. co-
 lore prædita est, neq. est figurata, nec vlla nota & signo
 corporeo comprehensa, sed potius ex actionibus solum
 cognoscitur. Quare ne quæras, ut Deum per oculos co-
 gnoscas, sed potius menti fidem committe, & intellecti-
 lem de eo comprehensionem habe. Magnus Athanasius
 in quæstionibus ad Antiochum ait: Non potest oculus
 qui interitum capit, contemplari substantiam ab interitu
 liberam. Hinc licet manifesto agnoscere, non appare-
 re nobis angelos secundum substantiam; siquidem nec
 in figura vna super terram se ostendunt; sed potius alij
 formam iuuenum induunt; alij in figura & specie militū
 apparent; & denique multæ quidem formæ, vna vero est
 eorū substantia inaspectabilis. Et rursus idem: Induunt
 angeli figuras, quas cumq. Dominus Deus iusserit; atq.
 ita apparent ijs qui digni sunt, & diuina mysteria illis a-
 periant. Et magnus Dionysius: Quoniam neq. mens no-
 stra potest euehi ad illā materiæ expertem imitationem,
 & contemplationem cælestium hierarchiarum, nisi ad-
 miniculo corporeo sibi conuenienti vtatur. Chrysostomus
 ad Theodorum lapsus: Animam enim, inquit, so-
 lam corpore nudam nemo vquam vidit. & adhuc idē:
 Atq. esse quidē in corpore nostro animā scimus; quomo-
 do vero, nescimus. ob hanc enim causam cognitionē hu-
 ius occlusit Deus, ut abūde nos refrēnaret ac reprimeret,
 & sistere persuaderet, & non quæ supra nos sunt, inqui-
 rere, & curiosos esse. Et S. Gregorius Nyssenus: Quod
 notione comprehenditur, non ex se, sed ex operationi-
 bus cognoscitur. anima igitur quæ ex se incognita est, ex
 effectibus consentanee noscitur. Ex his iam apertum fit,
 quod

quod Deus nullā circumscriptionem apud creaturam habet, neq. comprehensionem: quare omnibus est ex æquo inaspectabilis, & incomprehensus. nobis vero nō solum ipse nō est aspectabilis, sed & nec angeli, nec animæ nostræ.

Scholia.

Nulla natura creata videre Deum poterit, quid sit; nec enim beati sic Deum videbunt, ut quid sit, videant. de huiusmodi visione & cognitione Dei loquuntur semper Patres, cum eam tollunt & negant. Etsi ante incarnationem videbatur Deus ab angelis, & apparebat eis, tamen quia cum in mundo apparuit per carnem, tunc illis ipsis angelis excellentius apparuit & visus est, idcirco scriptura tunc dicit & qd, id est, apparuit & visus est angelis, quando carnem induit, tunc enim perfectius & diuinius cognouerūt illa quæ sunt Dei propria, bonitatem, iustitiam, misericordiam, sapientiam, potentiam, & alia. Non significat non apparere angelos per substantias corporeas, sed per figuras phantasticas cogitatione effectas, qui fuit quorundam error, quem S. Thom. notauit, & Athanasius proprio opusculo confutauit; sed significat non apparere per propriam substantiam, sed per alienam alioqui veras ut tres illi viri qui Abraham apparuerunt, angeli erant in specie vera corporum solidorum, non naturalium tamen, sed proprietatibus naturalibus humani corporis carentium, ut idem Athanasius in opusculo quod dixi, docuit. Non & significat ex æquo non esse aspectabilem Deum in hac vita, ut angeli & anima non sunt aspectabiles; Deus enim inaspectabilis est, non solum quia est incorporeus, sed quia infinitus; visio autem circumscriptio quedam est, quæ infinito repugnat; angelus vero & anima sunt inaspectabiles, quia incorporei tantum: intelligentia tamen comprehendendi possunt, quia & definiri. visio autē Dei in beato, ad quam accedit lumen diuinum, non circumscribit Deum, quia per suum esse sine alio medio quo circumscribatur, unitur intellectui, & facit intellectum in actu, ut tradit S. Thom.

Gen. 18.

Quod nihil eorum quæ sunt, ab oppositis nomen accipit: Deus autem cum alioqui ab oppositis nominetur, tamen secundum existentiam suam omnino caret nomine. Cap. IX.

Magnus Dionysius capite quinto de diuinis nominibus: Quamobrem, inquit, omnia de ipso & simul dicuntur; nihilq. est omnium. est omnis figuræ, omnis formæ, sine forma, sine pulchritudine; principia, & media, & fines rerum solute & abstracte in se ipso anticipata habens,

bens, & omnibus pure illucens largiendo vt sint, secundum causam vnā, & supraquam copulatam. Quo in loco S. Maximus, secundum notionem causæ omnia de Deo prædicari ait, idest, omnia in ipso intelligi. κατ' ἑαυτὴν enim, idest prædicari, hoc, inquit, secundum philosophos declarat. ipse autē nihil est eorū, quorum causa est; quia est supra esse. quare negationes quidem hoc declarant, vt non habens formā, siue sine forma, sine pulchritudine, & similia. illud vero esse omnis figuræ, & omnis speciei, declarat ipsum esse causam omnis speciei, & omnis figuræ; similiter reliqua eiusmodi intelligenda sunt. Idem S. Maximus in eodem loco, contra illud esse omnis figuræ, opposuit esse sine forma, quia supra incorporum, & supra vacationem materiæ; non formatus ad quidquam eorum quæ sunt. contra illud vero esse omnis speciei, opposuit esse sine pulchritudine. sine pulchritudine dicit, quia ab ipso facta est pulchritudo; ipse vero est supra pulchritudinē. auctoritates vero scripturæ sunt: Vidimus eum, & non habebat speciem, neq. pulchritudinē. Idem in centuria tertia de charitate cap. xxxix. Sicut, inquit, malum priuatio boni est, & ignorantia priuatio cognitionis; sic quod non est priuatio eius quod est, non autem eius quod proprie est (non enim habet contrarium) sed eius quod est participatione eius quod proprie est. ac priuationes quidem illorum priorum liberam voluntatem eorum qui facti sunt, sequuntur: priuatio vero huius secundi in voluntate eius qui fecit, est; qui semper propter bonitatē suam vult esse ea quæ sunt, & ab ipso semper iuari. Et rursus Dionysius in eisdem: Omnium igitur principium, & finis, qui est ante omnia, principium quidem vt causa; finis vero vt cuius causa; & finis omnium, atq. infinitas omnis infinitatis & terminationis excellenter sicut oppositorum. ² Et idem in secundo cap. de eisdem diuinis nominib. Copulatum quidem & commune in Trinitate vno omnium principio, est substantia supra substantiam, diuinitas supra diuinitatē; bonitas supra bonitatē, idem [†] supra omnia, in tota proprietate quæ supra omnia est; vnitās ⁴ supra unitatem principialem; ineffabilis, ⁵ multarū vocum; igno- ratio, ⁶ ex omni intellectilis; ⁷ omniū positio, ⁸ omnium ablatio.

Esa. 53.

† Idē supra omnia eadē creata. vide proprietates eiusdem, & diuersi ca. 9. de diuinis nominib.

ablatis. Et rursus idem cap. vii. de eisdem diuinis nominibus. Quo circa Deus in omnibus cognoscitur, & separatim ab omnibus; & per cognitionem Deus cognoscitur, ac per ignorationem; & est de eo cognitio, ratio, & scientia, & tactus, & sensus, & opinio, & cogitatio, & nomen, & alia omnia; & neq. intelligitur, neq. dicitur, neq. nominatur; nec est aliquid eorum quæ sunt; nec in aliquo eorum quæ sunt, cognoscitur; & in omnibus omnia est, & nihil in vlllo; & ex omnibus ab omnibus cognoscitur, & a nullo ex vlla re. Et iterum in cap. primo: Sic igitur, inquit, causæ omnium, & quæ supra omnia est, conueniet non nominari; & omnium rerum nominibus nominari. Ex his efficitur manifestum, quod nihil eorum quæ sunt, ipsum idem dicitur substantia, & suprasubstantiam; similiter in alijs, neq. vita, & supra vitam; neq. intellectus, & non intelligentia; neq. ratio, & rationis vacatio, nec idipsum participatum, & non participatum; neq. nominatum, & carens nomine, & alia ex ijs quæ primo sunt, ne singula enumerē; cognitio, & ignoratio; lumen, & tenebræ; & ens, & creatum: hæc enim omnia contraria sunt, & secundum naturam suam mutuo a se ipsis intereunt. Solus Deus qui non patitur contrarium, omnia contraria secundum vnā supra substantiam copulationem recipit; & omnia de eo dicuntur, & nihil est eorum. alia quidem est ipse secundū causam, alia vero non est secundum existentiam. infinitis enim mensuris, & quæ conferri non possunt; abest ab effectis, qui est omnium, & supra omnia auctor.

† Ens vocat quod est suū esse, qui est sol⁹ Deus creator omnium.

Scholia.

Hoc de Christo secundum humanitatem a Propheta dictum est, quod magis adhuc declarat quod sequitur: Sed potius species eius inhonorata, & deficiens plusquam in omnibus filijs hominum. sic enim est apud LXX. Deficientem dixit propter mutationē coloris naturalis in pallorem ex recessu caloris ad intima sanguine se contrahente, & superficiei refrigerata, ut Leontius Byzantius notauit scribens contra Aesopodōtē, qui carnē Christi corruptibilem fuisse negabant, ac proinde non fuisse in eo passionēs naturales tradebant. Sed nihil prohibet, quin de Christo quoq. secundum diuinitatem intelligatur esse sine specie & pulchritudine, qui erat creator pulchritudinis, ac proinde non pulcher, quia supraquam pulcher, quod est esse sine specie.

apposito

oppositorum: 1) Ab ipsius infinitate proficiscitur omnis infinitas, & terminatio tamquam a causa exuperante, & superlata, & effectrice oppositorum, quia in se habet omnia. unde omnia quæ de Deo prædicantur, possunt de eodem negari, quia non conueniunt ei, ut inueniuntur in rebus creatis, & ut intelliguntur a nobis, & significantur. unde licet sit principium & finis, sicut dictum est, tamen neq. habet principium, neq. finem, neq. medium, sicut in creaturis intelligimus. & licet sit præsens omnibus, & ubique; nusquā tamen est, nec in ullo est sicut creatura. ex S. Tho. in 3 tota proprietate) Proprietatē Dei dicit, ut bonitatē, & sapientiam, & similia supra bonitatē creatam, & sapientiam, &c. unitas 4) quia unum habet rationem principii, & non diuisi, ac simplicis, significat Dionysius indiuiduum ac simplex diuinæ naturæ supra omnem unitatem ac simplicitatem, & esse principium supra principium. ineffabilis 5) quia non nominatur a substantia sua, multarum vocum, quia a providentijs, & varijs beneficijs varie nominatur, ut bonus, iustus, &c. ignoratio 6) quia quid est, a nullo intelligitur, ex omni 7) intellectilis) quia quod est, ex omnibus creaturis licet intelligere, ex omni intellectilis, Græce est πανόριον, pro quo interpres Dionysius, quem S. Thomas habuit, & secutus est, male legit πανόριον. positio 8) omnium positio, & ablazio, quia ipse omnia in rerum natura facit, & auferit, quæ 9) primo sunt) idest, quæ sunt principia aliorum, ut participationes simpliciter sunt principia participantium, ut vita absolute considerata est principium formale uiuentium; sapientia sapientium, & similiter in alijs. & hæ participationes sunt effectus Dei, & ideo istæ participationes, & quæ sunt supra ipsas, non possunt conuenire creaturæ, ut sapientia, & supra sapientiam, quæ negationem sapientie create continet: sed soli Deo, qui est sapientia creata secundum causam 3 & supra sapientiam est secundum existentiam.

¶ Idest, est sapientia creata, ut auctor eius; sicut est omnia, ut effectus omnium.

Quod nihil eorum quæ sunt, est non creatum & infectum; solus vero Deus est non creatus & infectus: omnia autem post naturam diuinam sunt facta, idest, creata. Cap. X.

Magnus Dionysius cap. ix. de diuinis nominib. edisserens quibus modis proprijs conueniat Deo, ut dicatur idem ipse, ait: Idem ipsum supra substantiam æternum, & post multas proprietates de eodem subiungit: Tamquam non permixtum, expers materie, simplicissimum, non indigens, non augescens, quod non potest minui, ingenitum, non tamquam nondum factum, aut imperfectum, aut ab hoc, aut hoc non factum, neq. tamquam

quam nullo modo existens; sed tamquam supra omne ingenitum, & absolute ingenitum, & semper existens, & per se perfectum. Quo in loco ait S. Maximus: Notandum est, quot modis accipitur significatio ingeni, id est non facti, aut quod nondum est generatum, sed generandum, ut Sarra dixit: Nondum mihi natus est, usque nunc; aut quod est imperfectum, ut turris in Chalane; aut ab hoc non factum, ut Paulus Apostolus non ab hominibus; aut non hoc factum, ut Iustus non vnus ex duodecim; aut quod penitus nullo modo est, ut quæcumque fingunt gentiles, Scyllam, Chimæram, & similia. Speciatim igitur & absolute ingenitum in Deo dicitur. Et adhuc idem paulo post: Sciebat, inquit, dogma quorundam gentilium, qui aiebant, omnia intellectilia, & immortalia, & vi intelligendi prædita, genita esse, & ingenita: genita quidem tamquam Deo effectore per se existentia secundum emanationem splendoris editi; ingenita vero, quatenus non tempore, sed æterne, id est, in æuo prodierunt. siquidem supra diximus, ea quæ sub sensum cadunt, habere tempus; ea vero quæ sub intelligentiam, habere æuum, unde & æterna dicuntur. ut igitur ex emanatione splendentia, ingenita ea vocabantur. rursus sciebat, alios qui hunc mundum qui cernitur, genitum & ingenitum esse dicerent; genitum quidem, quatenus hoc vniuersum vel ex vno in multa procedit; id est, in generationes animantium, & stirpium, & aliorum secundum varias eorum species & formas; vel ex multis in vnum, quando scilicet, ut interitum capiat, in elementa redit. rursus vero ingenitum vocabant eundem mundum, id est, perpetuum, quatenus, ut ipsi opinantur, motus ad generationem, & reditus ad corruptionem numquam desinit. Ait igitur Dionysius, quomodo cumq. dicatur ingenitum, siue ut dixi, siue ut gentiles dicunt, ne sic in Deo accipias. alia enim dicuntur ingenita *αἰσχροῦς*, id est, ut causam habentia; Deus autem ut causam non habens, & absolute. quam enim causam habere potest, qui omnibus, ut semel dicam, antecellit? Idem quoque obseruans beatus Anastasius in ijs quæ contra Monophysitas edidit, Ingenitum, inquit, id est, non creatum, solus Deus est. deinceps dubitans, quomodo Dionysio summo Theologo in men-

Gen. 18.

Gen. 10.

11.

Galat. 1.

Ec tem

tem venisset, vt Deum diceret esse supra omne ingenitū, multa ingenita significauit, idest, non creata. Atqui, inquit, quomodo hoc fieri potest? nemo namq. ingenitus, nisi solus Deus. Post quē rursus confutans opinionem Manicheorum, Dionysium Alexandrinum citat verbi huius interpretē, cum ait: Solet externa philosophia vocare ingenitum omnem naturam inaspectabilem: quibus sic vocatis, Deum dixit Theologus Dionysius antecelle-
re. Immo etiam Gregorius Nyssenus: Nihil, inquit, est non creatum præter diuinam naturam. & rursus: Sola diuina natura creaturam superat. & adhuc: Bipartita, inquit, contemplatione rerum in creaturam, & non creaturam, naturę non creatę sanctam Trinitatem esse defini-
mus; creatę vero cetera omnia, quęcumq. post illam dicuntur, & sunt, & nominantur. Et Ioannes Damascenus, Omne, inquit, quod est, aut est creatum, aut non creatum. si creatum, ab alio prorsus creatū est; sin autem non creatum, hoc sane sit, quod creaturas creauit. Et rursus idem: Differentis naturę ait esse ἀγέννητον, & γεννητόν, vno, v, scriptum, quod quidem declarat creatum, & nō creatum. est igitur natura diuina ingenita, idest, nō creata. Et S. Epiphanius: Ab omni causa plane exemptū est ingenitum; quia vnum est ingenitum, & venerandum. & rursus: Intelligi non creatum, & creatorem soli Deo conuenit: & fieri non potest, vt ad cōmunionem huiusmodi rei plures adducantur. & adhuc idem: Vnum, inquit, est quod facit, in vna substantia Trinitatis perfectę; cetera omnia facta, & creata. propterea enim ipsi non veneramur omne quod infra Dei substantiam est, quia soli Deo conuenit venerationem & culturam adhibere. Et iterum idem in ijs quę scripsit contra heresim Secundianorum: Reducetur, inquit, vniuersum ad vnum, quod est, quo superius nihil est; nec inferius, nec infimum, nisi quę ab ipso creata sunt. eritq. hoc manifestum ijs qui veritatem perdidicerunt, quod vnus Deus est pater, & filius, & spiritus sanctus. si autem vnus Deus est, ex quo omnia, nec est in eo sinistrum, nec aliud imminutū, neq. quidquā gradus inferioris, præterquam quę ab ipso creata sunt: quę autem sunt post patrem & filiū & spiritum sanctum, cuncta sunt pulchre creata, & large ab ipso bene pro-

ne profecta & constituta. Rursus idem contra heresim
 Marciorum: Nos enim, inquit, credimus penitus, si-
 cut veritas ostendit, & probabilis ratio suggerit, ac cum
 regula pietatis consonat, & cum lege & prophetis, &
 cum ipsis ab origine patriarchis ordine consecutis, & cū
 ipsa Saluatoris doctrina, & Apostolorum qui nos aperte
 docent confiteri vnum patrem vniuersorum domina-
 tum tenentem, & Dominum nostrum Iesum Christum,
 & eius sanctum spiritum, vnam sanctam Trinitatem nō
 creatam, omnibus ex nihilo post patrem & filium & spi-
 ritum sanctū factis. Quare in ijs quę clare confessi sunt,
 & crediderunt omnes sancti iam dicti, & prophete, &
 Euangeliste, atq. Apostoli, non poterit vnquā vlla fallax
 cogitatio contra radiū veritatis resistere ac repugnare. Et
 sanctus ac diuinus Germanus in expositione fidei ait:
 Sed veneratio nostra & cultus solam non creatam, &
 in infinitum potentem supraquam principalem, & su-
 praquam bonam, vitę principem, & supra substantiam
 sanctam Trinitatem, vnam diuinitatem & potestatem
 corde non dubitante & ore confitetur. huic enim soli
 cultū tribuere oportet. Et S. Cyrillus: Sine quis, inquit,
 angelos, siue aliquid superiorum ordinum, & omnia in-
 termedia prætergressus ad ipsos Seraphinos eat, & supre-
 mas glorias aggrediatur, naturam creaturarum non tran-
 scendet. vel enim aliquid superne est, hoc est, ex patre lu-
 minū, & idcirco Deus: vel infra aliquid intelligitur, &
 inferne, hoc est creatura, & ex creatura. interiectum ve-
 ro nihil funditus est. Et iterum idem: Quod enim est
 opinione illorum neq. pure Deus, neq. aperte creatura,
 quem locū apud ipsos recipiet in ijs quę sunt? Ego neq.
 in sola cogitatione recipere dicerem, quamuis eligere so-
 lum, possem. Et Iustinus philosophus & martyr: Etenim
 siquid principio extra Deum erat, omnino necessarium
 est confiteri hoc aut Deum, aut aliam quamlibet potesta-
 tem. at si quis Deum dicat, abrogarit diuinas voces, quę
 clare clamant: Ego Deus primus, & ego post hęc, & præ-
 ter me non est Deus. sin vero non dicat Deum; dicet sci-
 licet angelos, vel potestates. at sic etiam improbabit di-
 uinas scripturas, quę dicunt a Deo factas esse has: Lau-
 date eum omnes angeli eius, laudate eū omnes potesta-

Iacob. I.

Esa. 44.

Psal. 148.

Ec 2 tes

tes eius. Ex his apertum fit, quod inter naturam Dei in-
 tribus personis, & ab eo creata nihil aliud quidquam pe-
 nitus reperitur: omnia autem post diuinam naturam &
 substantiam sunt generata & creata: idcirco nihil eorum
 quę sunt, est non creatum & infectum, nisi solus Deus
 hęc supra substantiam Trinitas. Manifesta etiam est tibi
 1 huius Decadis expositio initiaria. Primum quidem po-
 nit, nihil eorum quę sunt, esse sine causa, sed solū Deum.
 hic igitur qui causam non habet, causa omnium est, qui
 2 ex nihilo creaturam producit: idcirco nihil eorum quę
 sunt, est coeternum auctori, quin potius vel ex principio
 3 temporis, vel non ex principio temporis, sed ex princi-
 pio cui est. ab his enim operibus quę sunt ex principio
 4 temporis, requiescit & sabbatum agit Deus; ab operibus
 5 vero quę ex principio cui sunt, non requiescit, & sabbat-
 um agit. & quod Deus indiuidue ex se ipso egrediens,
 vna potestate omnia producit, in nullo quopiam propter
 hęc diuisus, neq. quia producendo omnia, omnia fit, id-
 circo aliquid eorum quę ab ipso fiunt, aut aguntur, est
 6 non creatum. neq. possunt aliqua duo, aut multitudo
 post duo, aut aliud quid secundum superius & inferius
 progrediens esse infinitum, & sine principio; sed vnum
 7 solum, hoc est Deus, incomprehensus est, & inaspectabi-
 8 lis. & a contrarijs solus ipse nominatur; sed secundū ef-
 9 sentiam suam prorsus caret nomine, quia solus est non
 10 creatus & ingenitus; omnia autem post naturam diui-
 nam sunt creata, quia inter ipsum Deum, & creaturas
 neq. quidquam est, neq. cogitatur tamquā essentia quę-
 piam. Diligenter igitur sunt hęc principia a Theologis
 exposita, cum alioqui ipsius Dei infinitatem cognoscere
 non possimus.

Ad ea quę in hoc extremo capite ex varijs Patribus de ingenito ne-
 tata sunt, adiungi potest quod S. Chrysost. scripsit, differens de inge-
 nito contra hereticos, in homilia in illud, In principio erat verbū, &
 Ioan. 1. spiritus scrutatur profunda Dei: Ne existimes, inquit, heretice,
 1. Cor. 2. magnum quid te tribuere patri, cum dicis esse ingenitum; quia mul-
 ta alia quę non sunt generata, dicuntur ingenita, dicitur Adam in-
 genitus, quia non fuit genitus, sed formatus, dicitur etiam homo in-
 genitus, non generatus, neq. formatus, vt cum Dominus dixit de Iu-
 da: Bonum erat ei, si natus non fuisset homo ille. Et quomodo illi me-
 lius

lius erat, si natus non fuisset? et enim qui non est, nihil conducit, neq. nocet. Et Salomon beatum predicat eum qui non est genitus. sic enim ait: Beatus qui mortuus est, magis quam uiuens; & supra duos, qui non est genitus. Et si non est genitus, quomodo est beatus? Vide nomina naturæ ingentia: dixit hominem neq. genitum, neq. formatum beatum. quamobrem appellatio ingentis non interpretatur naturam diuinam, nec ut tu ais, substantiam significat: nec honorem affert patri. hætenus Chrysostomus.

Eccl. 4.

DECAS NONA, DE INFINITATE IN DEO.

Quod in Deo, qui est supra substantiam, non est quidquam aliud non creatum præter patrem, filium, & spiritum sanctum vnius & solius naturæ non create, nec aliud quidquam ante sæcula præter has tres personas diuinas. Cap. I.



MAGNVS Dionysius cap. I. mysticæ Theologiæ: Trinitas supra substantiam, & supra diuinum, & supra bonum, pietatis Christianorum erga Deum præses & custos dirige nos ad mysticorum sermonum Dei supraquam¹ ignotū, & supraquam² lucens, atq. summum fastigiū; ubi simplicia, & absoluta, & immutabilia Theologiæ mysteria aperiuntur in caligine supraquam³ lucente silentij arcanæ doctrine. Tu, quæ in obscuritate tenebricosissima supraquam⁴ clarissime supraquam⁵ splendes, & in illis splendoribus supraquam⁶ pulchris, & tactum, & aspectum ex toto fugientibus mentes oculis captas supraquam⁷ imples. Mihi igitur hæc optentur, tu vero, chare Timothee, in vehementi mysticarum contemplationum exercitatione & sensus, & usus mentis relinque, & omnia quæ sub sensum & intelligentiam cadunt, & vniuersa quæ sunt, & non sunt: & ad copulationem, quantum consequi potes, cum eo qui supra omnem substantiā & cognitionem est, ignote⁸ contende: & extra te

Trinitas supra diuinū a creaturis participat, & similiter supra bonum.

Tactum, & aspectum intellectuales dicit. est enim cognitio, quædam tactio, & visio intellectus.

Psal. 17.

Extrema in
rebus vocat
materiā in-
animatam.

tra te positus pure, & ab omnibus solutus & liber ad ra-
dium diuinum diuinę obscuritatis, omnibus ablatis, &
ab omnibus expeditus adducis. Vide autem, vt nemo
hac audiat ex ijs qui non sunt instructi; hos dico, qui
rebus terrenis adherescunt, & nihil supra ea quę sunt,
& supra substantiam esse cogitant, quin potius arbitran-
tur sua cognitione nosse eum qui posuit tenebras latibu-
lum suum. Si autem supra hos sunt diuinorum myste-
riorum cognitiones, quid dici poterit de alijs non ini-
tatis, qui summam causam omnium ex extremis in na-
tura rerum designant, nihilq. eam antecellere aiunt im-
pijs imaginibus, quas ipsi fingunt? Et magnus Athana-
sius: Sola enim sancta Trinitas diuinitatis non creata ap-
paruit. Et beatus Basilius: Illic stetit beata, & non creata
Trinitas, pater, & filius, & spiritus sanctus. Et Grego-
rius Nyssenus: Nihil aliud ante secula præter patrem, &
filium, & spiritum sanctum. Et diuinus Damascenus:
Solutus non creatus, qui in patre, & filio, & spiritu san-
cto colitur. Ex quibus fit manifestum, quod in Deo, qui
est supra substantiam, nec aliud quidquam est non crea-
tum præter Trinitatem, nec aliud quidquam ante eum
præter patrem, & filium, & spiritum sanctum, Trinita-
tem supra naturam; & in qua simplicia, & absoluta, atq.
immutabilia mysteria Theologiæ deteguntur, & ipsi oc-
culti sermones silentij ineffabilis. quare si quę est natura
non creata, ea est pater & filius & spiritus sanctus. Et
rursus: Si quid est pater, & filius, & spiritus sanctus, sola
non creata natura est. & cum dicimus, O natura nõ crea-
ta, auctor omnium, vel præter diuinam naturam nihil est
non creatum, implicate dicimus patrem, & filium, & spi-
ritum sanctum: & cum rursus dicimus, Pater omnipo-
tens, fili, & spiritus sancte, explicate vnā & non crea-
tam naturam inuocamus; nihil comouentes in fide, quæ
tenet vnitatē esse in Trinitate, & Trinitatem in vnitate.

Ex scholijs S. Maximi.

Supraquam ¹ ignotum) quia quid sit Deus, qui est sancta Trini-
tas, non solum est ignotum, vt nos intelligere possumus in creaturis
aliquid esse ignotum, sed est supraquam ignotum. supraquam ² lu-
cens) Quia cognitio est quedam lux mentis, significat Dionysius, non
esse proprium Dei sic cognosci quod sit, & bonus sit, & reliqua eius-
modi

modi Dei propria, sicut nos intelligimus, & cognoscimus in creaturis, esse, & tales esse; sed est cognitio eius propria supra omnem cognitionem creatam. a se enim solum, ut decet, idest perfecte, cognoscitur esse. simplicia, 3 & absoluta.) Illa dicit, quæ nude sicuti sunt, sine integumentis symbolicis, & sine parabolis, ac sine verbis, quæ explanatione indigent, intelliguntur & videntur, Deo aperiante mysteria; quæ sic ostensa & reuelata, non possunt postea sermone exprimi, sicut Paulus de huiusmodi visione & reuelatione mysteriorum simplici & absoluta, idest, nuda & aperta remotis symbolis, & verbis explanatione indigentibus, in raptu illo suo scripsit, quæ non licet, inquit, 2. Cor. 12. homini loqui. ad hoc enim videtur Dionysius retulisse quod hic dixit, In caligine supraquam lucente silentij arcana doctrine. caliginem vocavit, quæ Paulus ἀπὸ κρυφαῖν, idest, arcana. hæc enim obscurissima, & quæ explicari non possunt (sicut neq. videri potest caligo, neq. quæ caligine oblecta sunt) vidit Paulus, & cognovit in luce clarissima reuelationis sine ullis symbolis. Illud autem observandum est (ne quis interpretem temere reprehendat, quod vertimus, Aperiuntur in caligine) male legi in exemplaribus Grecis in Italia & in Gallia hæcenus editis, ἐκκαλύπτεται, idest, teguntur. melius reperi in exemplari manuscripto, quod Cyparissiotus habuit, ἐκκαλύπτειται, idest, deteguntur. Mentis angelicas oculus captas dicit præinfinita excellentia diuini splendoris, sunt alioqui multis oculis prædite propter multam cognitionem propriæ facultatis. sicut enim Deus dicitur inuisibilis, sic dicuntur angelice mentes oculis capte. vniuersa & quæ sunt, & non sunt) idest, omnia intellectilia, & sensilia. hæc enim propter continuam mutationem dicebantur a philosophis non esse, ignote 6) Significat non esse curiose inquirendum, quomodo fiat ista cognitio mystice Theologie per copulationem cum Deo, relicta omni alia cognitione rerum id quod Paulus Apostolus significauit, cum dixit de illa sua cum Deo copulatione, in qua mysteria illa arcana vidit: Sive in corpore, siue extra corpus, nescio, Deus scit. Nescio, inquit, idest, non curiose inquiri, satis mihi est vidisse & audisse arcana illa, &c.

Ibid.

Quod in Deo, qui est supra substantiam, non est alia diuinitas eius, nisi pater, & filius, & spiritus sanctus, una & sola non creata natura; nec alia potestas, siue virtus, & operatio in ipso, nisi hæ tres diuina persona. Cap. 11.

Dominus in Euangelio ait: A modo videbitis filium Matth. 26.
 hominis sedentem a dextris virtutis Dei, & venientem in nubibus celi. & rursus: Si autem in virtute Dei Luc. 11.
 eiicio

- Luc. 24.* eiicio dæmonia. & adhuc: Vos autem sedete in ciuitate Hierusalem, donec induamini virtutem ex alto. & diuinus Apostolus: Christus Dei sapientia, & Dei virtus. Gregorius Nyssenus, ἡ δύναμις, idest virtus, siue potestas, cū ad Deum refertur, singulariter effertur; cum vero ad creaturas, numero multitudinis. Gregorius Theologus, Vnum tria, & tria vnum, in quibus est diuinitas, vel potius dicam, quę sunt diuinitas. & rursus idem: Dei vero cum dico, dico patris, & filij, & spiritus sancti, neq. diuinitate ultra hęc fusa, ne populum deorum introducamus; nec diuinitate intra hęc terminata, ne de angustia diuinitatis damnemur. & iterum: Vnius diuinitatis, o boni, Trinitatem honorate. & rursus: Satis est, eatenus cognoscere vnitatem in Trinitate, & Trinitatem in vnitatem mirabilem in vnum copulationem, & distinctionem habentem. & adhuc idem: Nobis autem vnus Deus, quia & vna diuinitas. & magnus Athanasius: Ter sanctus propter tres personas, semel Dominus propter vnā diuinitatem. satis hęc sunt fidelibus: hucusq. cognitio in hominibus procedit; hucusq. Cherubini alis se velant. qui autē amplius his scrutari vult, audit dicentem: Ne sis nimium sapiens, ne obstupefias. Et magnus Basiliius: Baptisma nostrum est secundū traditionem Domini in nomine patris, & filij, & spiritus sancti, nulla creatura, neq. seruo ad ordinem patris & filij adiuncto; vtpote diuinitate in tribus completa; quod extra hęc est, id omne conseruum est, quamuis magnitudine dignitatum alia alijs præstent, & antecellant. Et rursus idē: Catena quædam est sancta & veneranda Trinitas, vnā & eandem diuinitatem in vna & perpetua gloria vbique circumferens. Adhuc idem: Dicta sunt hęc, & bene erit, vt est ijs qui sine curiositate credunt in Deum verbū & spiritum, vnā substantiā & diuinitatem; quæ & sola est veneranda; & nullo modo subrepat multitudo. Ex disputatione contra Phædonem philosophum, quæ est in prima Synodo: Fides, inquit, catholica vnā solam diuinitatem nouit, & hanc colit, patris, filij, & spiritus sancti. præter hanc non reputabitur altera. Editio sanctę & œcumenicę tercię Synodi: Si quis non confitetur in sancta Trinitate vnā diuinitatem, & vnum regnum, & vnum

num dominatum, anathema. Confessio sanctę & œcumenicę sextę Synodi: Nos neq. tres deos scimus, neq. totos multos deos, vel naturas, vel substantias, vel diuinitates nouimus, aut cognoscimus; aut qui cognoscerēt, nouimus: immo eum qui habet, vel sentit, vel cognoscit, anathematismis subiicimus. Gregorius Nyssenus in libro inscripto, Quę sit Christiani professio: Qui enim, inquit, eos condemnat qui dicunt vnā diuinitatem, necessario vel multas dicenti, vel nullā, assentitur. non enim quidquam aliud præter hæc dicta cogitari potest. quinimmo neq. doctrina scripturę multas dicit, quę aliquibi meminit singulariter diuinitatis, vt cum ait: In ipso habitat omnis plenitudo diuinitatis corporaliter. Si igitur extendere numerum diuinitatum in multitudinē, eorum tantum est qui ex errore multos deos ponendi ægrotant, negare autē in vniuersum diuinitatem, eorū fuerit qui Deum tollunt, quę ratio est accusandi nos qui vnā diuinitatem confitemur? Et S. Sophronius Hierosolymitanus: Sicut, inquit, didicimus, vnum Deum esse, sic vnā diuinitatem confitendam esse accepimus. Et Gregorius Theologus in oratione de constituendis episcopis: Si consequi possem, vt hic perfectam vniuersorū scientiam haberem, quid mihi reliquum esset? quid sperarem? Regnū calorum plane, dicturus es. Arbitror autem nihil aliud esse hoc, quā adipisci quod purissimū & perfectissimū est. perfectius autē ex omnibus quę sunt, cognitio Dei est. sed hanc quidē partim teneamus, partim vero pergamus vt cōprehendamus, quādiu super terrā sumus; partim in futurū reseruemus, vt illinc hunc fructum laboris habeamus, splendorem scilicet totius sanctę Trinitatis, quicūq. est, & qualis, ac quantus, si fas est dicere. Adhuc idem in eadē oratione: Satis habeo audire, quod filius, & quod ex patre, & quod hic quidē est pater, hic vero filius, & nihil præter hoc curiose inquiri; ne mihi eueniat quod vocibus, quę nimium elatę, prorsus decidunt; aut aspectui intento in radium solis, quo enim plus, & acutius videre quis cupit, eo magis sensus eius læditur. Ex his patet, quod in Deo, qui supra substantiam est, non est alia diuinitas eius, nisi pater, filius, & spiritus sanctus; immo ipsa tria sunt diuinitas; & nec ultra

Colos. 2.

F f

ista

ista, hæc; nec his tribus aliquid deficit, quippe cum diuinitas in his tribus completa sit. quod autē extra hæc est, neq. pater est, neq. filius, neq. spiritus sanctus; sed conseruū nobiscū est vniuersum. tota enim natura non creata in his tribus cernitur, & cōpleta est. & sicut vna est nō creata natura Trinitatis, sic etiam vna est ipsius diuinitas, & potestas, & operatio. & sicut nō est alia diuina natura præter Trinitatem supraquam diuinam, sic nō est alia præter ipsam diuinitas, vel potestas, siue virtus, & operatio: sed quod est natura, hoc Trinitas; quod diuinitas, hoc potestas, & operatio. quare quod potestas, & operatio, hoc natura supra substantiam. & quia natura, & substantia, & potestas, & operatio idem, idcirco vnus nobis Deus ipsa vnitas trium personarum. Simul tamen & hoc patefit, omnem Theologiam in tribus diuinis personis conclusam esse: qui autem plura his curiose indagare vult, ab ea, quæ vere veritas est, excidit.

Quod in Deo qui est supra substantiam, non est alia vnitas, & alia Trinitas: nec est in superna Trinitate quidquā inaequale, & maius, ac minus: nec aliud quid in ea priuans, secundum se substantiæ expers, & non per se existens. Cap. III.

Magnus Athanasius in expositione fidei in prima Synodo ait: Principio hæc est fides orthodoxa, vt vnū Deum in Trinitate, & Trinitatem in vnitatem veneremur; neq. confundentes personas, neq. substantiam separantes. Et paulo post: Increatus pater, increatus filius, increatus spiritus sanctus; & non tres increati, sed vnus increatus: omnipotens pater, omnipotens filius, omnipotens spiritus sanctus; & non tres omnipotentes: æternus pater, æternus filius, æternus spiritus sanctus; & nō tres æterni. & non multo post: Et in hac Trinitate nullus primus, & nullus vltimus; nemo magnus, & nemo parvus; sed hæ tres personæ æternæ sunt, & æquales in omnibus. Vnitatem igitur in Trinitate, & Trinitatem in vnitatem omnis Christianus colat. Et sanctus Maximus in explanatione subtili precatōis, Pater noster: Non, inquit, aliam vnitatem, & aliam Trinitatem esse didicimus (nō enim

enim vnitas, quæ simplex & vna natura est, dissimilitudine naturæ a Trinitate differt) nec aliam iuxta aliam (non enim remissione potestatis discreta est ab vnitate Trinitas, vel a Trinitate vnitas) neq. sicut aliquid commune & generale, quod cogitatione solū spectari potest, a partibus suis variatur, sic a Trinitate variata est vnitas, quæ est substantia proprie per se existens, & potestas vere per se valens; nec tamquam alia ex alia (non enim Trinitas ex vnitate existit, nec vnitas ex Trinitate secundum productionem, vel antegressionem) sed eandem vere vnitatem, & Trinitatem dici didicimus: vnitatem quidem ratione substantiæ; Trinitatem vero modo existendi: totam vnitatem eandem ipsam non diuisam personis; & totam Trinitatem eandem ipsam non confusam vnitate; ne diuisio multitudinem deorum introducat; neq. confusio Dei negationem. Gregorius Theologus in tertia oratione de pace: Non vnum pietatis terminum existimemus, venerari patrem, & filium, & spiritum sanctum, vnā in tribus personis diuinitatem, & potestatem, nihil supra, nec infra colentes. illud enim fieri non potest; hoc autem impium est. Et adhuc idem: Vbi enim est vnumquodq. incomprehensum, & maius, quam vt cogitari queat, quomodo hic quod excellat, vel intelligetur, vel tradetur? quomodo vero quod infinitum est, metiri possumus; vt quod est eorum quæ terminantur, eueniat diuinitati, quam gradibus superioribus, & inferioribus metiamur? Et rursus idem: Non est Trinitas annumeratio inæqualium; alioqui quid prohibet, quin sit hæc decas, & hecatontas, & myrias? Et rursus: Vnā diuinitatem, & potestatem, quæ in tribus reperitur, & tria complectitur discrete, neq. differens substantijs, siue naturis, nec aucta exuperantijs, & remissionibus, vndiq. æqualis, vndiq. eadem. Et iterum idem in prima oratione de pace: Vnitas, inquit, quæ in Trinitate colitur, & Trinitas quæ in vnitatem redigitur, eiusdem throni, eiusdem gloriæ, non creata, inaspectabilis, non cadens sub tactū, incomprehensa, quæ sola cognoscit quem apud se ordinem habeat, quæ omnem creaturam extra finit partim primo, partim secundo velo diremptam; primo quidem creaturam cælestem & angelicam a diuinitate diremptā,

Ff 2 secundo

secundo vero nostram a creatura angelica. Sanctus Gregorius Nyssenus libro primo contra Eunomium: Quod autem, inquit, non congruit cum dogmate ab ipsis fabricato, opinari simplicem esse substantiam, quæ supra omnia est, quamuis id verbo gratis largiantur, manifestum fit etiam parum aduertenti. Quis enim ignorat quod secundum propriam rationem simplicitas in sancta Trinitate plus & minus non recipit? Et adhuc Gregorius Theologus in oratione de baptismo: Volo patrem maiorem dicere; ex quo provenit, ut qui sunt æquales, æquales sint, & existant. hoc enim ab omnibus concessum est. & metuo ne principium faciam principium minorum; & contumelia afficiam præferendo. non enim ei, ex quo, gloria est summissio eorum qui ex ipso. Et rursus Gregorius Nyssenus in libro de Abraam: In utroque igitur verum dicit scriptura, quæ æquale confitetur, & maius non negat. Cum enim scriptura ad humanitatem respicit, maius confitetur quod non videtur, quam id quod per carnem videtur: quando vero mentem deducit ad diuinitatem, vacat hæc comparatio maioris & minoris, & vice horum unitas prædicatur: Ego & pater unum sumus, quæ enim variata sunt secundum inæqualitatem, unum esse non possunt. Et magnus Athanasius in libro de incarnatione Christi: Vbi, inquit, dignitas est eiusdem honoris, eiusdem quoque honoris est veneratio. in dignitate æquali non est pugna: inæquale suscitatur pugnam; æqualitas honorat pacem. Et idem rursus contra Apollinarium: Si natura non est pater maior filio, neque magnitudine (magnitudinis enim expers est) neque tempore, quia sine tempore est; neque qualitate, quia qualitate caret: nulla igitur alia re maiorem se patrem dicit, nisi quatenus filius, & patrem suum honorans. Et magnus Basilius libro quarto suarum confutationum: Maius, inquit, vel magnitudine, vel crassitudine, vel tempore, vel dignitate, aut tamquam causa, maius est: at magnitudine non est maior pater filio; expers enim est magnitudinis; neque crassitudine, quia incorporeus; sed neque tempore, filius enim est temporis auctor; neque dignitate; nec enim factus est filius, qui aliquando non esset; nec ut auctor, quoniam æque erit & ipso, & nobis maior, si ipse, & nostri auctor est. Et iterum Gregorius

Ioh. 14.

Ioh. 10.

gorius Theologus libro secundo de Theologia ait: Sed si Deus est incorporeus, nec hoc demonstrat substantiam, sicut nec ingenitum, & principio carens, & immutabile, & immortale, & quicumq. † de Deo, vel circa Deum dicuntur. Ex quibus efficitur manifestum, quod in Deo, qui est supra substantiam, non est alia unitas supra diuinam, & alia Trinitas supra substantiam; sed eandem vere unitatem & Trinitatem credimus: nec est in Trinitate supraquam diuina quidquam inæquale, & partim eius maius, partim vero minus; sed potius vna æqualitas tribus pura, & immutabilis: nec aliquid eorum trium vlla ex parte plus colimus, & aliquid minus: nec est in eo quidquam priuans, & secundum se expers substantiæ, & non per se existens. imperfecta enim introductio priuantis contumeliosa est in id quod perfectissime existit. etenim nō esse substantiam, & per se non existere, defectionē perfectissimæ substantiæ, & per se existentis demonstrat.

† De ijs loquitur quæ similiter de Deo dicuntur vt ingenitū, incorporeū, & similia.

Quod in Trinitate, quæ supra substantiam est, neq. persona re distinguitur a substantia; neq. tres diuina personæ substantia distinguuntur, nec alia quapiam oppositione distinguuntur, nisi hac sola secundum relationem. Cap. 1111.

Magnus Athanasius in dialogo orthodoxi & Anomij ait: Aliud est substantia, & aliud persona: aliud & aliud; compositio igitur. Aliud & aliud dixi, non vt rem aliam & aliam; sed vt aliud significante persona, & aliud substantia, sicut granum frumenti dicitur & est semen, & fructus: non vt res alia, & alia; sed aliud quid significat semen, aliud fructus. Et magnus Basilius in epistola ad Terentium comitem: Si autem, inquit, oportet nos paucis dicere quod videtur, illud dicemus, quod quæ rationem habet commune ad proprium, hanc habet substantia ad personam. Vnusquisq. enim nostrum cōmuni ratione substantiæ participat esse; & proprietatibus quæ circa se sunt, est ille, aut ille. ad eundem modum illic. ratio quidem substantiæ communis est, vt bonitas, aut diuinitas, aut si quid aliud intelligatur: persona vero in proprietate qua pater est, aut qua filius, cernitur. Sanctus Ioannes

Ioānes Damascenus cap. LIII. cuius inscriptio est, Quòd omnis natura diuina in vna ex personis eius vnita est cū tota humana natura, & non pars cum parte: Cōmunia, inquit, & vniuersa prēdicantur de suis subiectis particularibus: commune igitur est substantia, vt species; particulare autem hypostasis, particulare autem, non quia partem naturæ habet, partem non habet; sed particulare numero, vt indiuiduum; numero enim, & nō natura hypostases dicuntur differre. prādicatur autem substantia de hypostasi, quia in singulis quę sunt hypostases eiusdē speciei, perfecta substantia est. quocirca neq. hypostases differunt inter se substantia, sed secundū accidentia; quę sunt proprietates designantes hypostasim, & non naturam: siquidem hypostasim definiunt substantiam cum accidente. quamobrem hypostasis habet cōmune cum proprio. substantia autem secundum se nō existit, sed in hypostasibus spectatur. Idem de sancta Trinitate: Oportet, inquit, scire, quòd aliud est considerari re, & aliud ratione & cogitatione. in omnibus igitur creaturis distinctio hypostaseon, re consideratur. re enim Petrus a Paulo discretus consideratur: communitas vero, & copulatio, & vnum, ratione, & cogitatione spectatur. intelligentia enim percipimus Petrum & Paulum eiusdem naturæ esse, & naturam vnā habere communem. vnusquisq. enim eorum est animal rationis particeps, mortale; & vnusquisq. caro est animata anima ratione prādita, & intelligente. Hęc igitur communis natura ratione consideratur. nec enim personę alię in alijs inter se sunt: sed potius vnaqueq. singillatim & in parte, idest, per se separata est, plurima habens quę ipsam ab altera distinguant. siquidem & loco distant, & tempore differunt, & voluntate diiuduntur, & viribus, & forma, idest, figura, & habitu, & mixtione, ac dignitate, & studio, omnibusq. proprietatibus designantibus; plus vero ceteris omnibus eo quòd nō sunt alię in alijs mutuo, sed potius separate sunt; vnde & duo, & tres homines dicuntur, & multi. hoc autē in omni natura licet cōsiderare. contra vero in sancta, & supra substantiam, ac vltra omnia, & incomprehensa Trinitate. illic enim contemplamur commune, & vnum re propter cōeternum, & quia id ipsum sunt substantia, operatione,

ratione,

ratione, voluntate, & voluntatis conspiratione, potestate, virtute, & bonitate. Non dixi simile, sed id ipsum; & propter vnum impetum motus, vna enim substantia, vna bonitas, vna virtus, vna voluntas, vna actio, vna & eadem potestas; non tres sibi inter se similes, sed vna & eadem trium personarum motio. vnum enim vnaqueque earum habet erga aliam, non minus quam erga se ipsam; idest, in omnibus vnum sunt pater, & filius, & spiritus sanctus, præter ingenitum, & natiuitatem, & processionem; vnum inquam habet, sed cogitatione distinctum. Magnus Basiliius in sermone de fide: Filium dixi, & patrem: serua mihi has proprietates. permanens igitur filius in eo quod est filius, omnia est, quæcumque pater est, sicut ipse Dominus dixit: Omnia quæ habet pater, mea sunt. Et Gregorius Nyssenus: Confitentes, inquit, eandem naturam sine vlla variatione, differentiam causæ, & ex causâ proficiscentis non negamus, in quo solo alterum ab altero discerni comprehendimus. Et diuinus Anastasius in libro de veritate rectorum dogmatum: Reciprocantur, inquit, huiusmodi appellationes, Deus, Dominus, & spiritus propter incorporeum & sanctum; quia vnicuique personæ conueniunt huiusmodi nominationes, reseruato patri hoc solo, scilicet patrem esse, quia solus est pater tamquam causâ; & reseruato ipsi filio hoc tantum, scilicet filium esse, quia solus genitus est: reseruato item paraceto esse scilicet spiritum sanctum. Diuinus Dionysius cap. secundo de diuinis nominibus. ait: Copulata in vnum in tota diuinitate, vt in Theologicis informationibus prolixè ex scripturis sanctis demonstraui-
mus, sunt supraquam bonus, supraquam Deus, supraquam substantia, supraquam viuens, supraquam sapiens, & quæcumque sunt ablationis ⁶ secundum exuperantiam; cum quibus numerantur omnia quæ ad rationem causæ pertinent, bonum, pulchrum existens, viuificum, sapiens; & quæcumque sunt ex donis eius, quæ bonitatē eius decet, a quibus omnium bonorum causâ nominatur. discreta ⁷ vero sunt patris nomen, & res; & filij, & spiritus sancti; nulla in his facta reciprocatione, aut prorsus communitate introducta. est præterea discreta ac distincta perfecta ⁸ sicut in nobis, & immutabilis Iesu essentia, & quæcumque.

Ioan. 16.

cumq. sunt mysteria 9 substantialia humanitatis eius. Ex his manifestum fit, quod in Trinitate, quę est supra substantiam, persona & substantia non sunt idem ratione & cogitatione; sunt tamen re & substantia. similiter tres diuine 10 persone inter se non discernuntur re & substantia, sed ratione tantum & cogitatione. essentia enim earum vna est, sed non est earum inter se reciprocatio: idcirco non potest cadere in eas alia oppositio, nisi eorum quę sunt ad aliquid. alię enim oppositiones nō assumuntur sine materia: oppositiones vero in ijs quę sunt ad aliquid, quodam modo consistunt supra materiam; quia in hac oppositione non dirimitur copulatio: quia esse eorum est quodam modo se habere ad aliquid.

Schol.ia

Greg. Naz.

Basiliius epistola prima ad Cledonium.

Aliud¹ dicitur significare in diuinis substantia, & aliud persona, quia licet vnā & eandem rem substantia & persona significant, aliter tamen eam significat substantia, & aliter persona: & recte dicitur Gręce ἄλλο καὶ ἄλλο, id est, aliud & aliud, ubi solum est aliud & alius modus significandi: sicut semen & fructus vnā rem significant, granum scilicet frumenti, aliud tamen & aliud dicuntur significare, non tamquam aliam & aliam rem, sed quia aliter significat illam vnā rem semen, & aliter fructus. semen enim ita significat granum frumenti, vt intelligamus contineri in eo seminaliter aliud simile. semen enim est, in quo est virtus seminalis ad producendum aliud simile. fructus autem non sic significat granum frumenti, sed esse fructum alterius, siue productum ab alio. sic etiam substantia & persona vnā res sunt, & vnā rem significant: sed aliter eam significat persona, scilicet singulariter; substantia vero communiter. quam enim rationem habet commune ad proprium, ait Basiliius, hanc habet substantia ad personam. Hic igitur modus diuersus significandi vnā alioqui & eandem rem, vocatur ab Athanasio aliud & aliud: non quia alia & alia res sit, sed quia vnā & eandem res alio & alio modo significatur. possunt enim esse vnus rei plura nomina, vt vnum nomen plurimum rerum. communia: & vniuersa predicantur de suis subiectis, commune igitur est substantia, vt species. Non hoc dicit Damascenus de substantia in diuinis personis, quod secundum rem communis sit, sicut in creaturis species quę diuiditur per proprietas characteristicas, quas vocant indiuiduales, ita vt, sicut paulo post hic dicit idem Damascenus, Petrus a Paulo re distinguatur, quia non est Petrus in Paulo: Petrus enim & Paulus vnū sunt non re, sed ratione, & intelligentia. contra vero in diuinis personis non secundum rem, sed secundum modum significandi inuenitur aliqua similitudo

litudo communis & particularis cum creaturis. Observavit hoc in Da-
 mascono S. Thomas. (præter ingenitum, & natiuitatem, & processionem) ¶ vide init.
 Nō hoc dicit Damascenus, quasi innascibilitas, quæ dicitur ἀγεννησία,
 constituat & distinguat personam patris. hoc enim fieri nō potest, cum
 ingenitum nihil ponat, sed neganter accipiat. nec ingenitum acci-
 pit pro eo quod est increatum (sic enim secundum substantiam dicitur,
 & ad substantiam pertinet) sed sic accipit Damascenus hic ingenitum,
 ut significet id quod non est genitum, ut ad relationem pertineat, qua-
 tenus relatio geniti, quæ conuenit filio, negatur patri; ut sic pater
 ingenitus distinguatur a filio non secundum substantiam, sed secundum
 relationem. Observavit hoc & explicauit in Damasceno idem S.
 Thom. 1. p. q. 33. art. 4. ad 3. Item natiuitas, quæ est actus notio-
 nalis, ad relationem pertinet, quatenus significatur, sicut ait idem S.
 Thom. ut via ad personam filij proprietate personali, idest, filiatio-
 ne constitutam. sed cogitatione & distinctum, scilicet a persona.) Ne
 quis aliter accipiat quod hic dicit Damascenus, hoc ipsum dicit S.
 Thom. 1. p. q. 39. art. 1. Relatio enim, inquit, ad essentiam com-
 parata non differt re, sed ratione tantum, quatenus scilicet essentia
 quantum ad modum significandi, ut ait idem S. Thom. significatur ut
 forma trium personarum, & persona, ut particulares comparata au-
 tem ad oppositam relationem, habet virtute oppositionis realem distina-
 ctionem; & sic, inquit, remanet una essentia, & tres persone. Itaq.
 distinctio rationis sufficit, ut multiplicari possint persone, quæ sunt
 alioqui una essentia, & non multiplicetur essentia. Sic etiam Da-
 mascenus in hoc loco distinctionem cogitationis, siue rationis posuit in-
 ter essentiam diuinam & personas, relicta distinctione reali inter re-
 lationes personales, quas nominauerat. Confitentes se eandem natu-
 ram sine ulla variatione, differentiam cause & ex causa proficiēti-
 tis non negamus.) Causam dicit, quæ vniuoce dicitur, non enim in
 diuinis perfectius est esse causam, quam esse ex causa, sicut in creatu-
 ris, in quibus homonymum est, idest, æquiuocum habere causam, quod
 conuenit effectui; & esse causam, quod conuenit efficienti tamquam
 perfectiori. In diuinis causa est pater filij, sed non causa effectrix, quæ
 a sanctis Patribus dicitur γενεσις, sed causa solum quæ dicitur
 αἰτία, aut ἀρχή, aut αἰτία ἀρχή. dictum est de his decad. 7.
 cap. 6. Dupliciter itaq. dicitur apud Græcos αἰτία, idest, qui est
 causa, αἰτία γενεσις, idest, causa effectrix; & αἰτία ἀρχή,
 idest, causa quæ principium est; sicut accipiunt doctores Græci nomē
 cause in diuinis, quod S. Thom. recte intellexit, & in Græcis patri-
 bus probauit. sic enim scripsit in opusculo contra errores Græcorum
 cap. 1. Neq. tamen intelligendum est, quod sancti qui nomine cause
 & causati vtuntur in diuinis personis, intendunt diuersitatem natu-
 re inducere, aut filium esse creaturam; sed per hoc volunt ostendere

Gg solam

solam originem personarum. haftenus S. Thom. Quod ergo ait Gregorius Nyssenus, ex sola differentia cause & causati in diuinis existere distinctionem personarum, significat, quia pater est principium filij per generationem scilicet, & pater ac filius principium spiritus sancti per spirationem; idcirco patrem, & filium, & spiritum sanctum suis proprietatibus personalibus inter se realiter distingui. Et quod Anastasius Antiochenus ait, hoc solū reservari patri, scilicet patrem esse, quia solus pater sit tamquā causa, perinde est ut si diceret, quia solus pater sit tamquā principium filij. Apud Latinos vero vsuatum est pro vocabulo causa uti nomine principij. rationes vsus huius verbi idem S. Thom. attulit: legat qui desiderat. quaecumq. sunt ablationis & secundum exuperantiam) Sunt huiusmodi nomina supra bonum, supra pulchrum, quae tollunt in Deo bonitatem creatam, & pulchritudinem creatam; & tribuunt exuperantem, & superlatam bonitatem, scilicet increatā, quae vincit omnem cognitionem & intelligentiā. discreta 7 sunt nomen patris supra substantiā, & res) Nomen patris supra substantiam dicit, quia in diuinis non significat nobis nomen patris, aut filij, quod in creaturis intelligimus, personas scilicet re & substantia separatas. Rem vero patris vocat non ipsam substantiam, quae una est & eadem in tribus, sed rem patris, & rem filij, & rem spiritus sancti vocat proprietates, quae in diuinis personis ordinem originis siue principij inter eas designant, unde notionales proprietates, siue actus dicuntur, quia sunt proprie notiones, siue designationes personarum; ut propriū patris est generare filium; propria est natiuitas filij ex patre; & propria spiritus sancti processio ex uno principio, patre & filio. haec dicuntur Graece $\chi\rho\mu\alpha\tau\alpha\ \gamma\rho\omega\pi\epsilon\iota\alpha$, idest res, siue actus notionales. res enim quatenus pertinet ad relationem, numero plurium predicatur in diuinis. S. Thom. 1. p. q. 39. art. 3. ad 3. In his igitur nō est reciprocatio, neq. communitas, nec in ipsis nominibus patris, & filij, & spiritus sancti, nec in eorum rebus, idest in eorum actibus, siue vsibus, unde manant. nec enim nomen patris conuenit filio; neq. filij nomen conuenit patri; quia neq. generare filij est, neq. generari patris. similiter in spiritu sancto qui ab utroq. procedit. Est praeterea obseruatione dignum quod hic ait Dionysius, discreta esse in diuinis nomen patris, & $\chi\rho\mu\alpha$, idest, rem; & nomen filij, & rem; item nomen spiritus sancti, & rem. cum enim prius posuit nomen patris, & nomen filij, & nomen spiritus sancti, & postea secundo loco posuit $\chi\rho\mu\alpha$, idest, rem patris, quae est generare; & rem filij, quae est generari; & rem spiritus sancti, quae est procedere; plane docuit id quod S. Thom. etiā tradit, prius & principalius secundum modū intelligendi distingui hypostases diuinas per relationes, quā per origines, siue actus notionales, quos Dionysius significauit nomine $\chi\rho\mu\alpha\lambda\omicron\varsigma$. Interpres vetus Dionysij, quem sanctus

Actus Thomas habuit, vertit $\chi\eta\mu\alpha$ usum; S. Thom. usum mutavit in actum & originem, distinguuntur, inquam, prius, & principalius per relationes, quam per notionales origines; quia relationes constituunt personas, cum sint ipse relationes persone subsistentes: actus vero notionales, licet sint idem re cum relationibus, tamen secundum modum significandi & intelligendi non constituunt personas, cum sint origines earum, siue origo significetur active, ut generatio quæ tamquam actus notionalis attribuitur patri; & spiratio quæ attribuitur patri & filio; siue passive, ut natiuitas actus notionalis qui attribuitur filio, & processio spiritui sancto. origines enim secundum rationem intelligendi extra ea sunt, quorum sunt origines, cum sit origo, sicut ait S. Thom. via quedam a re, aut ad rem, ut generatio significatur ut via quedam ad genitum procedens a generante. Itaque res patris est generare ($\chi\eta\mu\alpha$ enim ut dixi, rem significat) res filij est genitum esse; res spiritus sancti procedere. sic Gregorius in oratione prima de filio: Ex nō habente, inquit, causam, id est, ex patre accedit res natiuitatis, de filio loquitur. $\pi\alpha\tau\eta\mu\alpha$ $\gamma\epsilon\gamma\epsilon\tau\iota\sigma\iota\varsigma$ vocauit, quod Dionysius $\chi\eta\mu\alpha$. significat etiam $\pi\alpha\tau\eta\mu\alpha$ actum a verbo $\pi\epsilon\acute{\alpha}\tau\iota\varsigma$, unde recte Theologi Latini actum vocant, quod Græci rem, idem enim verbum $\pi\alpha\tau\eta\mu\alpha$ utrumque significat. Hoc notari, quia non parum refert vocabula propria alienius scientia callere. perfecta & sicut in nobis, & immutabilis lesu essentia) Perfectam dicit contra Apollinarium, quia habuit corpus præditum anima rationali, & intelligente, sicut nos habemus: immutabile contra alios hereticos, qui dixerunt naturam humanam ab ipso principio unionis victam esse a diuina, & factam incorruptibilem, quod erat negare veritatem humanæ naturæ, negando proprietatem eius, hic fuit Iulianus Alicarnassensis. mysteria & substantialia humanitatis eius) Substantialia dicit, quia sitire, esurire, defatigari, vulnerari, & reliqua eiusmodi vere passus est Christus, & non phantastice secundum hereticos, quamuis hæc passionēs naturam diuinā non attigerunt, cum esset alioqui in eadem hypostasi, a qua non differebat nisi ratione tantum & cogitatione. huiusmodi etiam sunt ambulare super undas, ingredi per ianuā clausam ad discipulos: hæc enim miracula per carnem operatus est Christus sua diuinitate. similiter tres diuine in persona inter se non distinguuntur re, & substantia, sed ratione tantum, & cogitatione) quatenus scilicet tres diuine persone idem re & substantia sunt. sic enim non distinguuntur inter se nisi ratione tantum, & cogitatione. idem affirmat S. Thom. 1. p. q. 39. art. 1. ad 1. cum dicit, Relationes ipse nō distinguuntur ad inuicem secundum quod sunt idem realiter cum essentia. relationes autem idem sunt re cum personis. Quatenus vero relationes, quæ in diuinis sunt per se subsistentes, oppositionem habent ad inuicem, distincte realiter sunt, & personas realiter distinguunt: & una persona non est alia.

Gg 2 hoc

Matth. 14.

Ioan. 20.

hoc enim est quod ait hic auctor cum doctrina S. Thome consentiens, sed earum scilicet personarum non est inter se reciprocatio, quatenus scilicet in eas cadit oppositio relationum.

Quod in Trinitate ingenitum neq. substantia est, neq. proprietas personae Dei patris; nec in ipsa est aliud principium fons totius diuinitatis, nisi solus pater: nec vlla alia naturalis, & propria substantiae potestas, siue virtus, & diuinitas, atq. energia, siue operatio ex infinita ac diuina

Substantia dicit, i. naturam. na substantia prodiens, nisi solus filius, & spiritus sanctus. Cap. V.

Magnus Basilius in secundo contra Eunomium: Interrogemus, inquit, Eunomium, quanta mensura ingenitum a genito discretum est. numquid parua quadā, & tanta, ut possint aliquando in idipsum inter se cohaerere? an hoc funditus fieri non potest; & multo minus, quā eundem simul viuere, & mortuum esse; & eundem simul in eadem parte sanum esse, & aegrotare; & vigilare simul, & dormire? Talia enim sunt, quęcumq. summa oppositione sibi inter se opposita sunt, ut alterum cum adsit, necesse sit alterum abesse; quę natura sunt omnino repugnantia, & incoherētia. Et in quarto libro contra eundem: Ingenitum, inquit, vel substantia est, vel accidens: nihil enim aliud restat præter hæc. qui igitur in utroq. absurdū demonstrauit in ijs quę deinceps sequuntur, rursus in secundo dixit, prorsus reticere in Trinitate ingenitum propter Arianorum imperitiam. Cum his consonant quę Gregorius Nyssenus dixit. Gregorius Theologus libro primo de filio: Quomodo substantiā Dei dicis non positionem eius quod est, sed ablationem eius quod non est? Verbum enim declarat non esse ei generationem; non autem quod secundū naturam est, demonstrat; neq. quod est, non habens generationē. Quę igitur substantiā Dei? Amentię tuę est hoc dicere, qui curiose etiam inquiris generationem. nobis vero magnum est, si quando tandem & in posterum discamus dissoluta caligine & crassitudine, sicut promisit qui mentiri nō potest. Hoc igitur intelligatur & speretur ab ijs qui ad hoc erunt purgati: nos vero hoc parū dicere audeamus, quod si magna gloria est patri ex nullo prodire, non minor

Tit. I.

nor est filio proficisci ex tali patre. gloriā enim eius qui causam non habet, participauerit; quia ex non habente causam inest ei ipsa res natiuitatis tanta, & tam veneranda ijs qui non habent mentem magnopere humi repentem, & terrenis rebus immerfam. Sed si, inquit, idem substantia est filius cum patre, ingenitus vero est pater, erit igitur hoc & filius. Recte, si ingenitū esset substantia Dei. sin autem differentia est circa substantiam, quid hoc dicis tamquam aliquid valeat? An tu etiam es pater patris, ne quid desit quod pater habeat, quandoquidem idem es cum illo secundū † substantiam? An potius liquet, quod manente proprietate immota, quæremus substantiam Dei, quæ tandem est; si tamen quæremus. quod vero nō sint idem ingenitum, & Deus, sic discas. Si idem esset, oportebat ut quia Deus, aliquorum Deus est, ingenitum etiam aliquorū esset ingenitum: aut quia nullius est ingenitum, neq. Deum esse aliquorum Deum. quæ enim omnino sunt eadem, eodem etiam modo effertur. atqui non est aliquorum ingenitum (quorum enim est?) Deus vero aliquorum Deus est; est enim omnium: quomodo igitur erit idem Deus, & ingenitum? Et rursus, Quia, inquit, ingenitum, & genitum contraria sunt inter se, ut habitus, & priuationes, necesse est, ut substantiæ introducantur inter se contrariæ; quod quidem non conceditur. aut quia rursus, priores sunt habitus, quàm priuationes; & habitus tollunt ipsæ priuationes, non solum antiquiorem esse substantia patris substantiā filij, sed etiam a substantia patris tolli necesse est, quantum ex ijs quæ a te posita sunt, concludere licet. Et iterum idem in oratione de constitutione episcoporum: Sine principio, inquit, erat pater; non enim aliunde habebat ut esset; nec a se ipso: filius vero (siquidem patrem ut causam accipis) non est sine principio; principium quippe filij pater est ut causa. sin autem principium intelligas ex tempore; sine principio est; non enim incipit sub tempore Dominus temporū. Et adhuc in eodem libro: Obseruetur autem, ut mea sententia est, vnus Deus, ad vnā causam filio & spiritu sancto relatis, non compositis, vel adglutinis; & secundum vnum & eundem, ut ita dicam, motum & voluntatem, & vnā & eandem substantiam.

† Substantiā
dicit, id est,
naturam.

stantiam. Et rursus in eodem: Paruorum, inquit, & indig-
 norum esset principium pater, si non esset causa vt di-
 uinitas esset in filio & spiritu sancto. Magnus Dionysius
 in secundo de diuinis nominib. Est autem, inquit, di-
 stinctio in diuinis, quę sunt supra substantiam, non illa
 solum quam dixi, quod secundum ipsam copulationem
 personarum in vnum, sine mixtione & confusione vna-
 quęq. ex personis quę sunt *ἰναρχικαί*, idest, vnum & prin-
 cipium omnium, collocata est in alia, sed quod illa quę
 sunt fecunditatis Dei, non commeant retro vicissim.
 solus autem fons diuinitatis pater est, ita vt pater non sit
 filius, neq. filius pater; seruatis pie in hymnis & laudi-
 bus diuinis ijs quę cuiq. personę diuinę proprie conue-
 niunt. Magnus Athanasius libro primo contra Arianos:
 Si nō est filius, inquit, quomodo igitur Deū dicitis crea-
 torē? Si enim per verbū, & in sapientia omnia facta sunt,
 & sine hoc nihil fieri potest, non habet pater opinione
 vestra, in quo & per quē omnia facit. Si hęc diuina sub-
 stantia non est fecunda, sed sterilis opinione ipsorum,
 sicut lumen non illuminans, & fons siccus; quomodo
 nō pudet vos dicere habere eum vim creandi? Et adhuc
 idem: Participantes, inquit, filium, patrem participa-
 mus; quia proprium patris est verbum. vnde si esset ipse
 pater ex participatione, & non ex ipso diuinitas secundū
 substantiam; numquam deos faceret. Diuinus Cyrillus
 in Thesauris cap. xxxxi. Eiusdem igitur naturę cum
 patre filius ex ingenito non factus, vtpote habens eandē
 potestatem & virtutem: immo potius ipse est vitens, &
 substantialis operatio, & virtus, & sapientia patris. Et
 rursus adhuc idē: Qui est igitur omnis operatio & vir-
 tus patris, per quam omnia operatur, quomodo esset na-
 turę factę? Et iterū idem in capitibus de spiritu sancto:
 Non est, inquit, spiritus sanctus creatus, aut factus; sed
 ex substantia, quę maior est quā vt cogitari possit, & di-
 uina, vtpote virtus ipsius, & naturalis energia. Et rursus
 in eisdem: Non enim audebō dicere, quę non operatus
 est Christus per me in obedientiam gentium sermonē
 & opere in potestate signorum & prodigiorū in virtute
 spiritus sancti. Signa & prodigia operatur Christus per
 Paulum in virtute spiritus sancti, est igitur spiritus san-
 ctus

Psal. 103.
104. 1.

Rom. 15.

Actus energia: quædam naturalis, & viuens, & vt ita dicam, qualitas: diuinitatis filij Dei. Et iterum in eisdem: Sanctus enim nominatur spiritus sanctus: si igitur est natura sanctus, non habet foris, vnde talis sit: quinimmo cum sit ipse diuine substantie energia, siue actus naturalis, & viuens, ac per se existens, apponit creature perfectionem per ipsius sanctificationem, & participationem. Et adhuc: Cum igitur quod Deus promisit se facturum, cum potestate impleat spiritus, & pastores excitet secundum promissionem in prophetis factam, sequitur non esse alienum a diuina substantia, sed potius tamquam energia naturalis, & substantialis, & per se existens, ex ipsa substantia prodiens, & in ipsa manens, omnia quæ Dei sunt, operatur. Et adhuc: Oportebat eos doceri de spiritus sancti mysterio, & intelligere esse spiritum sanctum velut fructum: quendam diuinæ substantie, qui in ipsa existit, & ex ipsa inseparabiliter & impartibiliter procedit, & secundum eandem naturam in vnum copulatus est. Et adhuc in eisdem: Si a Deo patre procedit spiritus sanctus, estque veluti fructus quidam, vel qualitas substantie ipsius, pater vero neque factus, neque creatus; quomodo esset factus spiritus, qui ab ipso procedit? Et iterum: Nemo potest dicere, † Dominus Iesus Christus, nisi in spiritu sancto. Liquet igitur, quod qui spiritum sanctum participat, nouit Dominum Iesum: qui autem non participat, ignorat. Quomodo igitur qui particeps spiritus sancti est, nouit quod Dominus Iesus? Sicut qui mel degustarunt, ex qualitate eius cognouerunt mel esse dulce; sic qui particeps spiritus sancti est. Igitur spiritus sanctus qui est ex substantia filij, qualitas, vt ita loquar, existit Dei vniuersorum domini. Si autem hoc verum est, est igitur Deus, & non aliquid factum, aut creatum, vt hereticis videtur. Et adhuc: Non igitur spiritus sanctus ex participatione, nec ex compositione sanctus est, sed est substantia & natura sanctificans, & diuinitatis Dei patris, vt ita dicam, qualitas; vt dulcedo: mellis, vel odor ex flore. Et magnus Athanasius in epistola ad Serapionem: Sic, inquit, & spiritus sanctus qui a filio datur & mittitur, & est ipse vnum, & non multa, nec ex multis vnum, sed ipse solum spiritus. Cum enim vnus sit filius, qui est
verbum

1. Cor. 12.

† Dicere, Dominus Iesus, est nosse Dominum Iesum, nemo enim dicit, aut appellat, quem non nouit.

p. f. t.

Psal. 32.

verbum viuens, oportet esse vnā vitam perfectā, & implentem, sanctificantem, & illuminantem, quę est energia ipsius & donū, quod quidem ex patre dicitur procedere. Et adhuc: Quomodo non ultra omnem impietatem quidam procedunt, qui spiritum sanctum inter creaturas ponunt; & non potius consentiunt ex diuina natura existere quod ex ipsa secundum substantiam procedit; & tamquam Deum in nobis habitare? Gregorius Nyssenus in catechetico: Esse, inquit, verbum Dei, & Dei spiritum, virtutes secundum substantiam per se existentes effectrices eorum quę facta sunt, & continentes ea quę sunt, ex diuinis scripturis demonstratur. Verbo enim Domini celi firmati sunt; & spiritu oris eius omnis virtus eorum. Ex his patet, primum quidem, ingenitum in Trinitate, quę supra substantiam est, neq. substantiam esse, neq. proprietatem hypostaticam Dei patris. hypostatica enim hypostasim, siue personam exhibent; personam autem definiunt commune cum quadam proprietate; vel, substantiam cum accidente. Si autem ingenitum neq. substantia est, nec accidens, nullam personam exhibet, siue ostendit; & idcirco neq. proprietas hypostatica est: notio tamen est patris nō habentis causam, quod ipse solus est pater causam non habens. Secundum est tamquam ex hoc probatum, scilicet non esse in ipsa Trinitate alium quendam fontem diuinitatis, nisi ipsum solum, qui est pater totius diuinitatis, causam non habens: nec aliam quandam naturalem & substantialem energiam ex diuina substantia incomprehensā prodeuntem, nisi filium supra substantiam, & spiritum sanctum naturales & substantiales energias, siue actus Dei causam non habentis, tamquā qualitates & fructus substantię ipsius. Atq. ad hunc modum vere constituta & deciarata nobis est diuina, & supra naturam beatitudo trium personarum nulla re indigens, & per se plenissima.

Scholia.

Siquidem patrem ¹ vt causam accipis (filij scilicet) non est sine principio (filius scilicet) principium quippe filij pater est vt causa.) Notatum est paulo supra a S. Thoma, nomine cause solam originem personarum sanctos patres significare voluisse. itaq. cum ait Gregorius Nazianzenus. Principium quippe filij pater est vt causa; perinde est vt si

ut si diceret, Principium filij est pater ut origo. Quia in Deo energia propria non distinguitur a natura, sicut in creatura distinguitur, idcirco cum Cyrillus dicit, Spiritus sanctus est energia quaedam naturalis, & vivens, & ut ita dicam, qualitas diuinitatis filij Dei; hoc dicit, Spiritus sanctus qui est natura siue substantia, procedit ex filio, qui est substantia, siue essentia. Ad hunc modum S. Thomas interpretatur, & docet interpretandas esse huiusmodi locutiones, in opusculo contra errores Græcorum, cap. 4. Essentia est de essentia, id est, filius, inquit, est essentia, id est de patre, qui est eadem essentia. Quia qualitas & formam significat, que tamquam accidens in alio existit, quod ab ea quale nominatur, idcirco vocabulum correxit Cyrillus, cum dixit, Ut ita dicam, & ut admoneret spiritum sanctum non qualitatem, sed veram & perfectam substantiam esse. Cur autem qualitatem symbolice vocauerit, intelligi potest ex eo quod paulo post ait: Sicut qui mel, inquit, degustarunt, ex qualitate eius cognoverunt mel esse dulces sic, inquit, qui particeps spiritus sancti est, novit Dominum Iesum, sicut scriptum est: Nemo potest dicere, Dominus Iesus, nisi in spiritu sancto. Ut igitur ex dulcedine qualitate substantiali mellis cognoscitur mel, sic qui cognovit virtutem spiritus sancti viventem, & per se existentem, que est ipsa diuina substantia, novit & filium & patrem, quia sunt unum. Quod autem spiritum sanctum dicit esse naturalem energiam, siue virtutem; non dicitur naturalis a natura creata, sed a natura increata. est enim spiritus sanctus re natura ipsa diuina. Rursus, cum dicit esse energiam, siue virtutem viventem, & per se existentem, veluti qualitatem, ut ita dicam, diuinitatis filij Dei; ita dicit, quia ut ait idem Cyrillus lib. 14. Thesaur. ex diuina essentia filij (qui scilicet spirat spiritum sanctum) tamquam virtus eius naturaliter emanat. velut fructum & quendam diuinæ substantiæ, qui in ipsa existit, & ex ipsa inseparabiliter & impartibiliter procedit. Dicit spiritum sanctum procedere ex substantia diuina, quia pater & filius, a quibus procedit, sunt diuina substantia, siue essentia diuina. Etsi enim personis diuinis attribuitur spirare, more tamen Græcorum patrum substantia siue essentia diuina pro persona dici solet, quia sunt idem re. hoc etiam notauit S. Thomas in eodem Cyrillo, in opusculo contra errores Græcorum, cap. 4. & 17. ut dulcedo & mellis, vel odor ex flore) His symbolis videtur Cyrillus ad demonstrandum ex substantia patris, id est, ex patre substantialiter procedere spiritum sanctum, sicut dulcedo ex melle, & odor ex flore, & vapor ex aqua; quo exemplo idem Cyrillus cap. 7. videtur. sic enim ait: Relinquitur igitur ut necessario confitendum sit, esse ex substantia eius, cum omnem filij Dei virtutem & operationem habeat; ut si vapor ex aqua ascendat, & per ea que operatur, eos apud quos est, refrigeret, & naturam aqua unde emittitur, significet. haec tenus

Hb Cyrillus.

I. Cor. 12.

Cyrillus sic itaq. vocavit hic spiritum sanctum, qualitatem divinitatis symbolice, adhibita correctione verbi, ut si vocasset vaporem substantie divine, simili exemplo & symbolo utens.

Quod in Trinitate non est alia operatio, & manus, per quam omnia Deus operatur, nisi filius, & spiritus sanctus; nec alia sapientia, & virtus, & gloria, & imago Dei, nisi filius & spiritus. Cap. VI.

Psal. 103.

Psal. 118.

Tir. 3.

Exod. 8.

Ioan. 1.

Magnus Athanasius libro quinto contra Arianos: Sicut, inquit, Deus pater creaturas verbo creat, sic secundum naturam propriae substantiae habet germen verbum, per quod fabricatur, & creat, & gubernat omnia. omnia enim verbo, & sapientia facta sunt; & ordinatio eius manent uniuersa. Et in epistola ad Serapionem: Paulus, inquit, scribit Tito: Per regenerationem & renouationem spiritus sancti, quem effudit in nos abunde per Iesum Christum. Si autem pater per verbum in spiritu sancto creat omnia & renouat; quae similitudo, aut afinitas creanti cum creaturis? Consequens enim est, ut huiusmodi blasphemiam in filium etiam manet, ut qui dicunt spiritum sanctum esse creaturam, dicant similiter, verbum, per quod omnia creantur, creaturam esse. Et rursus idem in disputatione contra Arium: Fac velis recolligere conquisitionem de filio, quae nos comitata est, & reperiens aeternam spiritus sancti virtutem eiusdem substantiae cum patre dictam esse ex digito eius. Sane quidem cum virtutem spiritus sancti inexpugnabilem Magi in Aegypto contemplati clamabant, aientes: Digitus Dei est hoc; nihil aliud confitebantur vocabulo digiti, quam virtutem, siue potestatem spiritus sancti hominifion, idest, eiusdem substantiae, quam habet cum Deo patre; cui vocabulo digiti non potest contradici, neque repugnari. Et S. Cyrillus libro xv. Thesaurorum: Si omnia, inquit, in sapientia, & manu Dei facta sunt, scripturae vero diuinae de Deo verbo clamant: Omnia per ipsum facta sunt, & sine ipso factum est nihil; non potest esse opus sapientiae Dei filius; sed potius ipse est sapientia, & manus, qua cuncta Deus operatur. Et adhuc idem libro xiiii. eorundem Thesaurorum: Quia, inquit, simplex est Deus, nihil aliud praeter ipsum est fortitudo, quae in ipso

in ipso est; sed potius ipse scilicet est filius, qui vnam cū patre substantiam, & eandem naturam habet; vt qui sit vnum cum eo qui genuit, si & Deus ex Deo, & lumen ex lumine splenduit, filius, & non pater intellectus. Igitur omnis energia & virtus patris, per quam omnia operatur, quomodo esset naturæ creatæ? Idem in capitibus de spiritu sancto: Ait in quodam loco Christus disputans cum Iudeis: Si autem in digito Dei eicio dæmonia, igitur peruenit in vos regnum Dei. hoc loco digitum demonstrat esse spiritum sanctum, qui modo quodam ex diuina substantia naturaliter productus est, & naturaliter ex ea pendet, sicut digitus ex manu hominis. Filium enim appellant diuinæ scripturæ brachium & dexteram Dei, sicut scriptum est: Saluauit eum dextera eius, & brachium sanctū eius. & illud: Domine excelsū brachium tuum, & non cognouerunt; cognoscentes autem confundantur. Sicut igitur brachium naturaliter ad totum corpus aptatum est, omnia operans quæcumq. menti videantur, solet vero ungere digito apud eum, qui brachio utitur; sic verbum Dei ex ipso, & in ipso naturaliter aptatū, vt ita dicam, & insitum consideramus; in filio autē consideramus spiritum naturaliter & substantialiter a patre procedentem, per quem omnia vngens sanctificat. Non igitur spiritus sanctus a diuina substantia alienus & diiunctus videtur, quin potius ex ipsa, & in ipsa naturaliter. Sicut igitur digitus corporis in manu, eiusdem naturæ manus est; sic rursus & manus in corpore, non est alterius naturæ, quā corporis. Hæc igitur cum sic sint, sequitur Deum esse spiritum; & non aliter esse. Adhuc idem in eisdem: Ait in quodam loco Deus: Cælum & terram ego impleo, dicit Dominus; implet scilicet vbiq. præsens per spiritū. quod quidem cū sciret qui Psalmos cecinit, aiebat: Quo ibo a spiritu tuo? Si ascendero in cælum, tu illic es: si descendero in infernum, ades. Si igitur per spiritū implet omnia Deus, adest autem vbiq.; Deus igitur est spiritus, omnia implens vt Deus. Et in eisdem: Non ergo est factus spiritus, in quo Deus, & per quē omnia operatur; & propter hoc honoratur. Magnus Athanasius libro secundo cōtra Arianos: Apostolus, inquit, gentiles ad reuerentiā erga Deum excitans aiebat: Inuisibilia

Ioan. 10.

Luc. 11.

Psal. 97.

Esa. 26.

sec. LXX.

Hieze. 29.

Psal. 138.

Rom. I.

Hh 2 enim

enim ipsius a creatura mundi per ea quæ facta sunt, intellecta conspiciuntur, sempiterna quoque virtus eius, & diuinitas. quæ autem sit Dei virtus, idem Paulus docet, cum ait: Christus Dei virtus, & Dei sapientia. Et adhuc in eodem libro: Audiant & de sapientia; quia non est, ut homo, Deus, ne humana cogitent. Et in hoc libro, de ipso: Etenim cum homines facti sint apti ad percipiendam sapientiam, Deus nullius alioqui particeps, ipse suæ sapientiæ pater est, cuius qui sunt participes, sapientes appellari consueuerunt. Præterea contra eosdem Arianos: Si ergo, inquit, in diuinis scripturis non reperitur alia sapientia præter hunc filium; nec ex patribus quidquam tale audiuius; est autem certum, & scriptum, increate sapientiam simul existere cum patre, & per se mundi opificem esse; ipse fuerit filius. Et adhuc idem in eodem: Sane, inquit, his duobus dictis inter se contrarijs, iuste quis dicat, vincere proprietatem vnigeniti, quia non sit aliud verbum, vel alia sapientia, nisi hic solus. Et rursus in eodem: Decebat enim, vnus Dei vnam esse imaginem, & vnum huius verbum, & vnam ipsius sapientiam: quare miror, quomodo cum sit vnus Deus, multas isti imagines & sapientias secundum suas cogitationes excogitant. Sanctus Cyrillus in Thesauris: Si factus est, inquit, filius, vocatur autem & est Dei virtus, & Dei sapientia, erat igitur tempus, in quo erat Deus sine sapientia, & sine virtute, cum non esset filius. creatura enim plane ex nihilo fit: at sapiens erat semper & potens Deus; erat igitur ei filius, qui est omnia hæc. Et adhuc ipse: Confiteris, inquit, licet inuitus hæretice, sapientiam Dei naturaliter insitam, & virtutem existere in ipso increate. Cum igitur audies filium, dic etiam rursus duo increata: hanc vero ipsam in Deo sapientiam & virtutem increate & sine tempore existentem credimus esse filium, qui omnia creauit, & propter nos factus est caro. Et adhuc ipse in septimo ad Hermiam libro disputans more dialogi: Cyr. In quo sunt sapientes, qui sapientes fiunt? Herm. In sapientia. Cyr. Igitur si spiritus sapientiam docet ea quæ sunt apta ad capiendum sapientiam, omnino sapientia erit, & intelligetur. hunc autem diximus esse Deum. Et adhuc in ijs quæ de spiritu sancto scripsit: Libenter igitur

1. Cor. 1.
Num. 23.

Prov. 8.

1. Cor. 1.

igitur magis gloriabor in infirmitatibus meis, ut inhabi- 2. Cor. 12.
 tet in me virtus Christi. si autem spiritus est qui habitat
 in nobis, & per ipsum Christus; virtus igitur est eius spi-
 ritus sanctus. si autem hoc sic est, quomodo erit creatu-
 ra, qui natura adest in filio? Nisi tempus est, ut Deum
 verbum, qui nihil duplex habet, compositum esse dicas
 ex creato, & sua natura. quod si hoc absurdum est; non
 est spiritus creatus, aut factus, sed ex diuina & quæ in-
 telligentia comprehendi non potest, substantia, tamquã
 ipsius virtus & energia naturalis. Et magnus Athanasius
 in epistola ad Serapionem: Et rursus quia filius est sapien-
 tia, & veritas, scriptum est: Spiritus sapientiæ, & verita-
 tis; & rursus, filius quidem est virtus Dei, & Dominus
 gloriæ; spiritus autem dicitur spiritus virtutis, & spiri-
 tus gloriæ. Et rursus: Deinde cum pater sit, ut Paulus Rom. 16.
 dixit, solus sapiens Deus, filius est sapientia eius; Chri- 1. Cor. 1.
 stus enim Dei virtus, & Dei sapientia. & cum filius sit
 Dei sapientia, accipientes nos spiritum sapientiæ, filium
 habemus; & in ipso sapientes efficimur. Et rursus idem
 contra eos qui seruiunt verbis: Gloria enim, inquit, di-
 citur vnigenitus: Et vidimus gloriam eius, gloriam qua- Ioan. 1.
 si vnigeniti a patre. quare illud: Deus Domini nostri Ie- Ephes. 1.
 su Christi; perinde est, ut si dicatur: Deus carnis Chri-
 sti, pater gloriæ, & pater diuinitatis. Gloriam enim vocat
 Esaias saluatorem secundum dignitatem diuinitatis. cū
 enim narrasset miracula, quæ in deserto facta sunt, & euan-
 gelizasset deserto, Exultet, inquit, solitudo Iordani, & Esa. 35.
 floreat tamquam lilium; quoniam gloria Libani data est
 ei, & honor Carmeli: & populus meus videbit gloriam
 Domini, & altitudinem Dei: & videbit omnis caro salu- Luc. 3.
 tare Dei. Gloria igitur est a gloria, vnde & Paulus ait:
 Qui cum sit splendor gloriæ, & figura substantiæ. Pater Hebr. 1.
 ergo est gloriæ vnigeniti: Deus autem carnis Christi. Ad-
 huc contra seruientes verbis, & non nominibus diuina-
 rum scripturarum: Apostolus dicit: Deus Domini nostri Ephes. 1.
 Iesu Christi, & pater gloriæ. hic œconomiam, idest, my-
 sterium carnis assumptæ designauit; & gloriam quidem
 vocat ipsum vnigenitum; Iesum Christum vero prædica-
 tionem œconomiae. Item libro tertio contra Arianos:
 Si enim ad imaginem facti sumus, & imago & gloria Dei
 vocati

vocati sumus, at non propter nos ipsos, sed propter imaginem, quæ in nobis habitauit, & propter veram gloriam Dei, quæ est verbum Dei. Et iterum in eodem: Quia igitur & filius imago est patris, necesse est intelligere, quod diuinitas & proprietates patris est essentia filij; & hoc est illud: Qui cum in forma Dei esset; & illud: Pater in me; non forma diuinitatis ex parte, sed plenitudo paternitatis Dei, quæ est essentia filij. Et adhuc in eodẽ: Quæ operatur filius, opera patris sunt: forma enim diuinitatis patris est filius, qui operatur opera. Et in epistola ad Serapionem: Imago 4 filij dicitur & est spiritus sanctus. quos enim præsciuit & prædestinauit conformes imagini filij sui. Cum igitur certum sit illorum etiam sententia filium non esse creaturam, nec imago eius erit creatura. Qualis enim imago est, tale necesse est esse id, cuius imago est. Et adhuc in eadem epistola: Si autem creaturæ talem habent naturam, & talia scripta sunt de angelis, spiritus autem vnus est, & non variabilis, & habens immutabilitatem filij, manens semper immutabilis cum eo; quæ similitudo immutabilis cum mutabilibus? Liqueat igitur neq. creaturam esse, ac prorsus neq. ex substantia angelorũ, quia sunt mutabiles; sed imaginem verbi, & proprium patris. S. Cyrillus in ijs quæ de spiritu sancto scripsit, ait: Scribit rursus Paulus quibusdam: Sicut portauimus imaginem terreni, portemus & imaginem celestis. terrenum esse dicimus Adam principem generis humani; cuius imaginem portauimus in similitudinem transgressionis eius, delapsi in mortẽ & corruptionem: celestem vero dicimus Dominum nostrum Iesum Christum, cuius imagine accepta, idest, inhabitante in nobis sancto & viuifico spiritu, ad ipsam Dei verbum viuens reformamur, rursus ad immortalitatẽ ascendentes, & in aternam vitam renouati. Spiritus enim est qui viuificat, vt Saluator dixit. Sicut ergo, quia filius est perfectissima patris imago, & qui eum accepit, patrem habet; sic conuenientia & similitudine æqualis figuræ, qui accepit imaginem filij, idest, spiritum, per ipsum spiritum habet penitus filium, & in ipso filio patrem. Quomodo igitur spiritus sanctus creaturis annumerabitur? siquidem est imago filij Dei sine vlla varietate. nõ enim
eo amen-

Philip. 2.

Ioan. 14.

ad Rom.

Rom. 8.

I. Cor. 15.

Ioan. 6.

eo amentia vlli procedent, vt audeant dicere imaginem creatoris in creaturis sine vlla variatione nitere; ferreq. omnia in se ipsa naturaliter, quæcumq. illud, cuius est imago, habet. Si vero spiritus imago Dei vocatur, est igitur Deus; & non aliter est hoc. Gregorius Nyssenus in oratione ad Pulcheriam: Si quis, inquit, spiritum Christi non habet, hic non est eius: spiritus autem gloria est, sicut alibi dicit patri: Glorifica me gloria, quam habui a principio apud te, antequam mundus esset. Deus enim verbum, qui ante mundum gloriam patris habebat, quia extremis diebus factus est homo, oportebat vt caro propter vnionem cum verbo, illud fieret quod verbum est. fit autem hoc, quia illud accepit, quod habebat ante mundum; hoc autem erat spiritus sanctus. nihil enim aliud est ante sæcula præterquam patrem, & filium, & spiritum sanctum. idcirco ait hic: Gloriam, quam dedisti mihi, dedi ipsis, vt per eam in vnum mecum copulenter, & per me tecum. Rursus idem libro primo contra Eunomium: Si autem semper est gloriosus pater, qui est ante sæcula, gloria vero patris est filius, qui est ante æuū, similiter autem gloria filij est spiritus Christi, qui semper cū filio & patre intelligitur, vnde sapiens iste, & ex qua disciplina pronuntiat antiquius in ijs quæ sunt sine tempore, & honoratius in ijs quæ naturaliter sunt honorata? Ex his efficitur manifestum, quod in Trinitate, quæ supra substantiam est, nullo modo alia est energia, siue operatio, & manus, per quam Deus pater omnia creat & facit, nisi solus filius, & spiritus sanctus, qui sunt manus Dei supraquam substantiales, sicut alicubi scriptum est: Manus tuæ fecerunt me, & plasmauerunt me. nec alia sapientia & virtus Dei, nisi hæc ipsa supra substantiam. Verbo enim Domini celi firmati sunt; & spiritu oris eius omnis virtus eorum. nec alia imago & gloria coæterna Deo, nisi filius, qui est supraquam principium, & spiritus eius, qui est ante sæcula, & sine vlla variatione imago & gloria Dei patris non habentis causam.

Rom. 8.

Ioh. 17.

Ibid.

Psal. 118.

Psal. 32.

Scholia.

Pater gloriæ, & pater diuinitatis) Pater diuinitatis dicitur, id est, filij. diuinitatem enim, id est, essentiam diuinam accepit pro persona filij propter identitatem rei, vt Græci patres solent. quod etiam S.

Thom.

Thom. obseruauit. diuinitas 2 & proprietates patris est essentia filij) Non dicit, Proprietas patris est proprietas filij, quia relatio vnus opposita est relationi alterius; sed hæc oppositio non facit, quin vna essentia in patre sit paternitas, & eadem essentia in filio sit filiatio, ita sit, vt paternitas sit essentia filij, & filiatio essentia patris, sicut pater est in filio, & filius in patre, quia sunt vnum. in diuinis enim abstractū & concretum non distinguuntur, pater & paternitas, filius & filiatio. forma 3 enim diuinitatis patris est filius) hoc est, substantia patris est filius. Notauit Damascenus, sic patres accepisse hoc verbum, formæ, vt proprie significaret substantiam, quæ per se est, & a nullo alio pendet vt sit; & sic Apostolū accepisse, cum ait: Qui cum in forma Dei esset. In eadem significatione vt solent aliquando patres Græci vocabulo εἰδος, quod speciem, & formam, & figuram significat, vt hoc loco Athanasius, cum ait: Forma diuinitatis patris est filius; Græce est εἰδος. Secundum hanc significationem vocat Dionysius personas diuinas ὁμοειδῆς, idest, vniformes, quod nulla penitus differentia in earum substantia sit. vnde sic Damascenus definit ὁμοειδῆς, idest, vniforme, quod per se primum subsistit, & omnis mutationis & transfigurationis expertus est. Impium enim, inquit, est, figurā in Deo ponere. Imago 4 filij est spiritus sanctus) S. Thom. in opusculo contra errores Græcorum: Possumus, inquit, dicere spiritum sanctum esse imaginem patris & filij, ita vt per imaginem nihil aliud intelligatur, quā existens ab alio, & eius similitudinem gerens. In autem per imaginem intelligatur aliquid existens ab altero, ex ipsa sue originis ratione habens quod similitudinem gerat eius, a quo existit, in quantum est ab altero, vt filius genitus; sic solus filius dicitur imago. de ratione enim filij est, quod similitudinem patris habeat in quacumq. natura: & similiter de ratione verbi est, vt sit similitudo eius, quod verbo exprimitur, cuiuscumq. sit verbum; sed non est de ratione spiritus, vel amoris, vt sit similitudo eius, cuius est, in omnibus. sed hoc in spiritu Dei verificatur propter diuinæ essentie unitatē & simplicitatē. ex qua oportet, vt quidquid est in Deo sit Deus. Nec obstat ad rationem imaginis, quod spiritus sanctus non conueniat cum patre in aliqua personali proprietate, quia similitudo & equalitas personarum diuinarum non attenditur secundum proprietates personales, sed secundum attributa essentialia. Nec enim inæqualitas, vel dissimilitudo secundum proprietatum personalium differentiam in diuinis dici debet, sicut Augustinus dicit in libro contra Maximū. Cum enim dicitur filius a patre genitus, non ostenditur inæqualitas substantiæ, sed ordo nature secundum se. hætenus S. Thom.

Quod

Quòd in Trinitate, quæ est supra substantiam, non est alia vi-
ta, vel voluntas, vel charitas, vel beatitudo, vel pulchri-
tudo, vel sanctitas, neq. bonitas, vel forma, vel re-
gnum, nisi ipse filius Dei, & sanctus eius
spiritus. Cap. VII.

Chrysostomus explanans illud, In ipso vita erat, & vi-
ta erat lux hominum: Cum audies, inquit, In ipso vi-
ta erat, ne existimes Deum compositum; siquidem pro-
diens ex patre ait: Sicut pater habet vitam in semetipso,
sic dedit & filio vitam habere in semetipso. etenim alibi
etiam dicit, quòd lux est Deus; & iterum, quòd lucem
habitat inaccessibilem. hæc omnia dicta sunt, non vt su-
spicemur compositionem; sed vt paulatim ad excelsitatē
dogmatum eleuemur. Quia enim non facile quis ex vul-
go cogitauerit, quomodo est vita eius per se existens, pri-
mum quidem illud dixit, quod humilior est; deinde iam
eruditior, ad altius ducit. Qui enim dixit: Dedit ei vitā
habere; hic rursus ait: Ego sum vita. Magnus Athanasius
in libro de aduentu Dei in carne: Manifestum igitur est
ijs qui aduertunt, quòd excitato corpore, filius dicitur
apud Paulum excitatus esse a mortuis: corpus enim dici-
tur pro persona, sic ergo cum dicitur, Vitam dedit pater
filio, intelligere oportet vitam carni datam. Si enim vi-
ta est ipsius carnis, quomodo vita vitam accipit? S. Cy-
rillus libro quinto dialogorum ad Hermiam: Si igitur,
inquit, non est filius vita secundum naturam, erit omni-
no in propria aliqua natura sortitus vitam suam aliam
quam quod ipse est. Respondeant ergo qui sic corrupta
& deprauata dogmata defendunt, sub quo genere erit no-
bis, vt illi opinantur? Demonstratum enim est, non esse
factum. Her. Vita, inquit, facta est a patre. dixit enim
Ioannes: Quod factum est in ipso, vita erat. verbum cu-
ius vita est. Cyr. Qui colligauit igitur ambo, & in vnū a-
liquid contulit vitam & filiū, non aliud esse dicit præter-
quam vitam, quæ in ipso est: ita vt diuersis nominibus
natura vnius qui intelligitur, nobis significetur; siue fi-
lius, siue vitæ forte dicatur. Her. Sic, inquam. Et rursus
idem libro VII. Subiicientur, inquit, nobiscum sacris
& diuinis litteris, quæ aperte prædicant, non vitæ ab alio
manantis

Ioan. 1.

Ioan. 5.

1. Ioan. 1.

1. Tim. 6.

Ioan. 5.

Ioan. 14.

Galat. 1.

Ioan. 1.

† Quòd si ni-
hil aliud est
quam vita,
totus est vita,
& sua vita,
& suum esse,
& nō factus.

I i manantis

Rom. 8.

Ibid.

Ioh. 14.

manantis ministrum esse, sed re esse ipsam vitam spiritum vitam secundum naturam viuificum & sanctum. sic enim ait alicubi Paulus: Si spiritus, qui suscitauit Iesum a mortuis, habitat in nobis; qui suscitauit Iesum a mortuis, viuificabit & mortalia corpora nostra per inhabitantem spiritum eius in nobis. Spiritus igitur vitam secundum naturam, prorsus nihil aliud præter ipsam vitam est secundum rectam rationem. Et adhuc in capitibus de spiritu sancto: Scriptum est rursus: Si spiritus, qui suscitauit Iesum Christum a mortuis, habitat in nobis; qui suscitauit Iesum Christum a mortuis, viuificabit & mortalia corpora nostra per inhabitantem spiritum eius in nobis. Sed si spiritus sanctus creatura esset, & factus, ut insane tradunt hæretici, quomodo totam operationem Dei habet? Non enim quisquam tantum, ut opinor, a sana mente excidet, ut audeat vel dicere solum, diuinę substantię per instrumenta quędam foris creata ministrari ad operationem ex se ipsa naturaliter transeuntem ad aliquos; qui sunt ad recipiendum illam idonei & apti. Quia vero filius vitam est secundum naturam; spiritus vero ab ipso datus viuificat, relinquitur necessario, ut confitendum sit esse ex substantia eius, cum omnem filij & Dei virtutē & operationē habeat, ut si vapor ex aqua ascendat, & per ea quę operatur, eos apud quos est, refrigeret, & naturam aquę, unde emittitur, significet. In eisdem: Lex, inquit, spiritus vitam, ne spiritus sanctus reperiatur tantum legem ferre, sed reperiatur iam etiam spiritus vitam. & quę vita? sane Christus, qui ait: Ego sum veritas & vita. Christo igitur legem ferente, spiritus eius utpote ex ipso, & in ipso naturaliter existens legem fert. Magnus Athanasius in vno ex libris contra Arianos: Sed impij, inquit, non concedunt esse filium verbum, & consilium viuens, verum fingunt accidere Deo humano more velle, & sapientiā tamquam habitum habere; & omnia mouent; ac Valentini intelligentiam, & voluntatem obijciunt. S. Cyrillus in Thesauris: Si consilium, inquit, & voluntas patris est filius, ut quidem est, quomodo voluntas antecedit essentiam eius? Et rursus in eisdem: Aut enim necesse est vos aliam fingere sapientiā, in qua cum voluit, filium peperit, ut vos dicitis; aut si alia non est, sed est ipse solus sapientia

sapientia patris; ipse est & voluntas. Et in ijs quæ de spiritu sancto scripsit: Spiritus sanctus, inquit, qui est mens Christi, omnia quæ in ipso sunt, edisserit discipulis, nō in propria quadam voluntate, neq. rursus in aliena, sed tamquam ex substantia eius procedens, & totā eius voluntatem, sicut & operationē habens. Et diuinus Damascenus: O miraculum nouum ex omnibus olim miraculis; Dei enim consilium est, qui in vtero gestatus est, vt infans. Et Gregorius Theologus in oratione in laudem Gregorij Nysseni, cuius principium est, Amici fidelis: Deus, inquit, pacis, qui reconciliauit nos per crucem, qui propter peccatum eramus oppugnati; qui euangelizauit pacem ijs qui longe, & ijs qui prope; ijs qui sub lege, & ijs qui extra legem erant; pater charitatis, charitas. his enim nominibus præ ceteris vocari gaudet. Gregorius Nyssenus in commentarijs Cantici canticorum: Quia igitur vnū est connubium, & vna sponsa, & vno sponso imponitur corona: nihil enim penitus interest, vel filium Dei vocare vnigenitum verbum, vel filium dilectionis eius, vt Pauli voce vtamur. Et sanctus Cyrillus cum de spiritu sancto scribit: Quantam benignitatem in nobis operatus est omnium Dominus, docens Paulus ait: Quia charitas Dei diffusa est in cordibus nostris per spiritum sanctum, qui datus est nobis. Si igitur Deus charitas est, vt Ioannes loquitur, & non est aliud ipse, & aliud quod in ipso est (est enim simplex, & expers compositionis) diffusa est autem per spiritum sanctum habitantem in nobis, est igitur charitas spiritus sanctus, qui tamquā Deus in nobis habitat, & idcirco plane Deus. Idem libro primo ad Hermiam: Ipse enim, qui est pulchritudo incorrupta Dei patris, summa beatitudo, & forma, atq. species; qui ex ipso, & in ipso Deus verbū abiecit se ipsum in exhibitionem. Magnus Basilius scribens ad Cæsarienses: Si non est, inquit, simplex spiritus sanctus, compositus est ex substantia, & ex sanctitate. at quis ita vecors est, vt compositum dicat spiritum sanctum, & non simplicem? Et Gregorius Theologus: Si enim alia est sanctitas præter spiritum sanctum, quæ hæc intelligatur, dicat quispiam. S. Cyrillus differens de spiritu sancto: Quid opus est longo circuitu verborum, & multiplicibus notionibus? Illam

Ephes. 1.

I. Ioan. 4.

Colos. 1.

Rom. 5.

I. Ioan. 4.

Philip. 2.

li 2 enim

enim ipsam virtutem sanctificantem ex patre procedentem, quæ perfectionem imperfectis tribuit, dicimus esse spiritum sanctum. Et magnus Athanasius in disputatione Orthodoxi, & Anomœi ait: Sic dicis bonum spiritum, sicut patrem, & filium? Orthodoxus. Maxime. Spiritus enim in participatione bonitatis bonum est. sed rursus bonum, idest, bonitas est. Sane Matthæus quidem

Matth. 7. Euangelista ait dixisse Dominum: Si igitur vos cum mali sitis, nostis bona data dare filiis vestris; quanto magis pater celestis dabit bona petentibus eum? Audis, si aures habes, quod Euangelistæ cum scirent spiritum idem esse quod bonitas, & bonitatem idem quod spiritus; ille quidem bona dixit ipsum spiritum, alius vero spiritum ipsa bona. Magnus Basilius in capitibus de spiritu sancto: Bonus spiritus, sicut bonus pater, & bonus ex bono genitus substantiam habens ipsam bonitatem. S. Cyrillus scribens de spiritu sancto: Accedit, inquit, quidam in Evangelij, & dicit Domino & Deo nostro Iesu Christo: Magister bone. Ad hoc Christus respondit: Quid me dicis bonum? Nemo bonus, nisi vnus Deus. Christo igitur dicente vnum esse vere & substantialiter bonum, Dauid ait: Spiritus tuus bonus deducet me in terra recta. Si ergo filij, qui est bonum, spiritus est bonum, liquet diuina naturæ esse, de quibus vere dicitur bonum proprie & singulari modo. Magnus Apostolus: Qui cum in forma, inquit, Dei esset, non rapinam arbitratus est esse se æqualem Deo. Magnus Basilius: Illud in forma Dei, inquit, substantiæ Dei est. nõ enim aliud est forma, & aliud substantia Dei; ne compositum sit. Qui igitur est secundum formam æqualis, secundum substantiam quoq. æqualis est. S. Gregorius Nyssenus cum explanat illud, Adueniat regnum tuum: Creatura, inquit, seruit; seruitus autem non est regnum, atqui regnum est spiritus sanctus; regnum vero plane regnat, non regnatur. si igitur regnum est spiritus sanctus, quomodo ipsum naturæ seruienti annuerant insani isti? Et Gregorius Theologus: His quidem lumen quod expromi non potest, succedit, & contemplatio regalis Trinitatis splendentis clarius & purius, & quæ tota cum totis miscetur, quam regnum celorum esse censeo. Ex his manifestum fit, quod in Trinitate supra substantiam,

stantiam, nihil ex ijs quæ a Theologis enumerata sunt, effugit, quin declaret solum esse hæc in Deo patre, filium eius verum Deum, & sanctum eius spiritum. quocirca qui dixit diuinam Trinitatem, quæ est supra principium, hæc simul, & alia complexus est.

Spiritus in participatione bonitatis bonum est) id est, in participatione nostra bonitatis creata est bonus spiritus tamquam auctor & creator bonitatis a nobis participata; ipse vero spiritus natura est ipsa bonitas supra bonitatem, itaq. ea quæ de Deo & de creaturis æquiuoce dicuntur, de Deo dicuntur secundum naturam; de creaturis vero per participationem.

Quod in Trinitate nihil est quod non sit substantia, & persona; nec est in ea aliquid naturale & substantiale patri, quod quidem non sit filius, & spiritus sanctus: neque quidquam aliud sunt in Deo rationes eorum quæ sunt, nisi implicite unigenitum Dei verbum. Cap. VIII.

SANCTUS Cyrillus in Thesauris libro xix. Non quia in nobis sapientia & scientia non est in sua hypostasi, id est, non existit per se; idcirco sapientia, quæ inest in Deo, idem incommodi patietur, ut non existat per se. sed quandoquidem confiteris non esse Deum more nostro, plane confiteris, omnia quæ illius sunt, non esse ut nostra sunt. Idem in primo Thesaurorum: Considerent oppugnatores Christi magnitudinem imprudentiæ suæ. cum enim nollent dicere vnum filium Dei similem esse patri, duos dederunt; si voluntatem eius dicent esse aliquid per se existens. si vero non per se existit, non erit character, id est, figura per se existentis, quod non per se existit. Idem in eisdem: Omnino necesse est, quod ex aliquo naturaliter prodit, simile ei esse secundum substantiam; quamuis ab illo ipso tamquam causa, habeat ut sit. Idem in eisdem: Inquirendus, inquit, est modus dissimilitudinis, quam habet ad patrem voluntas. si enim vlla ex parte tamquam minor ipso, non habet similitudinem eius, videbitur aperte aliquid exire ex substantia patris deterius eo & minus. non enim voluntas extrinsecus accedit, nec introducta est; sed ex ipso, & in ipso. deteriore vero gignere

nec

nec ijs qui naturam creatam habent, accidere arbitror. Magnus Athanasius libro quinto contra Arianos ait: Sicut, inquit, ex Deo Deus est, & ex sapiente sapiens, & ex rationem habente ratio, id est ratio, siue verbum; & ex patre filius; sic ex persona, personam habens; & ex substantia substantialis, substantiamq. habens; & ex existente existens. S. Cyrillus libro xiiii. Theaurorum: Paulus, inquit, cum dicit proprietates naturales & substantiales, quæ in Deo patre sunt, sic ait: Qui solus habet immortalitatem. Si ergo nihil aliud quispiam definiet esse immortalitatem, nisi vitam; vita autem est filius, qui dicit: Ego sum vita; pater habet vitam in se ipso, filium scilicet, & nihil aliud quidquam præter ipsum. Idem in eisdem: Quicumq. dicuntur esse in Deo patre naturaliter, & secundum substantiam, hæc omnia filius est. Solus verus Deus dicitur pater, quia solus habet filium dicentem: Ego sum veritas: solus sapiens, & potens similiter; quia Christus Dei virtus, & Dei sapientia. solus dicitur habitare lucem inaccessibilem; habet enim in se ipso filium dicentem: Ego sum lux. solus fons aquæ viuæ; siquidem solus habet filium, qui dicit: Ego sum vita. Si ergo omne proprium patris est filius, cum pater dicitur habere vitam in se ipso, filium significat, & non aliud quidquam præter ipsum. cum autem existeret ipse in filio secundum substantiam sine vlla variatione, & cum esset vita secundum naturam; dedit ipsam sibi ipsi. Athanasius libro quarto contra Arianos: Quandoquidem tota essentia filij propria est substantiæ patris, ut splendor ex lumine, & ex fonte fluuius; ut tandem qui videt filium, videat quod proprium patris est; & intelligat quod essentia filij, quæ ex patre est, sic in patre est. Est autem & pater in filio, quia quod est ex patre proprium, hoc filius est, sicut in splendore sol, & in ratione mens, & in fluuiio fons. sic enim qui contemplatur filium, contemplatur proprium substantiæ patris; & intelligit quod pater in filio est. Cum enim species & diuinitas patris sit essentia filij, consequens est, patrem esse in filio, & filium in patre. Sanctus Cyrillus in capitibus de spiritu sancto: Reperitur alicubi scriptum, immo dicit beatus Ioannes Euangelista: In hoc cognoscimus quod in nobis est Deus, ex spiritu quæ dedit

1. Tim. 6.

Ioan. 14.

Ioan. 5.

Ioan. 14.

Rom. 16.

1. Cor. 1.

1. Tim. 6.

Ioan. 8.

Hier. 2.

Ioan. 14.

Ioan. 5.

Ioan. 14.

1. Ioan. 3.

dedit nobis. & rursus: In hoc cognoscimus quod in ipso manemus, & ipse in nobis, quod ex spiritu suo dedit nobis. Si igitur habitante in nobis spiritu per participationem, Deus est qui habitat, & nos sumus in ipso, & ipse rursus in nobis, quia spiritum ferimus; quomodo spiritus non erit Deus, cum habeat in se secundum substantiam totam proprietatem Dei patris, cuius spiritus per filium creaturæ tribuitur? Magnus Dionysius cap. v. de divinis nominibus. Exemplaria vero dicimus esse rationes rerum in Deo, effectrices substantiarum, & unite præexistentes, quas divinus sermo vocat prædefinitiones, & divinas atq. bonas voluntates, quæ ad distinguendum & efficiendum ea quæ sunt, valent; secundum quas qui est supra substantiam, omnia quæ sunt, prædefiniuit, & produxit. Quo in loco divinus Maximus, Exemplaria, inquit, quæ vocant ideas, iam quidem superius declaravimus, quomodo definiantur, scilicet notionem per se perfectam æternam æterni Dei vocant ideam, idest, exemplar. hic tamen explanat Dionysius scripturam, cū ideas vocat prædefinitiones, significans obscure Paulum, qui in epistola ad Romanos ait: Quos autem prædefiniuit, siue prædestinavit, hos & vocavit. & alibi: Qui prædestinavit nos in voluntate sua. Voluntatem enim, & prædestinationem, siue prædefinitionem ideas & exemplaria dicit. Et iterum magnus Dionysius cap. vii. de eisdem divinis nominibus. Verbum Dei laudatur a sacris scripturis, non solum quia rationis & mentis & sapientiæ largitor est; sed quia causas omnium in se ipso † una forma anticipavit; & quia per omnia meat, peruens sicut ait scriptura, usque ad finem omnium; & potissimum quia verbum Dei supra omnem simplicitatem simplex est, & ab omnibus supra omnia supra substantiam absolutum est. Quem locum edisserens S. Maximus, Nominatur, inquit, verbum Dei λόγος, idest ratio, quia habet omnium causas in se: rationes enim omnis naturæ in ipso sunt tamquam in causa omnis creationis; per ipsum enim omnia. ideoque namq. & exemplaria in ipso, non alia in alio; sed æternæ notiones sunt, & rationes facientes omnia. Ex quibus fit manifestum, quod in Trinitate, quæ supra substantiam est, omne quod per se non est substantia, & per se non existit, eiectum

1. Ioan. 4.

Rom. 8.

Ephes. 1.

† Idest, sine
ulla compositione.

Sapient. 8.

Ioan. 1.

electum & exclusum est: si quid vero est in ea, substantia est, & per se existens. idcirco omne quod est Deo patri naturale & substantiale, filius est, & spiritus sanctus, lumina eius per se existentia, & supra substantiam; immo & omnia exemplaria in Deo, & rationes omnium rerum implicite vnum verbum Dei sunt, quod illas in se habet tamquam non alia in alio: vnum enim est vnigenitum Dei verbum; & vna sapientia Dei patris, spiritus eius supraquam sanctus.

Species: & diuinitas patris) Non vocat hic speciem, vniuersale quod de pluribus differentibus numero pradicatur. huiusmodi enim species diuiditur: neq. figuram vocat; Deus enim caret figura; sed speciem vocat formam, idest, substantiã vere & proprie, quæ a nullo scilicet pendet: sicut Paulus vocat formam Dei: Qui cum in forma, inquit, Dei esset. In hac significatione posuit hic speciem Athanasius.

Philip. 2.

Quod in Trinitate præter tres personas diuinas, quæ non reciprocantur, quia pater non est filius, neq. filius pater, nihil est quod non sit alterum alterius essentia. vita enim filij non est aliud præter patrem; & rursus, vita patris non est aliud præter filiũ. similiter in spiritu sancto: & hoc est incedere personas deificas per se ipsas & in se ipsis vicissim. Cap. IX.

Magnus Dionysius capite secundo de diuinis nominibus: In diuina, inquit, in vnum copulatione, idest, in substantia supra substantiam copulatum quidem & commune in Trinitate, quæ est vnum omnium principium, essentia est, quæ est supra substantiam; diuinitas supra diuinitatem; bonitas supra bonum; idem supra omnia in tota proprietate, quæ supra omnia est; vnitas supra; vnitatem principialem, ineffabilis, multarum vocum, ignoratio, & ex omni intellectilis, omnium positio, omnium demptio, supra omnem positionem, & demptionem; diuinarum personarum in se ipsis, si ita loqui fas est, mutua mansio, & collocatio, in totũ supraquam copulata in vnum, non confusa in parte vlla; sicut lumina lampadum (vt exemplis sub sensum cadentibus & familiaribus vtar) quæ sunt in vna domo, & tota sunt in se totis vicissim, non permixta; ac per se existunt

sunt perfecte inter se mutuo singulatim distincta, cōiuncta in vnū discrete, & discreta coniunctim. Hæc S. Maximus cum annotat, Aduertendum, inquit, est illud, In se ipsis vicissim, esse secundum mansionem & collocacionem diuinarum personarū, vt cum ait scriptura: Ego in patre, & pater in me. sic & de spiritu sancto Apostolus ait. Sanctus Ioannes Damascenus in capite de Trinitate: Etenim creaturæ & loco distant, & tempore differunt, & voluntate diuiduntur, & viribus, & forma, idest, figura, & habitu, & mixtione, & dignitate, & studio, & omnibus proprietatibus signantibus; ac potissimum in eo differunt, quod non sunt in se ipsis vicissim, sed separatim: vnde & duo, & tres, & multi dicuntur. contra vero in sancta Trinitate, quæ supra substantiam est, & ultra omnia, & incomprehensa. vnus enim conatus, siue impetus motionis, & vna substantia, vna bonitas, vna virtus, vna voluntas, vna operatio, vna potestas, vna, inquam, & eadem; & non tres similes inter se, sed vna atq. eadem motio trium personarum. vnum enim habet vnaquæq. earum cum altera, non minus quàm secum commune: idest, vnum sunt secundum omnia pater, & filius, & spiritus sanctus. Magnus Athanasius in epistola ad Serapionem: Deinde, cum pater sit, vt Paulus dixit, solus sapiens, qui est Deus, filius est sapientia eius; Christus enim Dei virtus, & Dei sapientia: & cum filius sit sapientia, nos spiritum accipientes, filium habemus; & in ipso sumus sapientes. sic enim scriptum est: Dominus soluit ligatos; Dominus ¶ erudit cecos. & cum datur nobis spiritus, (Accipite enim spiritum sanctum, aiebat Saluator) Deus est in nobis. sic enim Ioannes scripsit: Si diligimus inuicem, Deus in nobis est; quoniam in ipso manemus, & ipse in nobis; quoniam ex spiritu suo dedit nobis. Cum autem Deus est in nobis, est etiam filius in nobis. dicit enim ipse filius: Ego, & pater veniemus, & mansionem apud eum faciemus. deinde, cū vita alioqui sit filius: Ego, inquit, sum vita; viuificari tamē dicimur in spiritu sancto. Qui enim suscitauit Christū Iesum a mortuis, suscitabit & mortalia corpora nostra, per spiritum eius inhabitantem in nobis. Nobis autem in spiritu viuificatis, ipse Christus in nobis dicitur viuere. Christo enim,

K k inquit,

Ioan. 14.

1. Cor. 3.

Rom. 16.

1. Cor. 1.

Psal. 145.

al. compeditos. al. illuminat.

Ioan. 20.

1. Ioan. 4.

Ioan. 14.

Ibid.

Rom. 8.

Galat. 2.

*Ioan. 14.**Rom. 15.**Philip. 2.**Ioan. 14.**Philip. 2.**Ioan. 14.**2. Cor. 5.*

inquit, confixus sum: uiuo autem non iam ego, uiuit autem in me Christus. & rursus, sicut opera quæ filius faciebat, dicebat patrem facere: Pater enim, ait, in me manens, ipse facit opera: non creditis mihi, quia ego in patre, & pater in me est? alioqui propter opera ipsa credite. sic quæ in virtute patris operabatur Paulus, aiebat Christi esse opera. Non enim, inquit, audebo aliquid dicere eorum, quæ nõ operatus est Christus per me in obedientiam gentium in verbo & operatione, in virtute signorũ & prodigiorum, in virtute spiritus sancti. Talis coniugatio & vnitas cum sit in Trinitate, quis iam deinceps filium a patre, aut spiritum sanctum a filio, aut ab ipso patre separabit? aut quis erit ita audax, ut dicat dissimilem, & alterius naturæ esse apud se Trinitatem? vel filium esse substantiæ alienæ a patre? vel spiritum sanctum alienum a filio? Si quis rursus interroget, quomodo hæc sunt? queratq. quomodo, cū spiritus sanctus est in nobis, pater dicitur esse in nobis; & cum filius est in nobis, pater dicitur esse in nobis; aut quomodo cum Trinitas est, in vno significatur Trinitas; aut quomodo cum vnum est in nobis, Trinitas dicitur: vel separent primū a lumine splendorē, aut sapientiam a sapiente; vel dicant, quomodo hæc erunt. quod si hoc nõ possunt; multo magis quærere hæc de Deo, insanientiũ audacia est. Diuinitas enim nõ in demonstratione verborũ tradita est, ut diximus; sed in fide, & pia ratiocinatione cum reuerentia. Et iterũ idem libro IIII. contra Arianos: Quia igitur filius est imago patris, necesse est intelligere, quod diuinitas & proprietas patris essentia filij est; & hoc est illud, Qui cum in forma Dei esset; & pater in me. Non autem ex parte est forma diuinitatis, sed plenitudo paternæ diuinitatis essentia est filij, & verbum Deus est filius: idcirco æqualis Deus non rapinam arbitratus est se esse æqualem Deo. Et rursus, quia filij diuinitas & species nõ est alterius quàm patris; hoc est quod diximus, Ego in patre: sic Deus erat in Christo mundum sibi reconcilians. Proprium quidem substantiæ patris est filius, in quo creatura Deo reconciliata est; sic quæ operabatur filius, opera patris sunt. forma enim diuinitatis patris est filius; & paterna forma in ipso, demonstrat in ipso patrem: atq. ita est pater in filio; & proprietas atq.

tas atq. diuinitas ex patre in filio, demonstrat filium in patre inseparabilem ab eo. Ex his patet, quod in Trinitate, quæ supra substantiam est, exceptis tribus personis deificis, quæ non recipiuntur, alijs remeantibus, quod est vna persona, hoc ipsum est alia; quia sunt vna & solatrum personarum essentia: & quod est vnus, hoc idem est reliquarum personarum sine vlla varietate, sicut demonstratum est. Quare si essentia filij est vita, necessario patris & spiritus sancti est eadem vita, quæ erat essentia filij. Qui amplius quærit, si filius habet sapientiam patrem, vbi est huius filij sapientia? Fatuus plane & insipiens est, cum audiat, vitam quam habet pater, non esse aliam vllam præter filium; & vitâ in filio non esse vllam aliam præter patrem; & verum dicere qui dicit: Ego in patre, & pater in me. Vna enim, vt diximus, est essentia Trinitatis, & vna solum semper. Hęc igitur essentia singularissima trium, assumens ineffabiliter nomen patris, quod est supra substantiam; solum patrem generantem filium manifestat. rursus assumens supraquam intelligi potest, nomen filij, quod est supra substantiam, solum filiū demonstrat generatum a patre. rursus hęc ipsa essentia assumens nomen spiritus, quod est supra substantiam, spiritum tantum declarat a patre procedentem per filium. vt si exempli gratia & quidem tenuis dicamus, natura hominum, quæ vna est, in quibus solum assumit virtutem gignendi, patres tantum declarat: in quibus autem assumit genitum, filios solum: est nihilominus vna natura humana patrum, & filiorum. Cum igitur dicimus esse filium; in eo quod manet filius tantum, simul & inducitur esse patrem, & spiritum sanctum; quia essentia eorum est vna. similiter vtriusque aliarum personarum ponatur, necessario sequitur reliquas duas esse. quod enim est alicuius essentia, hoc simul cernuntur esse quæ illam definiunt. Cum enim essentia alicuius demonstratur, proprietates quæ ad illâ pertinent, simul patefunt: vt quod habet tres angulos equales duobus rectis, necessario omnis trianguli naturam ostendit. Nisi quis hoc recte dicat, omnino hoc dissentire ab imagine & similitudine vnus & eiusdem nature Trinitatis, quæ supra naturam, & supra omnia eadem est. Per se ipsas igitur & in se ipsis

Ioan. I. 4.

K k 2 vicissim

vicissim diuinae personae meant : & una posita, necessario tota Trinitas declaratur, sicut ostenso solum radio, tacite sol & lux simul ostenduntur. vel sicut demonstrata charitate, qui diligit & quod diligitur, simul demonstrantur. vel sicut posito fonte, fluuius & aqua. & quaecumque aliae imagines sacrae & similitudines huius rei ex sacris scripturis symbolice exprimuntur.

Scholia.

Psal. 81.

Diuinitas 1) ὑπέρθεος, idest, supraquam diuina, vel supra diuinitatem, scilicet creatam, eorum dico, de quibus scriptum est : Ego dixi, dñ estis. Deus enim est qui illos sanctificat, & facit deos per participationem: unde diuina persona a Dionysio & a patribus vocatur θεῶν ὑπέρθεος, idest, deificae; & spiritus sanctus vocatur ὑπέρθεος πνεῦμα, hoc est, spiritus supra deos, quos scilicet sanctificando facit deos, siue in celo, siue in terra. idē 2) supra omnia in tota proprietate quae supra omnia est) Sunt proprietates substantiales eadem in creaturis cuiusque speciei; ut rationale proprietas substantialis in hominibus; in angelis sunt proprietates eorum substantiales eadē; in animantibus alijs siue item proprietates substantiales eadem; & in alijs naturis similiter. sed ratio proprietatis, & ratio eiusdem proprietatis in creaturis non potest comparari cū proprietatibus substantiae diuinae, & cum identitate earū. haec enim sunt sine differentia in re ipsa diuina substantia. unde personae diuinae vocatur a Dionysio μορφοειδῆς, idest, uniformes. vnitas 3) supra unitatē principalem) quia in creaturis reperitur vnū, quod habet rationem principij, ut in igne est vnū principij caloris; in sole vnū principij luminis; sed in his nec vnitas, neq. ratio principij comparari potest cum proprietatibus istis principij diuini. ignorantia 4) Ignorantiam vocat non quidē inscientiam, quae est quaedam tenebra animae; sed relictā, omni cogitatione rerum externarum, & omni intelligentia a proposito aliena, vniri in quodam silentio secundum meliorem partem cum Deo ignoto quid sit, qui est supra omnem cognitionem, & nihil aliud cognoscendo & contemplando, supra mentem cognoscere & contemplari, ut Dionysius in mystica Theologia cap. 1. tradit. Haec ignorantia vocata est in Exodo caligo, in qua dicitur Moyses ingressus, ut S. Maximus notauit. Hanc vnionem optat Dionysius Timotheo in principio mysticae Theologiae, unde melius eam licet intelligere. Vnio autem supra mentem est, cum mens se relinquit; relinquit autem se, cum vacat omnino a suo motu proprio, & nihil proprium sui habet, neq. sui est, sed est tota in Dei contemplatione. ex omni (intellektilis) idest, ex creaturis Dei, & prouidentijs eius, quibus vnuersum plenum est. si ita loqui fas est) Quia haec vocabula mansio, & collocatio distinctionē secum inferre videntur, &

ad locum

ad locum referri (quod enim in aliquo manet & collocatur, non videtur esse idem quod est illud, in quo aliquid manet tamquam in loco, & in quo collocatur) ideo correctionem adhibuit Dionysius, inquit, Si ita loqui fas est. ac per se 7 existunt) Non est usus hoc exemplo Dionysius, ut quidam existimarunt, secundum opinionem eorum qui tradebant lumen esse substantiam corpoream, & non qualitatem. quod enim posuit Dionysius lumina lampadarum per se existere; non ad lumina retulit, sed ad lampadas quae per se existunt, sicut faces & tecta. itaq. faces ardentes, siue lampadas accensas luminibus in unum coniunctis per se existentes cum proprietatibus hypostaticis per se subsistentibus in lumine suprasubstantiali Trinitatis discrete unitis, & unite discretis comparat. & quod sequitur in Dionysio, Et si quis unum luminare, id est, unam faciem accensam educat e domo, simul exhibit totum proprium lumen, nihil quidquam aliorum luminum in se ipsa simul trahens, nec aliquid sui illis relinquens; ad mysterium incarnationis retulit, ut Pachimerus notavit; interpretatusq. est illud: Ego Ioan. 16. a patre exiui. Filius enim factus homo, qui erat fax quadam humanitatis accensa lumine divinitatis, non traxit secum patrem, neq. spiritum sanctum, neq. quidquam proprium divinitatis illis reliquit; quin potius eandem totam divinitatem quae in illis est, tulit manens in illis. Ad idem mysterium incarnationis retulit hoc exemplum Leontius monachus, auctor eruditissimus, in libro quem contra Nestorium & Eutichem scripsit. docet enim sic substantias uniri posse sine mixtione, ut hic sine mixtione uniantur qualitates luminum, & uniantur splendores stellarum, salva proprietate quanti in quali. in eo quod manet filius tantum, simul & inducitur esse pater, & spiritum sanctum.) Non hoc accipiendum est dici secundum relationem: sic enim filius non refertur ad spiritum sanctum, sed ad patrem tantum; sed accipiendum est dici secundum circumincessionem, quae περιχώρησις a Graecis patribus dicitur, quia in filio sunt pater, & spiritus sanctus & filius in patre, & spiritus sancto; & spiritus in patre, & in filio, & deniq. unaqueq. persona in alijs vicissim. quod enim est 9 alicuius essentia) Sicut qui hominem demonstrat, animal rationale demonstrat, quia essentia hominis est animal rationale; sic qui unam personam divinam demonstrat, reliquas duas ostendit, quia idem est una, quod reliquae, veluti si una esset definitio alterius. & sicut figura, quae habet tres angulos aequales duobus rectis, omnis trianguli naturam demonstrat, quia una & eadem natura trianguli est in omnibus triangulis; sic una persona reliquas demonstrat, quia una & eadem natura est in tribus; tamen si infinito intervallo absunt haec exempla a divinis personis, quae non possunt definiri, quia sunt infinitae & natura in eis non dividitur proprietatibus hypostaticis, sicut in creaturis, sed est ἀνάγκη τοῦ ἀπείρου ταύτου, id est, est idem supra omnia eadem.

Quod

Quòd supra omnem rationem & mentē est omne quod in Trinitate, quæ supra substantiā est, contemplamur; & penitus incognitū, & intelligentia incomprehensum, quomodo una & eadem essentia & in unaquaq. persona ex tribus tota & sola est; & in tribus simul eadē tota & sola; & in nulla persona ulla in re a sola & tota dimouetur, trine simul & singulariter culta.

Aut sic:

Quòd in Trinitate, quæ supra substantiam est, non secundū deificas¹ personas essentia eius terminatur; sed est supraquam ratione comprehendi potest, una trium essentia. Cap. X.

SANCTUS Maximus in centuria IIII. cap. primo ait: Vnum est bonum supraquam sine principio, & supra substantiam, sancta scilicet trium personarum vnitas, pater, filius, & spiritus sanctus, trium qui immensi sunt, immensa naturæ confociatio, quæ rationem essentiæ suæ, & quomodo; ac quid, & qualis sit, nullis penitus peruiā facit. siquidem omnem notionem intelligentiū fugit, nequaquam ex abdito & penetrati naturæ suæ egrediens; & omnem cognitionem summam & excellentissimā in infinitū superat. Idem in eadē centuria cap. IIII. Vnus Deus vnus filij genitor pater, & vnus spiritus sancti fons, vnitas sine confusione, & Trinitas sine diuisione, mens sine principio, solus solius verbi sine principio secundū substantiā genitor, & solius æternæ vitæ tamquā spiritus sancti fons. Item in secunda centuria cap. I. Vnus Deus, quoniam vna diuinitas; vnitas sine principio, & simplex, & supra substantiā, & expers partis, & indiuidua, eadē vnitas, & Trinitas; tota eadem vnitas, & tota eadē Trinitas; vnitas tota eadem secundū substantiam, & tota eadem Trinitas secundum personas: pater enim, & filius, & spiritus diuinitas; & in patre, & filio, & spiritu sancto diuinitas; tota eadem in toto patre, & in eadem tota totus pater; & tota eadem in toto filio, & in eadem tota totus filius; & tota eadem in toto spiritu sancto, & in tota eadem totus spiritus sanctus: tota pater, & in toto patre; & totus in tota pater, & tota totus pater; & tota eadem totus filius, & tota eadem in toto filio, & totus tota, & in tota eadem filius; & tota eadē spiritus sanctus, & in toto spiritu

ritu sancto, & totus spiritus sanctus tota, & totus in tota eadem spiritus sanctus. Non enim ex parte diuinitas in patre, aut ex parte Deus pater; nec ex parte in spiritu sancto diuinitas, aut ex parte Deus spiritus sanctus: nec enim partibilis est diuinitas, nec imperfectus Deus pater, vel filius, vel spiritus sanctus; sed potius tota est eadem, perfecta perfecte in perfecto patre; & tota perfecta perfecte eadem in perfecto filio; & tota perfecta eadem in perfecto spiritu sancto. totus enim in toto patre, & spiritu sancto perfecte est filius; & totus in toto patre, & filio perfecte est spiritus sanctus: quamobrem & vnus Deus pater, & filius, & spiritus sanctus. vna enim & eadē substantia, & virtus, & operatio patris, & filij, & spiritus sancti, cum nullus sine altero sit, aut intelligatur. Magnus Athanasius in epistola ad Serapionem: Videamus vero præterea ipsam etiam a principio relictam traditionem, & doctrinam atq. fidem Ecclesiæ catholicæ; quam Dominus quidem dedit, Apostoli vero prædicauerunt, & patres seruauerunt. In hac enim fide Ecclesia fundata est. ab hac qui exciderit, nec erit, neq. dicetur Christianus. Trinitas igitur sancta & perfecta est in patre, & filio, & spiritu sancto, nihil alienum, nec extrinsecus collectum habens, nec ex creatore & creato constans, sed tota creatrix, & effectrix; sui similis, & secundum naturam indiuidua, & vna huius operatio. Pater enim per verbum in spiritu sancto omnia facit. & sic seruatur vnitas Trinitatis; & sic vnus Deus in Ecclesia prædicatur, qui est super omnia, & per omnia, & in omnibus. super omnia quidem, vt pater, vt principium, vt fons; per omnia vero per verbum; in omnibus autem in spiritu sancto. Trinitas vero est non solo nomine, & fictione verbi, sed veritate & existentia Trinitas. Sicut enim qui est, est pater; sic qui est, est super omnia Deus, qui est huius verbum; & spiritus sanctus non est non existens, sed potius existit, & subsistit vere. Neq. minus his sentit Ecclesia catholica, ne in errorem eorum qui cum Caipha, & Iudæis, atq. Sabellio sentiunt, incidat: neq. plus his excogitat, ne ad multitudinem deorū cum gentilibus voluatur. Et quod hæc sit Ecclesiæ fides, intelligant quomodo Dominus, cum mitteret Apostolos, præcepit eis iacere hoc fundamentum

Matth. 28.

mentum Ecclesiæ: Euntes, inquit, docete omnes gentes, baptizantes eos in nomine patris, & filij, & spiritus sancti. Apostoli autem profecti sic docuerunt. Et hæc est in vniuersa Ecclesia quæ sub cælo est, prædicatio: & hoc est fundamentum fidei Ecclesiæ. Ex his planum fit, quod omnis plenitudo diuinitatis est pater, filius, & spiritus sanctus. tota enim & sola diuinitas de vnaqua. triū personarum sine differentia vlla, & ex omni parte prædicatur; & reciprocatur prædicatio de eodem; nec variatur in vlla re, nisi in hypostaticis. atq. hoc est illud mirum in modum ingens & arcanum, atq. abditum, & quod nulli naturæ in vlla re. contingit, quomodo trium personarū, & (si fas est dicere) trium subiectorum vna est essentia actu, sola & tota in vnaqua. persona, vt si vna persona absolute existeret: vnā essentiam actu dico magis vnā, quā quæ est maxime omnium singularis. Vt autem repetendo summatim manifesta fiat expositio initiaria, quæ hac Decade continetur, demonstratum est per propositiones affirmantes, quod non est alia, & sola natura non creata, nisi solus pater, filius, & spiritus sanctus; nec alia diuinitas, & virtus, & operatio, nisi solus idem pater, & filius, & spiritus sanctus; nec est alia vnitas supra quā diuina, nisi pater, filius, & spiritus sanctus: nec est alia in Trinitate discretio, nisi in eo quod est esse patrem, & filium, & spiritum sanctum; nec est in Trinitate alius fons, & principium totius diuinitatis, nisi solus pater; & quod naturales & substantiales operationes ex ipso prodeuntes sunt filius, & eius spiritus sanctus; nec alia est operatio, & manus, & digitus eius, qui est supra bonum per quem omnia Deus operatur, nisi eius filius, principium deificandi nos, & spiritus sanctus: neque quæcumq. singulatim naturales & substantiales energæ, siue operationes Dei dicuntur, aliæ sunt præter filium, & sanctum eius spiritum; neq. quæcumque vno verbo naturalia & substantia Dei dicuntur, alia sunt præter filium, & spiritum sanctum; neq. quæcumq. in Trinitate reciprocantur, pium est dicere quidquam in eis esse & dici vnus personæ, quod non sit & dicatur essentia alterius: neq. quæ sunt personæ deificæ, & essentia Trinitatis, pium est dicere alterum non esse essentiam alterius.

supra

supra omnem vero mentem & rationem in tribus personis, siue subiectis vna est & tota, & sola trina supra naturam, & infinita unitatis essentia supraquam diuina. Perfecta itaq. sunt quæ in hac Decade contexta sunt & exposita, ita vt nihil desit. Est autem inscripta Decas, De infinitate in Deo, quia omnis infinitas in Deo est Trinitas, quæ supra naturam, & supraquam incognita est; & ipsa sola est is qui super omnia, & per omnia, & in omnibus laude & gloria celebratur vnus & trinus Deus; & esse eius est substantia, & subsistentia omnium; & non est in ipso vlla priuatio, neq. quidquam non subsistens: nec est in eo plus, aut minus; nisi quæ ab ipso extra se ipsum voluntate propter exuperantiâ bonitatis suæ producta sunt.

Non secundum personas deificas definitur essentia Trinitatis; definiretur autem, si quia est vna & eadem, & tota in vnaquaque, non esset eadem tota in tribus simul; aut si, quia est vna, eadem & tota in tribus, non esset eadem tota sine vlla variatione & differentia in singulis. Personas deificas vocat, idest diuinas, quia persona quæ deos facit, non potest esse nisi Deus.

DECAS DECIMA, DE DIVINA SIM- PLICITATE.

Quod non oportet querere in Trinitate, quæ supra substantiâ est, habitus & dispositiones, neq. sunt aliqua circa ipsam, quæ substantiam eius compleant. Cap. I.



SANCTVS Maximus in centuria quarta, cap. viii. Ne, inquit, quæras habitus & habilitates in simplici & infinita substantia sanctæ Trinitatis, ne eam facias compositam, sicut creaturas; quod quidem in Deo cogitare absurdum & nefarium est.

Diuinus Damascenus: Voluntas, & sapientia, & virtus patris est filius. non enim oportet dicere in Deo qualitatem, ne dicamus eum ex substantia & qualitate compositum esse. Magnus Athanasius in apologetico pro Sy-

L1 nodo

nodo Nicena, cuius principium est, Bene fecisti, vt declarares mihi, &c. Si quis igitur, inquit, existimat Deum esse compositum, vt quod ex substantia & accidente compositum est; aut habere extrinsecus aliquod operimentum, & tegi; aut esse quædam circa ipsum, quæ substantiam eius compleant; ita vt cum nos dicimus Deum, vel nominamus patrem, non ipsam inaspectabilem, & incomprehensam substantiam eius significemus, sed potius aliquid circa ipsum, accusent Synodum, quæ scripsit, ex substantia patris esse filium. Considerent, quod duo blasphemæ, & in Deum contumeliose proferunt, cum sic cogitant: Deum quendam corporeum introducunt, & Dominum non ex ipso patre, sed ex ijs quæ sunt circa ipsum, mentiuntur esse. Sin autem simplex quidpiam Deus est, vt quidem est, manifestum sit quod cum dicimus Deum, & nominamus patrem, nihil tamquam circa ipsum, sed ipsam eius substantiam significamus. Et rursus idem in oratione, cuius principium est, Omnibus vobis qui in vnu conuenistis; de eo quod patres Synodi Nicenæ recte vsi sunt verbo homousij: Quia igitur, inquit, excusatio de ijs qui scandalizantur, improbabilis demonstrata est, dicite deinceps vos, quomodo non placet vobis nomen substantiæ? hoc enim necesse est primum excutere, atqui & vos scripsistis ex patre genitum esse filium. Si igitur cum patrem nominatis, vel Dei nomen dicitis, non substantiam significatis, nec eum intelligitis, qui est id quod secundum substantiam est; sed aliud quid circa ipsum, vel aliquid deterius (ne a me expromatur) his nominibus significatis, oportebat vt non scriberetis vos, ex patre filium genitum esse, sed ex ijs quæ circa ipsum, vel in ipso sunt; vt cum refugitis a dicendo vere patrem Deum, & eum qui simplex est, compositum & corporeum cogitatis, nouarum blasphemiarum inuentores reperiamini. Cum autem sic cogitatis, necessario etiam verbum non substantiam, sed nomen solum existimatis. deniq. vsq. ad nomina opinionem vestram affertis; & quæ dicitis, non creditis esse, sed potius non esse sentitis. Hæc autem audacia Sadducæorum & potius, & eorum qui apud gentiles sine Deo sunt, existit. Quocirca neq. ipsam creaturam ipsius qui Deus est, fabricam esse dicetis, si hoc nomen

men pater & Deus non ipsam causam eorum quæ sunt, significant, sed aliud quidpiam quod vos fingitis: verum hoc indecorum, & valde impium est vel solum cogitare. Sin autem cum audimus, Ego sum qui sum; & illud, In principio fecit Deus cælum & terram; &, Audi Israel, Dominus Deus tuus, Dominus vnus est; & illud, Hæc dicit Dominus omnipotens; non aliud præterquam simplicem, & beatam, & incomprehensam eius qui proprie est, substantiam intelligimus (etsi enim non possumus comprehendere quid tandem est, tamen cum audiuius dici patrem, & filium, & omnipotentē, nihil aliud quàm substantiam ipsam eius qui est, significari intelligimus; & vos dixistis ex Deo filium, scilicet ex substantia patris eum dixistis, quia & ante nos dicunt scripturæ Dominum filium patris, & ante ipsas idem pater dixit: Hic est filius meus dilectus; filius autem nihil aliud est, nisi fœtus ex patre) quomodo non videntur patres bene dixisse ex substantia patris esse filiū, recte arbitrati idem esse dicere ex Deo, & dicere ex substantia Dei? Ex quibus fit manifestum quodd in vnitæ, quæ supra substantiā est, non oportet quærere habitus & dispositiones; nec an sint circa ipsam aliqua naturalia, & substantiæ propria ad complendam substantiam ipsam. nisi forte a nobis sic dicuntur consuetudine intelligentiæ nostræ; & quia non possumus aliter intelligere, qui nunc vitam per speculum, & in ænigmate transigimus.

Exod. 3.

Genes. 1.

Deut. 6.

Ioan. 3.

Rom. 8.

Matth. 17.

1. Cor. 13.

Scholia.

Cum dicimus Deum, & nominamus patrem, nihil tamquam circa ipsum, sed ipsam eius substantiam significamus) Non contradicit Ioannes Damascenus cum ait libro primo Theologiæ cap. 9. Bonum, & iustum, & sanctum, & alia huiusmodi consequuntur naturam, non autem ipsam substantiam declarant. & cap. 10. Pater, filius, & spiritus sanctus non declarant substantiam, sed relationem. & paulo post: Ex his ad diuinam substantiam manuducti, non ipsam substantiam comprehendimus, sed quæ circa substantiā. hoc enim dixit Damascenus, scilicet nō significare nomina Dei substantiam eius, quia nullū nomen exprimit quid est Deus perfecte; sed eū significant imperfecte, sicut creaturæ imperfecte representat sic enim Damascenū interpretatus est S. Thom. p. 1. q. 13. art. 2. in resp. ad 1. Præterea cōsuetudine intelligentiæ nostræ locutus est hic Damascenus. quia enim imposita

Ll 2 sunt

sunt nomina ad significandas res, quatenus in nostram intelligentiam cadunt; superat autem intelligentiam nostram, ut quæ propria sunt alicuius naturæ, ea intelligamus esse ipsam naturam per se subsistentem; quod in Deo tantum evenit; idcirco de ijs quæ propria sunt substantiæ divinæ, tamquam de proprijs naturæ creatæ, quæ non substantia, sed circa substantiam sunt, & illam consequuntur & complent, loquimur. sic inquam, loquitur Damascenus de perfectionibus divinæ substantiæ, ut loqui solemus de proprijs accidentibus, quæ circa substantiam contemplamur, quæ naturam consequuntur. similiter nomen patris, quod prius convenit Deo, quàm creaturæ, & nomen filij, & nomen spiritus sancti, relationem, & non substantiam dicit significare. hoc etiam dicit consuetudine intelligentiæ nostræ ex creaturis sumptæ; quia hoc nomen patris secundum modum significandi & intelligendi nobis visitatum non personam, sed relationem significat, quæ per se non subsistit, ut quidem subsistit in divinis; & ideo non potest significare relationem, quin significet substantiam personæ, quia ipsa relatio per se subsistit: sed quia hoc superat intelligentiam nostram, idcirco secundum consuetudinem intelligendi, & secundum nostrum modum significandi dixit Damascenus non significare nomen patris substantiam personæ patris, sed relationem, Gregorium Nazianzenum secutus, qui hoc etiam dixit in oratione prima de filio, licet ibidem concedat ei, contra quem disputat, significare etiam substantiam. Si enim existimasset Damascenus, ideo non significare substantiam in divinis, quasi relatio non per se existeret, error plane fuisset, ut S. Thomas 1. p. q. 33. art. 2. in resp. ad 1. notavit: Damascenum enim notasse videtur, licet non nominatim, pro ea qua fuit modestia, cum ait, Ut quidam falso opinati sunt. Item Anastasius Antiochenus in oratione prima de rectis dogmatibus veritatis: Nomina, inquit, Trinitatis, pater, filius, & spiritus sanctus non significant esse, sed quomodo esse. nec enim qui patrem dixit, substantiam significavit, sed omnino habitudinem. sed aliud quid circa ipsum) scilicet accedens individuum, quod consequitur materiam ultimam. quod enim circa substantiam est, accedens per se est, & substantiale, quod totam speciem consequitur, quod ex principijs subiecti efficitur; quod in Deo esse non potest, in quo nihil est factum; & multo minus accedens materiale. aut aliquid etiam; deterius) idest, aliquid non in ipso tamquam accedens, neq. circa ipsum tamquam complens substantiam eius, sed aliquid circa ipsum extrinsecus, ut indumentum, ut paulo supra dixerat idem Athanasius. Sadduceorum & potius) Antiqui ignorantes vim intelligendi, & non distinguentes sensum ab intellectu, existimarunt nihil esse in mundo, nisi quod sensu & phantasia comprehendi posset; & quia in phantasia non cadit nisi corpus, existimarunt nullam rem esse in mundo nisi corpus, ut Arist. 4. Physic. tradit. ab

istis profectus est error Sadducæorum, qui aiebant, non esse spiritum. hæc S. Thom. 1. p. q. 50. art. 1. Idem evenit gentilibus, qui sine Deo erant colentes opera manuum hominum.

Quod non oportet querere in Trinitate accidentia quæpiam, quæ in substantia eius existant; nec differentias substantiales in ipsa intelligere, siquidem & in incorporeis, quæ ab ipsa producta sunt, non oportet querere differentiam substantiæ, & energie; neq. tamquam aliud in alio ista ut existant, accidere. Cap. II.

S Sanctus Cyrillus libro trigesimoprimo Thesaurorum: Si igitur non quæcumq. dicuntur inesse in Deo secundum naturam, hæc omnino erunt substantia eius, relinquatur ut dicamus esse ea accidentia substantiæ sic † voce tenus intellecta. non enim potest natura humana † aliquid maius in Deo dicere, quàm secundum se; idcirco consuetudine propria utimur, cum ea quæ naturæ nostræ conveniunt, maiorum rerum exempla facimus; ut qui in parva tabula orbem cæli describunt. Idem in eodem libro: Sapientis est dicere, nihil accidere substantiæ Dei, quia habet ex se ipsa perfectionem. sed videmus quod multa ratio coget nos ad intelligendum in Deo tamquàm accidentia ea quæ huiusmodi sunt, etsi penitus non acciderunt. Et idem adhuc: Si ergo quædam res tamquam accidentia Deo, intelliguntur, quid frustra contenditis non esse dicendum accidisse Deo ingenuum esse, cum quædam huiusmodi appareant, quæ sunt secundum substantiam eius? Et rursus idem: Non enim est substantia Dei ingenuum, aut incorruptibile, aut immortale, vel inaspectabile. nam si vnumquodq. horum 2 substantiâ significat, ex tot substantiis compositus erit Deus, quod sunt ista quæ reperiuntur convenire illi naturaliter. Gregorius Theologus in primo de filio: Vel & immortale, & expers malitiæ, & non variabile substantia Dei est. Sed si hoc verum est, multæ substantiæ Dei erunt, & non vna; vel Deus erit ex his compositus. nō enim hæc sine compositione erunt, si sunt substantiæ. Magnus Basilii: Quomodo non est ridiculum dicere substantiam; esse facultatem

† Id est, secundum modum significandi & intelligendi nobis consuetum.
† Id est, aliquid maius, quàm ut ex rebus creatis didicit, ex quibus scientiam capit.

ratem creandi? substantiam item facultatem prouiden-
 di? & similiter substantiam esse facultatem præcognoscen-
 di? & vt semel dicam, omnem energiam substantiam po-
 nere? S. Damascenus: Deus, inquit, simplex est, & non
 compositus. quod autem ex multis & diuersis constat,
 compositum est. Si igitur increatum, esse sine principio,
 & incorporeum, & immortale, & aeternum, & bonum,
 & potestatem creandi, & alia huiusmodi, differentias sub-
 stantiales in Deo dicamus, quod ex istis constabit, non
 erit simplex, sed compositum. Magnus Dionysius cap.
 x i. de cælesti hierarchia: Sed quia omnes mentes ratio-
 ne quadam excellenti conuenienter ipsarum naturæ, in
 tria diuise sunt, in substantiam, & virtutem, & energiã, si-
 ue operationem, cum omnes, aut earum aliquas indifferen-
 ter cælestes substantias, aut cælestes virtutes vocamus, exi-
 stimandum est declarare nos circuitione eos cælestes scili-
 cet, de quibus sermo fit, ex substantia & virtute vniuscui-
 usq. eorum. S. Maximus in annotationibus septimi cap.
 eiusdē hierarchiæ: Quia, inquit, in diuinis mentibus † ha-
 bitus deiformes dixit, non oportet existimare, quasi di-
 cat magnus Dionysius, has virtutes mentium diuinarum
 tamquam accidentia in illis sicut in nobis, velut aliud in
 alio subiecto tamquam qualitatem aduenire. Illud enim
 tamquam accidens, & tamquam subiectum non ha-
 bet illic locum; quia omnis compositio, & illud infor-
 me materiæ illinc eiectionum est. Si enim esset aliud in a-
 lio veluti accidens in subiecto, non viueret per se substan-
 tia illa; neq. posset per se deificari, quantum vires pati pos-
 sunt, propter solū ordinem qui seruatur ponendo aliud
 in alio. Habitus igitur quos in ipsis diximus, sunt ipsi ea-
 rum substantiæ inditi, non autem vt accidens in subiecto,
 quia sunt expertes materiæ: vnde magnus Dionysius in
 libro de ecclesiastica hierarchia, cap. i i i i. substantiales
 vocat habitus, qui in ipsis sunt. Adhuc idem Maximus
 in annotationibus cap. i i i i. de diuinis nominib. Pro-
 pter hos scilicet radios bonitatis diuinæ extiterunt om-
 nes mentes intellectuales, & intelligentes; & substantiæ,
 & virtutes, & energiæ: intelligunt enim & ipsæ; quia
 omnes sunt mentes, & substantiæ vitæ, a mente suprema
 creatæ, immo & energiæ, & illic per se subsistentes sunt,
 & su

† Habitus dei-
 formes dicit,
 quibus ange-
 li Deo assimi-
 lantur, quo
 ad fieri po-
 test.

& substantię: omnis enim motus & status illic saltem per se subsistentes sunt, & virtutes viuentes, ac superiores, quàm vt in eas cadant variationes eorū quę fluxa & corporea sunt. Potes autem aliter etiam intelligere virtutes, & operationes; virtutes quidem, quia nondum omnia creata essent, virtute tamen omnia in Deo prius existerunt, quę producenda erant ab ipso: operationes vero, quando iam creatura ad effectum adducta est. Ex his manifestum fit, in vnitāte, quę supra substantiam est, nō posse accidens versari, neq. secundum habitum, neq. secundum dispositionem, neq. secundum † operimentum, neq. secundum † subexistentiam, neq. secundū consequentiam. Si autem tamquā accidens dicatur, vocetur tantum secundum cogitationem humanam, quia dicitur tantum, ostenditur: neq. differentias substantiales pium est in hac Trinitate intelligere. est autem extrema impietatis excogitare aliud in hac. aliud enim in alio, & tamquam in subiecto, deniq. † accidens neq. in 7 incorporeis calitibus ab ipsa creatis, qui materia vacant, locum habet.

Scholia.

Hoc est quod dicit S. Thom. 1. p. q. 39. art. 2. quod sepe aliās repetit, intellectus noster res diuinas nominat, non secundum modum earum, quia sic eas cognoscere non potest, sed secundum modum in rebus creatis inuentum. si vnumquodq. horum substantiam significat, ex tot substantiis compositus erit Deus, quot sunt ista quę reperiuntur conuenire illi naturaliter. Contra Eunomium disputans hoc dicit. ille enim, quia ingentum dicitur de Deo patre, & ingentū aliud nomen est a genito, argumentabatur aliam substantiam significare ingentum, & aliam genitum: quasi vna substantia non posset diuersis nominibus affici. Sic enim S. Maximus in eo loco orationis primę Gregory Nazianzenī de filio, vbi quærit Eunomius, quid pater significet, explicans eum: Interrogabant, inquit, heretici, Est ne pater nomen substantię, an energię? vt si dixerimus esse nomen substantię, hinc colligant, filium esse diuersam substantiam a substantia patris, & sic autē vtiq. vtiq. duo pñ ē vnde xpo vñs xai diá qopa nuplos óvoma- ra, id est, quasi vna substantia non reciperet duo & diuersa proprie nomina. si enim pater est nomen substantię, numquam eiusdem substantię nomen erit filius. hætenus S. Maximus. & beatus Basilius libro 2. contra Eunomium: Quomodo igitur, inquit, o sapientissime, si diuersitatem nominum necessario sequitur varietas substantię: recordamur

† Vt cū Deus dicitur indu- tus. nō signi- ficatur acci- dens ex cate- goria habere.

† Vt priua- tiones subexi- stunt in ha- bitibus.

† Accidēs sci- licet, quod materiā con- sequitur, id- est, accidens corporeum: quia angelus non est cor- poreus, & mul- to minus De- us, immo in- infinitū mi- nus.

cordamur enim hac te in superiore oratione exposuisse, &c. Hanc igitur impiam Eunomij opinionem cum patres refellunt, Athanasium dico, Gregorium Nazianzenum, Basilium, & Cyrillum, compositum esse Deum argumentantur, si nomina quæ Deo secundum naturam conueniunt, substantiam Dei significant; idest, si unumquodq. Dei nomen diuersum, diuersam Dei substantiam significet, ut Eunomius volebat; quod quidem nihil aliud erat, quam dicere, unumquodq. diuersum nomen Dei partem substantiæ Dei significare, ex quibus una substantia Dei composita esset. at hoc non sequitur, si diuersa nomina, quæ scilicet affirmanter & absolute de Deo predicantur, unam & eandem, & totam Dei substantiam, ut nos dicimus, significant, licet non perfecte, & ut in se est; quia ex creaturis nunc Deum cognoscimus non perfecte, & ut cognoscimus, sic nomina significant. Sic respondet idem Basilius eidem Eunomio obijcienti nobis compositum esse Deum, nisi concederetur idem esse ingenitum, & lumen quod de Deo dicitur, sic enim argumentabatur: Si aliud significat lumen quod de Deo dicitur, & aliud ingenitum, compositum erit quod ex alio & ex alio constat: quod autem compositum est, non est ingenitum. si vero idem est, & idem significat utrumq. nomen, tantum distabit lumen, aut vita, aut bonum, quod de ingenito dicitur, a lumine, aut vita, aut bono, quod de genito predicatur, quantum ingenitum distat a genito. ita substantiam ingeniti a substantia geniti separabat Eunomius. Respondet Basilius: At vero ad illud quod ait Eunomius, compositum demonstrari Deum, nisi pro eodem lumen & ingenitum accipiantur, illud dicere possumus, quod si partem substantiæ ingenitum acciperemus, haberet locum ea ratio, qua dicitur compositum esse quod ex diuersis constat. sin vero substantiam Dei ponimus lumen, vel vitam, vel bonum, totum quod est, bonum; totum quod est, vitam; totum quod est, lumen; vitam vero, & lumen, & bonum sequitur ἀγνοία, hoc est innascibilitas, idest, esse vitam, lumen, & bonum non ab aliis quomodo non erit expers compositionis, qui secundum substantiā simplex est? Non enim modi existentia, qui indicant proprietates, scilicet ingenitum esse, & esse genitum, rationem simplicitatis ledent. hætenus Basilius. Quomodo non est ridiculum dicere, substantiam esse facultatem creandi? Hæc quoq. contra Eunomium dici intelligenda sunt, qui diuersas proprietates Dei, diuersas item substantias Dei faciebat, ut ingenitum, quæ Dei proprietas est, & negationem tantum declarat, substantiam diuersam a substantia geniti induceret. Sunt alioqui facultas creandi, facultas providendi, facultas præcognoscendi, & deniq. omnis energia naturæ diuinæ propria non partes substantiæ, sed, ut ait Dionysius, totum id quod Deus est, quod est omnino simplex, & ὁμοειδὲς, idest, uniformis in tribus personis. Illud enim tamquam accidentis & tamquam subiectum non habet il-

lic lo-

lic locum.) Quod ait S. Maximus non esse habitus in angelis tamquam accidens in subiecto, non solum verum est in habitibus materialibus, ut S. Thom. in 1. 2. q. 50. in resp. ad 1. interpretatus est, quia huiusmodi habitus, ut idem ait, sunt dispositiones ad esse naturale, cuiusmodi habitus non habent locum in angelis, quia materia carent, quales sunt proprietates quedam naturales, quae in animatis & inanimatis reperiuntur, & ad secundam speciem qualitatis pertinent, quae potentiae etiam naturales dicuntur; non solum, inquam, in huiusmodi habitibus & accidentibus verum est, sed etiam in habitibus qui sunt qualitates, & ad primam speciem in predicamento qualitatis pertinent: quos idem S. Thomas dixit excludi a S. Maximo in angelis. Quod quidem non ita esse, ex scholijs eiusdem S. Maximi in eundem Dionysium perspicere potest. Vbi enim dicit Dionysius, quem S. Thomas citat, in celesti hierarchia cap. 7. esse habitus in angelis deiformes, id est, quibus Deo assimilantur, scholium his verbis scripsit: interpretabor ad verbum: Nota, inquit, quod divinae potestates (angelos dicit) similitudinem Dei secundum habitum habent: habitus autem est qualitas stabilis & fixa. hinc igitur patet, quemadmodum liberi arbitrii sunt; siquidem virtutes habent secundum habitus acquisitas, quod copiosius Hammon Adriopolitanus docet in ijs quae contra Origenem de resurrectione scripsit. haecenus S. Maximus. Hos ergo habitus S. Maximus dicit non esse tamquam accidens in subiecto sicut in nobis; & rationem reddidit, quia angeli carent materia, & omni materiali compositione. Dicendum igitur est summatim, quomodo in nobis sunt habitus scientiae & virtutum tamquam accidentia in subiecto, idque propter materiam; ut inde intelligamus non sic esse habitus in angelis tamquam accidens in subiecto, ut S. Maximus recte dixit. Habitus scientiae in nobis acquiritur principio per conversionem ad phantasmata, quae sunt in potentijs materialibus sensuum, unde materialiter & dispositivae, ut ait S. Thomas, actus, ex quo habitus generatur, in potentijs sensitivis est, idcirco corrumpi potest in intellectu habitus scientiae per oblivionem ex parte memoriae, in qua servantur phantasmata sensilium, a quibus species intellectuales abstrahuntur; & per deceptionem falsae argumentationis, qua suadetur contrarium eius quod prius sciebatur. neutrum autem horum in angelo evenire potest, qui nec obliuisci potest, neque decipi, quia liber ab omni materia per species rerum a Deo inditas & congenitas, quibus habitualiter, ut ait S. Thomas, perficitur, omnes naturas rerum scire potest. Quare huiusmodi habitus non est in eo tale accidens, quale in nobis, ut dixit S. Maximus; nec ipse angelus huiusmodi habitus tamquam accidentis subiectum est: sed potius sic huiusmodi habitus in eo est, ut virtus calefaciendi in igne, ut ait S. Maximus, & Pachimerus Dionysii paraphraestes, similiter habitus virtutum, quas per sen-

M m

sum

2. Petr. 2.

Rom. 8.

sum capimus, ut ait S. Diadochus in libro de perfectione spirituali, idest, per iustum usum sensuum, & earum rerum quae sub sensus cadunt, quas Isaac Syrus ἐξωτερικὰς τὰς αἰσῶς, idest, exterioris ordinis vocat, in nobis tamquam accidentia adesse & abesse possunt, quia sunt materialiter in potentius sensitiuis, & tamquam in subiecto in appetitiuis, quibus accidit obedire, aut non obedire rationi, unde iusti auditu, & aspectu, & similiter in reliquis dicimur; sicut beatus Petrus de sancto Lot dixit, erat enim aspectu, & auditu iustus, & compositio ex subiecto harum virtutum, & ex ipsis virtutibus, materialis compositio est propter organa corporea. virtutes etiā illae ordinis interioris, quae Theologicè dicuntur, fides, spes, charitas, accidentia quoque sunt in nobis, quia adesse & abesse possunt propter carnē, quae potest subijci & non subijci legi spiritus. aliud enim est caro, aliud prudentia carnis, quam Apostolus ait legi Dei non esse subiectam, nec enim posse. at in angelis non sunt virtutes tamquam qualitates mutabiles, quae dicuntur & sunt accidentia, ut quidē essent, si in angelis materia esset, & compositio ex materia sicut in nobis, sed potius quasi naturae fiunt. sic enim ait S. Diadochus episcopus Photices in Epiro, quem S. Maximus citare & sequi solet, in libello aureo quarundam questionum de anima separata & angelis, quem inscripsit Apocalypsim, ἐπὶ τῷ τῶν ἀσωμάτων φύσις ὅτι ἐπὶ αὐτῶν κληρονομαστὴς ἡ ἐνέργεια, ἵδιότο ὡς περ τῆς φύσεως διὰ πολλὰς αἰετὶς ἐφ' ἡν λειψόματα γίνονται, idest, In naturis incorporeis, quodcumque operatio acquirit, hoc tamquam naturae efficitur propter multam, ut dixi, subtilitatem. subtilitatem vocat τὴν ἀνελαν, idest, vacationem a materia. Propositum itaque fuit S. Maximo interpretari, quomodo intelligendum esset quod Dionysius dixit, esse in angelis habitus deiformes, ne quis erraret, si suspicaretur esse virtutes angelorum tamquam qualitates quasdam mutabiles, sicut in nobis more accidentium. haec enim quia possunt adesse & abesse praeter subiecti corruptionem, proprie accidentia dicuntur & sunt, quae veteres Latini vocabant coniuncta tamquam aduentitia. sic enim vocat Lucretius, verbum Graecum, ut mihi videtur, συμβεβηκός interpretatus. Illud etiam non pariter observare hic, quod istos habitus virtutum in angelis idem S. Maxi. cap. 8. de divinis nominibus, ἐπιτηδεύματα vocat, nos habilitates, siue aptitudines interpretamur, S. Thomas participationes divinae sapientiae & bonitatis esse dicit, cum ait 1. p. q. 5. art. 6. in resp. ad 2. quia ad attingendum Deum per intellectum & voluntatem indigent participare aliquid ab exteriori, scilicet sapientiam & bonitatem divinam, ut ibidem ait: ideo, inquit, necesse est ponere in eis habitus. habitus istos dicit Dionysius cap. 2. de divinis nominibus. corrupisse angelos qui ceciderunt, quatenus aberrarunt ab operatione habitibus istis congruente, quos Iudas Apostolus in epist. sua dicit non servasse principium, siue, ut vetus interpres vertit τὴν ἀρχὴν, principium

principatum. creati enim erant, ut ait S. Maximus, ad opera bona. creationem enim eorum vocavit Iudas principium. sic Dionysius locum Iude interpretatus est, ut S. Maximus observavit. Præterea quod Dionysius dixit corrupisse angelos suum principium, sumptum est ex Ezech. cap. 28. cum de diabolo ait: Corrupta est scientia tua cum pulchritudine tua. Hactenus de habitibus in angelis, qui communi vocabulo *δυνάμεις* quoque idest potentie, a Dionysio vocari solent, ut S. Maximus cap. 5. de divinis nominib. notavit, quod per eos possimus prompte operari. Dicendum est nunc de potentijs eorū, quæ sic proprie *δυνάμεις* dicuntur, quas etiā a ratione accidentiū idem S. Maximus excludit. Si enim, inquit, illud esse aliud in alio tanquam accidens in subiecto, locū haberet in potentijs angeli, sequeretur ut non per se viveret angelus, sed per accidens; & τὸ ζῶν, idest, potestas vitalis, per quam vivit, non esset substantialis in angelo, sed accidentalis; neque per se deificaretur, quoad fieri potest, si potentia item intellectiva angeli accidens esset, sicut in nobis, & non potius ad substantiam angeli pertineret. nunc autem cum potentia angeli ad vivendum, aut intelligendum non sit accidens, sicut in nobis est accidens individui, quod consequitur materiam, quæ est principium individuationis, sed potius accidens per se, & proprium speciei, quod S. Thomas 1. p. q. 54. art. 3. in resp. ad 2. ad formā pertinere dicit, de potentia angelis loquens, non sequitur ut per accidens vivat, aut per accidens beatificetur angelus: quia operari per potentiam propriam, quæ ad formam ipsam & rei substantiam pertinet, unde οὐσιαστικῶς, idest, substantialis a philosophis vocari solet, non est operari per accidens: quia ut idem S. Maximus cap. 5. de divinis nominib. notavit, ut antea dixi, Philosophi, inquit, proprietates cuiusque substantie siue viventis, siue vite carentis, ad predicamentum substantie revocarunt, & hoc vocabulo substantie eas comprehendunt alioqui non confusis rationibus proprijs substantiarum & proprietatum. immo & energie (illic saltem per se subsistentes sunt) Quia natura angelica per se subsistit, idcirco potentias eius operatrices, quæ energie dicuntur, & motū proprium ad operationes nature angelicæ, & quietem quibus angelorum natura definitur, per se dicit subsistere. motus dixi ad operationes, quales sunt ministrationes propter eos qui hereditatem capiunt salutis, sicut Apostolus ait; item contemplatio Dei, & perpetua laudatio, & in eis stare, ac quiescere; hæc inquam substantialia sunt, idest, propria substantie eorum. unde illis tribuit sanctus Maximus, quod substantie, ad quam pertinent, convenit, idest, per se subsistere & vivere, & non per accidens; quia hæc in substantia angelorum copulata sunt *μὴ οὐκ ὅτι*, idest, in unam unionem cum ipsa, salvis alioqui, & non confusis proprijs rationibus singulorum, ut ibidem ait Dionysius. alia est enim ratio proprietatis, & alia substantie, cuius est pro-

M m 2 prietas,

S.

Hebr. 1.

prietas, quæ est accidens per se, siue proprium. sic etiam locutus est Simplicius, quæ S. Thom. in illo art. questionis, quâ paulo ante dixi, citat, etsi non probat: Sapientia autem, inquit Simplicius, quæ est in anima, habitus est; quæ autem in intellectu (idest in substantia intellectuali) substantia est. substantiam dixit pro eo quod est substantialis. sic enim intelligendum est, ut S. Maximus intellexit; siquidem substantialia philosophi, ut antea dixi, & ut idem S. Maximus notauit, ad substantiam referunt: & hoc nomine substantiæ illa comprehendunt. alioqui idem S. Maximus cap. I. de diuinis nominib. Sciendum est, inquit, quod aliud est substantia, aliud potentia. substantia enim est ex ijs quæ per se existunt, potentia vero ex ijs quæ in alio sunt. Accidens κατὰ περιβολήν idest secundum & operimentum, est tegi extrinsecus, ut habere indumentum, quod ad categoriam habendi pertinet: de hoc Athanasius paulo ante, cap. I. huius Decadis. Accidens κατὰ ἀπορίσσειν, idest, secundum subexistentiam, est accidens secundum priuationem, ut inuisibile, tenebræ, & similia. priuatio enim non est omnino non ens, quia habet subexistentiam in habitu, cuius est priuatio, & per quem cognoscitur: ut tenebræ in luce, cuius absentia est tenebræ, quæ cognoscitur cognoscendo lucem abesse. Accidens κατὰ συνύπαρξιν est accidens quod consequitur naturam, quod vocatur accidens proprium, quod ex principijs essentie rei nascitur; ita ut declarata natura, simul declaretur quod eam consequitur, ut risibile consequitur naturam hominis: Damascenus vocat παρὰ φύσιν τῆς οὐσίας, quod alienum etiam est a Deo, qui est supraquàm simplex natura. Cum ergo dicimus in Deo esse sapientiam, iustitiam, & alia similia ei tribuimus, ita loquimur, ut assueti sumus cogitare: quia intellectus noster non res secundum modum earum, sed secundum modum suum intelligit. itaq. voce & locutione secundum humanam cogitationem, quam de creaturis habet, accidentia tribuimus Deo, non autem re & veritate. accidens neq. in 7 incorporeis) De accidente cōmuni quod materiam consequitur, quod proprie dicitur esse in subiecto, intelligendum est, accidens enim proprium ipsius nature potius dicitur esse substantiale, quàm esse in subiecto, quia non potest adesse & abesse a subiecto.

Quod in unitate, quæ supra substantiam est, non est querenda ubiq. differētia causæ, & causam habentis, ubi ex se ipsa dicitur existere; & ubi ex se ipsa prodit sua energia, siue operatio; & ubi ex se ipsa, & per se ipsam ad se ipsam remeāt. Cap. III.

Magnus Dionysius cap. IX. de diuinis nomin. Quid autem de diuino statu, vel fede dicimus? quid vero aliud

aliud, præterquam manere Deum in se ipso, & in eodem statu immobili firme fixum esse, & supraquàm fundatū esse stabiliter, & secundum eadem, & circa idem ipsum, & similiter operari; & omnino esse a se ipso immutabilē, & nō posse transmutari, & esse ex toto immobilem; atq. hæc quidem supra substantiam. Idem in hymnis amatorijs ex S. Hierotheo: Producens, inquit, vna est simplex virtus, per se mouens ad amatoriam quandam mixtionem ex bono vsq. ad extremum eorum quæ existunt, & ab illo rursus consequenter per omnia ad bonum, ex se ipsa, per se ipsam, & in se ipsa se ipsam reuoluens, & ad se ipsam semper eodē modo reuertens. Idem in epistola ad Titum: Sic enim contemplantes scilicet mysteria nuda velis, venerari poterimus fontem vitæ videntes in se ipsum effusum, & in se ipso manentem, & vnā quandam virtutem simplicem, per se mobilem, per se operantem, numquam se ipsam derelipientem, sed cognitionem omnium cognitionum vincentem, & semper se ipsam per se ipsam videntem. Adhuc idem cap. IIII. de diuinis nominib. Amorem vero, inquit, & charitatem Deum vocant, vtpote vim ad se adducendi habentem, qui solus est ipsum propter se pulchrum & bonum, & qui est sui per se ipsum patefactio, & eximæ copulationis in vnum, bona emanatio, & amatoria motio, simplex, per se mobilis, per se agens, prodiens in bono, & ex bono in creaturas manans, & rursus in bonum remeans, in quo & fine & principio carere diuinus amor egregie demonstrat, sicut quidam perpetuus & sempiternus orbis propter bonum conuersione inerrante se circumuoluens, & in eodem secundū idem & procedens semper, & manens, & reuertens. S. Maximus in scholijs in Dionysium cap. I. de diuinis nominib. In vniuersum igitur non est audendum loqui neq. cogitare de diuinitate supra substantiam, & abdita. diuinitas enim solius Dei omnibus occulta virtus est *ὑπερκοινωνία* eorum qui dij dicuntur, tum angeli, tum homines, quatenus effectrix est eorum qui participatione efficiuntur dij; ipsa, quæ vere ex se & sine causa est per se diuinitas. Gregorius Theologus, Et ad vnum, eorum qui ex ipso, consensus. Quem locum cum edisserit S. Maximus, Nisi fallor, inquit, vnā dicit di-

cit diuinitatem; ex ipso autem vno tres personas. Diuinus Damascenus: Diuinitatem in tribus splendentem, vno splendore ex vna diuinitate trium personarum fulgente, patrem sine principio, eiusdem naturæ verbum patris, & conregnantem eiusdem substantiæ spiritū. S. Theophanes: Vnum trium fulgorem subsistentem ex vna prodeuntem diuinitate; idem tribus fulgoribus splens ex vna diuinitate prodeuntibus. Et iterum: Tamquam enim ex vno sole Trinitas splens. In actis sextæ Synodi œcumenicæ: Vtriusq. naturæ, inquit, vtramq. operationem scimus, naturalem dico, & substantialem, & congruam sine diuisione ex vtraq. substantia & natura prodeuntem secundum operationem & † qualitatem naturaliter insitam; & simul neq. partibilem, neq. confusam alterutrius substantiæ operationē coniuncte inductam, hoc facit differentiā operationum in Christo, sicut & differentiā naturarum. Ex quibus efficitur manifestū, in vnitate, quæ supra substantiam est, non oportere considerare quod ex se ipsa existere dicitur, vel ex se ipsa prodit operatio; vel ex se ipsa, per se ipsam, in se ipsam reuoluitur; & idcirco differentiam causæ, & causam habentis sequi: quin potius manifestum est prodire ex se ipsa sine distantia, & sine causa, & sine diuisione; vt si esset virtus quædam absoluta, & motus simplex; per se ipsam mobilis, per se operans, ex se ipsa, per se ipsam, ad se ipsam reuertens, & ad ipsam semper eodem modo se reuoluens; & conuersione inerrante circumiens. Simul tamen demonstratum est non oportere vbiq. aliquid ex aliquo dicitur, quærere differentiam causæ, & ex causa proficiscentis. demonstratum, inquā, est non solum ex ijs quæ prius diximus, sed etiam ex ijs quæ modo subiecta sunt, quibus ostenditur confitendum esse tres personas ex vna diuinitate prodire. Si ergo dici ex aliquo, vbiq. differentiā causæ, & causam habentis, introduceret, necessario tota Trinitas causam haberet; ex quo fieret, vt pater in Trinitate ex causa profectus esset: at hoc absurdū est. non igitur iam vbiq. ex aliquo, in diuinis dicitur, ibi differentia causæ, & ex causa proficiscentis ostenditur; ac præterea prodire in diuinis sine diuisione tantumdem est, quantum sine distantia, siue differentia, & sine

† Qualitatem
naturalem vocat
propriam
tem vtriusq.
naturæ.

sine causa esse. siquidem quoad Trinitatem, quæ supra substantiam est, quatenus Trinitas colitur, non habet in ea locum τὸ ἀδιαίρετον, idest, illud sine diuisione, quin potius diuiditur diuinis & deificis personis; eritque, quatenus Trinitas est, vere discreta Trinitas. sicubi vero dicatur Trinitas non diuisa, non quatenus Trinitas, dicitur, sed quatenus ipsa Trinitas vnitas est. igitur non esse diuisionem in diuina vnitate, est non esse differentiam in ea, nec esse causam eius.

Scholia.

Sine diuisione) scilicet persone; non enim propter differentiam substantiarum diuinæ & humane diuisus est Christus, quin potius idē est perfectus Deus, & perfectus homo. rursus sine diuisione, quia operatio diuinæ naturæ est operatio trium personarum, quarum vnitas essentia, vt est in Synodo sexta, actione 11. non potest partiri, nec alteri vnitati copulari, sed potius singularis est, & extra omnem numerum. Operationem & alterutrius substantiæ coniuncte inductam dicit, quia sic operabatur vtraq. natura quod proprium erat, vt altera simul operaretur conuenienter sibi, & vt se decebat. siue enim operationes essent Deo conuenientes, vt miraculorum, caro operabatur; vt cum potestate diuina remittebat peccata, & ore dicebat: Remittuntur tibi peccata tua; & potestate diuina restituebat visum; & manu & spūto limbat oculos: siue operationes humane naturæ conuenirent, vt siuire, esurire, fatigari, verbum operabatur permit-
tendo, & volendo: siue operationes essent mixtæ, idest, partim diuinæ, partim humane, hoc est Deo conuenientes, & homini, vt ambulare super mare. ambulare enim homini conueniebat, non deprimi ambulando super mare, Deum decebat; quæ operationes διασπικαὶ a Dionysio dicuntur, idest, simul diuinæ & humane.

Matth. 9.

Luc. 18.

Ioan. 9.

Ioan. 4.

Matth. 14.

Quod in vnitate Trinitatis non oportet querere aliud substantiam, & aliud energiam siue operationem; neq. tegi homonymia verbi energia; nec existimare non idem esse in ea substantiā & energiam. Cap. IIII.

SANCTUS Gregorius Nyssenus libro 1x. contra Eunomium: Quis est, inquit, dic mihi, Deus? quibus dominatur, qui est aliud quid præter potentiam? Si dominatur, & aliud est potentia, igitur vincitur potentia a non potentia. quod enim est aliud quàm 1 potentia, potentia prorsus non est; atq. ita reperitur, quatenus potentia nō est,

est,

est, dominari potentia. Iustinus martyr in ijs quæ Photius patriarcha ex eo recitat, Alia quidem, inquit, potentia sunt aliquando, & actus: Deus autem, ut mens perspicax intelligere potest, semper est energia, idest actus. non enim ex imperfecto ad perfectum procedit; nec aliud quidquam præter ipsum per se actum, est ipsa per se substantia. Theodorus cognomento τῶν γρά-
 πῶν, in sua contra oppugnatores imaginum tractatione: Non, inquit, ut quidam olim nugati sunt, celos a persona sua vacuos cum carnem assumpsit, facere voluit, esseque nobiscum secundum substantiam, energia vero & dignitate apud Deum patrem, quia aliud substantiam, aliud energiam, ut in ijs quæ corporea esse cogitantur, sic in verbo Dei ponebant; quod quidem pii negant. Sciunt enim in simplicibus & incorporeis nihil ista differre; quia non sunt hæc inter se discernenda, ne quod est supra omnem simplicitatem, compositum esse intelligatur. S. Maximus in annotatione extrinsecus apposita ad cap. secundum Centuriæ primæ, Bonum, inquit, proprie secundum substantiam ex ijs quæ sunt, cognoscimus creaturarum effectorem, quod est, non quid secundum naturam est. plurimum enim differt credere aliquid esse, ab eo quod est, scire quid demum est hoc. Ex bonitate igitur & energia, & ex operibus providentiæ proprijs cognoscitur Deus, sed non ex substantia. Energiam vocamus hic opera, non autem potentiam, siue virtutem operationis. hæc enim nihil aliud est, præterquam substantia Dei; ne compositio in Deo esse existimetur. Magnus Athanasius libro primo contra Arianos: Interrogent, inquit, Græcos, ut cum audierint quot significationes habet verbum, discant se non bene scire de quibus loquuntur. Et in epistola ad Serapionem: Cum hæc sic sint, & tanta differentia spirituum ostendatur, meliores effectis, si de creato spiritu audientes, de vno quopiam ex dictis sentiretis. Et sanctus Maximus in disputatione contra Pyrrhum: Dicere, inquit, & non prius distinguere significata verbi, nihil aliud est quam omnino confundere, & obscura relinquere ea, de quibus quaestio est: quod quidem alienum est ab homine rationis participem. Idem in eodem: Superius etiam dictum est, oportere cum qui
 de ve

de veritate differit, distinguere eorum quæ dicuntur, significata, propter errorem ex homonymia proficiscentem. S. Anastasius Antiochenus in libro qui inscribitur, Quod Deus est incircumscribitus: Tripliciter, inquit, dicitur energia, potestas, siue vis, secundum quam naturale est Deo operari; & habitudo operantis ad opus factum; & ipsum illud opus factum. Præterea sanctus Ioannes Damascenus in sermone inscripto, De proprietatibus Christi: Energia, inquit, aliquando significat virtutem operandi, aliquando operari, aliquando opus effectum. Magnus Basilius in v. ἀντιστήσιον, Illud ex aliquo accipitur, inquit, vel quatenus pertinet ad creationem, vt cum dicimus omnia ex Deo; vel ad generationem, vt illud, Ex vtero ante luciferum genui te. & illud, Ego enim ex Deo exiui: vel naturaliter, vt cum dicimus, Energia † nostra ex nobis est, splendor solis ex ipso. Si igitur corpus Christi diuinum ex spiritu sancto est, non potest esse ex eo genitum; quia quod natum est ex carne, corpus est, quod autem ex spiritu, spiritus. neq. rursus naturaliter ex ipso esse, sicut energia eius, quoniā in simplici & incorporea natura eandem rationem subit substantia & energia eius. relinquitur igitur ex ipso esse tamquam creaturam eius. Idem libro secundo: Si quidem nihil commune habet virtus cum substantia, quomodo ex creaturis, quæ sunt effectus virtutis, ad cognitionem eius facta est via? Sin autem idem est substantia atq. virtus; quod virtutem signat, signabit plane etiam substantiā. Diuinus Theodorus cognomento γρηγόριος, tractans dictum Basilij: Sic, inquit, pie intelligatur diuina energia siue operatio æterna; quin potius ipsa per se energia, vt non distinguatur a substantia; sed potius eandem rationem habeat propter proprietatem simplicitatis, & incorporeæ naturæ. Magnus Athanasius in disputatione Anomæi & in persona aduersarij: Dic, inquit, energie & imaginem. Si vero idem est energia atq. substantia, substantiæ ergo imago erit filius. Gregorius Nyssenus libro xiiii. contra Eunomiū clarius hanc rationem explicans, & distinguens: Progre- diens enim, inquit, Eunomius, tamquam ratione recte conclusa, alia magis difficilia quàm superiora, vt appellat, crimina in nos intendit, multa indignatus, & calum-
nias

Psal. 109.

Ioan. 8.

† Energia nostra ex nobis, vt respiratio, cibi concoctio, & similes operationes.

Ioan. 3.

N n niatus

Dogma A-
rianorum.

niatus rationem, auditoreq. ad ea quæ dicenda sunt, vehementer irritato, in quibus quædam accusat impie a nobis confici, quasi nos non solum nominationes Deo attributas, ad nostras cogitationes accommodemus, tacens interim quæ ista attributio nominationum, & quando, ac quomodo facta, sed quasi omnes res misceamus, & in unum atq. idem unigeniti substantiâ & energiam cōducamus, nulla de hoc ipso disputatione habita, neq. demonstrato quomodo a nobis conficitur, unum & idem esse energiam atq. substantiam. Apparet tamen ex verbis Eunomij, quod dogma Arianorum erat discernere a Dei substantia energiam eius. Declarat autem hoc Eunomius in ijs quæ contra Basilium magnum scribit. Ait igitur, Non oportet eos qui veritati credunt, sequentes sententias aliorum non excussas & inconsideratas, dicere unum esse energiam atq. substantiam. Adhuc idem: Igitur si ratio conclusit voluntatem esse energiam, non autem substantiam energiam, exitit autem patris voluntate filius unigenitus; non ad substantiam, sed ad energiam, quæ est etiam voluntas, necesse est servare filium similitudinem; ac rursus non cum substantia imago feret similitudinem, sed cum energia. Contra hoc autem obijcit Basilius libro secundo τῶν ἀντιρρητικῶν, Si unigenitus est imago energie, energia autem est dignitatis, dignitas vero substantiæ, erit unigenitus substantiæ imago. Et Gregorius Nyssenus in primo contra Eunomium: Si non est, inquit, in propria substantia energia, quæ Deum quidem sequitur, filium vero operatur; quis tam cæcus est qui non videat blasphemiam confectam? Ex quibus fit manifestum, quod in unitate quæ supra substantiam est, non est querendum aliud substantia, & aliud energia; neq. oportet tegi multiplici significatione verbi energie. energia enim hic virtus operandi uniuersum celebranda est, quæ est principium omnium, & cuius substantia est energia; non autem illa energia hic laudanda est, quæ habitudo continet, vel habitudinis effectus. utrumq. enim horum cum sit imperfectum, multum abest a perfectissimo principio, cui qui addit, nulla alioqui re indigenti, minuit addendo. Neq. pium quidem erit existimare non idem esse substantiam & energiam, non solum propter ea quæ Ariani blasphemice

spheme in filium Dei dicunt; sed quia imperfectum aliquid perfectissimæ unitati attribuere omnium foedissimum, & a ratione maxime alienum est.

Scholia.

Deus¹ est suum posse, & suum esse, & suum operari, & non est in eo aliud posse, aliud esse, aliud operari, sed potius vnus simplicissimus actus, & vna simplicissima substantia ac potentia, siue virtus, in simplicibus & incorporeis nihil ista differre) scilicet substantiā & energiam. Loquitur de simplicibus & incorporeis, quæ sunt suum esse, cuiusmodi sunt persone diuine. vnaqueq. enim earum est suum esse, & actus purus; & ideo non potest esse Deus subiectum accidentis: subiectum enim comparatur ad accidens, sicut potentia ad actum. in simplici; & incorporea natura eandem rationem subit substantia & energia) idest, idem sunt essentia & virtus eius operandi: de substantia simplici, quæ est purus actus, qui solus Deus est, intelligendum est: sicut intelligendum est quod dixit Boetius, formam simplicem non posse esse subiectum. sic interpretatus est S. Thomas 1. p. q. 54. in angelo enim non est idem essentia eius, & virtus eius intellectiua; sed potius hæc est accidens a materia liberum in essentia angeli tamquam in subiecto recepta. In disputatione Anomæi, 4 & orthodoxi, quæ tota est de ingenito, & genito, Anomæum vocat Athanasius Eunomium, & Aetium, qui filium faciebant dissimilem patri. hoc enim significat ἀνόμιος, siue Anomæus. Dic, inquit, energie & imaginē) Quatenus energia est virtus Dei effectrix, idem est atq. substantia Dei; & filius est imago energie Dei, sicut est inuariabilis imago substantiæ, consilij, voluntatis; virtutis, siue potentie, & gloriæ, sicut ait idem Athanasius in eadem disputatione Anomæi, de qua paulo ante meminī. Ut vero accipiebant Ariani vocabulum energie pro virtute patris generatiua; aiebant fuisse filium in patre σπαρατίζων, id est, inquit Athanasius, si splendor est in luce σπαρατίζων, id est, est seminaliter, sit etiā filius. deinde genitus est, inquit, filius perfectus ex perfecto, & non ἀποκατὰ τελευτόμενος, idest, non est proficiendo ad perfectum adductus, sicut quæ in semine continebantur, ex imperfecto ad perfectum progrediuntur. Idcirco, inquit Athanasius, dixit Apostolus, Character substantiæ, & non energie. Character autem substantiæ non perficitur proficiendo, sed in ipsa essentia habet perfectionē: sicut homo est character substantiæ hominis non ex profectu siue progressionē, sed ἐξ αὐτῆς τῆς οὐσίας, idest, ex ipsa eadē natura humana. Energia itaq. quæ Deum sequitur, nō differt a substantia eius, sed idem penitus est. secus de operationibus, quæ non sequuntur naturam diuinam, sed ex voluntate eius, & non ex natura pendunt. non autem illa energia hic laudanda⁶ est, quam habi-

N 2 2 tudo

Hebr. 1.

tudo continet) idest, non laudamus Deū ab eo quod sit ipsa operatio, quæ referitur ad operantem Deum, & ad opus: hæc enim relatio est in creaturis, quæ a Deo pendet, sicut creatura; & ut accidens est, inheeret subiecto: utrumq. autē est imperfectionis, & ideo non potest attribui Deo. quod si non est operatio Deus, nec erit opus, quod operatione perficit.

Quod in unitate, quæ supra substantiam est, non oportet quaerere energiam¹ per se sine substantia, & non per se existentem; neq. cogitare simul aliud quid cum ipsa unitate; neq. ab ea distinguere suam energiam. Cap. V.

Esse substantiæ est esse per se; esse accidentis est inesse alteri.

¶ Scilicet cōficiatur filiū genitum esse perfectiorē genitore. si quidē filius per se est, & ex quo est, nō est per se.

Magnus Basilius in quarto libro τὰς ἐκτιπτικῶν cap. xxxi. Si quis dixit personam sine substantia, negavit etiam existentiam substantiæ. quod enim substantiā non habet, & per se non existit, significat naturam, quæ non existit, neq. prorsus est. Gregorius Nyssenus libro primo contra Eunomium: Si enim, inquit, energia Dei naturalis non existit per se, & in hac includitur opus ex non existente confectum, talis plane naturæ esse intelligetur opus factum, qualis natura eius causæ quæ opus effecit, cogitatione ficta est. quod enim factum est ex non existente, & in eo continetur, omnibus manifestum est non existere. Idem in eisdem: Effectum enim non existentis nō parum demonstrat consecutio hæc necessaria; quin potius sic demonstrat, ut neq. per prædicationem dicere periculo vacet. Sicut enim necessario confitendū est esse quod ortum ducit ex eo quod est; sic contra, necessario confitendum erit non esse quod ex eo quod non est, nascitur. Cum enim ipsum non est, quomodo aliud ex ipso per se existet? Si enim non est in substantia propria energia, quæ Deum quidem consequitur, filium vero efficit; quis tam cæcus est, ut non videat, quæ blasphemia ꝑ conficiatur? Adhuc idem in eisdem: Si enim qui hæc absurda deuitat, energiam dicit esse rem quandam non per se existentem, cuius effectum esse filium discernit, dicat rursus; quomodo sequitur ex eo quod non est, id quod est? quomodo quod non existit per se, operatur ea quæ per se sunt? Reperiētur enim in his consequi

qui quidem Deum quæ non sunt; ea vero quæ non sunt, causam esse eorum quæ sunt; & quæ non existunt per se natura sua, definire & circumscribere naturam eorum quæ sunt; & virtus, quæ omnem creaturam efficit & creat, comprehensa erit in eo quod secundum propriam rationem non existit. Idem adhuc in eisdem: Hactenus autem dignum est consideratione, quomodo energiam consequantur substantias; & quid sint secundum propriam naturam, aliud ne præter substantias, quas consequuntur, an pars illarum, & eiusdem naturæ? quod si aliud sunt, quomodo, & a quibus productæ? sin autem idem ipsum; quomodo abscisæ, pro eo quod simul cum eis existere debebant, eas extrinsecus consequuntur? vtrum necessitas quædam naturalis cogit, ut inuoluntarie sequatur substantiam energia, quæcumq. tandem ea sit; sicut visio ignem sequitur, & vapores atq. halitus corpora illa sequuntur, unde fiunt? at non puto ipsum dicere hoc, ut existimet variam quandam rem & compositam esse substantiam Dei, quæ inseparabilem, & secum simul cogitatam energiam habeat, ut accidens in subiecto demonstretur; sed eam potius voluntarie & libere excitatam, energias ut videtur, dicit per se esse efficere. Ecquis quod ex providentia voluntarie fit, sequi dicit sicut aliquid eorum quæ foris consequuntur? Nec enim secundum communem consuetudinem in huiusmodi rebus hoc vocabulum tritum esse cognouimus, ut energia, idest operatio laborantis in aliquo, dicatur sequi laborantem. nec enim fieri potest, ut qui alterum ab altero disiunxit, quod relinquitur, per se intelligat: immo qui energiam, idest operationem dixit, simul comprehendit ratione, quod secundum energiam, idest, operationem mouetur: & qui meminit operantis, energiam, idest operationem simul cum eo tacite significauit, sed manifestius, quod dicimus, exemplis fiet. Dicimus quendam fabrefacere, aut ædificare, aliud ve quid eorum, quæ talia sunt, operari. vna igitur voce & energiam, idest operationem, & eum qui artem exercuit, per se oratio representauit; ita ut si alterum separetur, non subsistat reliquum. S. Cyrillus libro vii. ad Hermiam: Simplex, & non compositus proprie & primum Deus, o amice; non ex natura & energia, tamquam alia præter ipsum,

ipsum, compositus esse intelligitur, sed potius vnū quid esse omne. Et sanctus Maximus edisserens hanc rationē, Omne, inquit, quod habet aliquid simul cogitatum ad declarationem suæ propriæ existentiae, compositum est, & non simplex proprie. Ex his efficitur manifestū, quod in vnitāte, quæ supra substantiam est, omnino absurdum est, energiam eius quæ omnium efficacissima est, & supraquam infinitæ virtutis, ponere non per se existere secundum propriam suam rationem. Sin vero per se vere existit, magis adhuc absurdum, & magis impium appareat, simul cum ipsa vnitatem, quæ omnem simplicitatē vincit, cogitare, vel prorsus hanc ab hac distinguere; existimareq. aliud esse suam substantiam, aliud vero suam energiam, idest, suam virtutem propriam operandi.

Scholia.

Energia 1 proprie vocatur operatio, quæ consequitur naturam, quæ est virtus operandi, quæ est in Deo infinita. Ariani enim energiam, siue operationem Dei naturalem a substantia distinguebant, & filium aiebant esse non ex substantia Dei, sed ex energia eius, idest, ex virtute generatiua: at in Deo omne quod est, Deus est, quia est actus purus; non sicut in angelis, qui, vt ait Dionysius in celesti hierarchia, diuiduntur in substantiam, virtutem, & operationem: vnde aliud est in eis substantia, aliud virtus intelligendi, aliud intellectio: Deus vero est sua intellectio, & sua virtus. vt neq. per predicationem dicere periculo vacet. quia in Deo dicimus esse sapientiā, bonitatem, iustitiam, & alia huiusmodi, non quod per essentiā aliud sit in alio, quin potius idem est quod est, & in quo est, sed per predicationē sic loquimur nullo periculo. Vt enim ait Cyrillus in Thesaur. libro 2. cap. 1. multa de patre & filio diuine scripturæ predicant, neq. tamen diuersitas nominum diuersitatem substantiæ ostendit, nec ulla dissimilitudo essentia inter patrem & filium intelligitur. at prædicare filium esse genitum ex non existente, neq. sic quidem a periculo vacat. qui enim sic prædicat, consequenter dicturus est non existere genitum; aut genitum esse perfectiorem genitore. In ijs 3 quæ ad aliquid dicuntur, non habet locum alterum alterum consequi, sed vtrumq. simul esse, & simul tolli, & idcirco de operatione quæ est habitudine, non proprie dicitur energia.

Quod

Quod in unitate Trinitatis non oportet querere aliud substantiam, & aliud bonitatem; nec aliud formam, & aliud substantiam; nec aliud vitam, vel sapientiam, vel virtutem, aliud vero substantiam eiusdem. Cap. VI.

Dominus in Euangelio ait: Nemo bonus, nisi vnus Luc. 18.
Deus. S. Cyrillus in Thesauris libro XII. cap. XIII.
Quomodo, inquit, est vnus bonus, vt ipse testatur? nempe quia sancta Trinitas in vnā diuinitatem redit propter vnā & eandem substantiam, vt tantum diuina substantia sit bonum proprie. Magnus Basilius, Bonus, inquit, spiritus, sicut bonus pater, & sicut bonus ex bono genitus, cuius substantia est ipsa bonitas. Sanctus Gregorius Nyssenus in libro de vita Moysis ait: Primum, & proprie bonū, cuius natura est bonitas, ipse Deus, quodcumq. natura intelligitur, hoc est, & nominatur. Et magnus Apostolus: Qui cum in forma, inquit, Dei esset, Philip. 2.
non rapinam arbitratus est se esse æqualem Deo. Diuinus Chrysostomus in oratione sexta de incomprehensio sic ait: Cum, inquit, eiusdem formæ, & eiusdem figuræ esse dicit, quid aliud declarat, quā substantiam vnā sine vllā varietate? Non enim est circa Deum forma, vel facies. S. Cyrillus, Forma, inquit, in Deo substantia accipitur a patribus, sicut ab Apostolo. nefas enim est & impium, in Deo, qui in aspectum non cadit, formam dicere speciem. Dominus in Euangelio: Ego, inquit, sum Ioan. 11.
resurrectio, & vita. Sanctus Cyrillus in actis sanctæ & œcumenicæ sextę Synodi: Sicut vnitas, inquit, non potest diuidi in duas vnitates (siquidem vnitas in has diuisa non erit vnitas, sed duo) sic quod est vnum summa copulatione, non potest diuidi in duo; alioqui non amplius erit Deus vniuersi simplex natura, siquidem est alia præter ipsum, quæ est in ipso vita. Et rursus idem: Primum quidem, non est simplex natura Deus vniuersorum, sed potius compositus, & ex duobus constans; siquidem est alia præter eū, quæ in eo est vita. Gregorius Nyssenus in vita Moysis: Ens entium est vera vita; hoc autem cognosci nō potest. quia igitur cognitionem vincit vita viuifica; omne quod cognoscitur, non est vita.
Diuinus

1. Cor. 1. Diuinus Apostolus: Christus, inquit, Dei virtus, & Dei sapientia. S. Gregorius Nyssenus libro VII. in Cantica canticorum: Dominus, inquit, natura sua id ipsum quod est, veritatis, & sapientiae, & virtutis substantia est: idcirco quod Dauid dixit, Omnia in sapientia fecisti; interpretatus Apostolus prophetam, in ipso ait omnia creata esse, tamquam hoc Propheta significauerit vocabulo sapientiae. Idem Gregorius in eisdem: Qui omnium cognitionem in se ipso comprehensam habet, cuius infinita sapientia, quin potius cuius essentia sapientia est. Cyrillus in Thesauris: Non quia sapientia in nobis, & scientia non existit per se, idcirco sapientia, quæ in Deo est, non per se existet. sed si confiteris non esse naturæ nostræ Deum, plane confiteris, omnia quæ eius sunt, non esse ex nostris: sed potius nostra superant, ac tantum superant, quantum superant & differunt secundum rationem substantiæ. Ex quibus fit manifestum, quod in vnitatem, quæ supra substantiam est, neq. bonitas ipsius, neq. forma ipsius, neq. vita ipsius, neq. sapientia, neq. virtus ipsius alia quædam sunt præter substantiam ipsius; quin potius hæc omnia vnica eius substantia sunt.

Quodcumq. natura¹ intelligitur, hoc est, & nominatur.) Quid natura sit Deus, intelligi non potest; nec hic Gregorius contradicit, qui in eodem libro ait: Quid oporteat solum de Deo cognoscere, scilicet nihil eorum esse quæ humana mens cognoscere potest. Significat igitur hic Gregorius Deum ex creaturis, quas intelligimus, intelligi quod sit, & illa esse secundum causam, esto perfectiones nominibus Dei significatas Deo proprie, & prius, & essentialiter conuenire, & a creaturis participari certum est, & in ea excellentia, in qua Deo conueniunt, non posse a nobis intelligi.

Quod in vnitatem, quæ supra substantiam est, non est querendum aliud esse cognitionem eius, vel charitatem eius, vel pulchritudinem eius, vel immortalitatem eius, & alia eiusmodi; aliud vero singularem eius substantiam, & existentiam supraquam diuinam. Cap. VII.

Sanctus Cyrillus in Thesauris libro XXXIII. Deum esse simplicem, & compositionis expertem omnes fatebuntur.

buntur. absurdum igitur est dicere habere eum huiusmodi cognitionem sui, qualem nos. etenim si aliud est ipse, & aliud præter ipsum cognitio in ipso, compositus est, & non simplex. at quia simplex confessione omnium est; non est aliud præter ipsum cognitio in ipso. nos autem non sic. sumus enim aliquid proprie secundum substantiam, in substantia autem habemus positam cognitionem, ut colorem in corpore. S. Maximus in cætura tertia cap. v. Omnis, inquit, cognitio earum rerum quæ sunt, habitu- do est quæ extrema quædam colligat; eos dico qui co- gnoscunt, & ea quæ cognoscuntur. hæc autem non co- gnoscitur ab istis qui cognoscunt, neq. simul cognoscitur cum cognitis. non enim cognitio apta est natura sua vlla ex parte, ut cognoscatur: Deus autem secundum essentiam suam, quodcumq. est secundum substantiam, cognitio est ineffabilis, quæ in mente & verbo & spiritu per se existit. Deus igitur omnino est creaturis ignotus, utpote ipsa per se cognitio, nisi cui placeat dicere esse etiam Deum su- pra hanc immense. Et rursus Cyrillus in capitibus de spiritu sancto: Deus, inquit, charitas est, ut Ioannes ait; & non est quidquam aliud ipse, & aliud quid, quod in ipso est; simplex enim & sine compositione est. Idem ad- huc libro xxxi. Thesaurorum: Omnia mihi tradita sunt a patre meo; & nemo cognoscit filium, nisi pater; neq. patrem quis novit, nisi filius; quia scilicet nulla mens creata potest vilo modo diuinam substantiam complecti, quia omnem mentem vincit; & supra omnem notionem fertur pulchritudo eius quæ supra naturam est, & deleri non potest; & a se sola quid sit secundum naturam, co- gnoscitur. S. Gregorius Nyssenus in commentarijs in Cantica: Quod vere beatum est, ipse Deus est; quidquid tandem esse eum ponamus. beatitudo est illa vita immor- talis, & illud bonum immortale, & quod intelligi non potest; pulchritudo quæ non expromitur, & ipsa per se gratia, & sapientia, & virtus. Et magnus Athanasius in quadam disputatione Orthodoxi & Anomæi. Orthod. Aliam & aliam personam habemus; non autem aliam & aliam immortalitatem, quam per unum baptismum accepimus. si enim alia & alia immortalitas est, & aliud & aliud baptisma, & alia & alia fides; non est vnus Chri-

1. Ioan. 4.

Matth. 11.

Ephes. 4.

O o stus,

stus, vna fides, vnum baptisma. Anom. At nostra persona alia est præter immortalitatem, & baptisma; igitur persona Christi alia persona est præter immortalitatem. Orthod. Minime; immo hæc ipsa persona & immortalitas est; & non solum immortalitas, immo etiam incorruptio, & iustitia, & sanctificatio, & redemptio, & dominatio, & virtus. Ex quibus patet, quod in unitate supra substantiam non oportet querere, aliud esse sui cognitionem, quia habere eam dicitur; aut similiter aliud esse suam charitatem, vel pulchritudinem, vel immortalitatem, vel alia; sed suam singularem substantiam, & existentiam: quin potius cum hæc abunde sit, ea ut se ipsam habet.

Cognitio non cognoscitur primo ab intellectu humano cognoscente, quia primum obiectum intellectus nostri in presenti statu est ens & verum consideratum in rebus materialibus: cognitio autem est immaterialis, & ideo cognoscitur post obiectum materiale prius cognitum. neq. cognoscitur simul cum obiecto cognito, ut cognitio lapidis non cognoscitur simul cum lapide, quia cognoscere lapidem non est perfectio lapidis cogniti; alioqui vno actu cognosceretur, sicut cognoscitur vno actu res cum perfectione sua; sicut angelus vno actu intelligit suam essentiam, & suum intelligere, quod est perfectio essentia eius. ex S. Thom. 1. p. q. 87. art. 3.

Quod in unitate supra substantiam non oportet querere, quia hæc est omnia, idcirco multa eius esse & diuersa omnia. est autem ea omnia ipsa diuina & beata eius substantia, quæ habet omnia non ut alia in alio, sed sine habitudine & collectæ, nihil habens duplex, & supra omne vnum. Cap. VIII.

SANCTUS Maximus in eo libro qui inscriptus est, Quod in Christo est rerum, id est, substantiarum differentia. Omnis, inquit, differentia, quæ dissimilitudinem, vel diuersitatem aliorum ab alijs secundum rationem aliquo modo existendi declarat, quantitatem rerum differentiarum secum naturaliter inducit, siue substantiarum, siue qualitatum, siue proprietatum: quod vero penitus simplex est, non admittit differentiam, quia idem penitus est sibi ipsi & singulare, & totum ex toto habitudine nudum, sicut

ficut genus in quanto nō habens quod de se prædicetur:
 & ob eam causam omnino non numeratur, neq. diuidi-
 tur. Idem cap. quinquagesimo de energijs & voluntati-
 bus: Cum omni, inquit, differentia simul inducitur quan-
 titas, & cum omni quantitate coniunctus est numerus,
 qui eam declarat. non enim fieri potest, vt vel differen-
 tia sit sine quantitate, vel quantitas sine numero, qui eā
 declarat, dignoscatur. Idē cap. 111. centuriæ 111. Quod
 est penitus vnum proprie, non habet differentiam: quod
 autem non habet differentiam, extra omnem etiam ha-
 bitudinem est: quod autem habitudinem non habet, etiā
 non coercetur: quod autem non coercetur, principio ca-
 ret: quod vero principio caret, etiam est infinitum. so-
 lus igitur Deus est sine principio, & infinitus, & sine ha-
 bitudine, & sine differentia; quia proprie est singularissi-
 mus natura, & simplex, & non circumscriptus, hoc est
 infinitus. Idem in 111. cap. eiusdem centuriæ: Nihil
 eorum quæ sunt, est non circumscriptum, quoniā neq.
 liberum a prædicamento. solus Deus est extra prædica-
 mentū, & ideo ab omni circumscriptione liber, vtpo-
 te infinite in infinitū celsior omni substantia, & mente,
 & ratione, & intelligentia. Sanctus Athanasius in oratio-
 ne, quam inscripsit *αὐτοπροσκύνητος*, in annuntiationem sanctis-
 simæ Dominae nostræ, matris Dei: Quamobrem, inquit,
 & ipse vnigenitus Deus ait: Omnia quæ habet pater, mea
 sunt; & patri dicit: Mea omnia, tua sunt; & tua mea; &
 glorificatus sum in ipsis. In omnibus enim, in quibus
 glorificatur pater, cum de Deo sermo fit, glorificatur etiā
 filius, & spiritus sanctus. hinc dicitur perfectus Deus pa-
 ter, perfectus Deus filius, perfectus Deus spiritus san-
 ctus: quia nihil ex plenitudine diuinitatis vniciq. per-
 sonæ deest, sed potius *ἰσότης*, idest, æqualitatem habet om-
 nium proprietatum; in quarum æqualitate plenitudo di-
 uinitatis cernitur. ab *ἰσότητι* enim, idest æquali, voce femi-
 nina *ἰσότης* deriuatur, idest æqualitas, quæ est comprehen-
 sio constituens æqualitatem multorum, quorum enim
 æqualis quædam substantia est differentium proprietatū,
ἰσότης dicitur, tamquam *ἰσότης καὶ μία*, idest, sancta & vna, &
 quia *ἰσότης* dicitur secundum etymologiam mutatione
 in, & a recessione litteræ, v, efficitur interpretando, *ἰσότης*,
 O o 2 idest,

Ioan. 16.

Ioan. 17.

ideft, fubftantia tamquam quædam effentia ex pluribus in vnū congregatis conflata. hactenus Athanafius. Gregorius Nyffenus in fermone catechetico: Si enim, inquit, bonum, & iuftum, & fapiens, & potens fimiliter dicatur, item immortalitas, & fempiternitas, & omnis mens pia eodem modo confiteatur omni ratione differentia fub-
lata; neceffario fimul tollitur ex dogmate multitudo deo-
rum, cum idem ipfum effe in omnibus, fidem in vnita-
tem circumducit. Idem in eodē: Non enim extra com-
pofitionem erit huiufmodi opinio, quæ dicit aliud in a-
lio effe: fed potius neceffe omnino eft, fimplicitate extra
controuerfiam & dubitationem pofita, ipfam per fe vi-
tam effe verbum Dei. Idem: Omne, inquit, quod circa
Deum intelligitur, id erat ante mundi constitutionem;
fed tamen hoc nominari dicimus, poftquā factus eft qui
nominauit. Et diuinus Maximus in fcholijs in Diony-
fium cap. v. de diuinis nominib. Quia, inquit, quidam
dixerunt, ideas & exemplaria per fe foris exiftere, hos
nunc ferit gentiles, & ait: Si ideas non effent fimpliciter
& fingulariter notiones fupraqvam fimplices Dei fupra-
quam fimplicis, compositus effet Deus ex exemplari, &
ex fe ipfo, quem dixit Dionyfius omnem duplicationem
recufare. Idem Maximus in eisdem fcholijs cap. vii. ex-
ponens quod Dionyfius ait, Imagines quasdam & fim-
ilitudines diuinorum exemplarium: Quæ, inquit, funt,
ideft, fpecies, & fingula creaturæ, vt omnes ordines an-
gelorū, & omnia quæ fub fenfum cadunt, imagines funt
& fimilitudines diuinarum idearum, ideft exemplarium,
quæ in Deo funt: quæ quidem exemplaria funt æternæ
notiones Dei; per quas, & fecundum quas omnia erant
in ipfo non alia quàm ipfe; & producta funt: ficut ait
Ioannes in Apocalypfi, quendam ex antiquiffimis ange-
lis dixiffe ei, quod omnia erant, & facta funt; ideas dixit
fuiſſe, & imagines atq. fimilitudines idearū, ideft, exem-
plariū dixit effe omnia quæ producta funt. Beatus Chry-
foftomus in homilia de cruce, cuius principiū eft, Quid
dicam? quid loquar? quo nomine vos appellabo? Cum
dico Deum fedentem in excelfis, non folum in vno, fed
vbique fedentem dico. non enim distantiam loci habet,
qui eft fuus locus, qui ipſe omnia capit; eum vero nihil
capit.

Apo. 4.

Iſa. 6.

capit. Quis enim potest capere naturam incorpoream, & materię expertem, atq. infinitam, & quę neq. inuestigari, neq. corrumpi, neq. intelligentia comprehendı potest, quę est hęc Deus? Apud pios enim sic oportet intelligere Deū: ipse namq. est omnia; ipse est nostra spes, ut antea dixi; sicut scriptum est: Hęc est vita æterna, ut cognoscant te solum verum Deum, & quem misisti Iesum Christum. Magnus Dionysius cap. v. de diuinis nominibus ait: Ex ipsa vnitate, quę supra substantiam est, & in ipsa est ipsum esse, & rerum principia, & omnia quęcumq. sunt, & quę quomodocumq. sunt; idq. sine habitudine, & collectę, & vnite. siquidem in vnitate omnis numerus vniformiter præexistit; habetq. vnitas in se ipsa singulariter omnem numerum; & omnis numerus in vnum copulatus est, & in vnitate est: & quanto longius ab vnitate procedit, tanto magis diuiditur, & multiplicatur. & in centro omnes lineę circuli vna copulatione simul existunt; & habet punctum omnes rectas lineas vniformiter copulatas inter se, & cum vno principio, a quo exierunt; & in ipso centro omnino copulate sunt: & parum ab eo distantes, parum diuiduntur; magis autem distantes, magis; & ut semel dicam, quanto sunt centro propinquiore, tanto magis cum eo & inter se copulantur: & quanto magis a centro distant, tanto magis & inter se distant. immo & in tota natura vniuersi, rationes vniuscuiusq. naturę vna copulatione non confusa collectę sunt, & in anima copulate sunt vniformiter virtutes, quę omnibus partibus corporis prouident. non est igitur absurdum ex paruis & minutis imaginibus & exemplis ad causam omnium ascendentes oculis contemplari omnia in causa omnium, & quę sunt inter se contraria, vniformiter & copulate. Ad hęc S. Maximus adiungit: Illud in eo, & ex eo sic intelligendum est, ipsa per se supraquam bonitas, quę est mens, & tota actus, ad se ipsam cōuersa in actu est, nō potest prior sine mente, postea mens actu. vnde est etiam mens solum pura, quę non intelligit intelligentia extrinsecus introducta; sed ex se ipsa penitus intelligit. Si enim substantia eius alia est; quę autē intelligit, alia: ab eo, non intelligetur ipse, idest, substantia eius. siquid

1042. 17.

vero

verò habet a se, nō habet ab alio; si autem a se, & ex se intelligit, ipse est ea quę intelligit. igitur qui est intellectus eius quod est, intelligit quę sunt, tamquam qui est. quare si cum intelligit se ipsum, intelligit quę sunt; ipse est ea quę sunt. aut enim intelliget ea quę alibi sunt, aut quę in se ipso tamquam sua: quę alibi sunt, non potest fieri ut intelligat. ubi enim sunt? an in ijs quę sub sensum cadunt? at quę sub sensum cadunt, non sunt, utpote mutabilia, & ortum atq. interitum capientia. se igitur, & in se intelligit. quia vero Deus auctor est eorum quę sunt, si in se ea non intelligit, intelliget in eo quod nondum est; at ipse archetypum est, idest, primum exemplar vniuersi; & quę intelligit, non accipit eorum typos, idest species, siue formas ab alijs, sed potius ipse est exemplar rerum. quare nec ipse est in loco; neq. quę in ipso sunt, tamquam in loco sunt; sed habet ea, ut se ipsum habens, & in eis existens; omnibus quidem simul existentibus, & in impartibili in ipso existentibus, distinctis vero in impartibili impartibiliter. Igitur notiones eius sunt res, res autem formę sunt, notiones vero non sic accipiendę sunt, ut quia hoc intellexit, sunt hoc: huiusmodi enim notionem oportet ut antegressum sit aliquid quod intelligitur, quod fecit ut ipse intelligeret: sed potius intelligit quę sunt, nempe intelligens se ipsum, & cum ijs quę in ipso insunt, copulatus. Ex his liquet, quod in vnitae, quę supra substantiam est, non oportet querere multa, & diuersa, quę in ipsa spectantur: primum quidem, quia natura differentium, quantitatem & numerum inducit in simplici, & sine confusione, & diuisione vno & toto: secundo, quia omnia quę in ipsa dicuntur, sunt diuina & beata eius substantia, utpote quę est essentia ex pluribus in vnā vnitatē congregatis, omni differentia omnibus modis in congregatis sublata; & quę inest in his sine habitudine, & singulariter, & nō tamquam alterū in altero, sed maxime supraquā copulare, nulla duplicatione posita. nec enim tamquā in loco omnia exemplaria rerum habet vnitae supra substantiā; nec ipsa horū locus efficitur; sed potius habet ea tamquā se ipsum habet; & inest ipsis tamquā substantia & essentia, quorū est substantia & essentia, solaq. purissima, & sine omni subiecto actus.

Scholia.

Scholia.

Omne quod circa Deum intelligitur, id erat ante mundi constitutionem; sed tamen hoc nominari dicimus, postquam factus est homo. Hoc est quod ait S. Thom. 1. p. q. 13. art. 6. Hec, inquit, nomina Dei bonus, sapiens, & similia, quantum ad rem significatam prius dicuntur de Deo, quam de creaturis, quia a Deo huiusmodi perfectiones in creaturas manant: sed quantum ad impositionem, inquit, nominis, imposita sunt creaturis, quas prius cognoscimus. significant enim bonitatem creatam bonus, & sapientiam creatam sapiens, &c. quae Deo per essentiam conueniunt, & ἐξουκρίνω, ut ait Dionysius cap. v. de diuinis nominib. id est, elate & eminenter. ipse enim est sua bonitas, & sua sapientia. Quare cum S. Thomas dixit, quod huiusmodi nomina non solum dicuntur de Deo causaliter, ut quidam posuerunt; non potuit Dionysium, ut quidam suspicantur. De hoc iterum admo-
 neo, ne tanto auctori hoc falso tribuatur. immo ipse idem S. Thom. interpretatus Dionysium cap. v. cū ait, Et neq. totaliter ipsi conuenit aliquid eternaliter existentium, aut temporaliter subsistentiū, sed & a tempore, & ab eo, & ab ijs quae sunt in eo, & ab ijs omnibus quae sunt in tempore segregatur: Vniuersaliter, inquit S. Thomas, non conuenit ei aliquid de numero creaturarum, sed separatur per quandā eminentiā. & rursus, Etiam, inquit, separatur ab ijs quae sunt in eo & in tempore per quandam eminentiā. Quod igitur dixit S. Thomas haec Dei nomina bonus, & sapiens, & similia, significare esse haec in Deo eminenter, ex Dionysio, quē interpretatus est, sumpsit. postremo in eadem q. 13. p. p. art. 2. quod Dionysius dixit cap. i. de diuinis nominib. Omnium sanctorum Theologorū hymnum inuenies ad beatos processus nominationes diuidentē; sic interpretatur, ut voluerit Dionysius significare, nomina Dei bonus, viuens, sapiens, & alia eiusmodi imposita quidē esse a processibus, siue prouidentijs Dei in creaturas manantibus, sed significare ipsum rerum principium, quatenus in eo est prius bonitas, & vita, & sapientia, & quidem excellentius quam a nobis intelligatur & significetur. aliud enim est a qua re imponitur nomen, & aliud in qua re imponitur. sic nomina Dei imposita sunt a prouidentijs, quas alij vocant processus, ad significandum substantiam Dei, licet non perfecte eam significant; sicut perfecte hoc nomen homo significat substantiam siue essentiam hominis, quia quid sit Deus, comprehendendi intelligentia non potest, ut potest comprehendendi quid sit homo. est enim animal rationale, quae est perfecta essentia hominis, quam homo significat. Immo illud etiam est aduertendum, vocabulū ipsum, eminentiā, & eminenter, quibus S. Thomas vti solet, cum de nominibus Dei loquitur, & quid in Deo significant explicat, ex Dionysio sumpsisse, qui ἐξουκρίνω, ut paulo ante notati, dicere solet, quod variè licet interpretari, elate, exuperanter, eminenter, eximie, excellenter,

cellenter, separate. quæ autem intelligit, alia & ab eo, &c. & paulo post: igitur qui est intellectus & eius quod est, intelligit quæ sunt, tamquam qui est.) Non eo tendunt hæc, ut probet, quod Deus alia a se non cognoscit, aut non cognoscit cognitione propria, sed vniuerse, qui fuit quorundam error a S. Thoma notatus & reprehensus 1. p. q. 14. art. 6. immo dicit Deum omnia alia a se cognoscere, cum seipsum cognoscit, at se ipsum perfectissime cognoscit, igitur cognoscit omnia alia a se perfectissime, & quidem propria cognitione; quia in ipso sunt perfectissime, immo ipse est illa ipsa omnia ut causa efficiens, & exemplaris; & ipsa diuina essentia est propria ratio vniuscuiusque creature, quæ Deum quomodocumque participat.

Quod in unitate, quæ supra substantiam est, neq. principium eius reperire licet, neq. medium, neq. finem; neq. est aliquid totum, quia in unoquoque eorum quæ intelliguntur, est tota, & sola; nec est aliquid eorum quæ sunt, quia ipsa est omnia; neq. licet vno nomine eam complecti. Cap. IX.

Magnus Dionysius in quinto de diuinis nominib. In vno enim, inquit, ut sæpenumero dictum est, omnia quæ sunt, præhabet, & existere fecit, præsens omnibus ubique secundum vnum & idem; & secundum idem, omne; in omnia means, & in se manens, & stans, & se mouens; & neq. stans, neq. mouens; neq. principium, vel finem, vel medium habens, nec in quopiam eorum quæ sunt, est; neq. quidquam eorum est; neq. penitus ei conuenit quidquam eorum quæ in æuo, aut in tempore existunt; quin potius extra tempus, & sæculum, siue æuū, & extra omnia quæ in sæculo, aut tempore sunt, est: quia ipsum per se æuum, & ipsum per se tempus, & quæ sunt, & quæ illa quæ sunt, metiuntur, omnia per ipsum, & ab ipso. S. Maximus in centuria prima cap. vii. ait: Omne principium, & medium, & finis non vsquequaq. negant quin secundum habitudinem prædicentur; Deus autem in vniuersum omni habitudine infinite in infinitum superior cum sit, consentaneum est ut neq. principium, neq. medium, neq. finis sit; neq. quidquam omnino habet eorum, in quibus natura secundum habitudinem prædicatio ad aliquid cerni potest, Idem in eadem.

dem centuria cap. lxxxii. Omnis cognitio habet significationē multitudinis vt minimū duorum. media enim est habitudo duorū extremorū, quę inter se copulat intelligentem, & rem intellectam. neutrū enim potest vsquequaq. seruare simplicitatem: quia cum eo qui est, aliquā rem subiectā intelligens, simul cogitatur habere potestatem intelligendi; & quod intelligitur, subiectum quoddā est, vel in subiecto; cum quo simul cogitatur, quod possit intelligi; aut cogitatur simul pręsubiecta substantia, cuius est potestas. nō enim est res aliqua omnino, quę ipsa per se sit simplex substantia, aut cognitio, vbi & vnitas sit indiuidua: Deus autem, siue substantiam dicamus, non habet potestatem intelligendi, quę naturaliter cum eo intelligatur; ne habeatur compositus. siue dicamus cognitionem, non habet subiectam substantiam, quę naturaliter recipiat cognitionem; sed id ipsum quod secundum substantiam est, cognitio est Deus, & totus Deus, & solum; & ipsa cognitio substantia; & totus substantia, & solum; & supra substantiam totus, & supra cognitionem solus: quia vnitas est indiuidua, expers partis, & simplex. Et adhuc idem: Deus in vtroq. penitus simplex, substantia sine subiecto, & cognitio non habens vllum plane subiectū. S. Cyrillus in Thesauris libro iii. cap. iiii. Primum quidem, inquit, necesse est dicere compositum esse Deū ex diuersis, eisq. secū inter se valde pugnantibus, simili scilicet & dissimili; quę quidē inter se in vno subiecto misceri & cohærere nō possunt. & si ex parte similis, ex parte alia non erit similis, non erit totus lumen, neq. totus veritas, neq. natura Deus. Pręterea etiā ad ipsum qui genuit, manabit blasphemia grauis: erit enim compositus pater ex substantia & conceptu mentis. Magnus Basiliius libro secundo τῶν ἀντιρρητικῶν. Siquidem, inquit, tamquam partem substantiæ acciperemus ingenitum, locum haberet istius sermo, cum ait, compositum esse quod ex diuersis constat: sin vero substantiam Dei lumen ipsum ponimus, vel vitam, vel bonum totum, quod quidem est totum vita, totum lumen, & totum bonū; habet autem vita ingenitum consequens, quomodo non est incompositus, qui est secundum substantiam simplex? non enim modi proprietatem eius demonstrantes, rationem sim-

P p

plici-

plicitatis lædent. Gregorius Nyssenus libro primo contra Eunomium cap. xli. Simplicitas enim, inquit, dogmatum veritatis tamquam fundamentum iacit; Deum, quid est, neq. nomine, neq. ratione, neq. alia quapiam cogitatione & intelligentia comprehendi posse. Sanctus Epiphanius in hæresi contra Ptolemais: Quæ potest ab ullo dici tanta illius audacia, quam de Domino vniuersi euomuit? qui simul vt intellexit, perfecit hoc, quod quidem voluit; hoc intelligens, quod vult; & tunc volens, cum intelligit; totus intelligentia, totus voluntas, totus mens, totus lumen. Ex quibus fit manifestum, quod in vnitate Trinitatis neq. reperitur principiū, neq. medium, neq. finis. si quis vero aliquid horum quærat, multa reperientur, & non vnitas. principium enim, & medium, & finis eorum plane sunt, quæ diuidi possunt; vnitas vero indiuidua est. similiter quod habet principiū, & medium, & finem, totum aliquid est ex his coagmentatum; quod autem sic est totum, ex partibus etiam est totum: partes autem multæ; igitur totum ex multis. vnitas vero expers partiū est, & non ex multis, aut ex partibus totum. Præterea, quod neq. principium, neq. finem habet, neq. terminum in vtroq. habet; & idcirco infinita est vnitas. Bisariam enim, inquit, cum infinitum contemplamur, scilicet secundum principiū, & finem, quod non est in his, & est supra hæc, infinitum appellatum est. Sed neq. formam habet, vel figuram, vel speciem, vel colorem diuina vnitas. sic enim magnus Basilius libro *iii. τὸν ἀντιστήσαν*. Si, inquit, filius vere est imago patris, omnis autem imago vel substantiæ, vel formæ, vel figuræ, vel speciei, vel coloris imago est; Deus autem in nullo horum est, sed in sola substantia; filius igitur cum sit imago substantiæ, sequitur vt sit homoufios, idest, eiusdem substantiæ patris; & relinquitur vt sit vnitas expers formæ, & figuræ, & speciei, & coloris. expers igitur est formæ, quia idem est forma, & substantia Dei. hoc enim ab omnibus Theologis concessum est. Si igitur in sola substantia est Deus, non igitur in forma circa substantiā. hæc enim forma non est sola substantia, est etiam sine figura, quia demonstratū est non habere medium; si autem nō habet medium; neq. rotundi, neq. recti particeps est, quia

quia ubi nō est medium, nec extrema æqualiter a medio distabunt; quod quidem in rotundis euenit; neq. rursus ab extremo ad extremum æqualiter procedit linea, quod quidem in rectis reperitur. si autem nec hoc, nec illud; caret igitur figura vnitas diuina. Est præterea expers speciei; quia species cōtinentur in generibus; vnitas vero diuina nec est in alio, nec in se. in alio quidem si esset, eueniret ei perinde ac si in medio esset comprehensa, quod in circuli centro contingit; demonstratum vero est nō habere eam partes, neq. figurā; non est igitur in alio, immo nec in se; alioqui idem etiā, quod circulo, ei accideret; si ipsa se complecteretur, & contineret. nō enim potest esse aliquid in se ipso, quin a se ipso cōtineatur. etsi enim Deus ex se, & ipse se ipsum continet; tamen fieri non potest, vt idem contineat, & a se contineatur. si autem ab alio continetur, hoc est quod dicebamus ad figuras pertinere. caret etiam colore, quia est substantia quæ non est in subiecto. Quomodo recipiet colores quæ non potest cadere sub aspectum, qui colores discernit? Sicut ergo non est hæc omnia diuina vnitas; sic neq. habet vniuersitatē, vel vniuersum, quod partes recipit. alioqui incidet vtrūque eorum quæ diximus. Omnis enim oratio vel effertur vniuerse † in vniuersis, aut in vniuersis non vniuerse, sed particulariter; & hoc est quod ait Dionysius: Quamobrē primū bonus Deus eorum auctor esse dicitur, deinde eorum vniuerse, postea partium eorū; tum participantū ea vniuerse, deinde participantū in parte, siue particulariter. quæ perinde sunt, ac si diceret, Genera & species simul, Deū habent auctore; deinde partes illis subiectæ; & quæcumq. vniuersitates quis dicat, postea has tamquā absolutas & abstractas producit Deus; deinde tamquā aliquorū, & ipsorum aliquorum vniuersitates. non est Deus vniuersitas secundū has vniuersitates, idest, ad similitudinē habitum; sed ipsa sola vniuersitas, quæ in nulla est vniuersitate, vniuersa ipsa & sola vniuersitas est, omnes vniuersitates ex se produciens, & a nulla vniuersitate coercetur. nec enim ipse est in aliquo, nec aliquid in ipso. substantia enim est nihil habens quod sit in subiecto: & cognitio est nihil prorsus subiectum habens. idcirco ipse est omnia, & non est quidquam omnium, qui a nullo eorum quæ

Diony. c. 1. 1.
de diui. no.
† Vniuersū
vniuerse om
nis vita, vni
uersum non
vniuerse, sed
in parte, siue
particulari-
ter, vt vita.

P p 2 sunt

sunt, continetur: nec est nomen eius, quo per rem aliam quam ex ijs quæ sunt, nominetur. vnde enim nominabitur, si nihil est ex ijs quæ sunt? Præterea totum & solum in vnitatem, essentiam, exuperantem repræsentat, & non positionem quamlibet rerum. perinde enim est dicere, totus substantia, & solum est Deus, & in sola substantia est, atq. dicere supra omnem substantiam esse, & nō annumeratur vlli substantiæ earum quas produxit, sed est sola ex alijs exempta, & prima, & cuius substantia est actus.

Quod unitas Trinitatis supra omnem substantiam est, & supra omnem unitatem, & trinitatem nobis cognitam: & quod neq. substantia est, nec unitas, neq. trinitas ab ullo cognita; nec infinita, aut in multis numerata. Cap. X.

Magnus Dionysius cap. xiii. de diuinis nominibus: Oportet, inquit, nos a multis ad vnum virtute diuinæ unitatis conuersos, singulariter laudare totam & vnam diuinitatem, vnum quod est omnium causa, ante omne vnum, & multitudinem, & partem, & totum, finitionem, & infinitionem, finem, & infinitatem; quod omnia quæ sunt, & ipsum esse terminat; & omnium, & totorum omnium, & ante omnia, & supra omnia vna causa, & quod supra ipsum vnum, id quod est, determinat: siquidem quod est vnum, in ijs quæ sunt, numeratur. numerus enim particeps essentiæ est. quod autem est vnum supra substantiam, & quod est vnum, & omnem numerum definit, ipsum est & vnus, & numeri, & omnis rei principium, & causa, & numerus, atq. ordo. quamobrem & unitas, quæ laudatur, & Trinitas, quæ est diuinitas supra omnia, non est nec unitas, neq. trinitas; aut a nobis, aut ab alio quopiam eorum qui sunt, cognita: sed vt quod in ipsa est supraquam in vnum copulatum, & fecunditatem vere laudemus, trinum & vnū Deum nominamus illum, qui supra omne nomen est. nulla autem unitas, vel trinitas, neq. numerus, nec vnitas, vel fecunditas, nec aliud quid eorum quæ sunt, aut quæ ab aliquo eorum qui sunt, cognita sunt, explicat obscuritatem, quæ omnem rationem & mentem vincit; obscuritatem dico diuinitatis, quæ supra substantiam, supra rationem

tionem & mentem est. Rursus idem extremo capite my-
 sticæ Theologiæ: Rursus autem ascendentes dicamus,
 quod nec anima est, neq. mens; nec imaginationem, vel
 opinionem, vel rationem, vel intelligentiam habet; neq.
 ratio est, nec intelligentia; neq. dicitur, vel intelligitur;
 neq. numerus est, neq. ordo; neq. magnitudo est, neq.
 paruitas, neq. æqualitas, neq. similitudo, neq. dissimili-
 tudo; neq. stat, neq. mouetur, neq. quiescit, neq. habet
 vim; nec est vis, neq. lumen, neq. vita est, neq. substan-
 tia est, neq. sæculum, neq. tempus, nec est eius tactio sub
 intelligentiā cadens, neq. scientia, neq. veritas est, neq.
 regnum, neq. sapientia, nec vnum, nec vnitas; neq. di-
 uinitas, neq. bonitas, neq. spiritus est, vt nos spiritū co-
 gnoscimus; nec est filius, neq. pater, nec aliud quidquā
 eorū quæ nobis, aut vlli eorum qui sunt, cognita sunt; nec
 aliquid eorum quæ non sunt, neq. quæ sunt: neq. quæ
 sunt eam cognoscunt, quatenus est; nec ipsa cognoscit
 quæ sunt, quatenus sunt: nec est illi ratio, neq. nomen,
 neq. cognitio; neq. tenebra est, neq. lumen, nec error,
 neq. veritas: nec est eius in vniuersum positio, nec abla-
 tio: immo cum eorum quæ post ipsam sunt, positiones
 & ablationes facimus, ipsam neq. ponimus, nec tollimus;
 quia supra omnem positionem est perfecta & singularis
 omnium causa; & supra omnem ablationem exuperatio
 omnium simpliciter abstracta, & vltra omnia. Hæc an-
 notauit S. Maximus, inquiens: Nota, quod neq. diui-
 nitas substantia est Dei, sicut nec vnum aliquid eorū quæ
 dicta sunt, neq. contrariorum eis; quare nihil ipsorum
 est, non enim sunt hæc substantia, sed gloria: circa eum.
 Sic Sextus ecclesiasticus philosophus dixit, & Gregorius
 Theologus libro tertio Theologiæ suæ, quod neq. diui-
 nitas, nec ingenitum, neq. paternitas substantiam Dei
 significant. Obserua præterea, quod neq. spiritus est, vt
 nos spiritum cognoscimus; neq. filius est, neq. pater, vt
 nos patrem & filium cognoscimus. illud enim, Vt nos co-
 gnoscimus, in omni negatione superiorum accipe. decla-
 ratautem, quod dici solet, secundum nostram cognitio-
 nem. Neq. te moueat hoc caput, vt putes hunc diuinū
 auctorem aliquid blasphemie dicere. propositum enim
 est ei demonstrare Deum nihil eorum esse quæ sunt, sed
 esse

esse supra omnia. etenim si ipse omnia produxit, quomodo potest esse aliquid eorum quæ sunt? Dixit autem, quod nec ea quæ sunt, cognoscunt Deum causam omnium: at non cognoscere Deum, interitus plane est. verum statim idem exposuit quod dixerat, cum subiunxit, Quatenus ipse est; quod perinde est, ut si dicatur, Nihil ex ijs quæ sunt, cognoscit Deum, quatenus est, idest, substantiam eius, quæ supra substantiâ est, & quæ intelligi non potest, vel existentiam secundum quam existit. Dictum enim est,

Matth. 11.

Cap. 7. de diuin. nom.

Das. 13.

quod nemo cognoscit filium, nisi pater; neque patrem quis nouit, nisi filius. Ac rursus subiungit magnus Dionysius, & ait: Nemo cognoscit filiū, quatenus est, nec ipse Deus cognoscit ea quæ sunt, quatenus sunt; idest, non nouit intendere mentem secundum sensum ad ea quæ sensilia sunt; nec ad substantias, quatenus substantiæ sunt, hoc enim non conuenit Deo. nos enim, qui homines sumus, ea quæ sensu percipiuntur, aut aspectu, aut gustatu, aut tactu, intelligimus quid sint: ea vero quæ sub intelligentiam cadunt, aut per 4 disciplinam, aut doctrinam, aut per illuminationem cognoscimus. Deus autem nullo modo ex istis nouit ea quæ sunt; sed potius ex se ipso cognitionem omnium habet. hoc enim significat subobscure scriptura, quæ ait: Qui nouit omnia antequam fierent, quod quidem declarat, non secundum rationem productionis eorum nouisse ea Deum secundum sensum aut intelligentiam; sed potius supra omnem sensum & intelligentiam in se tantum intuens. Idem ibidem: Quæ sunt, inquit, idest, creaturæ, non possunt supra naturam suam ferri intelligendo: consentanee igitur cum in se intuentur, diuinam naturam ignorant secundum illud quod ipsa est. sic igitur diuina natura in se ipsam intuens, non nouit in se esse creaturas secundum rationem & substantiæ eorum. hoc enim significauit cum dixit, Quatenus sunt; si quidem est supra omnia quæ sunt, & ipsum esse supra substantiam habet. aliter enim nemo diceret ignorare Deum creaturas suas. Ex quibus fit manifestum, quod unitas supra substantiam, ab omnibus abstracta est, & supra omnia est. immensis enim mensuris, & quæ conferri non possunt, causæ supra effectus locatur, & eximuntur, & ab eis absunt, ut saepe dictum est. Quomodo enim creaturæ

creatura, & facta, & quaecumq. vocabulo entium signi-
 ficanur, conferri possunt cum natura, quæ ultra om-
 nia est. Vnde conuenienter sibi, causa omnium non est
 vnum eorum quæ sunt, non dico quæcumq. aliquis nu-
 merauerit, sed si quis cogitatione fingeret, & ad illa quæ
 ultra secula sunt, refugeret, opiniones essent rationis
 apud nos inaniter quidem ad illa quæ ultra omnia sunt,
 proficiscentis, tantum vero a re distantis, quantum simu-
 lachrum a veritate, & domus ab eo qui eam fabricauit;
 & umbra ab ijs quæ sunt, & per se existunt. Non enim
 fieri potest, ut quæ finita sunt, pertranscant quod infinitum
 est, quamuis mens multas infinitates reperiatur, & secum
 reputet, nihilominus ab infinitate vera excidit, & tam-
 quam cum umbra pugnare conuincitur attrahens; sicut
 qui tenebris crassissimis inuoluti sunt, & in eis ruunt.
 Ob hanc causam Theologiâ secundum negationem in mul-
 tis valentior esse Theologia affirmate demonstratum est;
 non quidem quod Theologia ex negantibus magis Deum as-
 sequatur, & attingat (ex equo enim vtraq. aberrat a conie-
 ctura de Deo) sed quod Theologia negans plus profitea-
 tur nescire. qui enim dixit, quod nec vnitas est Deus, pro-
 prius accessit ad incomprehensam vnitatem, quam qui po-
 suit esse Deum vnitatem secundum morem vnitatum quæ
 nobis notæ sunt. Vt igitur summam repetam quæ in hac
 Decade exposita sunt, demonstratum est a Theologis, non
 oportere querere in vnitatem, quæ supra substantiam est,
 habitus & dispositiones, vel alia circa ipsam, quæ substan-
 tiam eius compleant; nec aliqua in ea accidentia, neq. dif-
 ferentias ad substantiam eius pertinentes; neq. quia ex se
 ipsa existere dicitur, idcirco oportet constituere ipsam esse
 se sui causam: nec ponere aliud in ea esse substantiam, &
 aliud energiam, siue operationem: nec existimare opera-
 tionem suam creatricem substantia secundum se carere,
 & non per se existere: nec aliud esse suam substantiam, &
 aliud suam bonitatem, & similiter in ceteris eiusmodi:
 nec aliud esse substantiam suam, & aliud cognitionem
 sui, & similiter in reliquis similibus; & omnia quæ in ea
 sunt, non differre a se ipsa: nec in ea posse reperiri princi-
 pium, medium & finem: nec vnitatem diuinam, quæ
 est *in se, & per se*, id est, supra eos qui dicuntur dij, esse sub-
 stantiam,

1

2

3

4

5

6

7

8

9

10

De infinitate in rebus
multiplici ex
Deo manante,
& a creaturis partici-
pata.

Davi. 7.

stantiam, nec esse unitatem quę vocatur, neq. trinitatem ab ullo cognitam: sed potius supra substantiam esse, & supra omnem unitatem, & supra omnem trinitatem & excogitatam vel assimilata, & supra omne vnum tale abstractam esse, & ad eam accedi non posse. Recte igitur & quę in hac decade sunt, tamquā principia exposita sunt; neq. quidquā diuinę simplicitati deest. Conuenienter autē huic inscriptioni De simplicitate diuina, tota decas ad diuinā simplicitatē contexta est apte ad duas antegressas decades, per propositiones enuntiātes ad infinitatē Dei procedens; siquidē nulla infinitas ex ijs quę dicuntur, cū infinitate Dei equabitur. nec enim infinitas materie, & carere eam forma & specie, cum infinitate Dei cōferendū est (materia enim finitur & terminatur specie, & forma speciei, & hęc, species scilicet, & earum forme, sunt termini & fines materię) nec infinitas corporis, quia corpus in infinitum diuidi potest, infinitatem Dei dirimit, quippe cum in corpus dimensio, & diuisio primum cadat: neq. secundum primas qualitates, quę in infinito insunt, infinitas Dei comparanda est, quia in ipsis primū cernitur plus & minus: neq. rursus infinitū secundū generationem, & generationis perpetuitas retundit infinitatem Dei simpliciter, & incircūscripte circummeantis, & non ad instar circuli motionē habentis, quę solummodo est cum fit; neq. quidquam quod in cælo, & in motu eius rotundo accidit (habet enim hic motus infinitatem propter infinitam potentiam Dei mouentis) immobilem infinitatem Dei excludit: neq. infinitas vniuersi temporis, quia actus eius, quo metitur periodos eorum quę in tempore sunt, numquam deficit, & numero est infinitus, infinitatem Dei coercet, quę est supra omnem numerum, & omnem periodum. item immutabilem esse mentem & animā (scilicet a libertate arbitrij) & totam simul in omnibus sui corporis partibus adesse, & ob eam causam continua & infinita facultate motus corporis gubernare, non progredietur ad infinitatē Dei, qui has facultates animę iniecit. nec innumerabilitas angelorū (milia enim miliū, & decies centena milium adstant throno magnificentię eius) neq. perennitas sine dimensione, ac perinde infinitas vitę eorū & immortalitatis,

latis, infinitatem Dei, quæ omnem numerum, & omnem cogitationem vitæ continuæ superat, pertransibit: nec ipsum ævum, & infinitudo eius omnibus nota & vulgata, quæ omnem infinitatem intellectuum continet, &que porrigetur ut infinitas Dei, qui illud produxit. creatum enim a creatore infinitis mensuris superari notum est. Si igitur infinitas Dei supraquam infinita nulli ex istis infinitatibus similis cernitur, solus igitur est infinitus, fons infinitatis effector, qui est vnum solum secundum substantiam bonum & infinitum, qui omnem infinitatem ex nihilo fecit. Et si enim illæ post Deum infinitates dicuntur, non tamen sunt secundum substantiam infinitates, sed secundum mensuram tantum, & participationem, & infinitam multitudinem, & secundum vitam dimensionem carentem, & secundum totam sui præsentiam in totis, & id quidem a causa sola effectrice, & non alio modo habent. Consentaneæ igitur dictum est Deum esse ultra omnem infinitatem. solus enim Deus est essentia infinitus, & sola essentia, siue substantia Dei est simplex, & † vniformis, & expers qualitatis, & quieta, & seditione carens, infinita, & omnipotens, & effectrix omnium, cui gloria in sæcula sæculorum. Amen.

† Quia est immutabilis secundum esse, & secundum affectiones & operationes, quomodo non sunt angeli, licet habeant esse immutabile, illa prior simplicitas est vniformis.

2111 Scholia.

Quatenus ¹ sunt) id est, non cognoscit alia quatenus sunt in se ipsis, sed in se ipso, id est, in sua essentia, in qua omnes species rerum sunt comprehensæ, & multo excellentius in eo, quam in se ipsis sunt. sed gloria circa eum) Non dixit gloria in eo, quæ est increata, id est, ipsa essentia, sed circa eum sunt, quæ ab eo creata sunt, ex quibus a nobis glorificatur & laudatur. neq. diuinitas substantiam Dei significat, neq. substantia Dei est, scilicet ut nos diuinitatem cognoscimus. cognoscimus enim diuinitatem creatam in ijs qui per participationem dei dicuntur, siue angeli, siue homines sint: huiusmodi autem diuinitas creata, nec est, neq. significat diuinitatem Dei, quæ essentia, siue substantia eius est; sed potius diuinitas, bonitas, sapientia, & cetera, ut nos cognoscimus ista, gloria sunt circa Deum, quia ab his quæ ab eo creata sunt, glorificatur & celebratur. per 4 disciplinam) cum ex magistro discimus; per doctrinam, cum nostro studio & industria sine magistro docemur; per illuminationem, cum Deus reuelat. secundum rationem substantiæ eorum) quia ipsa diuina essentia est propria ratio substantiæ cuiusq. creature in infinitum perfectior quam propria ratio substantiæ in ipsa creatura. Causas ⁶ dicit

Q9 propter

propter personas diuinas, quæ sunt alioqui una causa creaturarum, sicut una essentia. supra omnem trinitatem 7 excogitatam, vel assemblatam) Obseruauit Manuel Calechas in libro de Trinitate imagines, quas patres excogitarunt ad assimilandum eas utcumq. Trinitati. Gregorius Nazianzenus cum oculo fontis, & fonte, & fluuiio comparat; item cum sole, radio, lumine; item cum mente, & diuinis, idest consideratione, anima, in quibus non est diuisio, vel sectio; item cum triplici sole, & una luminis commixtione. Gregorius Nyssenus in libro de spiritu sancto contra Macedonium cum tribus lampadibus, quarum una flamma, idem Gregorius Nyssenus in libro de Trinitate hæc tria dicit esse in nobis, quæ sunt, νοῦς, λόγος, & ψυχή. Mens, inquit, parit rationem; ratio mouet mentem; & neq. mens sine ratione est, neq. ratio sine mente; similiter sine spiritu, qui est in nobis, non exit ex mente. hæc, inquit, sunt equalia, & separari a se vicissim non possunt. sic, inquit, intelligendum est in Trinitate. alij cum fonte, fluuiio, & lacu; cum igne, flamma, & lumine. Cyrillus cum radice, ramo, & fructu; idem cum digito, manu, & brachio; & alijs cum rosa, flore, & odore. In his omnibus reperiuntur quedam inseparabilia a se mutuo, quæ assumuntur ad declarandum utcumq. esse tres personas inseparabiles proprietatibus distinctas, & unus substantiæ, ita ut ab alio sumatur τὸ ἀχώριστον, idest, inseparabilitas personarum; ab alio τὸ ὁμοούσιον, idest, consubstantialitas.

DECIMAE ET VLTIMAE
DECADIS FINIS.



Scholia quædam excudendo prætermiffa, hic adduntur, vt suis locis reponantur.

Decad. 1. cap. 6. in fine.

Atq. hoc quidem * siue erat visum diurnum solis sanctis aspectabile; siue nocturna & vera visio; siue informatio futurorum tamquam presentium in mente.) S. Maximus explanans hunc Gregorij locum, Numerauit, inquit, hoc loco nobis beatus Gregorius species prophetie, ego vero nihil interim affirmans, coniectura ducor diurnum visum vocasse visionem & auditionem rerum & sermonum, quæ sancti neminem videndo, & neminem audiendo, tamquam per sensum spiritu videbant & audiebant. non enim fas est dicere, oportere omnino in diuinis ad informationem imaginationis præsens esse id in quod cadit imaginatio, sed admirabiliter, & supra naturam, ac nullo præfente, & vocibus sub sensum cadentibus non formati pulsu aeris, eâ partem qua imaginamur, operari; ita vt vere audiat & videat, qui diuina docetur. nec enim creditur diuinum esse, in quo nihil amplius est, quàm quod in naturæ ordine cernitur. Si enim nos cum nocte per somnum imaginamur, sepe videmus & audimus, cum nemo est qui loquatur, aut videatur; multo magis hoc sanctis experrectis & vigilantibus vere eueniet, Deo operante in ipsis vigilantibus secundum gratiam admirabilem, quod in nobis lege naturæ fieri consuevit. Nocturnam & veram visionem existimo eum vocare aut intelligentiam perfectam rerum futurarum, quæ in anima per somnum fit, vt in Ioseph, & Daniele; aut visionem rerum diuinarum cadentem sub aspectum oculorum propter summam passionis vacuitatē ex multa puritate proficiscentem. Informationem vero futurorum tamquam presentium in mente arbitror eū κατ'ἔκστασιν dicere figuras futurorum sanctis ostensas simplici modo tamquam in imagine secundum simplicem & non diuiduam notionē mentis. Hæc ego ausus sum, ait S. Maximus, ex coniectura dicere, nullam gratiam experiendi hæc adeptus, ob eam tantum causam, quod tu iussisti.

* pag. 15.
lin. 1.

Decad. 8. cap. 2. in fine scholij 8. adde.

Pachimerus neutrum legit in sua paraphrasi; fortassis appositum * fuit ab aliquo ad interpretationem verbi quod sequitur, Omnis tactus, tactum enim vocat Dionysius intelligentiam, vt Pachimerus interpretatur, quia est in operatione animæ per intellectū quidam tactus rei sicut in corporibus actio fit per contactum. Sic S. Thomas. idcirco igitur dicit, Omnis tactus, sensibilis scilicet, & intellectibilis. & quia per huiusmodi tactū intellectilem multiplex scientia habetur, sequitur in textu, Omnis scientia. Obseruandus est ordo intelligendi a sensu ad rationē, a ratione ad intellectum, qui est quidam tactus intellectibilis;

* pag. 183.
lin. 35.

Q 9 2 abino

ab intellectu ad scientiam, quæ coniungit intellectum cum ratione, ut ait S. Thom. a scientia ad unionem, quæ ad intellectum pertinet, qui unitur cum intellectu; & ad voluntatem, quæ unitur cum amatis.

In eodem cap. adde hoc schol.

* pag. 181.
lin. 26.

Et omnia * quæ non sunt, in pulchro & bono sunt supra substantiam) Quæ non sunt, non dicuntur ex bono & pulchro esse, ut Pachi-
merus notavit, quia non habent ὄντας, idest, non existunt, sed
sunt in bono & pulchro neganter; quia bonum & pulchrum est ea non
esse, quæ non sunt; ut non esse duos soles. negationes vero, quas S.
Thomas dicit convenire Deo per excessum, quia Deus nihil est eorum
quæ sunt, sed supra omnia, non solum in ipso sunt, sed ex ipso sunt se-
cundum causam, ut bonitas creata, & sapientia creata, quæ Deo ne-
gantur, illa etiam ingentum, incorruptibile, & immortale, & in-
finitum licet negationem significant, non ponuntur inter ea quæ non
sunt, quia habent ὄντας, idest, consistunt, & in ipso sunt.

Decad. 8. cap. 4. adde schol. sequens.

* pag. 195.
lin. 38.

Gen. 1.

Septimo * die requieuit ab omnibus operibus suis.) Photius patriarcha Constantinop. in responsis ad varias quæstiones de locis scripture
ad Amphilochoi metropolitam Cyzici: Quattuor, inquit, sunt opera-
tiones Dei: Prima, quæ fecit a principio naturas rerum omnium se-
ptem diebus: secundum hanc significationem dictum est requieuisse se-
ptimo die ab omni opere quod patrauerat. Secunda operatio est conser-
vatio ex illo tempore perpetua eorum quæ semel extiterunt, quæ non
permittit ullam speciem perire. hæc operatio providentia vocatur. ab
hac operatione numquam desistit, neq. desistet Deus, dum terrena hæc
concretio consistet. Tertia operatio, quæ facit, ut natura cuiusq. nihil
dis simile, aut a se alienum faciat, sed potius sui simile generat, & suc-
cessionem legitimam ostendit, hæc quoq. operatio ad providentiam re-
ferri potest. Præter has tres, unam de creatione essentie, sine substan-
tia, aliam de conseruatione, aliam de similitudine, ad quam referen-
da est successio ordinis, ut in sole, luna, ortu, occasu, coniunctioni-
bus, & discessionibus, alijsq. energijs, idest operationibus, quas Deus
illis indidit, in vicissitudine dierum & noctium, in variis tempo-
rum, & successionebus: præter has, inquæ, est alia operatio φιλανθρω-
πίας δεσποτικής, idest, charitatis Domini Dei in homines; quæ duplex
est, una ad corpus hominis pertinens, altera ad animam. illa cæcis tri-
buit aspectum, paralyticis robur, quatrividuum suscitavit, &c. hæc
animam infinitis malis vexatam liberavit, & in pristinum statum ima-
ginis sue, ad quam facta erat, restituit. Populus ergo Iudeorum in
beneficia Salvatoris ingratus, invidiæ suæ prætexebat sabbati religio-
nem, accusans Dominum quod sabbato sanaret. cui Saluator tamquæ
Dominus

Ioan. 9.

Matth. 9.

Ioan. 11.

Ioan. 5.

Dominus & præceptor, Pater meus, inquit, usque modo operatur. Si enim eos, qui curationem corporis sabbato factâ calumniabantur, redarguit, docens eos ab huiusmodi operibus neq. patrem cessasse, neq. cessâre; ex hac sententia facile est intelligere, a quibus operibus cessavit, & a quibus nō. siquidem iam olim desit creare naturas; a conseruatione vero, & variâ providentia in illis, & ordine, & beneficentia non destitit, neq. desistit.

Decad. 8. cap. 8. adde hoc schol.

Quid tandem * Deus sit) Quid sit Deus nullo modo ab ulla creatura * pag. 209
 ra comprehendi potest; quod autem sit, ratione naturali comprehendi potest ex creaturis, quæ comprehensio αἰσθητὴν dicitur & est, id est sensilis. fide vero excellentius & plenius comprehenditur quod sit; quæ comprehensio a beato Basilio αἰσθητὴν vocatur, id est, intellectilis.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.

Ex scholis 2. Maximi.


Ex scholis 2. Maximi.

Post impressionem animaduersa.

| pag. | lin. | err. | corrigē. |
|------|---------------|---|---|
| 20 | in marg. | Dan. 10. | Dan. 7. |
| 22 | 34 | ἀνέπαρξες. | ἀνέπαρξες. |
| 27 | in marg. | lege. Centuria 2. c. 47. in mss. defunt &c. | |
| 38 | 28 | affirmationes seuero | affirmationes vero |
| 52 | 27 | siue cum quis non | neq. cum quis |
| | 28 | siue | neq. |
| 56 | 27 | Scholia. | Ex scholijs S. Maximi. |
| 60 | 3 | seriem | seriem materiariam |
| 63 | 2 | nominamus. | celebramus. |
| 64 | ult. | quatenus est nihil | quatenus est, nihil |
| 69 | 18 | Si quis | Quare si quis |
| 73 | 36 | super mundum | supra mundum |
| | 37 | supra cælestem | supra cælum |
| 74 | 16 | seriem | expositionem materiariā |
| 75 | 10 | seriem | materiariā expositionem, |
| 76 | 10 | cælestem | cælum |
| 78 | 26 | διεπαρχικὸς | διεπαρχικὸν |
| 79 | post lin. 33. | adde, Ex scholijs S. Maximi. | |
| 83 | 10 | Scholia. | Ex scholijs S. Maximi. |
| 90 | 17 | dele, prius | |
| | 24 | ipsum | ipsum |
| 92 | 20 | primam eam | primum esse |
| | 21 | ὡς ὅτι ἐστὶ | ὡς τὸ τί ἐστι |
| 93 | 27 | infra participationes | infra, participationes |
| 95 | 3 | τῶν | τῶν |
| 97 | 29 | omnia | omnibus |
| 99 | 22 | principaliter | principaliter |
| 108 | 2 | ex bonorum cuiq.
eorum, &c. lege. | consistunt, & custo-
diuntur, ne ex bonorum
conuenientium statione
excutiantur |
| | ult. | sermonem | rationem |
| 112 | 25 | sine habitibus | sine habentib. habitudinē |
| 118 | 37 | contextu secundum
seriem | expositione materiaria
contenti |
| 149 | 36 | initiaria | materiaria |
| 165 | 22 | effectus magis
generales | quæ magis generalia
sunt, effectus |
| 167 | 15 | dele, ijs quæ sunt | |
| 177 | 27 | vt autem bona, &c. | patet ex contextis exposi-
tione |

| | | | |
|-----|----|--|----------------------------|
| 214 | 38 | in tota | fitio materialia huius de- |
| 219 | 29 | sunt hæc, &c. | cadis; siquidem demon- |
| | | | stratum, &c. |
| | | | eadem in tota |
| | | | materia huius decadis a |
| | | | Theologis exposita est, cū |
| 241 | 8 | fic legas. Essentia est de essentia, quia filius, qui | |
| | | est essentia, est de patre, qui est eadem essentia diuina. | |
| 264 | 17 | initiaria | materiaria |
| 304 | 6 | tamquam principia | secundum expositionem |
| | | | materiam |

*Leniora menda iudicio prudentis lectoris
corrigenda relinquimus.*



REGESTVM.

† ABCDEFGHIKLMNOPQRSTVXYZ
Aa Bb Cc Dd Ee Ff Gg Hh Ii Kk Ll Mm Nn Oo Pp Qq

Omnes sunt duerniones.



R O M A E,
Excudebat Franciscus Zanettus
Anno M. D. LXXXI.

...
...
...
...
...
...
...
...
...
...

...
...
...
...
...
...
...
...
...
...

...
...

...

REGISTVM.

Aa Bb Cc Dd Ee Ff Gg Hh Ii Kk Ll Mm Nn Oo Pp Qq
Rr Ss Tt Uu Vv Xx Yy Zz

Omnes sunt ducentiones.




...
...
...

2.6.355 Z

2.6.355

313



2.6.355

315

005647150

